

Динвар Обиджон
Урдиклер

хажвия,
ҳанномалар



Ташкент
„Ёш гвардия“
1990г.

0 — 14

ОБИДЖОН, АНВАР.

Дардингни стадионда айт: Ҳажвиявий ҳикоялар.— Т.: Ёш гвардия, 1990.— 2086.


Шарқнинг бир доно ҳукмдори «мен ҳалқнинг қаҳридан кўра мазахлашларидан кўпроқ қўрқаман», деган экан. Беаёв масхараловчи кулги жамиятимиздаги турли нуқсонларни йўқотишда бизга кўмаклашувчи қудратли кучdir. Бундан ташқари, дардни кўпинча кулги билан ёнгичига ўрганганди сабри метин ўзбек дилини яшнатувчи ҳангомаларга ҳам азалдан ўта ташна.

Анвар Обиджон ушбу китобга жамлаган асарларида ҳалқининг апа шу икки хислатини чукур ҳис қилгани яққол сеалиб туради.

Абиджан, Анвар. Земляне: Юмористические рассказы.

Уз2

19950
10 - 295 Н Уз2
20/11/52 0-14



A 470257020—45
356(04)—90 19—90

ISBN 5—633—00398—5

© Анвар Обиджон. Ерликлар, 1990

ПОДР.

ପାତ୍ରମହିଳା କାନ୍ଦିଲା ଅଳ୍ପ



МАДАНИЙ ЗЎРАВОНЛИК

Ҳушёрхонага тушмаслигим ҳам мумкин эди, тил қурғур панд берди. Йўл четида гаплашиб турган иккита милисани кўриб, мен учун гўё вақтнинг аҳамияти бордек, соат неча бўлганини сўрадим. Ўн икки, деб бепарво жавоб қилди биттаси. «Тунги ўн иккими, кундузгими?» деганимдан кейин улар менга алоҳида эътибор билан тикилишди. Бир пайт қарабсизи, икки қўлтиқда икки тирковуч билан оёгим ерга тегмай кетиб боряпман. Энди буёги — «Фаргона тонг отгунча...»

Бахтимга ҳушёрхонадаги сув қувурлари таъмирлаётган экан, мени чўмилтириб ўтирасдан, тўғри ётоққа олиб киришди. Навбатчи: «Анови олтинчи кароватга ағдарил», деб четдаги бўш жойни кўрсатди.

— Мўмай иштараф олишни биласанлар, — деб навбатчига зарда қилдим мен. — Алоҳида хона беринглар.

Навбатчи индамасдан ташқарига чиқиб, эшикни шарақлатиб ёпди. Тўртинчи каравотдаги мешқориннинг хуррагидан қулоқ батанг бўлганича гандираклаб бориб, ўзимни каравотга ташладим. Шу пайт биқинимдаги бешинчи каравотдан момақалдироқдек овоз янгради:

— Ҳов, умрингда кўрпа кўрганимисан? Оёқни ёстиққа узатдинг-ку, палид.

Чап кўзимни қия очиб қарасам, районимизнинг энг обрўли пиёнистаси Юнус-градус рўпарамда ёнбошлаб ётибди, кайфим ёзилиб кетди. Гавдамни аранг кўтариб, илжайганимча унга қўл чўздим. У кафтимни қаттиқ тутамлаб, кутилмаганда мени ўзига тортди.

— Кечадан бери бошоғриққа даво тополмай ётибман, — деди у ёқамдан гижимлаб. — Қани оғизни оч, ҳидлаб бир хуморности қилайлик.

Юнус-градус булгор қалампирига ўҳшаш бурнини оғзимга тиққудек бўлиб, устма-уст чуқур нафас олди. Ҳар нафас олганда чеҳраси бир шамдан ёришиб борди. Ниҳоят ёқамни қўйиб юбориб, ҳузур қилганича пича сархушнамо тебраниб турди.

— Оҳ, оҳ, оҳ! Свежий экансан!

— Охирги юз элликтани отганимга ҳали ярим соат бўлгани йўқ, — дея фахрланиб жавоб қилдим мен.

Яна нимадир демоқчи эдим, тўртинчи каравотдаги хурракбоз уйқусираб, эрсак-терсак алжирашга тушди:

— Алдама! Биламан, ўйнашинг бор! Ё бир сўм бер, ё уч талоқсан!

Юнус-градуснинг қўллари асабий титраб, тишлари гижирлади. Оғир гавдасини бесўнақай юмалатиб, нариги ёқса ўгирилди-да, хурракбознинг курагини мўлжаллаб мушт туширди.

— Мана сенга «уч талоқ!»

Хурракбоз қашқирнамо чўзиқ гингшиб қўйди-ю, уйғонмади. Мен фурсатдан фойдаланиб, секингина кўрпа орасига кирдим, «балодан ҳазар», дея бошимни буркаб олдим. Юнус-градус бир зум ўзича ғудраниб ётди, кейин қироат билан шеър ўқишига тутинди:

Жаннатда ҳам ҳуру ҳам май бўлармиш,
Ҳаммаси мўл-кўлу мўмай бўлармиш.
Биз маю маъшуқни севсак арзиди,
Чунки оқибат ҳам шундай бўлармиш..

Сўнг у каравотимни қаттиқ тениб, дагадаға билан сўради:

— Ҳов, палид! Буни ким ёзганини биласанми?

Индамай ётганимдан жаҳлланиб, каравотимни энди ағдаргудек қилиб тепди:

— Билмайсанми? Шундай машҳур шоирни-я?!

«Машҳур шоир» деганини эшитиб, теада ўзимни ўнглаб олдим.

— Нега билмас эканман, — дея кўрпамдан дадил бош чиқардим мен. — Эркин Воҳидов ёзган.

Шундай дея, «...кўкси осмо-о-и ўзбеги-и-и-м», деб хониш қила бошлаган эдим, у узалиб туриб гарданимга мушт туширди.

— Мана сенга ўзбегинг!

Кейин: «Умар Ҳайёмдек зотни билмасант, ичиб нима қиласан, палид», деб бўралай кетди.

Бекордан-бекор қалтак ейиш менга жуда алам қилди. Ҳеч бўлмаганда эллик граммни талашиб ёқалашсанг бошқа гап. Ўргилдим сендақа олимдан! Ҳайёмовлар билан нима ишим бор? Мендан райондаги буфетчиларни сўра...

— Сен-чи? — энди тўртинчи каравотдаги хуррак-

бозни туртиб уйғотди Юнус-градус. — Умар Ҳайёмни биласанми?

Хурракбоз «ҳм-м, ғм-м», дея пича алаҳсираб тургач, қатъий бош тебратди:

— Йўқ! Бу ерга кўп тушганман, аммо-лекин Умар деган билан ётмаганман.

— Мана сенга Умар!

Юнус-градус хурракбозни бир зарбдаёқ каравотга михлади.

— Чаласаводлар! Маданиятсиз палидлар! — Юнус-градуснинг фигони фалакка чиқиб, ўрнидан туриб кетди, хонада ўёқдан-буёққа юра бошлади. — Умар Ҳайёмни билмаган кўр бўлади! Кўрсан иккаланг! Кўрсан! Е ёлғонми??

— Кўрман, — дея шумшайиб боқди хурракбоз.

— Тўғри, кўрман, — дедим мен ҳам чақчайиб туриб.

— Мана ҳояир кўзингни очаман! — деб қаршимга келиб ёнбошлади Юнус-градус. — Қани, Умар Ҳайёмнинг кимлигини топмай кўр-чи? Сени бери бир маданиятли қилмасдан қўймайман!

— Яна аўравонликми? Намунча хўрлайсизлар? — дея туйқус йиғлаб юбордим мен. — На гашқарида кун беришади, на ичкарида. Қани ҳақиқат?

Юнус-градус полдаги маймоқ ботинкасини олиб, аямасдан бетимга урди:

— Мана сенга ҳақиқат!

Қўзим олдида ўт чақнаб, увиллаб юбордим. Пешонамнинг пошнадаги нагал теккан жойидан шириллаб қон оқа бошлади. Қичқириқни эшишиб хонага кириб келган навбатчи нима бўлганини суриштириди.

— Пешонам-ку ўзи шўр эди, — дедим мен. — Ҳақиқатни талаб қилсам, баттардан пачоқлашди.

— Ким урди ўзи? Нима билан урди?

— Мажбурий маданиятнинг дастидан дод! — деб бақирдим мен. — Маймоқ ҳақиқатдан дод!

— Бас қилинг, гражданин! — дея иўписани бошлади навбатчи. — Нималар деб валдираялсиз? Қанақа ҳақиқат?

Тўртинчи каравотдаги хурракбоз тиржайиб туриб менинг ўрнимга жавоб қилди:

— Ве-ҳа-ҳа... Маймоқ ҳақиқат! Нағалиям бор!

МИНГ СҮМЛИК ПҮСТАК

Хотинининг яна жаги очилди-ю, юрагига санчиқ кирган Шавлаев ҳар сафаргидек күчага қочиб қутулди, яйловга қўйворилган қирчангидек бош кўтармай, сангдиранглаб бораверди. Бир пайт, туйқус бошланган гала-ғовурдан сесканиб кетиб бундоқ қарасаки, кинотеатр биқинидаги хиёбонда турибди. Кинохонанинг тўғонни эслатувчи ланг очиқ эшигидан тошиб чиқаётган томошабинлар майдонга дарёдай ёйилиб боришаپти.

Шавлаев гарқ бўлишдан чўчиғандек беихтиёр киоска сари четланаётганида, нарироқдаги каттакон афишага кўзи тушиб, бирдан афти бужмайди, таъби баттардан тирриқлапди. Шахсий ҳужжатида мулзамлик тамғаси каби бўртиб турувчи...» қаттиқ ҳайфсан берилсин», деган қора сиёҳли ёзув кўз ўнгидан чагир илондек сирғалиб ўтди.

— Товламачилар! Фирибгарлар!

Собиқ амалдорлардан эканлиги пўрим ва силлиқсошлиги-ю, бекорчи ўспириналарга қўшилиб кундузги сеансда ўралашиб юрганидан сезилиб турган ғўдаша киши гудранганча келиб, киоскадан сиёсий газеталар харид қилди. Сўнг тақирбон шеригига юзланди.

— Назорат бўшамиб кетди, — негадир қўлидаги газетанинг биринчи бетига бармоғини бигиз қилиб туриб, гапирди у. — Давлат маблағини аямай совуришапти. Шуям киноми? Бир пулга арзимайди! Бир пулга!

«Нима? Бир пулга арзимайди?» Шавлаевнинг тўсатдан зардаси қайнади, чидаб туролмади.

— Ҳей, оғайни чалиш, оғизга қараб гапиринг! Бу кинода ишлатилган битта пўстакнинг ўзи минг сўм туради.

— Минг сўм?! Битта пўстаг-а?!

...Киностудия бухгалтери ҳам пўстакнинг нархини энитиб, худди шу алфозга тушувди, яъни кўзлари косасидан отилиб чиққудек бўлиб, айнан юқоридаги жумлани чинқириқ аралаш айтган эди. Сабабини суриштиrmай туриб, намунча ваҳима қилавераркин бу одамлар?

Бухгалтер қатъий тарзда талаб қилғач, ўша куни зудлик билан касаба союз ташкилотининг йиғилиши чақирилди. Тўплангандар қисқа ахборотни эшишибок, тенгдан наъра тортиб юборишиди.

— Минг сўм?! Битта пўстаг-а?!

Кейин, мажлис ёқалашувга айланиб кетишига оз қолди.

- Нима, бизни қалака қылгани түйландингларми?
- Бүёқда план ишкал бўп турибди, шу тобда ҳазил-мазаҳга бало борми?
- Ўртоқлар, ўртоқлар! Ё Шавлаев ақлдан оаган, ё бўлмаса, буголтиримиз гирт маст.

Профком раиси мажлис ахлини тартибга солгунча анча куйиб-пишди. Бунга қадар шўрлик Шавлиевни аллақачон бир овоздан жиннига чиқариб улгуришганди. Энди эса, осойишта бир кайфиятда воқеанинг сабабини суриштиришга ўтишди. Тавба! Ишни шупдан бошлишса бўлмасмиди?

— Кейинги ана шу фильмга завхоз... кечирасизлар, културний айтганда алминистратор бўлдиму бошим ғалвадан чиқмай қолди, оғайни чалишлар, — дея сузилиб гап бошлади Шавлаев. — Бозорма-бозор ҳакиллаб юриб, Фарғона босмачиларига уч юзта парнаша тўн топиб келсан, режиссер шартта брак қилди. Бошида айтмадимки, босмачиларимизга олача беқасам кийдирамиз деб. Ундан кейин артилда ўтировлиб, қиайларга беш юзтадан ортиқ будённипка тикирдим. Туркман полкига миллий қалпоқ ахтариб Ашхободга бордим... «қалпоқ бозори қайдадур», деб. Охири, «максим» деган пулемётним ўзим ясад бердим, ўзим. Печкани карнайидан ясадим...

— Студиядаги пулемётлар-чи? — унинг сўзини бўлди ёш актёр.

— Киноларимизнинг ярмидан кўпида босмачилар минан уришаверганингдан кейин, сенларга қурол етказиб бўларканми?

— Шавлаев, — профком раиси қаламни столга тиқиллатиб, босиқ оҳангда сўз қистирди, — жуда ўтлаб кетяпмиша.

— Ганиям чандир қилвордилар-ку, — дея луқма ташлади кекса монтажчи.

Шавлаев бурпининг учидаги терларни сидириб ташлагач, кафтини рўмолчага артди.

— Югурасан, еласан, яна найти келса раҳмат дейиш ўрнига сени талон-тарож қилишади, — деди у баттардан жиг-бийрони чиқиб. — Масалан, Қизилқумда бир пой ботинкамни қаламуш поқкос еб кетди. Уч юз сўмга тушдим, оғайни чалишлар!

— Пўстак минг сўм, ботинка уч юз, — қўлини щоп

қилганича сапчиб ўрнидан турди оператор йигит. — Бу қанақаси, ўртоқлар? Майнавоачилик эви билан-да.

Шавлаев ачығланиб оёғи билан полни қаттиқ дўпиллатди:

— Охиригача эшитсанглар-чи, ахир! — оператор елка қисиб, индамай жойига ўтиргач, у бир тамшаниб олиб, давом этди. — Ўзим нима ғамда-ю, чет эллик савдогар ролида ўйнаётган артист «менда ортиқча ботинка бор, беш юз сўлкавой берасиз», деб тиржайди. Аввалига боплаб бўраладим. Кейин қарасам, аҳвол чатоқ, айни саратон пайти, атроф сахро, ер чўг бўлиб ётибди. Ярим кун савдолашиб, уни зўрга уч юз сўмга кўндиридим.

Ҳар жой-ҳар жойдан қиқир-қиқир кулги эшитила бошлади.

— Шавлаев, Шавлаев, — қаламни яна столга тиқиллатди профком раиси. — Тағин ўтлаяпмиз.

— Пўстакка қайтайлик, пўстакка, — безовта қиёфада қатъий қилиб гапирди бухгалтер.

— Пўстакми?..

Шавлаев ечинишга ечиниб қўйиб, сувга тушпига юраги бетламаётган одамдек елкалари титраганича пи-ча жимиб қолди. Ниҳоят, шалвираб туриб деди:

— Хуллас, режиссёр «пўстак топиб келасан», деб дўқ урди. Ўттизинчи йиллар эмаски, истаган хонадонингга кириб, қөрзга пўстак сўрасанг. Режиссёрга шуни айтсам, «биронта новвоснинг териси бўлса бас, ўаимиз уни қуритиб пўстак қиласиз», деди. Хўжайнининг гапи бизга қонун, минг сўмга новвос олиб, пўстини шилдик. Гўштни списат қилвориб, терини пўстакка айлантиридик, ҳаммасига ҳужжат бор, оғайни чалишлар.

...Асабий жавраниб тарқалаётган томошабинлардан бири Шавлаевнинг ҳакар конушни эслатувчи туфлисини бамайлихотир эзиб ўтаётган пайтда унинг хаёли бўлинди-ю, тўсатдан эски тутқаноғи хуруж қилиб қолди:

— Хў, бола, кўтар шиннагингни! Оёгимдаги нарса уч юз сўмга келган-а!

Силлиқсоч киши бу сафар негадир ҳайратланмади, тақирбош шеригини елкасидан туртиб, у билан зимдан кўз уриштириди.

— Кетдик. Бунда озгина камроқقا ўхшайди.

Тақирбош бир-икки қадам юриб-юрмаёқ, бидирлашни бошлаб юборди.

— Э-э, одамзотни билиб бўлмас экан. Қаранг, кўри-

нишидан соппа-соғ дейсиз. Мен галварс, пўстакни минг сўм деса, оғзим очилганича ишониб ўтирибман-а... хих-хих-хи...

- Сиз-ку энди... Мени айтмайсизми!
- Хих-хих-хи, хих-хих-хи...

1986

ХХ АСР ТАЛОНЧИЛИГИ

Шаҳри азимнинг милицияси оёқقا турди. Жиноят қидирув бўлими отпускадаги ходимларини шошилинч. чақириб олди. Милиция мактаби талабалари ҳисобига кучайтирилган автоинспекторлар жамики йўл ва йўлсимон жойлар устидан назорат ўрнатди. Дружиначиларга пахтавон ўқли қуроллар берилиб, вокзаллар, аэропортлар, бозор-гузарларга тарқатилди. Дала-дашт, кўл-дарё зоналарини кузатиш овчилар ва балиқчилар жамияти аъзоларининг зиммасига юкланди. Чет эл саёҳатида юрган тажрибали изқувар Mastonov Австралиядан, халқаро мусобақада қатнашаётган таърифи исковуч Боръка эса Жакартадан қайтариб келинди.

Mastonov одатдагидек ишни бир чеккадан, омбор қоровулини тергов қилишдан бошлади.

— Ҳовлиқилмасин, отахон, — дея қоровулнинг ҳаяжонини босишига тиришди у. — Чукур ўйлаб кўрилиб, аниқ-аниқ жавоб қилинсин. Талончининг қиёфаси?

— Турқими? Турқи совуқ! — зардали товушда сўз қотди қоровул.

— Қайтараман, ўпка босиб олинсин! — деб огоҳлантириди Mastonov. — Воеа бир бошдан гапирилсин. Елғон қўшилмасин. Ухлаб қолинган бўлса, ятирилмасин.

Охирги гапни эшитиб, қоровул терговчини жеркиб ташлади:

— Ие, вей, тик турганда қоровулхонамга зўрга сиғаман-у, ухлаб бўларканми? Буни устига тўрт-беш кундан бери қулогим оғрийди. Кечаям бемаҳалда ёмон лўқиллатди. Билдимки, доридан томизмасам тинчитмайди... Муни қаранг, начайлик, қулоқ оғриқقا энг зўр даво ёш боланинг пешоби экан. Биринчидан ўқийдиган неварам бор, кенжасидан каттаси, шу тирмизак десан-

гиз ҳар куни бизга дори етиштириб беради. Қулига битта шаколатни ушлатаману, энди жўмракни очинг, деб пивоҳ ўрлардан қолган шишани тутаман, тезда чилдиратади...

— Гап айлантирилмасин!

— Хулласи қалом, ўша дорини қўлга олганимни биламан, эшикнинг зулфи узилиб, хиром этикка ўхшаган бир гурсимос устимга бостириб кирди. Мардакдек қотиб қолдим. У индамасдан чангалимдаги шишани юлқиб, чайпаб кўрди, «Олтинчиникими?» деб сўради. Баттолни қаранг-а, олтита набирам борлигиниям биларкан. Мен тўғрисини айтдим, «бешинчиники», дедим. Шунда у дорини кўпиртириб пиёлага ағдарди, икки хўплаб, бир гўлқиллатди. Пиёламни қатронбоп қилгани етмагандек, ачитиб қўйибсан деб сўкинди. Неварам доим ёнимдамидики, дарров ачимаганидан қўйдирсам...

— Бўладигани гапирилсин! — дея тоқатсиаланди Мастонов.

Қоровул бир зум сукут сақлагач, хўрлиги келгандай лунжини бужмайтирди.

— Қўрқитди мени... Отаси тенги одамни сенсиради. «Эртага тирик юрай десанг, ҳоаирча ўлиб тур», деди. Қўрпачамга чалқанча узалиб, кўзга қулф солдим, оёқ-қўлимни мурдадек шалвиратдим... Ўлганимдан кейинги ишларимни билмайман, начайлик.

Мастонов ғаладондан болишдек альбом олиб, қоровулнинг ёнига ўтиб ўтирди. Суратдигилар орасида ўша қароқчининг бор-йўқлигини аниқлаш ниятида саҳифаларни шопимасдан варақлашга киришди.

— Ие, вей, манавиниси обшепитимиэнинг бошлиғи-ку! — дея альбомни ўзининг олдига сурди қоровул. — Ётиб чиққанми?

Мастонов индамади. Қоровул бошмалдогига тупуриб, альбомни пайпаслай кетди. Ўртароқдаги саҳифалардан бирида яна тўхталиб: «Ие, вей, шу жувон ҳам ўгрими?» деб сўради. Мастонов «йўқ» дегандек боштебратди.

— Олиб сотарми?

— Олмай сотар, — сирли жилмайди Мастонов.

Қоровул гапнинг тагига етиб, суратга суқланди.

— Оти нима? Қаерда туради ўзи?

Мастонов юзини ўгириб, чуқур хўрсинди. Қоровул альбомни титкилашда давом этди. Ниҳоят суратлардан бирига титроқ бармогини босиб: «Мана! Мана шу!»

деди. Энди Мастоновнинг ўзи туйқус ҳаяжонланиб кетди.

— Яхшилаб қаралсин... Адашилмасин, отахон, адашилмасин.

— Алласам қаломулло урсин, начайлик.

Қоровул кетиши биланоқ Мастонов темир жавонданги қоғозларни ағдар-тўйтар қилиб, зарур папкани тоиди, айrim саҳифаларни дикқат бериб кўздан кечиргач, телефон паррагини гилдиратди.

— Саломат бўлинсин, ўртоқ полковник. Мастоновман... Шахсан шубҳа қилганимдек, омбор масаласи «Қорабуқа» лақабли номдор талончига бориб тақаляпти. Лаббай? Делоси қўлимда турибди. Жуда пихини ёрганлардан. Уч ёшида энаси сочига осиб юрадиган кумуш тангани ўмариб, «шара-бара» чидан сурнай олган. Иккинчи синфда «Аълоцилар ҳурмат тахтаси»ни, учинчи синфда Авлонийнинг портретини, бешинчи синфда Макаренконинг бюстини ўғирлаган. Уйда ўтин йўқ деган баҳона билан бир неча партани гумдон қилишда айбланиб, еттинчи синфда мактабдан ҳайдалган. 1951 йилда Н-қисмга қарашли «Т — 34» танкини олиб қочиб, бозорда харидор ахтариб турганда қўлга тушган. 1960 йилда омонат кассани, 1973 йилда тилла магазинни талаган. Бундан ўн бир ой бурун охирги жаазо муддатини ўтаб чиқиб, ҳеч қандай касб-кори бўлмагани учун савдо растасида кооператив туалет очган. Навбатдаги жиноятга қўл ургунга қадар мазкур туалет директорлиги лавозимида уалуксиз ишлаб келган...

Кўп ўтмай, «Омбор операцияси»да иштирок этажтганларга маҳсус пакетчалар жўнатилди: «Барча постлар диққатига! Икс кварталдаги игрек омборни «Қорабуқа» лақабли ашаддий қаллоб талагани маълум бўлди. Унинг ташқи қиёфаси: барзанги. Япалоқ юзида иккита кўз, биттадан бурун ва оғиз жойлапшган. Афти қорача, бироқ бетига упа суртиб олиш эҳтимоли бор. Алоҳида белгиси: қизил рангни кўрганда асабий гудранади. Беҳад уддабурон — автомашинани иккита гилдиракда ҳайдай олади, сувда оқимга қарши минутига уч ярим мил тезликда сузади, оддий зонтикка ишониб самолётдан сакраши мумкин, оғзидағи носни беш қадам наридаги рақибнинг кўзига бехато тушуради. Қўлга олишда катта эҳтиёткорлик зарур. Жиноятчнинг фотосурати «Тавсиянома»га илова қилинмоқда».

Иақуварларнинг «ғиз-ғиз»и кучайган сайин, оломон ўртасидаги «миш-миш» ҳам авжга минаётганди.

— Қоровул чордоқда экан. Пулемёт отиб, ўғрига теккизолмабди.

— Ҳе, аттанг, гранатаси бўлганда-ку... Бунақа ноёб мол сақланадиган омбор қоровулига граната бериш керак, ўртоқлар.

— Йирик бандитлар ҳозир ҳам бор экан-да, а?

— Ӯв, яхшилар, ўзи нима гап?

— Во, ҳалиям ғафлатдамилар? Эшитмадингизми, «Шира-ширғоқ» универсмагининг омборига томтешар тушибди. Илғорларга рўйхат билан бериладиган шакардан бир қопини пақкос уриб кетганишиш-а!..

ЕЗУВЧИДАН ҚЎШИМЧА: магазинларда шакар тиқилиб ётадиган кун балки яқиндир. Аммо бу, ўшанда сатиранинг ҳам куни битади, дегани эмас.

1988

ДАРДИНГНИ СТАДИОНДА АЙТ

Судьянинг асабини эговлаш учун эндиғина ҳуштак чалмоқчи бўп турувдим, стадион диктори бошини тандирга тиқиб олгандек пўнғиллаб гап бошлади. Қулоқни динг қилдим. У рақиблар командасини танишириб келиб, «бешинчи номерда — Камол Каппонов» деса бўладими. Шу заҳоти феълим айниди.

Гап шундаки, ишхонамизадаям Камол Каппонов деган ўлакса бор. Бўлим мудиримиз бўлади. Қарангки, йигирма йилдан бери иккаламиз ит-мушукмиз-да.

Хуллас, фамилияси зълон қилинган пайтдан бошлаб бешинчи номерли ўйинчини ўлгудек ёмон кўриб қолдим.

— Хаш сеними, Камол Каппонов! — дея мушт дўлайиб бақирдим мен. — Ўргилдим ўша турхатингдан!

Бақирдим-у, худди бўлим мудиримизни кўпчиликниш ичида ҳақорат қилгандек кўнглим яшиаб кетди.

— Ҳў, Каппонов! — яна баҳри-дилим очилиб қичқирдим мен. — Кеккайиши сенга ким қўйибди? Ҳе, сўтак!

Шунда ёнимдаги суратдор кўйлакли ўспирин менга ўғирилиб: «Намунча Каппононга ёпишиб олдингиз, ака, у бечорага ҳали тўп теккани йўқ-ку», деб қолди.

— Камол Каппоновнинг кимлигини биласанми ўзинг? — бошқалар ҳам эшитсин деб жўрттага баланд товушда гапирдим мен. — Жудаям абраҳ одам у. Писмайиб туриб, шартта оёқдан чалади.

Бу гапни эспитиб, атрофда ўтирганлар бешинчи номерли ўйинчига ола-кула қараб қўйишиди.

Шу пайт қанот ҳужумчимиш Шокиров тўп билан олдинга интилди. Стадионда яна «ҳая-ҳая» бошланди. «Ҳайда, хўроз», «Теп гумбиллатиб», деган қийқириқлар эшитилди. Шокиров жарима майдонига яқинлашиб қолган вақтда Каппонов бало-қазодек етиб келиб, унинг оёғи остига ташланди-ю, йиқилаётib тўпни майдондан ташқарига тениб юборди. Бу мен учун айни муддао бўлди. Теваракдагиларни бешинчи номерли ўйинчига қарши қайрашни авж олдирдим:

— Кўрдиларингми абраҳликни? Ана сиэларга Каппонов! Агар Шокиров эпчиллик қилмагандан, аллақачон оёғига тепки еган бўларди.

Ёнимда ўтирган суратдор кўйлакли ўспирин қўлини оғзиға карнай қилиб, ғижинганича чийиллади:

— Кўзингга қараб ўйна, Каппонов!

Үер-буердан: «Ўпкангни босиб ол, Каппонов», «Орқангдаги номеринг тушиб қолмасин, ҳумпар», деган товушлар эшитилди. Мен бўлим мудиirimizning ўдағайловчи башарасини кўз олдимга келтириб: «Сендан қўрқадиган аҳмоқ йўқ, Камол Каппонов» деб бақирдим.

Шокиров — командамизнинг Пелеси. Унинг тўп урмасдан ўйиндан чиқиб кетганини ҳали ҳеч ким кўрмаган. Бомбардирни қўриқлаш Каппоновга топширилган бўлса керак, эркатой ҳужумчимишга сира кун бермай қўйди. Бир сафар ундан тўп олаётib, ҳатто елкасидан сал туртиб юборди. Бўлим мудиirimiz ҳам мени мана шунақа пинҳона турткиласани турткиласан.

— Дод Каппоновдан! — деб шовқин солдим мен. — Бу зўравонни тергаб қўядиган одам топиладими ўай?

Стадионда ҳуштакбозлик бошланди. Шокиров шундагина ўзига нисбатан қўполллик қилинганини сезиб, судьяга ҳўмрайганича ерга бир туфлаб қўйди.

— Мунча куюкасан, ука, — хўрлигим келиб, Шокировга нидо қилдим мен. — Дунёда ҳақиқат бор деб ўйловдингми ҳали? Ҳақиқат бўлса, Камол Каппоновга ўхшаганлар бизни оёқости қилиб юрмаган бўларди.

Атрофдан: «Каппоновни ҳайдаш керак», «Абраҳ

экансан, Каппонов», деган товушлар эшитилди. Менинг наазаримда юзлаб азamat йигит бўлим мудиримиининг пўстагини қоқишига тайёр тургандек кўринди.

Тарафдорларим минут сайин кўпайиб бориб, биринчи тайм охирлаб қолган пайтда бутун стадион Каппоновнинг ашаддий душманига айланди. Ҳар томондан уни таҳқирловчи сўзлар эшитила бошлади. Бу ҳол судьяга ҳам таъсир қилиб, арзимаган нарса учун футболчи Каппоновга сариқ карточка кўрсатди.

Енимдаги суратдор кўйлакли ўспирин бундан ўзида йўқ хурсанд бўп кетиб, қўлларини бир-бирига ишқалаб қўйди. «Қалайсан энди, Каппонов?» деб чи-йиллади у. Судьянинг шанига қаратилган гулдурос қарсаклар янгради. Нариги трибунадан: «Каппоновнинг думи туғилсин», деган хитоб эшитилган чоғда, ниҳоят қатъий талаб билан чиқиш пайти келганлитини англадим.

— Фаламисларга орамизда ўрин йўқ! — деб ҳайқирдим мен. — Йўқолсин Камол Каппонов!!!

Шу пайт «бари бир нияtingга етолмайсан, иблис», деган ҳирқироқ товуш чалинди қулогимга. Мундок қарасам, орқадаги қаторда гезарганича бўлим мудиримия Камол Каппонов ўтирибди.

1977

НИШОН БУҚОҚ ВА РИТМИК ГИМНАСТИКА

Телевизор янги чиқсан даврларда Ҳабил кўкнорининг ҳужрасига йигилиб, пул тўлаб томоша кўрадик. Камхаржлар бир ҳовуч майиз ёки уч-тўрт калла новвот олиб киришарди. Ойнаи жаҳоннинг қулоги буралса, дўст-душманни ажратмай жилмаядиган бир жувон «ассалому алайкум»лаб чиқиб, ортиқча жалангламасдан гап бошларди. Қейин қарабисики, Маъмуржон оға ли-кобчани ушлаб: «Бу куйган юракларни яна ёндиранми», деб турибди-да.

Лезгинча этигимга беш-олти ямоқ тушиб улгурмай, замона икки юмаланиб, энди биз тугул Мирзақанд пиённинг томигаям антийна қўнди. Аммо, пашмак кўпайса маза камаяр, деганларидек, томошаларнинг тобора бурум кетиб бор-ти. Кинодагиларнинг тайёр

лўппи юз турганда оғиздан ўпид аҳмоқгарчилик қилишям, депутатларнинг кимошдига мақтанишиям, дунё ахборотчиларининг серваҳималигиям бир нав. Энг ёмони — гади-ғуди куй чалиб, саҳардан пешингача пескултура (кулманг, сизнинг шевангизда балки фескултурадир, ё бескултурадир) кўрсатадиган бўлишди. Қанийди, телевизёр гугурт баҳосида бўлса-ю, шунақада ҳар куни биттасини пачоқлаб, хумордан чиқсанг. Рақсга тушгинг келган экан, «шалтай-палтай»га иргишлагунча, опоқ отангдан қолган «у ёнингга ташлаб ўйна, бу ёнингга ташлаб ўйна»га йўргаламайсанми, лодон. Эсизгина Мукаррамахоним!

Эл олдига чалаялонгоч чиқибдики, бу пескултурачи қизларнинг шайтонга муридлиги бор, десам, гапимни мазах қилишарди. Охири фолчига айланиб турибманку: тунов кунги кўрсатув маҳали «бир» деганда хонада турган ўпа қизлар «икки» деганда майсазорда, «уч» деганда — дарёning бўйида, «тўрт» деганда мармар саройининг томида пайдо бўлишди. Шунақада юракдан чиқариб «беш» деворсанг, биронтаси тиззангга келиб қўнишдан ҳам тоймайди.

Тахминдан таёқ ясадбайтганда, теливизёрчиларнинг орасида ҳукumatнинг ғанимлари борми дейманда. Айни тирсиллаб турган қизларга шундай доруломонда битта лозим топиб беролмаслик хориж олдида юртимизни беобру қилмайдими? Райкомнииг кўзи қаёқда ўзи?

Баъзан бошқа нарсани ўйлаб қоламан — шуларни ям уйида тергайдигани бормикан, деб. Отаку қизга яримбегона. Ҳамма айб онада, бунақа «репим-репим» қизни шартта уйга қамаб, балдоқласининг тагига икки шапати тортиб, намозга ўргатсин — кунига беш маҳал пескултурами!

Яна буларнинг орасида ўсиринлар ўралашганига ўлайми. Баски чиқибсан, оёқчаларнинг орасидан мўралаб юрмай, дақан-дақан бўлиб олдинга ўт, турмаксочларни соянгга кўмвор. Туришипг шу бўлса, қайси либоқ таққан ота эртага сенга қизини бериб қўяркан?

Энг галатиси — ўйин тугани биланоқ ҳаммаси билагини чангллаб, девордаги соатга тикилишади. «Бир, икки», деб турадиган ўша кўринимас одам «ёшлиарники кўпроқ, қариларники камроқ уради», деганга ўхшаш гапларни айтиб, аллабалоларни ҳисоб-китоб қилишга тушади.

Э, суф-е! Яхшиямки Ҳабил кўниори вақтида ўлиб

кетди. Тирик бўлганда, телевизурдаги бугунги тўплонларни кўриб, кунига ўн марта шайтонлаб ийқиларди.

Ишқилиб булар, куюнтириб-куюнтириб, охири меням бошимга етишмаса гўрга эди... Э, суф-е!

1989

ОШҚОВОҚСИЗ САТИРА

Бутун бопли шаҳарда мижозимга ўтирадиган ягона ошхона шу. Биринчидан, очик ҳавода овқатланаман, иккинчидан, ошқовоқсомса фақат шу ерда ёнилади. Ошқовоқ менинг жон-дилим. Айтишларича, болалигим-дайёқ эндигина хамаклаётган кадини маммага ўхшатиб, сўрганим-сўрган экан...

Иссик ошқовоқсомсаларни одатдагидек четдаги уч оёқли столга ёйиб, «эмис»ни бошламоқчи бўлувдимки, тепадан «Қағ-ғ!» этган товуш эшитилди. Мундоқ қарасам, конверт чангллаган бир қарға бошимда шақилдоқдек айланиб турибди. «Кишт!» дедим. Қарға эса қочиш ўрнига бехос пастга шўнгиди, хатни столга ташлади-ю, сомсалардан бирини чангллаганича яна осмонга кўтарилидди. «Илойим, кекирдагингдан тешиб чиқсан!» деб қичқирдим «почтачи»нинг ортидан.

Конвертни олиб қарасам, устига: «Ошқовоқхона, четдаги уч оёқли стол, Маматвали Шампановга», деб ёзилибди.

Э, chalасавод! «Шанбанов»ни «Шампанов» дебди. «Шанбан»нинг «Шанба»дан келиб чиққаниниям билмайди.

Сомсадан бир тишлаб қўйиб, хатни очдим. Сочиқдек қоғозда тўрттагина сўз: «Маматвали ошқовоқ — сатирагирига-тирикчилик».

На имзо бор, на хайр-маъзур. Аммо муаллифи шундоққина тирногимнинг устида турибди, шубҳасиз бу ўша писмиқ сатирачининг иши, ўша провокатор ёзган буни. Асарини янчиганимда айрим касбдошларим: «Бекорга овора бўпсан, сендақаларнинг танқидига пинаганиям бузмайди», дейишганди. Алам қипти-ку!

Шу десангиз, отам аскиячи зотини солиқчидан ҳам ёмон кўрарди, «хиринглашиб ўтиргунча, сигирга бир қучоқ ўт юлиб берсанг, рўзгорга ярим коса, бозорга

ишки коса қатиқ қўшилади», дерди. Мениям сатирикларни кўргани қўзим йўқ. Буёқда вагон-вагон масалалар ҳал бўлмай ётибди. Ҳажвчилар бўлса, ҳануз «хихи-хи», «хо-хо-хо», «ва-ха-ха...»

Мана, биттасининг ёагани: «Бу одам ёстиққа оёғини эмас, бошини қўйиб ухлаши, шўрвадаги нарамни аввал қўлида олиб, сўнг қошиққа солиши билан эмас, қошиқни тўғридан-тўғри косага ботириши билан бошқалардан кескин фарқ қиласа-да, ҳануз жиннихонада даволаняпти. Чунки у мудом ўша саволни такрорлагани-такрорлаган: «Кимё заводининг мўрисини қачон судга берамиз?!»

Бунинг нимаси кулгили? Езувчи бизга нима демоқчи? Мўрини «қора курси»га судрашга уринаётган одамнинг соппа-соғлигига халқни ишонтироқчими? Ишонтирганда ҳам, шу куладиган гапми? Жудаям одамларни кулдиргинг келган бўлса, ана, лоақол Бароқ Исрофилга ўхшаб қўрқмасдан чайқовчиларни мазахла, давлатга бир тийин фойда келтирмайдиган семичкафурушларни фош қил. Мўрига бало борми?! Э, ўргилдим ҳакалтаёқли сатирангдан!

Ўзимга қолса, бунақа субутсиз жанрга бош тиқиб, илмимни хор қилиб юрмасдим. На илож, устознинг раъйига қараб...

Бир куни устозникида ўтириб қолдик. Орада десангиз нозиккина идоранинг нозиккина вакили ҳам бор — кўринишидан мушукдек мулойим, аммо гаплари йўлтўсарнинг мушти сингари лўнда-лўнда.

Устоз мени азалдан яхши кўради, боиси — бирон марта кўзига тик боқдан эмасман. Бу сафар ҳам меҳри товланиб, меҳмонга боримни борича мақташга тушди: танқидчилигимизнинг эртанги юлдузи, калласи нақ билимнинг уяси, энг муҳими — ниҳоятда жасур, таъбига ёқмаган ёки сиз билан биага ўхшаш китобхоннинг ихлосини қозонмаган асарларни тап тортмай савалаб ташлайди, деди. Шу йўсин гап қозонида адабиётни қонуравердик. Бир пайт «жаз» этиб, капгирга сатира илинди. Устоз кўзимга маънодор боқдан эди, «биласизку, бунақа жанрга азалдан тоқатим йўқ», дедим.

— Ижтимоий тараққиётнинг ҳозирги босқичида биз универсал бўлишимиз керак, — деди устоз. — Акс ҳолда сиз.. айтайлик, мен ҳам четга сурилиб қолишимиз мумкин.

Юрагим бир жизиллаб қўйди.

Шундан кейин устоз муқоваси рангпарроқ китобни олиб, эрмакка варақлаган бўлди.

— Қарангки, мана шуям сатирамиш, — деди у китобни менга узатиб. — Ўқиб чиқдим... Ҳеч нима тушунмадим... Фирт топишмоқ! Бир қишлоқи бола пойтахтга келибди, на иш, на бошпана, на ўзбекчиликни тополмай, яна қайтиб кетибди.

— Ў! — деда сипо жилмайди меҳмон. — Шу замонда-я? Бизнинг жамиятдами?

Устоз уни маъқуллаб, бош қимирантди:

— Ҳамма гап шунда-да. Шу типик ҳодисами?

— Кам бўлманглар-е! — деда мийигида кулди меҳмон. — Адабиёт шу даражага тушган бўлса, адабиётшунослик олдинроқ тугаб битган экан-да.

— Биламан, анчадан бери матбуотда кўринолмай юрибсиз, — деди устоз менга боқиб. — Шунга бир фикр билдиরвонинг... кўпчиликка аралаштириб бўлсаем... Босилишига ёрдам берамиз. Қолаверса, сизгаям тирикчилик дегандек...

Меҳмон ўша мулойим оҳангда яна гап қистирди.

— Бу авторнинг ижодидан анча узоқман. Лекин, айтишларича, тили сал уаунроқмиш. Бир жойда ҳатто танқидчиларни айтсан? Бу қўйиб берса дейман... Уният курагини эзив қўядиганлар бордир?

Хуллас, курагини ўзим эзив қўяқолдим. Мана, энди типирчилаяпти.

Буям ҳолва, устоғинам омон бўлса, ҳали бошқа шогирдларини ҳам ишга солади. Оралатиб туриб, биттадан чўқиганимиздаем...

Умуман, номи сатирачи бўлса, ҳаммасининг бурнини гиштга ишқаш керак. Ҳажга борганинг савоби тегади. Шуларнинг дастидан туппа-тузук хотиним айниди-қолди — ҳажвий китобни очволиб, қиқирлагани-қиқирлаган. Бугун уйда қиқирлади, кейин ишхонада... кейин қўчада... Буёқда бир совет оиласига соvuқчилик туширгани етмагандек, яна қаргадан имзосиз хат жўнатишади, пешонангга лақаб ёпиштирмоқчи бўлишади — «плюс ошқовоқ» деб...

— Ҳа, айтгандай... ҳў, акахон, ошқовоқсомсадан, қолдими? Яна битта узинг. Сатирачиларнинг учма айғоқчиси ризқимни қийиб кетса бўладими...

РЕСТОРАНДА ТАНИШГАНЛАР

- Қаерликсан, оғайни?
 - Эшонгузарда турман.
 - Ие, балки поччамни танирсан?
 - Опанг Эшонгузарга тушганими?
 - Йўқ, синглим. Исми Холиниса.
 - Холиниса дедингми? Тўхта, тўхта, ҳалиги ҳиндужамол жувон сени синглинг бўлмасин тагин? Қопилари туташ. Ўртасида оғатижон хол. Топдимми?
 - Ҳм...
 - Юзлари лўппигина... Бодомқовоқ...
 - Ҳа, энди...
 - Калтабақай. Сочлари тақимини ўпиб туради.
- Кўзлари шаҳло. Топдимми?
- Шу гапларни менга гапиришингни қара-я...
 - Артелда ишлайдими ахир?
 - Худди ўша. Биларкансан-ку.
 - Нега билмайин? У ҳар куни ишга кетаётиб ҳам, ишдан қайтаётиб ҳам дўконимнинг ёнидан оққушдай сузиб ўтади. Мана бундай қилиб...
 - Э, ўтире! Ҳаммага томоша бўляпсан... Хуллас, поччамни учратиб қолсанг, унга мендан салом айтиб қўй. Хўпми?
 - Қизиқ одам экансан-ку. Поччангни умримда кўрмаган бўлсам, қандай қилиб салом айтаман?

1978

ШУМҚАДАМ

Олиймақом идоранинг нуфузли раҳбариятига етиб маълум бўлсинким, ушбу огоҳлантирувчи саломномани халқнинг ишончли фарзанди, кекса большевикнинг яқин қариндошидан деб фаҳмлагайсиз.

Биламан, ҳозирга келиб имзосиз хатларни текшириш афсуски русумдан чиқди. Шунга қарамай, мазкур муҳим хужжат билан чуқур танишиб, ундаги бебаҳо ашёларни ҳеч бўлмаса ичга туғиб қўйишингизни истаб қоламан.

«Оғиз-қулоқ агентлиги» тарқатган гапларга қарандан, Дазмолов министрлик лавозимига тасдиқланиш арафасида турибди эмиш. Дарҳол бу фалокатнинг олдини олган маъқул. Шундай дейишга етарли асосларим бор.

Дазмоловни жуда яхши танийман, битта маҳалладанмиз. У, қишлоғимиздаги кекса чинор белидан чүрт узилиб, обком вакили ўтирган алтамабилни таппа эзиб тушиган хосиятсиз кунда туғилған. Ўшанда бу воқеаларнинг бир-бирига шундоққина мос тушиб қолганига эътибор бериб ўтиргмаган эдим. Аммо қасофатманд бола биринчи марта мактабга борганида юртимизда бараварига иккита Социалистик Меҳнат Қаҳрамони вафот этгач, бирдан сергак тортдим. Балки сиз буниям тасодиф дерсиз? Унда, Дазмолов шионерга қабул қилинган куни Американинг «Боинг» типидаги самолёти Типч океан устида гойиб бўлгани-чи?

Еки армияга жўнатилишини олайлик — у ҳарбий эшелонга чиқиб улгурмай, Грециядаги «қора полковник»лар қонуний хукуматни ағдариб ташлаши.

Полк, дивизия миқёсида қандай кулфатлар келтирганидан бехабарман, лекин хизматдан қайтгач, станциядаги заводга слесарь бўлиб расмийлашди-ю, орадан тўрт соат ўтмай, район ўт ўчирувчиларининг япяниги биноси ёниб кетди. У сиртдан ўқишга ўтганини «ювиб», шайкаси билан наҳоргача bemazagarchiliklar қилган куни эса Исройл Мисрга бостириб кирди.

Хатто шулардан кейин ҳам бу ҳол ҳеч бир маҳкамани ташвишга солмади. Турғунлик даврининг асосий иллатларидан ҳисоблашган ўта боқибегамлик, атрофлича ўрганимасдан туриб кадр таинлайвериш оқибатида Дазмолон аввалига мастер ёрдамчиси, кейинчалик мастер, кўп ўтмай инженерлик курсиларига ўтирибди. Ана шундай кўр-кўронга силжитишларнинг ҳар бири бизга ниҳоятда қимматга тушиб, биринчисида — Газлида зилзила содир бўлди, иккинчисида — қардош Гренадани қўлдан бой бердик, учинчисида — Мексикада дунпадуруст ўйин кўрсатиб турган футболчиларимиз шаналоқдек Бельгия мамлакати командасига ютқизиб қўйиши.

Африкадаги қайсиdir президентнинг итини сўл террорчилар отиб кетишгани, натижада республика бўйича бир ҳафталик мотам эълон қилингани эсингиздадир? Бу воқеа Даэмоловнинг айни директор этиб тайинланишига тўғри келганига нима дейсиз?

У нобакор облисполком раисининг муовини бўлиб тасдиқланганида юрагим безиллаб, эрталабгача ухламай чиқдим. Бу сафар ҳам янгишмаган эканман: совет радиоси каллаи саҳардаёқ эълон қилидики, Японияда

қаттиқ довул туриб, пассажир поездини кўприкдан учирив юборибди. Анча қурбон берилганининг асл сабабини Франс прессга сал шипшитгудек бўлсан, япон йигитлари ёпирилиб келиб Даэмоловният, уни ишга тайинлаганларният каратэ қилворишмасми?

Юқоридагилардан хулоса чиқариб айтсак, халқаро ваяят зўрга юмшатилаётган бир пайтда бу ашаддий шумқадамни жойидан қўзғатиб, яна бир балони бошлиш шартмиқан? Сизларни босиқликка, сиёсий ҳушёрликка чақираман, ўртоқлар. Пухта ўйлаб иш кўринг, яъни олдингиизда турган икки йўлдан бирини танланг — ё қайта қуриш, ё Даэмолов!

1988

ҚАЙДАСАН, МИЛИЦИЯ?

— Халқ пособнларига салом! Қайси бирингиз бошлиқсиз?

— Мен...

— Каминалари шоир. Якинда китобим чиқади. Иш жойимда ҳурматим яхши.

— Хизмат?

— Бу қандай гап, ўртоқлар? Мен сурункали сукунатга ташна одамман. У бўлса, тоҳ телевизорни шангиллатади, тоҳ пластинка қўяди. Бас энди, десанг, балога қоласан. Урай десам...

— Гражданин, иложи бўлса қизишмасдан гапирсангиз.

— Қизишмай бўладими, оғайнилар. Тиржайиб гапириш учун одам деганда тонгдек сокин асаб бўлиши керак. Менинг каллам болалар ўйнайдиган шилдироққа ўхшаб қолган. Гапнинг қисқаси, барогим айниб турибди. Асабим чатоқ!

— Гражданин...

— Бугун ишдан келиб билдимки, у энди магнитофон олибди. Хуллас, ногорага карнай қўшилди. Ҳозир бирга боришимиз ҳам мумкин. Ҳалиям бўкиртириб ўтиргандир хумпар... Ҳой, менга қаранглар, осойишталик пособнлари, агарда...

— Гражданин шоир...

— Сизларни огоҳлантириб қўяй, агар уни тартибга чақириш қўлларингдан келмаса, ўзим кескин чоралар

қўллашга мажбур бўламан. Тарсаки билан мана бунақасига...

— Ҳурматли гражданин! Ўртоқ шоир! Ўзингизни босинг. Биласизку, кўпқаватли уйларда доим аҳвол шу. Қани, қани, креслога ўтиринг-чи. Ҳа, иш деган мана бундай бўпти. Ана энди бир бошдан гапиринг. Безорининг фамилияси?

— Санталатхоним Ибаева.

— Ие, у... аёлми?

— Тўрт болали кап-катта хотин.

— Ҳм... уйи, квартираси?

— Бешинчи уй, тўртинчи квартира.

— Жуда соз. Энди ўзингизнинг фамилиянгиз билан адресингизни айтинг.

— Ўзимникиям шу. Ўша дарди бедаво... хотиним бўлади.

1978

ТУТУНФУРУШ

Мани биласиз, ака, дўппим тушиб кетса биронтасига беш сўм бериб ердан олдирадиган йигитларданман. Гастранўм мудирининг жияни деган номим бор. Мана, касби ҳалолимни кўриб турибсиз — тратуварнинг четига ўрнашволиб, кунига бир яшик «Родопи» сотаман. Молия агенти пачакилашмай турса, кам деганда йигирма сўм «ебкетди» қолади. Мендан бўладиган харажат — тогамнинг рўзгорига гўшт ташишу, бир-икки сўмни участкавойга қистирвориш, холос.

Анави пирсиён маҳаллада бир студентка туради. Нима, мани еб қўярмидинг, дегандек ҳар куни ёнимдан безрайиб ўтиб кетади денг. Тантилигимиз қўзиб, ўшанга кўнглимиз кетибди-ю, у калтасоч ноз-фироқ қилаётганмиш. Мамашкамиз совчиликка бориб, сувга тушган мушукдек мунғайиб қайтдилар.

Ўша куйдирги ким бўй кетибди ўзи, дерсиз. Дадаси бор-йўғи автопаркнинг бошлиғи. Жа борса, ойига уч юз сўм чўтал туширади. Ундан кўра, автобус минган яхши-да, худонинг берган куни уйга икки чўнтақ танга билан қайтасан.

Хуллас, ўша калтасоч билан йигитчасига гаплашиб қўйгим кеп қолди. Кеча институтдан қайтишини пой-

лаб, күча бопида «хах» деб қутиб турдим. Пединституттада ўқыйди у ойимча. Битиреа, ўричадан дарс берармиш. Биздан ортиқ тил билармикин ўзи?

Студенткага сал культурной қўриниш учун бўйинга галстук илаптириб, бошга шлавпа бостирганман денг. Кутавериб, ярим пачка «Родопи»ни булутга аъзо қилвордим. Бир пайт гижинглаб кеп қолди-ку. Мундоқ қарасам, устида биронта импортний нарса йўқ. Тўрттенки атласни шунчаки тиззәёттига тикириб, магазинда ит емай ётган ўн тўрт сўм олтмиш тийинлик жимпердан кийвенибди. Оёғидаги чалахиромни камиссиённийдан олмаган бўлса, бўличка уриб кетсин мани.

Ҳали сан рўдапо манга ноз қилдингми, дедиму, йўлига кўндаланг чиқиб, ўқиётган нақулъетига мослаб гап отдим. «Давай, красўтка, пазнакўмим», дедим. Шунда у қасофати афтиимга қараб туриб: «Пашўл!» деса бўладими. Сиркам сув кўтармайди мани, нервим қўзиб кетди. Шақалдириска қилиб тортворай десам, бефаросат одамлар келиб-келиб кучинг шунга етдими, дейишданам тойишмайди. Бунинг устига, муюлишдан кўзи жовдираган бир муҳбир чиқиб қолди денг. Бўйнида аппарат. Вактида шиппак бўлдим.

Хуллас, мандек йигитга ноз қилибсан — пушаймонда ўлиб кет, деб қўлни силтаб юрибмиз. Яна келиб ялинади, деб ўйлаётган бўлса, аммасини сўраб қўяди. Ўлмасак кўрамиз, биздан илги тўлароқ кимни топаркин. Жа омади юришса, биронта мактабнинг директорига келин бўлади-да. Вих-хих-хи, ман бу педагоглар зотини яхши биламан. Ҳатто маориф мудири сартаронспулидан қочиб, соқолини ўзи олади.

Уни қўйинг-буни қўйинг, бошимиз омон бўлсин, aka. Ундағанги рўдаполардан кўпини илинтирамиз ҳали. Ишқилиб, «Родопи»сиз қолмайлик.

Лаббай? Сигаретдан дейсизми? Жоним билан. Ҳаммага олтимиш тийиндан бўлса, мана, ўзларига эллик беш тийинга берамиз-да. Хўп бўлмаса, акахон. Кентуринг...

Ҳе, фасонингдан ўргилдим сани. Элқатори олтимиш тийин бераверсанг, шалваринг шалвираб қолармиди. Шу дўхтир халқи ҳам ўлгудек настқаш бўлади-да, ўзи.

УНИНГ ҚУВОНЧИ— МЕНИНГ СЕВИНЧИМ

— Бугун мириқиб севинадиган бўлдингиз, — ипидан қайтишим биланоқ, мени қувонч билан қаршилади хотиним. — Ўзиям, кеча олиб келган маошингизни аямай сарфладим. Фақат мени тўғри тушунинг, бу ишларни ўзимни қувонтириш учун эмас, сизни севинтириш учун қилдим, дадаси.

— Ҳах-ҳах-ҳа, — қулдим мен.

— Ҳозир кўрасиз. Қани, ўтиринг-чи.

У стол устидаги қоғоз қутилардан кичикроғини очиб, ундан гулдор рўмолни олди.

— Қалай, ярашдими? — сўради у рўмолни бошига ўраб.

— Ҳех-ҳех-ҳе, — мамнун бош иргадим мен.

— Энди мана бу туфлига қаранг. Худди оёғимга ўлчаб тиккандек. Тўғрими?

— Ҳих-ҳих-ҳи.

— Ҳўш, кўйлак-чи? Чиройли, а?

— Ҳух-ҳух-ҳу.

— Плашни эса, чайқовдан олдим. Назаримда, Зухраникidan бу чиройлироқ. Сиз нима дейсиз?

— Ҳи-ҳи...

— Мана бу шарф плашимнинг рангтига шунақаям мос тушди-ки...

Ортиқ ўзимни тутиб туролмадим. Жудаям тўлиқиб кетган эканман, ёш боладек бехос йиглаб юбордим.

Эҳ, чакки бўлди-да. Бари бир чидашим, дардимни ичга ютиб, кулиб ўтиришим керак эди. Нима бўлганда-я, эркак кишиман, сўзимда туришим шарт. Ахир, унга уйланаётганимда «сизнинг қувончинги — менинг севинчим» деб валдираб қўйганман-да.

1978

ОЛА-БУЛА ШАРФ

Ой тугаб бораётгани учун, бешта колхозда кетма-кет концерт бердик, бу — олтинчиси... Охиргиси!

Ха, охиргиси бўлмай қуриб кетсин. Бундақанги расво клубни умримда биринчи марта қўришим: залдаги деразалар ойнаси ғалвир бўлиб ётибди, ҳатто кийиниш хонасигаям печка-мечка ёқиб қўйишмабди, артистларимизнинг тиши ёппасига «такира-такир»га ўйнашини кўрсангиз эди.

Холимга қўйиб беришса, бундақанги қаҳратонда оёғимни тагига буқа сўйишсаям, қишлоқ гастролига чиқмаган бўлардим, кимсан — машҳур хонанда Рамазон Шабадаевман, ҳозирча бозорим чакқон, ўнтакиликдан паст қистириладиган тўйларга анчадан бери бормай қўйганман. Начора? Бир томондан, филармониямизда план масаласи ишкал. Иккинчи тарафдан, дехқонларга маданий хизмат, деган гаплар бор...

Ўчакишгандай, шарфимният уйда унутиб қолдирбман, бу аҳволда томоқ бутунлай тўнглаб кетмасайди-да.

Ташқарига чиқиб, клуб мудирини топдим.

— Хў, ака, биронта шарф топилмайдими? — деб сўрадим ундан. — Агар томоқни шамоллатиб қўйсак...

— Э-э, нафасингизни илиқ қилинг, — дея сўзимни бўлди мудир, — ҳамма сизни деб келган-а...

У аста бориб, деразанинг синиқ ойнасидан залдагиларни синчиклаб кузатаркан, ўзича ғудраниб қўйди:

— Булар пайти келса яхобда чўмилишади... бўйни ўрашни билармиди бу жўмардлар...

Ҳафсалам пир бўлиб, эндиғина изимга қайтмоқчи бўлиб турган эдимки, мудирнинг «э, хайрият», деган хитобини эшишиб, яна тўхталиб қолдим.

— Ве, Халилвой, — деразага яқин ўтирган шопмўйлов кишига қараб шангиллади мудир, — Тўлан тумовни чақирворинг буёққа.

Бир оздан сўнг бўйнига ола-була шарф ўраб олган бадқовок йигит ичкаридан ғўдайганича чиқиб келиб, тажанг ғиёфада бизга юланди.

— Гап шундаки, Тўланвой, — қироат билан маърузани бошлади мудир, — бўйнингдаги анави савил бизга керак бўпқолди.

Тўлан тумов ўқрайганича шарфини бўйнига маҳкамроқ чандиди.

— Шарип... ўх-хув... ўзимизгаям керак.

— Қўрқма, бирпасга оламиз холос, — тушунтириди мудир. — Мана, Рамазонжон оғайнимиз ҳозир саҳнага чиқиб, бизга ялла қилиб беради. Агар томоги шамоллаб қолса борми...

— Меники-чи? — хириллади Тўлан тумов. — Ўх-хўй... мени томогим-чи?

— Э-э, сен ашула айтармидинг, ука? Айтганингдайм, уни эшитадиган бекорчи йўқ. Еч энди бўйнингдагини.

Тўлан тумов қўлидаги соатга диққат билан боқиб, «иҳҳим-м» дея лабини жийирди.

— Майли, бераман, — шарфни бўйнидан олиб, мудирга узатди у, — аммо-лекин... ўх-хув, ўх-хув... йигирма минутга, холос. Консерт қачон тугаши минан ишим йўқ, йигирма минутдан кейин уйга бориб, телевизорда хоккейни қўраман... ўх-хув...

Мудир сўзга оғиз жуфтлашга улгурмай, у шартта орқага бурилиб, йўтала-йўтала яна клубга кириб кетди.

— Ганираверади-да, — шарфни қўлимга тутқазаётуб мени тинчлантириди мудир. — Хижолат тортманг, Рамазонжон, бу ўзи сал овсарроқ бола.

Ўн минутдан кейин менга навбат беришди. Биринчи чиқишаёқ томошибинларни ўзимга авраб олиш учун қитиқни келтирадиган номерни танлаб, раққосага сузилтанимча куйлай кетдим:

— Сой тагида чагир тош, воҳай-бола,
Сайдан ўтолмай қолдим, воҳай-бола.
Ўйинчига суканиб, воҳай-бола-еӣ,
Ўйга кетолмай қолдим, воҳай-бола...

Томошибинларнинг оҳ-войи ичидан таниш йўтални ажратиб олиб, учинчи қатордан менга хўмрайиб турган Тўлан тумовга зидан бир қараб қўйдим. Иккинчи қўшиқни тугатган пайтимда у менга соатини кўрсатиб, шарфни ечишимга ишора қилгандек бўлди. Мен гўё ҳеч нарса сезмаган каби, безрайиб учинчи қўшиқни бошладим:

— Олма оқиб келоди,
Бехи қалқиб келоди.
Мания ёрим шаҳардан
Писте чақиб келоди...

Залда яна қий-чув бошланди.

- Вой дод!..
- Ҳа-ҳей!..

Бу ҳайқириқлар қанчалик кучли бўлмасин, уларнинг орасидан «еч энди шарипимни», деган хириллоқ товушни алоҳида илғаб олдим.

Тўртингчи қўшиқни ҳам эсон-омон тугаллаб бўлгач, қарсакларни мириқиброқ эшитиб олиш учун пича тўхталган чогимда Тўлан тумовнинг «менга қара, вей, Шабадаев...» деган дағдагаси янгради-ю, шошилинч равишда бешинчисини бошлаб юбордим:

— Фарғонани богида, Омонгул,
Усма билан хина бор, Омонгул.
Кетма мани йиглатиб, Омонгул,
Исфарада нима бор, Омонгул...

Пастдаги тўс-тўполон қайтадан авжга минди.

- Э, кам бўлмагин-е!..
- Яш-ша, хўроз!..
- Шарипни чўз, вей!..
- Бўп келмайсан, Шабадаев!..
- Ўх-хув... хоккейни мажақ қилдинг-ку...

Қарасам, аҳвол чатоқ, Тўлан тумов ҳали-вери бўш келадиганга ўхпамайди. Рўй бериши мумкин бўлган шармандаликининг олдини олиш мақсадида кейинги қўшиқларни бир-бирига эълонсиз улаб кетавердим. Қўшиқлар оҳанги жўшқинлашгани сайин, чапани то-мошабинлар ҳам тобора жунбушга келишпайданди.

- Ҳе, ўлмагур!..
- Ўх-хув... вей, Шабадаев... ўх-хув...
- Ҳа-ҳа-ҳеий!.. Яп-шавор!..
- Бергин-да энди... шарипимни...
- Ҳа, отаўғил!..
- Шарипни узат дейман!..

Ўнинчи қўшиқдан сўнг нафасимни ростлаб олиш учун салгина тўхталган чогимда, олдинги қатордагилардан бири саҳнага яқин келиб, қўлимга қоғоа тутқазди. «Хойнаҳой, ўша машҳур «ҳилиллаёр»ни талаб қилишган бўлса керак», деб ўйладим ўзимча. Қоғозни очдим-у, миям бирдан зингиллаб кетди — унда шундай сўзлар ёзилган эди: «Шабадаев! Қишлоқиларга талтайишни йигиншириб, иззатингни борида шарипимни қайтариб бер!..»

ШУНИСИНИ ТАНЛАСАММИКАН?

- Сенга кўрсатмоқчи бўлганим — шу. Қалай, чи-
ройлими?
- Умуман, тузук.
- Унча ёқмади шекилли, мулла бўйдоқ? — бирдан
тумтайиб қолди дўстим.
- Нега энди? Тузук деяпман-ку. Лекин, бели сал
хипчароқ бўлгандаиди...
- Гапни чайналмай, дангал айт: оласани, йўқми?
- Олиш-ку қочмайди-я. Аввал аям билан бир мас-
лаҳатлашишим керакмикан. Кеча у киши Марғилонда
сенбопини кўриб қолдим, деётган эдилар. Балки, ўша-
ниси бундан дурустроқдир.
- Жудаям ланжсан, оғайни. Унисига ишониб, бу-
нисидан ҳам қуруқ қолмагин тағин.
- Мундоқ диққат билан қарагин-а. Ранги сал...
пастроққа ўхшаб кўриняпти-да.
- Э-э, эзма. Ранги бинойидек-ку. Агар ўзимга
бўлганда, жон деб олган бўлардим.
- Ҳм... Лекин, дадам танлаб-танлаб топганинг шу-
ми, демасмиканлар?
- Ҳў, лаппащанг, сенга айтиб қўяй, ҳозир бу-
нақаларнинг бозори чаққон. Бугун ноз қилсанг, эртага
пушаймонда қоласан...

Яқин дўстнинг гапига ишониш керак. Гарчи бели
хипчароқ қилиб тикилмаган бўлса-да, у мақтаган паль-
тони сотиб олдим.

1978

ҚИЙФИРАКНИНГ ШАМОЛИ

Синоптикларнинг павбатдаги йигилиши давом этар,
келгуси ой учун гидрометеорологик бюллетен тайёр-
лаш масаласи мудокама қилинмоқда эди.

— Ҳой, сен гўрлик қилмагин, Тошкўмиров, — кол-
лективга бундан атиги бир ой олдин қўшилган ёш
ходим Тоштемировга дакки берарди бошлиқ. — Водий
ҳақида тайёрлаган маълумотинг юзимизни шувит қил-
ди. Бюллетенда, худди географиядан имтиҳон тошири-
гандек, областлар қолиб ҳатто районларнинг номини
кўрсатиб ўтибсан. Намунча мижғов бўлмасанг, ука?

«Водий» дейилгандан кейин гап тамом-да. Бу чеккасига ёмғир ёғмаса, у чеккасига ёғар. Бир тарафига туман тушмаса, иккинчи тарафига тушар...

Ниҳоят асосий масалага ўтилди:

— Янги бюллетенни шундай тайёрлаш керакки, ўртоқлар, — қуюниб столни муштлади бошлиқ, — унда тулкининг ини сингари қирқта туйнук бўлсин. Хулласи қалом, бирон-бир жойда офтоб чиқса ҳам, чиқмаса ҳам, тош ёғса ҳам, ёғмаса ҳам бианинг маълумотимиизга тўғри келиши шарт! Қани, кимда қандай гап бор?

Биринчи қаторда мазкур муассасанинг тенгдошлари бўлган уч нафар туллак ходим — Чамаев, Таваккалов ва Ўзабиларовлар ўтиришарди.

Чамаев тепакал бошини авайлаб силаб, саркардаларга хос мудроқ қиёфада гап бошлади:

— Уч кундан бери флюгернинг тумшуғи гарбга қараб турибди. Шунга асосланиб айтиш мумкинки, шамол унинг думи томон эсмоқда...

— Флюгерни ҳозирча тинч қўяйлик, — Чамаевнинг гапини бўлди бошлиқ. — Ўртоқ Таваккалов, балки сиз одам ишонадиган бирор гап айтарсиз?

Таваккалов бошлиқнинг кўнглидаги мақсадни дарор тушуниб етди ва гапни чўайб ўтирмади:

— Маҳаллий Мирзатеракларнинг барги бу йил телақисмидан тўкилиб бормоқда. Бу — қишининг қаттиқ келишидан далолат беради. Қўшним Жуман бувонинг ҳам фикри шу. Айтмоқчиманки, янги бюллетенда ҳавонинг исиши ҳақида камроқ каромат қилганимиз маъқул.

Касбдошининг гапи бошлиққа маъқул бўлишига Чамаев тоқат қилиб туролмасди. Шу боис у ҳозиржавоблик билан қарши ҳужумга ўтди:

— Кечакар автобусда келаётсан, бозордан қайтаётган қишлоқи чоллардан биттаси далада бир жуфт лайлакни кўрганини айтиб қолди, — эзмаланди у. — Лайлакки, шу пайтгача учеб кетмаган экан, гаров ўйнашга тайёрман, совуқ кеч тушади.

— Беъмани гап, — дарҳол әътиroz билдириди рақиби унга. — Иккита пандавоқи лайлакнинг ҳозиргача далада юриши станциямизга қимматга тушиши мумкин. Ҳаммамиизга маълумки, олақарғанинг шамоли сершитоб ўтди. Демак, намгарчилик кўп бўлади. Шундай экан, нима учун ҳавонинг совиш эҳтимоли борлигига ишонмаслигимиз керак?

Иккала ходим ўртасида тортишув бошланиб кетди.

— Бас қилсаларинг-чи, оғайнилар, — баҳсчиларга насиҳатомуз мурожаат қилди Ўзибиларов. — Балки, иккалангиза ҳам ўзингизча ҳақдирсиз. Лекин, аниқ гап айтишга ҳали эрта эмасмикан?

Сўнг атрофидагиларга юзланиб деди:

— Сабр қилсак, эрта-индин қийғирак ўтади. Агар қийғираклар қибладан эсган шамол билан учиб келиши-са, совуқ эрта тушади. Агар...

Бироз кеч бўлса ҳам, ишни пишиқ-пухта қилтан яхши-да. Бюллетень қийғиракнинг шамолидан кейин тайёрланадиган бўлди. Ҳа, синоптикларнинг иши шунаقا мураккаб.

1972

СОВИГАН КЎНГИЛ

Шу тобда кўзимга у янада совуқ кўриниб кетди. Афтимни тириштириб, юзимни четга ўгирдим.

Кайфиятим тушганини пайқаётгандек, «илгарилари мендан жонингизниям аямас эдингиз, энди меъдангиага тегдим шекилли», деяётгандек туюлди. Ўнғайсизланиб, кўзимни ерга қададим.

У эса гўё таънани давом эттириди: «Балки, мендан қутулмоқчиидирсиз?»

«Ҳа!» деб бақиргим ва бир йўла орани очиқ қилиб кўйгим келди-ю, тўсатдан иккиланиб қолдим: «Балки, усиз менга жуда қийин бўлар...»

Шунда у бирдан тутоқиб кетгандек, «Сиз номардсиз!» дея заҳрини тўккандек бўлди.

— Майли, мен номард бўлақолай! — нихоят дадил туриб ўшқирдим унга ўчакишиб. — Энди сендек заққум билан сираям яқин бўломмайман!

...Ўша-ўша чекишини бутунлай ташлаб юбордим.

1978

ТҮННИ ТЕСКАРИ КИЙИШ

Янги түқимачилик комбинати қурилиши ҳақида газетада бир сағифалык тантанавор мақола берилгач, телестудиядагилар ҳам бирдан енг шимариб қолишиди. Бөш мұҳаррир мени ҳузурига қақириб, бу жойдан шошилинч күрсатув тайёрлашимни топширди.

Ишни бизни илиқ кутиб олган қурувчиilar, зарур нарсаларни қурилишга узлуксиз етказиб беришга эришаётган турнақатор машиналарни суратта олиш ва күпиртириб изохлашдан бошладим:

— Күриб турганингиздек, энг замонавий кранлар үрнатилгани карвон-карвон юқ машиналарини ўз вақтида бўшатиш имконини бермоқда. Айниқса, оиласий пудрат асосида ишлашга ўтган Қовуничиев ва Кабановлар сулоласи сифату иқтисодда барчага намуна бўлаётгани бизни қувонтирди. Беш йиллик зарбдорлари ҳисобланган Маракаев, Жалоладе, Пак ва Папандапуло ўртоқлар махсус қурилган чекиш капасида ҳам бекор ўтиришгани йўқ — прораб Лайлоев билан навбатдаги режалар тўғрисида куйиб-пишиб сухбат қуришялти.

Мана бу эса, қуруячилар овқатланадиган ошхона. Бир неча юз кишилик улкан колективга бу каталак торлик қилмасмикан? Қолаверса, ошхонада бор-йўғи беш хил овқат тайёрланар экан. Тепса тебранмас бош ошпаз Камолохуновдан бунинг сабабини суриштирганимизда, қовоқ-тумшуғи осилганича лом-мим дёёлмай қолди. Район умумий овқатланиш идорасидаги калладор зотлар бу масалани жiddийроқ ўйлаб кўрсалар, чакки бўлмасди.

Қурилиш раҳбари Дўмбоқовни яқинда мукофотга берилган шахсий «Жигули»сига ўтираётган чогда учратдик. Бу камтарин инсон телескринда кўкрак керипдан иймангандек, «ҳақиқий қаҳрамонларимиз — оддий ишчилар, ўшаларни суратга олинглар», дея бошқармадаги йигилишга жўнаб кетди.

Азамат бинокорлар бу мұхим обьектни шу йилниң биринчи апрелида, яъни муддатидан иккى ой илгари фойдаланишга топшириш учун қурашмоқдалар. Буни эшитиб, шижааткорлар масканидан дилимиз завқ-шавққа тўлиб, мамлакатимиз бўйлаб кенг қулоч ёйган қайта қуриш жараёнининг муқаррар ғалабасига ишончимиз янада мустаҳкамланиб қайтдик...

Эртаси баравақт ишга келиб, монтажни эндигина тугаллаган эдимки, яна бош редактор йўқлатиб қолди. Борсам, турқи бежо.

«Ишлар чатоқ, — деди у. — Кече кечқурун министрикда бўлган йигилишда тўқимачилик комбинати қурилиши чўзиб юборилаётгани қаттиқ танқид қилинибди, газетада асоссиз мақталгани кўрсатиб ўтилиби. Энди бориб, бошқача кўрсатув тайёрлайсиз. Аямай дўппосланг хумпарларни. Топшириқ шунаقا».

Хонага шалвираганимча қайтиб, юракни чангалаудек аҳволда креслога чўқдим: бу қанақаси — кече ундоқ деб борсам, бугун бундоқ деб борсам... Бурд деган нарса қаёқда қолади?!

Администратор қиз қуйиб узатган тўқсон бешинчи чойни бир-икки симиришим билан каллам ярқ этиб ишлаб кетди. «Нега энди бопиқатдан суратга тушириш керак экан, — деб ўйладим мен, — тап-тайёр тасвирлар турибди-ку!»

Шартта қоғоз-қалам олиб, янги жумлалар тузга бошладим:

— Қурувчилар bemavrid келганимиздан ўнгайсизланиб, бизни сохта илжайиш билан кутиб олишди. Ахир юки соатлаб бўшатилмай, мачит остонасидағи калишлардек тизилиб ётган манави машиналар фонида суратга тушишга кимнинг тоби бор? Тўгри, кранлар энг замонавий, аммо иш услуби ҳануз эскичалиги қаттиқ панд бермоқда. Интизом сустлиги, ўзаро талабчаник йўқлигининг боиси шуки, бу ерда қариндошуругчилик кучайиб, ҳаммаёқни Қовунчиев ва Кабановлар босиб кетган. Бу ҳам етмаганидек, Маракаев, Жалоладзе, Нак ва Папандапулога ўҳшаган такасалтангларга махсус қашандалар жойи қуриб қўйилган. Қарангки, прораб Лайлоевнинг ўзи бекор вақиллашда уларга ўrnak бўлиб турганининг устидан чиқдик.

Мана бу эса, қурувчиларнинг овқатланиш жойи. Ишининг бош-учи йўқ боқибегамларга шундай шинам ошхона қуриш шартмиди? Тағин ҳар бир текинхўр учун беш хилдан овқат тайёрланаётгани-чи? Менимча, қўли гул пазанда Камолохуновнинг нега қовоғи уйилиб турганини тушуниш қийин эмас — қолоқ участканинг хўрандалари ҳаддан аиёд талтайтириб юборилмаяптимикан? Район умумий овқатланиш идорасидаги ўртоқлар бу ҳақда жиддий ўйлаб кўришса, чакни бўлмасди.

Қурилиш раҳбари Дўмбоқов биэнинг дарагимизни эшитиб, қандайдир йўллар билан мукофотга олган зийнатдор «Жигули»сида қочиб қолди. Балки ҳамма айбни оддий ишчиларга ағдариб, бу сафар ҳам бошқармадаги ҳомийларнинг панохига ошиқаётгандир?

Бу муҳим обьектни шу йилнинг биринчи апредида фойдаланишга топшириш планлаштирилган. Аҳвол шундай давом этса, келгуси йилда битиши ҳам амри маҳол. Шулар ҳақда ўйлаб, ушбу харобадан қайтар эканмиз, мамлакатимиз бўйдаб кент қулоч ёйиши лозим бўлган қайта қуриш жараёниниш тақдирни бизни қаттиқ ташвишга солди...

Мана, бугунги гаплар кечаги суратларга бинойидек ёпишди-қолди. Журналистик маҳорат дегани бундан ортиқ бўладими? Калламга қойил-е! Тўқсон бешинчи чойга офарин-е!

1989

КАСОФАТИ ТЕМИРТАК

Бу дунёда нима кўп? Билиб-бilmай ўзлигини со тувлчилар. Яна-чи? Яна... қисқартма номлар: БМТ, МРБ, ТошМИ, ЗАГС.. ва миллион ҳоказолар.

«РАФ» — шулардан биттаси. Йўқ, бу янги ташкилот эмас, амалдорларнинг ранги ўчмай қўяқолсин, Раҳбарчаларни Ағдариш Фирмаси ҳали тузилмаган. Аспан атторнинг сандигидан сал каттароқ бўлган шунақа маркали микроавтобус бор, ҳайдовчилар уни эркалабми, эрмаклабми, «Рафик» ҳам дейишади.

Идорамизга қарашли помидорранг «Рафик» жоними ни ҳақилдогимга келтирди. Мустақил риаз ҳали теришни шу ташкилотдан бошлиганиман, аммо, бунақа расво машинага биринчи дуч келишим, «э» десам, «бе» дейди, «юрамиз» десам, «турамиз» дейди. Биринчи ҳафтадаёқ пайқадимки, уни биронта пиёниста ясаган, заводданоқ брак чиқсан. Брак бўлмаса, қўл тормозини тортиб қўйганимга қарамай, ухлаб ётганимдан фойдаланиб, бирорнинг урғочи эшаги ортидан бошвоқсиз ўрмалашга тушармиди? «Жаранг!» этган овоздан уйғониб кетдим. Қарасам, моча эшак шатталаганича қочиб боряпти, «Рафик» ўнг «кўзи»дан тепки ебди. То ўзимни ўнглагунимча газета дўкончаси томонига бурилиб, энди со-

тұағы әедға ташланди. Тормозни босганимда газета ва мұақаймоқ дүкенлари аллақачон бир-бирига аралашып бүлганди.

«Рафик» ни аёлбозлиқда айблашиб, пастроқ ташкилотта беріб юборипди, назоратни сусайтирганим учун менга паттамни тутқазиши.

Автобус паркига ўтиб, иккі йилча ишладим. Түшумнинг яхшилигидан дастлаб суюниб юрдим, кейин сурункасига бир хил манзилга қатнайвериш меъдамга тега бошлади: охори түқилған автобус, биқинида — 165 рақами, пепонасига «Коммунистик — Яланғоч» деб елимда ёзиб қўйишган. Истайсанми, истамайсанми, бундан қутуолмайсан — чизиқдан четга чиқиб кўр-чи!

Даромадиям ордона қолсин деб эркинликни қўмсағ органимда, олдинги муовинимиз раҳбарликка кўтарилиб, мени ишга чақириб қолди. Автобус паркидан тез жавоб олиб, эски идорамга етиб бордим. Бордим-у, кўз олдим бирдан жимирилашиб кетди, ўша таниш «Рафик» капитал ремонтдан сўнг қайта идорамизага жўнатилиб, мени кутиб турган экан.

«Рафик» аввалига жуда катта гапириб юрди (шу касбда ишлайвериб, темир зотининг тилига тушунадиган бўпкетганимиз):

— Бу идора идора бўлиб, ҳали мендақа мукаммал техникани кўрмаган!

— Аввал янги моторни авайлаб обкаткадан чиқарайлик, йўлнинг паст-баландини ўрганиб, шароитга мослашиб олайлик, кейин «Волга»ларни чангда қолдирамиз. Ҳатто, чет элники билан гаплашиб қўйиш ҳам қўлимииздан келади, тажрибамиз етарли.

— Тошиқма, ўртоқ, беҳуда шошилаверма. Ҳозирча ҳаммаси яхши, ҳамма иш меъёрида кетяпти...

Қаранг, шу темиртакнинг сўзларига чиппа-чин ишонибман. Яп-янгилигига бирон мўъжиза кўрсатганимидики, энди ишни қойиллатса, деган ўй калламга келмабди.

Мен чидам ва умид билан кутавердим, у писмайиб туриб хилма-хил майнавозликлар қиласаверди. Гоҳ идорадагиларни ҳашарга олиб кетаётганимда жазирама даштда ўчиб қолади, гоҳ юқоридаги раҳбарлар билан қалтис масалани ҳал этишга бораётганимида «пис-с» этиб дами чиқади. Баъзан қаҳратонда суви қайнаб кетса, баъзан саратонда мойи музлайди. Энг алам

қиладиган жойи — одатдаги майда юмушлар вақтида миқ әтмай ишлайди-ю, нозик вазиятда албатта панд беради. Агар идорамиздагиларни айрим масалаларда шапитини пасайтириб туриш учун четдан қўпорувчи юборилган бўлса, имоним комилки, бу — «Рафик».

Бир куни шаҳар четидаги истироҳат богида «Ўзбек тили» байрами» ўтказилди. Шунчаки қизиқсанлару, кўнглида саволи сарғайиб турганлар ишдан кейин бир машина бўлиб йўлга тушдик. Икки чақирим юрмасимииздан лаънати «Рафик» қаеридандир «вий-й» этган товуш чиқарди-ю, айиқнинг ўлигига айланди-қолди. Итариб кўрдик — бўлмади, судратиб кўрдик — бўлмади, охири совутиш паррагидан тортиб тутунпуркагичнинг учигача текшириб чиқдим, касалини аниқлолмадим.

Аччиқланиб, бирор эшигиги даранглатиб ёпди, бирор фидирагига тепди... Мен ҳам жим ўтирамдим — ўзбекча бўраласам эшитмаганга, тоҷикча сўксам тушунмаганга олади. Охири ўрисчалаб «подлец!» деган эдим, бирданига ўзига келса бўладими — калитни хиёл бурашим билан почтачининг соатидек текис ишлаб турибди-ку!

Аммо энди кеч бўлганди, шу маҳалда байрам қоптими? «Махфий зааркунанда» бу сафар ҳам ниятига етди. Шунда ҳис қилдимки, бошга нима кулфат келса, ўзгаларга худодан, менга фақат шу «Рафик»дан келади.

Аслида ҳамма айб бошлигимизда, унинг дастидан куним қандайдир «Рафик»ка қолиб ўтирибди. Биринчи раҳбарим зўр эди — қаерга борса гапи — гап, идоранинг обруйи осмонда, машинанинг ҳам манаман деганини танлаб, истаган вақтида янгилаб турарди. Кейинги раҳбарлар бири биридан лапашанг чиқди. Ҳозиргисику гирт Америкабоп...

Америкада ишсизларга нафақа беришар экан. Маълумки, абжир одам ҳеч қаерда ишсиз қолмайди, танбаллар билан ногиронларгина текин нафақага шукр қилиб яшани мумкин. Америкадагига нисбатан бизнинг мамлакатда одамгарчилик баланд — уқувсиз ланжларга шунчаки нафақа тўлашдан ор қиласиз, стипендия ва ётоқ билан таъминлаб дорилфунунда ўқитамиз, дипломлар тутқазамиз, катта мояна, ҳашаматли кабинет, кетворган котиба, хизматкор машина берамиз. Ўрнига кўз олайтирмайдиган галварсларни атрофига тўплаб олса, уларгаям маопи тайинлаймиз. Кўрибисизки,

бизда на ишсизлар бор, па нафақа. Америкадагидан қирқ марта қимматга түшса, нима қипти?

Ха, бедаво, бебурд раҳбар туфайли, идорамиз обрўсизланиб, купим «Рафик»ка қолди. Балки: «Ие, нега кунинг унга қоларкан, машина сенга тобе-ку?» дереиз. Ўзим ҳам шундай фикрлаб, катта кетган эканман, чуқурроқ ўйлаб кўрсам, мен машинага эмас, машина менга хўжайин экан: ёнилғи деса — ёнилғи бераман, узатгичларимни мойла деса — мойлайман, фалон жойимга эҳтиёт қисм топ деса — топамаш, гилдирагими ни алмаштирил деса — алмаштираман. Мен томидан чакка ўтадиган настқам уйда кўмир ёқиб яшайман, у табиий гаа билан иситиладиган баланд бинода туради. У туфайли кийимим гоҳ мойга, гоҳ лойга беланади, аммо ўша темиртакни доим ярқиратиб юришга мажбурман.

Кечак ҳаддан зиёд жонимдан ўтиб кетди. Бошлигимдан бир кунга жавоб сўраб, қишлоқдаги қайнонамниги йўл олдим. Кенжада ўғлига қиз топиб, совчиликка бориши моқчи бўлишувди. Хотиним, қайнонам, қайнатам, яна уч кампиру икки чолни юклаб, «ҳайё-ҳуйт» деб қўшни қишлоққа жўнадим. Дарадаги сой устида машина баъзўр сигадиган осмакўприк бор экан, ўртасига етганда темиртагимниш яна овози ўчди. Эшикни очсанг, ташқарида қадам қўядиган жой йўқ, сойнинг тўлқини нақ бетингга сапчиди. Шу кўйи ўтиравердик.

Кеч кира бошлаганда қайнатам секин қулогимга шивирлаб: «Жуда пишиқиб кетдим-ку, куёв, бир илож топмасак, шармандам чиқади», деди.

— Менга қайната холоссиза, — дедим унга. — Отам бўлсангиз ҳам ёрдам беролмайман.

Қайнатам афти буришганича жойига бориб ўтирди. Ора-сира инқиллаб-инқиллаб қўяди денг. Бир маҳал: «Э худо, энди хароб бўлдим!» деди-ю, шартта эшикни очиб, ўзини сойга ташлади.

— Вой дод, чолимдан ажраб қолдим! — деб айюҳаннос солди қайнонам. Сўнг иккала чолга дағдаға қилди. — Нега қараб турибсанлар, хезимлар!

Орият кучлилик қилиб, аввал тетикроғи ўзини сувга отди, кейин букрироғи ҳассасига тирмашганича эшикка яқин келиб, «оллоҳу акбар», дея парашютчиларнинг сакрашидан қилди.

Учала чолни тутиб қирғоққа олиб чиққунимча она сутим оғзимга келди. Биринчи марта кийилган костюмшимим юз жойидан йиртилиб, хиром ботинкамнинг

бир пойи балиқларга қўшилиб кетди. Яхшиямки японча соатимни оғзимга солиб, дўппимни тишлаб олган эканман.

Хужумни қайтариш вақтида титилиб кетган полк байрогидек бўлиб, қўзларимда жиққа ёш билан машинага яқинлашдим.

— Илойим, номингга ўт тушсин, «Рафик!» — деб қичқирдим қўш муштимни ҳавода ўйнатиб. — Ҳеч бўлмаса, шўрлик қишлоқиларни аямадинг-а! Уларни нима қипқўйдинг, лаънати? Энди хотинимнинг юзига қандай қарайман?! Ҳей, қарғишдан қақшагур, «Рафик»!

Бу сурбетга гап таъсир қиласмиди...

Бас, энди! Асабим емирилиб бўлди, ортиқ чидолмайман. Уни авраб-мақтаб, умрида кўрмаган энг баланд тепаликка олиб чиқаману, секин пастига қўйиб юбораман. Қани, бошқаларнинг дастёргисиз ўзини-ўзи бир бошқариб кўрсинг-чи. Олдиндан сезиб турибман, асли брак яратилган бу чиранчоқнинг фаолияти ўша ерда батамом якунланади. Нишон ҳам қолмайди.

1989

ШУБҲА

— Кейинги пайтларда менга шубҳа билан қарайдиган бўлиб қолдингиз. Кўнглингиздагини очиқ айтаверинг, Аҳмадхон ака.

— Нимани ҳам гапирай. Умуман... сен... расвосан!

— Ё тавба!

— Ҳа! Сенда менга нисбатан ҳеч қандай самимилик йўқ.

— Ё тавба! Ё тавба!..

— Биламан, тилинг бошқа, дилинг бошқа. Кўпдан бери мени алдаб юрибсан.

— Ё тавба-а-а...

— Шунча пайт бирга бўлиб... Сендан буни кутмагандим. Қутмагандим!

— Аҳмадхон ака!

— Гап шу — мениям, ўзингният, қийнама. Ҳали ёшсан. Вақт борида баҳтингни бошқа жойдан ахтариб кўр.

Маратвой бошлигига шалвираб боқди: «Мана, ўринбосарлик ҳам тугади...»

1978

ИМПОРТНИЙ ЙИГИТ

Кечки овқатдан кейин дадам озиқ тишини кавлаб туриб: «Сизга билдирмай битта иш қипкүйдик, ўғлим», деб қолди. Бирдан юрагим алғов-далғов тенди.

— Уйим күйибди-ку, дада, — дедим ҳиқиллаб. — Дақан хўрозимии охири сўйворибсиз-да?

Кутилмагандан дадамнинг эски тутқаноги тутиб, «хе, ўша жиприқ хўрозингни...» дея эндиғина оғзига зўр берастувди, аям унинг гапини бўлиб, «қачон эсинг киради, ер юткур, сенга хотин топиб қўйдик», деб пешонамга мушт ниқтади. Шундап кейин сал ўзимга келиб, худди уялаётгандек бош эгдим.

Очиғини айтсам, хотинсиз яшаш жуда қийинлигини биринчи синфдалигимдаёқ пайқатанман. Уйга берилган вазифаларни бажаролмай қийналган вақтимда «шу зиқналар мени биронта аълочи қизга уйлантириб қўйишса ўлишармикан», деб ота-онамдан ёмон ўпкаладим. Мана, бугун ниятимга етиб турибман.

Тақдирнинг тантлигитини қарангки, аям қуи маҳаллалик бир қиз билан тўйда ёнма-ён ўтириб иккигиз гаплашибди-ю, борлиқ ихлосини берибди-қўйибди.

— Вой, унинг донолиги, вой, унинг бийронлиги! — ден очилиб-сочилиб мақташга тушди аям. — Бодрингдан гап очганимни биламан уруғ экишдан тортиб палак юлишгача шунақаям булбулланиб гапирдики, нақ ўқишини Масковда битирган дейсиз. Акамнинг келини-ям юрибди-да, беш йил ўқиб келиб ошқовоқ ўстириши билмасдан.

— Кўп ҳовлиқаверма! — деди дадам гердайиб. — Чуқурроқ синадингми ўзи? Масалан, қорауруғ бодрингдан гапириб кўрдингми?

— Қорауруғ азалдан камхамак бўларкан, — дадамга жаҳл билан тикилди аям. — Айтувдим-а, бу йил олақашқадан эрайлик, деб. Дунёда битта қайсар қолган бўлса, уям сизсиз.

Дадам ҳаво айниётганини пайқаб, тўсатдан жиддий

қиёфага кирди. Жиддийлашиб қовоқ уйдими, билингки, сиёсийроқ бир гап қиласади.

— Хўроа чўқиширишни йигиштиринг энди, ўғлим, — деди у менга юзланиб. — Ҳозирга келиб давлатимизнинг ҳамма умиди деҳқондан бўпқолди. Деҳқонда фаросат катталигини фаҳмлаб етишди. Ўзинг билган ерга ўзингга маъқул уругни эк, қанча қўн нарса топширсанг, бизниям ёлчитасан, ўзингниям, деб туришибди. Ҳукумат энди йўлини тоцди, илгари институтни чала битирган раҳбару олимчалар настда ер чопаётгапларга йигирманчи қаватда ўтириб ақл ўргатишарди. Оқибати нима бўлганини кўриб турибсан — отабуваларимиз bog-далага яқин жойга ҳатто ҳаммом солдиришмаган, булар колхознинг биқинига завўт қуришди, бурунгилар яримлаб қолган биронта ҳовузни кўришса, маҳалладагиларни ношудга чиқаришган, уялтиришган, булар бўлса каттакон бир денгизни қуритвониши. Ҳуллас, ҳамма жавобгарлик яна ўзимизга қолянти. Давлатнинг ишончини оқлашимиз керак. Мен билан сени қўлингдан келадигани — бозорларга бодрингни тўлдирвориши.

Дадамнинг бу гапидан кейин мамлакатимизни фаронлаштириш учун ўша қизга уйланишим шартлигини янада чуқурроқ ҳис қилдим. Бошқача айтганда, эл-юрт фидойиларининг сони шу лаҳзада яна биттага кўпайди.

— Хўш, келинболани кўришга тоблари қалай? — деб писанди қилди дадам.

Аввалига «ҳа, энди хотин бўлса бўпти-да», демоқчи эдим, кейин йигитлик гурурим қўзиб, «майли, бир кўз уриштириб қўяйлик», дедим.

Умуман олгандаям, кўрмай-гаплашмай туриб хотин олиш бизга ўхшаган импортний йигитларга тўғри келмайди. Ҳозирги қизларни ҳар томонлама синаб кўриш керак. Бодринг етиштиришни билса, нима, олим бўпкетидими? Шу аям билан дадам доим узоқни ўйламасдан иш қилишади-да. Бунақа жиддий масалага бирёклама қараб бўладими?

Қисқаси, ўзим хушёрроқ туриб, келинболани жиддий имтиҳондан ўтказмасам бўлмайди. Қани, бир галвирда ғилдиратиб кўрайлик-чи, ўша мақтаган қизлари турп ўстиришдан нималарни биларкин?

ЗИЁДБОТИРДАН БОШҚАСИ ТОПИЛАДИ

— Хўп, сизга нима керак?

— Мана рўйхат... хў-ў-ш... ўнта танк, йигирмата бронетранспортёр, ўн бешта қиравчи самолёт, ўттиата Зиёдботир, қирқта светофор, шунча милиционер, бешта гўшт ташийдиган машина.

— Зиёдботирлар аллақачон тугаб кетган. Ўрнига танк олақолинг. Ёки светофор.

— Шунча светофорни нима қиласман? Кейин, ҳар қайсисининг ёнига биттадан милиционер ҳам керак бўлади. Майли, гўшт ташийдиган машина кўпроқ бўлақолсин... Э, йўқ, яхшиси анави сариқ юбкали...

— Наташами?

— Ҳа, шунга ўхшаган чиройли-чиройлисидан бешолтитасини беринг.

— Бу боиқа гап, — деди ўйинчоқ магазини сотувчиши, — боқчангиздаги қизалоқлар ҳам бир яйраб қолишсин-да, завхоз тоға.

1978

МЕНГА ТИЛ ЎРГАТМОҚЧИ БЎЛИШГАНИ

Холисанлилло айтганда, рус тили дарсининг ўаям мана мундоқ етиб турувди, яна чет тили қўшилди — французча. Она тилимиздан фарқи шуки, шаҳардан тўртта ўзбекча сўзни ёдлаб келган бўянчоқ ўқитувчимиз: «Мактаб тамом, ҳамма — далага!» деса, биа: «Бонжур, мадам, бонжур!» деймиз.

«Фаранг аямиз» бешинчи синфгача амаллаб чидали — бир ёқдан қишлоқда яшаш азоби, иккинчи ёқдан у юз хил савол беради-ю, жавоб ўша-ўша: «Бонжур, мадам, бонжур». Охири келган жойига қараб қочворди.

Олтинчи синфда инглизча ўргатадиганни топиб келишиб, тагин бизга тикиширишди. «Бунисининг жони ҳарқалай қирқта эмасдир-ов, кўрамиз-да», деган эдик, худди айтганимиз бўлди. Аммо шундаям тинчимадик — еттинчида португалчани, саккизинчида хитойчани

«шудгорлаш»га уриниб күрдик. Бунинг устига математика бор дөнг. Менга қолса, ҳатто геометрияю тригонометрияни ҳам чет тили ҳисобига қўшворардим. Масалан, қовоқчумич грекчада нима дейилишини биласизми? Билмайсиз! «Котангент»ни-чи, туркийга ағдариб айтиш қўлингиздан келадими? Келмайди! Демак, иккаласиям бир гўр.

Тўққизинчи синфда чет тили ўқитувчиси топилмай, анча енгил тортиб юрдик. Лекин бир куни...

Бир куни Хомит-жарчи синфга учеб кириб, «немис келди, немис келди», деб шовқин солди. Томошага чиқиб «объект»ни ўраб олдик, у ҳайрон. Сочини сипсилиқ тараб, ялмани ўртадан очганини ҳисобга олмаганда, турқида немиснинг «н» ҳарфи йўқ, жуда нари борса, ўзимизнинг озарбайжондир.

Абдулла-елим унинг атрофида сурланганича айланниб чиққач, кинодагиларга ўхшатиб: «Ауфштейн!» деб қичқирган эди, немис уни ўзбекчалаб сўкди. Сўнг менга ўқрайиб, яна тилимизда дўқ урди:

- Нега менга бақраясан?
- Немисмисиз ахир? — деб сўрадим.
- Ўзбекман, аҳмоқлар, — деди у, — сизларга немисчадан дарс бераман.

Шу кўйи немисчани таталашта тушдик. Икки ой ўтиб-ўтмай марказдан комиссия келиб, чет тилини қандай ўзлаштираётганимизни текширди. Барваста бир аёл «пиш-пиш» лаб туриб, беҳос савол ташлади:

— Қани, болалар, ким жавоб қиласди, «мен дарсни яхши биламан», дегани немисчада қандай айтилади?

Номаълум аскар қабри устида тургандек жимиб кетдик. «Бир минут сукут сақлаш» ниҳоясига етгач, комиссия она олдинги қаторда ўтирган Раҳим-пўмнага бармоқ никтади:

- Сен айт.
- Хенде хоҳ! — деб дўриллади Раҳим-пўмпа.

Комиссия опанинг қоши қанот ёйиб, киприклари пилпиллай бошлади:

— Хенде хоҳ, бу — «қўлингни кўтар», дегани шекилли?

— Менам шуни айтапман-да, — деди Раҳим-пўмпа. — Дарсни яхши билганлар доим қўлини кўтаради.

«Немис акамиз» ҳам ўқув йили тугагунча зўрга тишни тишга босиб юрди. Ўнинчи синфда бутунлай чет

тилисиз қолдик. Мактабнинг бош гўлахи бўлган Қори тоға аҳволимизга ўзича ачишиб, гоҳ директор, гоҳ ўринбосарнинг йўлини тўсар, «келинг, шу камбағалларга ўзим арабийни ўргатай, одам бўлишсин», деб тиқилинч қиларди.

Қори тоға бекорга безовта бўлмаганини университетга келиб билдим — аттестатимда чет тилидан баҳо йўқлиги учун ҳужжатларимни қабул қилишмади, бу фан бўйича мустақил тайёрланганман, деб ректорномига ариза ёзганимдан кейингина кирип имтиҳонларини топширишимга рухсат беришиди.

Иншою тарихдан бир нав ўтиб олдим, гал чет тилига келди. Ҳорижий тиллардан имтиҳон қабул қилинаётган қаватга чиқсан, ўн тўртта хонада ўн тўрт хил лисондан синов кетаётган экан. Ҳар қайси эшик олдида гуруҳ-гуруҳ «умидвор»лар тизилиб турибди. Ҳар бир гурухнинг ортидан эринмай нағбат олиб чиқдим. Биттаси менга анграйганича боқиб, «қилиғингизга тушунолмай турибмиз», деган эди, «менга бари бир», деб қўяқолдим.

— Ўн тўртта тилни ёппа биладиларми? — деб сўради у баттардан ҳайратланиб.

— Аксинча, — дедим мен, — биттасиням билмайман.

Ниҳоят эшиклардан бирига олдинроқ нағбатим етди. Бу хонада испанчадан имтиҳон олинаётган экан, таваккалига кириб бордим. Ичимда бисмиллони айтиб, билет сугурдим. Бу орада ўқитувчи нимадир деган эди, яна таваккал қилиб, «раҳмат, домла, ишларим ёмонмас», дедим. Домла айнан ўша ғўлдирашини такрорлади. Бу сафар гапнинг оқимини ўзгартиб, «Фарғонаданман», деб кўрдим.

— Фамилиянгни сўраяпман, — деди у.

— Фамилиям Гулматов.

— Испанча айт!

— Испанчадаям, форсчадаям, япончадаям Гулматов, — дедим.

Домла хоҳолаб кулди.

— Кайфиятим очилганидан фойдаланиб қол, деҳқонвачча, — дея муруват ваъда қилди у. — Биттагина испанча сўз топиб айтолсанг, шартта «уч» қўйвараман.

Бирдан қаддимни ростладим. Ўнг қўлимни паншаханинг четки илгагига ўхшатиб юқорига кўтардим-да, каттиқ мушт тугиб: «Рот фронт!» деб бақирдим...

Э, афсус, минг афсус, меҳрибонларим мени одам қаторига қўшиш учун кўпдан-кўп пулларни совуришибди, ҳар хил тилларни ўргатмоқчи бўлишибди, уларнинг таъбири билан айтганда, ишудлик қилдим, бундан бари бир иш чиқмади. Қайтага, калламда бориям чалкашиб кетди. Энди ҳаммасини йигиштириб қўйиб, одмигина бўлса ҳам, ўзимга қулайрогини яхшилаб ўрганмоқчиман — яъни ўзбекчани.

1988

ҚИШЛОҚИ

- Кимнинг шайтонараваси бу?
- Кечирасиз, aka, бу — «Мопедъ».
- «Мопедъ» дегин? Савлатингни қара — от ҳуркади. Шу темиртакни миниб юришга уялмайсанми?
- Нега темиртак бўларкан? Бу — «Мопедъ»!
- Вой-вуй. Бунча кўкрак кериб гапирмасанг? Яхшиямки, паровозинг йўқ. Бирорга салом бермай қўярмидинг...
- Менда гапингиз борми, aka?
- Демоқчиманки, ҳозир сендақа йигитлар «Жигули»да кира қилиб юришибди. Сен бўлсанг... Қанчага олгансан буни?
- Қўлдан олганман. Икки юз сўмга.
- Ўзиниям эшакдай ишлатибсан. Шилинмаган жойи қолмабди. Суқсурдай йигит уялмасдан шунга илашиб юрганингни қара.
- Ҳа энди...
- Шу ҳам мотор бўлди-ю. Ҳудди итхамакка ўхшайди... Ҳа майли, бизнинг ўғилга кетаверади. У ҳали ёш. Ма, олтмиш сўм.
- Бу... бу нима қилганингиз? Шошмай туринг. Ҳой aka... Дурустроқ савдолайлик, ахир... Ҳужжат-чи, хужжати?
- Ҳужжати керакмас. Қишлоқда яшаймиз. Сен пулни маҳкам қил, ука. Ёнига пича қўшиб «Жигули» олволарсан...

1978

ЕРЛИКЛАР

Бичиқчилик цехининг бошлиғи Қодир-қайчи ўшкаси оғзига тиқилгудек бўлиб ичкарига отилиб кирди.

— Ишни тўхтатинглар, қизлар, — ҳирқиради у, цехдаги яккаю ягона эркакнинг кўзига қарамасликка ҳаракат қилиб. — Бир соат ичидан иш жойимиизни музейга, ҳовлини истироҳат боғига айлантириб улгуришимиз керак. Космосдан келган одам... ҳм-м-м, шахслар бизнинг ишимиз билан танишармиш.

— Вой ўла-а-й! — ҳайратдан ёқа ушлади Ойшабу.

— Марсдан келишдимикан, а? — бармоқ тишлаб сўради Тўпахон. — Балки, Юпитердандир?

— Буни осмонга дурбиндан қарайдиган фрафесирлардан сўра, — тўнғиллади Қодир-қайчи. — Директоримиз менга қўнғироқ қилиб, гап шунаقا-шунаقا, сенга бир соат муҳлат бераман, деди — вассалом.

Цехдаги яккаю ягона эркак ўза одатига кўра хотинларга суйканиб туриб, майин овозда гап қўшиди:

— Тилимизга тушунишармикан у ер юткурлар?

— Ким билади дейсан, ака Ёқуб, — елка қисди Қодир-қайчи. — Ишқилиб, ўзинг тилингга эҳтиёт бўлгин. Мабодо маошингни сўраб қолишса, мукофот пулинни қўтиб айтиш эсингдан чиқмасин.

Кейин касаба союз ташкилотининг раисига ўгирилиб буюрди:

— Буҳалчага мўмайроқ қилиб ёрдам пули ёа.

— Вой, у биздан ёрдам сўрабдими?

— Унақа бракчиларга ёрдам берадиган аҳмоқ йўқ! — ўшқирди Қодир-қайчи. — Сен ўша пулга бозордан харажат қин келасан. Осмондан тушганларнинг томоғини ёғлаш керак. Ерликларнинг улфатбозлигини кўрсатиб қўямиз уларга.

Бир соатдан кейин меҳмонлар цех ҳовлисига кириб келинди. Қодир-қайчи теп-текис йўлауда қоқина-қоқина уларнинг истиқболига ошиқди. Космосликларга қайси тилда мурожаат қилишини билмай пича иккиланиб тургач, таваккалдан «Гуд... гуд-бай!» дейингшиди.

Директорга ҳамроҳ бўлиб келган уч кишидан иккитаси аёл бўлиб, улар кўриниш ва кийиниши жиҳатдан маҳаллий жувонларга жудаям ўхшаб кетишарди. Лекин малласоч эркакнинг кўкиш кўзида самовий соvuқлик яққол акс этиб турар, бужур юзи эса метеорлар

ёмғиридан ғалвир бўлиб кетган олис бир сайёрани эслатарди.

Космослик эркакнинг қўлида «Феникс» сигаретини кўрган зукко ака Ёқуб «Болгартабак» фирмаси ўз маҳсулотини фақат ер юзи мамлакатларига экспорт қилиш билан чекланиб қолмаётганини дарҳол тушуниб етди. Меҳмон йирқироқ замигалкани шақиллатиб сигаретга ўт берган пайтда ҳозиргина нос кафтлаган қоровул чоннинг қўзлари ўйнаб кетди.

— Я илавча иллавла, — гўлдираб калима келтирди у. — Еттинчи осмоннинг жинчирогини қаранг-га...

Директор меҳмонларни чиннидай тоза йўлакдан цех биноси сари бошлади. Қунишганларича бир-бирларининг пинжига кириб олган қизлар ҳайрат ва ҳаяжондан қотиб туришарди.

— Хорманглар, қизлар! — жилмайтанича сўза қотди уларга космослик аёллардан бири.

Меҳмоннинг маъруzasи инобатсиз қолди. Қизлар ўртасида ўзаро висир-висир бошланди.

— Ие, гирт ўзбекча гапирди-ку!

— Бари бир ғализороқ...

— Шунисигаям шукур қилсанг-чи.

Бири биридан сўзамол қизларнинг ҳозирга келиб ёввойилашиб қолганидан таажжубланган директор меҳмонлар олдида ўнғайсизланиб, устма-уст томоқ қирди.

— Сизларга нима бўлди, қизлар? — «қизлар» десада, негадир ака Ёқубга таънадор боқиб сўради у. — Меҳмонлар ўзларингизнинг ҳамкасларингиза — қўшини райондаги мусобақадош «Космос» модалар ательесининг вакиллари. Қани, яхшилаб танишиб олинглар-чи.

Ҳамма тенгдан қалқиб кетди. Қоровул чол жаҳл билан нос туфлаб, аста нари жилди.

1977

ДАВОЛАНИШ

Атроф зимистон. Юрагим хижил...

Тш-ш! Қулоқ солинг-а, орқамдан писиб келаётган ажиналар каминани бўғизламоқчи бўлиб шивир-шивир қилишяпти. Эшиятсимизми?

Еки булар бақатеракнинг баргларимикан? Ахир, шабада эсиб турибди...

Атроф зимистон. Юрагим бежо!..

Ё алҳазар! Буниси қанақа маҳлук энди? Ҳезалак-ларга ўхшаб куляпти. Тиши аррасимон бўлса-я...

Ўф, шундан қўрқиб ўтирибман-а. Бойўғли экан. Учид кетди ярамас.

Атроф зимистон. Юрагим така-пука!!.

«А-а-а!..» Нега бақиряпман? Тўғри, бақириш керак. Сўқмоқнинг қоқ ўртасида бир кўзли одамютар турибди. Кўзининг ёнишини қаранг. «А-а-а!..»

Шошманг-чи, тиллақўнғиалар тўпланиб олганми дейман? Ҳа-я. Тфу!..

Атроф зимистон. Юрагим пачава!!!

Ўғилболачасига тан оладиган бўлсам, қоронгуликни болаликдан жиним сўймайди. Лекин, бошга тушгандан кейин...

Гап шундаки, раҳбарликка тайинландим-у, галвалирдан асабим тараанглашиб, юрагим гижимлайдиган бўпқолди. Врачга борган эдим, у кечалари сокин жойларда сайр қилиб туришини маслаҳат берди. Мана, даволанишни бошлаб юбордим.

1978

ШОМУРОД ҲАСИБФУРУШНИНГ ФУТБОЛГА БОРГАНИ

Ализ Несинга таъзим ила...

Бир тогора ҳасибни кўтариб Шайҳонтовурга чиқсан, кўчада одам танқис, ҳамма ўзини футболга урворибди. Харидорнинг кетидан қувиб менам стадионга кирдим. Кирдим-у, юрагим орқага тортди. Епирай! Ҳеч каснинг бопига тушгулик қилмасин-у, агар шунча одам тўйингга бостириб келса борми, узоги билан икки минутда хонавайрон бўлмасанг, мана мен кафил.

Оломоннинг авзойи бузуқлигини кўриб, ҳасибни очишга юрагим бетламади. Хайриятки, бир барзангининг ёнида бўш жой қолган экан, тогорани ўртага қўйиб ўша ерга ўтиридим. Биздан нима кетди, шу футболиниям бир кўрсак кўрибмиз-да, дедим.

Майдонга қарасам, ярми сариқ, ярми қизил майка кийган бевош ўспириналар қирқта сигир боқса бўладиган ажриқзорни бемалол тепалаб юришибди. Ҳой, қўзингга қара, дейдиган одам йўқ. Тўсатдан жаҳлим қўзиди: «Ҳў, ҳалойиқ! Бу зааркунандалар ҳаммаёқни тепалаворди-ку! Савобгарчиликка биргалашиб ҳайдасак бўлмайдими?» деб бақирдим. Ёнимдаги барзангি «сизга қайси бири ёқмаяпти ўзи, акахон», деб пичинг қилувди, «барини ҳайдаш керак — сариқларниям, қизилларниям», дедим. Шунда олдинги қаторда ўтирган бир дингқулоқ шартта менга ўгирилиб «сариқларга яна тил тегизсанг, кўзингни ўйволаман», деди. Касалмандлигини ҳисобга олиб, у билан гап талашиб ўтирадим, ўзи боядан бери шу одамга жуда раҳмим кептуруди. Бечоранинг тутқаноғи бор шекилли, тўп сариқларга тегса, тиззасини ўйнатиб, елкасини учиради. Қизилларга тегса, калласи «қалтир-қалтир», «қалтир-қалтир» титрай бошлайди денг.

Ё тавба, шу ўйинницг нимасини томонга қилишаркин? Тўпи бор ўйинчи югурса-ку бир пав, тўпи йўқлар нимага ҳакиллаб юришибди, шунга ҳайронман. Майсанни тепалашганиям майли, кўпчиликни ичига шим киймай чиқишганиям майли, ҳеч бўлмаса, ўзидан каттани ҳурмат қилишини билмайди-я, бу хумпарлар. Қарангки, қора кийимли бир мўйсафид тили осилгудек бўлиб ҳали ўёққа чопади, ҳали буёққа чопади, қани энди ноинсоф ўспириналар унга тўп беришса. Ҳатто, «мен бу томондаман, укажонлар», демоқчилик ҳуштак чалсаям парно қилишмайди дeng. Буни кўриб яна зардам қайнади. Қўлимни оғзимга карнай қилиб: «Ҳў, тарбия кўрмаганлар! Отанг тенги одамга ҳурмат шуми?» деб дўқ урдим. Ёнимдаги барзангি ниманидир қавшаб туриб, «вей ака, алжирасдан жим ўтиринг энди», деб қўзини олайтирди. Аҳвол шу-да, ҳақиқатни гапирсанг, дарров жиннига чиқаришади.

Тузи пастроқ гап айтиб барзангини сал мустар қилмоқчи бўлтуруувдим, каллам қўққисдан фойдалироқ томонга ишлаб кетди. «Ие, тўхта-чи, Шомуродвой», дедим, «бу ишкамба мабодо бизни фирмага қарашли

ҳасибни чайнамаяпти микан», деб ўйладим. Тогорага ёпилган сочиқ анча пастлаб қолганини кўрдим-у, шубҳам баттардан кучайди. У қарса-қурс чапак чалиб, «ур-ур, «Пахтакор!», «ур-ур, «Пахтакор!» деб ҳайқиришга тушгандан кейин ҳасибни егани аниқ сезилди-қолди. Ҳа, ҳасиб жуда кучли нарса. Барзангига қўшилиб, ҳасиб емаганларам бақира бошлашди. Шуниси қизиқки, улар қанча қаттиқ бақиришса, сариқ майкали ўйинчилар майсанни шунча кўп тепалашди.

Текин ейилган ҳасибларни ҳисоб-китоб қилволиш учун тогорани бу томонга олиб барзангига яқинроқ сурилган пайтимда қизил майкали ўйинчилардан биттаси тўсатдан тўпни илиб қочди. Зингиллаганича бориб, дарвозага шунағанги варанглатиб тепдики, ҳатто оёғидаги ботинкасиям учиб кетди. Тўп дарвозанинг бу бурчагига, ботинка у бурчагига кирди. Стадион ўти ўчган самовардек жимиб қолди. Олдимдаги дингқулоқ «Вой-е-ей!» деб кўкрагини чангллаганича, шилқ этиб тиззамга йиқилди. Орқадаги боланинг лимонадини олиб, бетига сув пуркаганимни биламан, ҳалиги дингқулоқ бирдан уввос солиб, ўрнидан туриб кетди-ю, «кўзни единг, итвачча», деб бўкиришга тушди. Қарангки, шошилишда лимонадга қўшиб оғзимдаги носниям пуркаворибман. Ҳайриятки, дўхтирлар бор экан, уни машинага босиб касалхонага опкетишди. Юрагинг пачава бўлгандан кейин, тўп уришни биладиган томонга ишқибозлик қилсанг ўласанми, деб ўйладим.

Ақлли одамнинг садагаси кетсанг арайиди. Тўп киритилгандан кейин қора кийимли мўйсафид ниҳоят ўспириналарни муросага келтириб, сариқларни бу томонга, қизилларни у томонга ажратиб ташлади. Тўгрида, қайсиидир донишманд майдонни илгаритдан теппантенг бўлиб берган экан, бирорни томонида пишириб қўйибдими? Агар мақсад тўп киритиш бўлса, ўзингни тарафингдаям тап-тайёр дарвоза турибди, бошқаларникига уришинг шартми?

Мўйсафид шўрлик шунча уринди-ю, куйиб-пишгани бари бир чилпакка чиқди. Ҳуштак чалиниши биланоқ, безори ўспириналар ҳасибдаги пиёз билан қиймадек яна бир-бирига аралашиб кетишиди.

Бир пайт баданимнинг қитиги келгандек бўлди. Мундоқ қарасам, барзангига қўшнимнинг кўзи ўйинда-ю, қўли оёғимда ўрмалаб юрибди, тимирскиланиб ниманидир қидиряпти. Индамасам, қўлини чўнтағимга

суқадиган чамаси бор. «Хў, акаси, ҳасиб бу томонда», дедим. Эндиғина айбини бўйнига қўймоқчи бўлиб турвдим, тўс-тўпалон тагин авжга чиқди. Сариқ майкали ўйинчилар бу вақтда нариги дарвозани ўраб олишган экан. Улардан биттаси тўпни юқоридан қиялатиб тенгган эди, бехосдан бошқасининг калласига тегиб, дарвозага кириб кетса бўладими. Стадионда қиёмат бошлианди, қўрқиб тогарамни қўлимга ушлаб олдим.

Шериклари тўп урган ўйинчининг ёнига келиб, калланг ёрилмадими дегандек бир-бир кўнгил сўраб кетишиди. Боши лат еган ўёқда-ю, буёқдаги ишқибозлар унга ачинганидан «ув-в!» деб юборишиди. Кейин ўйинчининг калласи бутунлигини кўриб суюниб кетишиди шекилли, бир-бирини янги келин-куёвдек «чўлп-чўлп» ўпа бошлиашди. Барзанг қўшним мени қучоқлаб даст кўтарган пайтда, кўргиликни қарангки, тогорам қўлимдан бехос чиқиб кетди. Одамларни устидан бошма-бош сирғаниб бориб пастроқда бир даранглади-ю, шу-шу қайтиб дараги бўлмади. Ҳе, ўша футболингни кароматидан ўргилай, деб йиғламсираганимча ташқарига юрдим. Дарвозадан чиқаётган чоғимда томошабинларнинг ҳайқириғи орасидан қадрдан тогорамнинг товушиям эшитилгандек бўлди. Ишқибозларнинг «Ур-ур, «Пахтакор!» дейишига мослаб «даранг-даранг», «даранг-даранг» қилади-я жонивор.

Хуллас, ўшандан буён ҳасиб сотгани стадионга бормайдиган бўлдим, аммо-лекин мистогорам нодонлик қилиб «Пахтакор»нинг ишқибоаларига қўшилиб кетди. Ҳа, тогорамнинг шўри курсин-а, «Пахтакор» олий лигага чиққунча даранглайвериб илма-тешик бўпкет-масайди.

1986

БАЙРАМ ИНТЕРВЬЮСИ

Жамоатчи ҳажвчимииз байрам арафасида улфатчилик фанлари доктори Маишат Маишатович билан сухбатда бўлди. Кўичиликка отнинг қашқасидек танилиб қолган Маишат Маишатович янги йилни кутиб олиш тартиби ҳақида ўз тоифасидаги шахсларга қаратагапириб шундай деди:

— Қадрли шишадошлар, азиз ҳамтовоқларим! Ма-

на, янги йил ҳали пробкаси очилмаган «Портвейн» дек қаршимиизда маҳтал турибди. Нақадар гаройиб байрам бу. Унинг ўзига хослик томони шуидаки, бу куни эркак зоти ёппасига ичади. Ичишни ўрганган аёллар эса орага суқилишиб, даврамизни янада кенгайтирадилар. «Яратганинг олдида шоҳу гадо баробар», деганларидек, ичилгандан сўнг ёши, жинси, касби, амалидан қатъи назар, ҳамма бир хилда алжираи бошлайди. Сиполик, ройишчилик, расмий гап-сўзларга барҳам берилиб, сұхбат чапани тус олади. Натижада, даврадагилар ўртасида мазмуни унча чуқур бўлмаган баҳслар бошланиб, коллектив равишда жанжаллашиш туйғулали камол топади. Менимча, биргалашиб ичишнинг нафосати, оламнинг гулистонлиги ана шунда.

Лекин бундай ажойиб давраларда қатнашиш, базми жамшиднинг бошдан-оёқ иштирокчиси бўлиш сиз ўйлаганчалик осон иш эмас, биродари азизлар. Киши бунга жиддий равишда ҳар томонлама тайёргарлик кўрган бўлиши керак. Ўзимнинг кўп йиллик бой тажрибамга таяниб, худди шу масалада сизларга айrim маслаҳатлар бериб ўтмоқчиман.

Хуллас, ичишни ўттиза биринчи декабрнинг илк тоғидан, яъни каллаи саҳардан бошлаган маъқул. Эрталабки бу машғулот учалар ачимаган пиво ёрдамида ўtkазилади. Хўрак учун қалампирлантан қурут, капчёнка ёки шўрданак ҳозирлаб қўйишни унутманг. Пивога туз сепиб ичиш қатъиян маън қилинади:

Уч-тўрт шиша пиво отиб олингандан кейин, кишининг кўз томирларида ультра қизилранг аломатлари пайдо бўлиб, мия тўқималарида енгил сархушлик сезилади. Демак, олам гулистон! Энди тамаки маҳсулотларини тутун ҳолида эрмак қилиб, пича дам олишимиз мумкин.

Соат ўн бирларга бориб, машғулотнинг иккинчи босқичига ўтамиз. Бу пайтда пиволарни четга улоқтириб, шампандан баҳра олиш фурсати етган бўлади. Қопқоқни ракета қилиб учирганимиздан сўнг, ноёб ичимликни каттароқ идишга тўлдирамиз-да, уни бир кўтаришда уриб қўямиз. Қарабсиэки, олам янаем гулистон!

Машғулотнинг учинчи қисми одатда тушликдан кейин бошланади. Мазкур босқичда биз у ёки бу номдаги ўзимизбоп вино билан мулоқотда бўламиз. Винони ҳар ярим соатда юз эллик граммдан оширганинг ҳолда

ағдарма қилиш тавсия этилади. Учинчи босқичнинг охирларига бориб, машғулот ўтказувчининг қорин қисмида бурама оғриқ пайдо бўлиши табиий, чунки вино, пиво ва шампан ошқозонда учрашиб, аёвсиз реакцияга киришади. Айрим тажрибасиз ичувчилар бундан заррача саросимага тушмасликлари керак.

Заҳматли ва ҳузурбахш машғулотимизнинг тўртинчи босқичи кечки овқат арафасида бошланниб, киши ўзини идора қилолмай қолгунга қадар давом эттирилади. Эндиликда наявбат ароққа келганини ўзингиз ҳам сезиб тургандирсиз, азиз шишадошларим. Бу босқичда киши ўзини бутунлай эркин хис қиласи. Даврада ҳам вазият бошқача: бирор-бировни менсимай қўйган, ҳамма гапиришни истайди, аммо уни ёшитадиган одам йўқ, бирор ўлиб кетган момосини эслаб йигласа, бошқаси гердайтанча ашулани важсанг қиласи. Қисқача айтганда, олам ниҳоятда гулистон!

Мана энди чинакам байрам бошланди, десак ҳам бўлаверади. Сиз билан биз эса уни мароқли ўтказишга аллақачон тайёрмиз. Чунки, эрта саҳардан бошланган тинимсиз машқлар натижасида танамизни обдан чинқтириб, ўзимизни қадаҳбоялик жангига пухта шайлаб олганмиз. Энди бизни енгиз анча мушкул. Ҳатто «Конъяк» аталмиш марказ олийлари ҳам бизни осонликча ииқитолмайди.

Бир нарсани алоҳида таъкидлаб ўтишим лозим: машғулотнинг дастлабки уч босқичи уйдан чиқилмаган ҳолда олиб борилади. Чунки кўча-кўйда заруратсиз санғиши ҳушёрхонага тушиш хавфини кескин оширади. Бу кўнгилсиз тадбир эса сиз билан бизнинг байрам программамизга киритилмаган. Тўртинчи — ҳал қилувчи босқич шишадошлар даврасида қиёмига етказилади.

Сўзимни якунлар эканман, сиз қадрдонларга мурожаат қилиб айтаманки, базм машғулотларини ўюшқоқлик билан олиб бориб, улфатчиликни каминадек устамоннинг қимматли йўл-йўриқларига қатъий риоя қилган ҳолда юқори савияда ўтказайлик...

Бундай вақтда бор овозда барага қичқиргинг келади: «Бугун дилларда галаён! Бўлди! Етар! Шишаю пробкалар зўравонлигига энди чек қўяйлик! Ичимликларга озодлик! Олам бутунлай гулистон бўлсин!»

ТАШВОЙТАГ

Икки күнлик хонаки мәхмандорчилардан сүнг дүстим мени район марказига сайрга олиб чиқди. Бөгдаги чойхона пешайвонида чанқовбосди қилиб ўтирганимизда пакана, тепакал кипи соққадек ғилдираб келиб, биз билан қуюқ күришди. Ўттизинчи йилларда русум бўлган жулдур шапкасини сўри четига қўйиб, узатилган чойни шонниб-шониб хўриллатишга тушди. Бу орада мен билан чала-пула танишиб олишга улгурди.

— Қоратепадапман денг? Оғайнилар кўп у ёқда, телефонлашиб турдаги. Молияндаги Дарраевинг қайнанаси бир тандирфуруушга тегиб кетганини айтишувди. Қалай энди келин-куёвлар?

Дарраевинг сўққабош қайнанаси бизнинг маҳаллада туради. Ишга ўтиб кетаётганимда унинг ҳовлисида иштаниш чол чиқиб келаётганини кўргандек бўлувдим. «Ҳа, яхши яшашилти», деб қўяқолдим.

— Кампирларки шунаقا қинтурса, Шаҳлога ўхшаганлардан ўнкаламасак ҳам бўлар, Шукурвой, — дея дўстимга юзланди тепакал.

— Қайси Шаҳло? Нима қинти?

— Универмагдаги новча қиз бор-ку. Бугун тунда эрини ёмон калтаклабди-да. Ўртоқ Қонқоновнинг хотинига қуда томондан чатишлиги қутуртирганини дейман? Бўлмаса ўшандай мўмин эрни нега шунаقا азоблайди?

— Эрини танимас эканман, — деди Шукурвой.

— Танийсан, эслолмаялсан, — бўш ниёлани узатаётуб ишонч билан бош силкиди тепакал. — Холдор кўсанинг жияни-да...

— Э, Холдор төғанинг жияними?

— Шу Холдор кўсагаям қийин бўлди. Ўзи одамга бир фалокат ёпишса, қаторлашиб келади. Сариқ бўлиб ётган келини, дорилар ҳомилага таъсир қилиб, тўртинчи числода чала туғиб қўювди, ўн иккинчи числода куёви мотоциклдан йиқилиб, оёгини пачоқлади. Бундан бир соат бурун ўзининг молхонаси ёниб кетганмиш. Яхшиям новвоси занжирни узиб қочибди, бўлмаса учюз килолик кабобни кўрардинг.

— Районларингда ўт ўчирувчилар борми ўзи? — дея гапга аралашдим мен.

— Құнғироқ қилишса, телефон ишламабди, — ўрнида жавоб қайтарди тепакал. — Ҳозир келаётіб тағига етсам, бир трактор ўн учинчі километрдаги сим-ёғочни уриб, кабелни узворган экан. Трактор қайси ташкилотта қарашлилигини ҳозирча аниқлолмадик. Территория «Большевик» колхозиники, менимча трактор ҳам...

Тепакал нон бурдасини қаймоққа булаң лунжига тиққаң, қўшимча қилди:

— Ҳатто Истроилдек митти давлатдаям телефон кабеллари тўлиқ ер остида экан...

Кейин ганин чирпиратиб келиб, ўзимиздаги яҳудийларга тақади.

— Ҳайим сартарошнинг бешинчида ўқийдиган шахматчи ўғли район мусобақасида биринчи ўринни олибди. Райисполком раисининг кап-кatta неварасини қаторасига уч марта мот қилворибди-г. Ўйнашмагин арбоб билан деганларидек, санстанциядагилар кеча Ҳайимнинг сартарошхонасини печатлаб кетиши...

Чойхона ичкарисидан осма соатнинг даранглаши эшитилди.

— Ие, вақт бўпқолди, шекилли, — дея шошилинч ўрнидан қўзгалди тепакал. — Ҳўп, насиб қилса тушдан кейин бир гурунглашармиз.

У папкани қўлтиққа уриб, пешайвон пиллапояси сари юрди. Пастга тушгач, милиция формасидаги йигитни йўлакда тўхтатиб, нимадир ҳақда гаплаша бошлади.

— Ким бу? — деб сўрадим мен.

— Тайёрлов идорасининг бухгалтери Тошвой ака, — деди Шукур. — Билматан, қизиқмаган нарсаси йўқ. Лақабиям ТошвойТАГ.

Шукур гапни тугатиб-тугатмай, ТошвойТАГ пастдан овоз қилди:

— Шукурвой, мана, участковойдан билиб олдик. Ҳалиги симёғочни ҳақиқатанам «Большевик»нинг трактори пачоқлаган экан...

ЎзТАГ тезкорлик, синчковлик, айниқса холисликда ҳали анча орқадалигини фаҳмладим.

1980

ОДАМГАРЧИЛИК

— Мумкинми кирсам? Ассалому алайкум, Шоғози Норозиевич. Идоранинг ёнидан ўтиб кетаётиб, сизни табрикламаганим бирдан эсимга тушиб қолди-ю...

— Қанақа табрик?

— Омонлик бўлса, Шоғози Норозиевич, эртага янги йилни кутиб оламиз.

— Менга қара, Мардивой, бошимни кўп айлантирумай, шартта асосий масалага кўчуб қўя қол. Биламан, бирон дардинг бўлмаса, олдимга келиб ўтирмасдинг.

— Хуллас... дардим оғир, Шоғози Норозиевич.

— Хўш?

— Анчадан бери уйимиздаги жовонда битта арман конъяги ичилмасдан турибди денг...

— Ие, қизик-ку. Қани, давомини гапир-чи, Мардивой.

— Ўша юлдузжамолнинг мазасини тотолмай, бир ойдан бери юрак-багрим қон бўл кетди, Шоғози Норозиевич! Евуз хотиним жовонни қулфлаб ташлаган!

— Ўта бардошли одам экансан, Мардивой. Хўш, сен нотавонга нима учун хотининг бу қадар жафолар қилияти?

— У ярамас десангиз ўша конъякни қандайдир слесарга атаб опкелганиши...

— Э-э, гап буёқда дегин? Бундан чиқдики, хотининг ўша слесарь билан...

— Нималар деяпсиз, Шоғози Норозиевич!

— Унда, гап нимада ўзи?

— Ҳамма гап шундаки, бир ойдан буён квартирамиздаги батареялар яхши ишламаяпти, кейинги кунларда бутунлай совиди-қолди. Чамаси, хотиним батареяларни тузаттириб, устани конъяк билан хурсанд қилмоқчи. Эссизгина арман конъяги, уни ўзим биронта улфат билан майдаласам бўлмасмиди, а?

— Ҳм... умуман... одамгарчилик юзасидан бу ишга шахсан ўзим аралашмасам бўлмайди шекилли. Ахир, эски танишлармиз... Хотининг жуда эзвориби сени...

— Олижаноб одам эканлигингизни билардим, Шоғози Норозиевич. Раҳмат сиага!

— Сен... уйга бориб... ҳм... сал тайёргарлик кўриб тур. Тушликка яқинроқ етиб бораман мен. Ташиб тортма, уйингни ҳаммом қилворамиз. Майли, байрам олдидан бир чақчақлашиб ўтиришайлик. Фақат, хоти-

пингга айтиб қўй, Мардивой, ҳам... жудаям ортиқча уриниб ўтирумасин...

Мардивой ЖЭКнинг сантехниклар бригадаси бошлигига яна бир бор миннатдорчилик билдираркан, кўзидаги мугамбирликини сездирмаслик учун нигоҳини аста ерга қадади.

1978

ПЎПИСАНИНГ ОГИРЛИГИ ҚАНЧА?

Август ойининг бошлари эди. Директоримиз мени хузурига чақириб, қўлимга қандайдир хатни тутқаздида, шу жойнинг ўзидаёқ унинг мазмуни билан танишиб чиқишимни буюрди.

«Хурматли олимлар, — деб бошланган эди хат, — сизларнинг илмий-текшириш институтингида асабий зарбанинг инсонга жисмоний таъсирини ўрганиш устида катта тажриба ишлари олиб борилаётганини газетадан ўқиган эдик. Бизга бир масалада ёрдам бериншларингизни колхозимиз правлениеси аъзолари номидан ўтиниб сўрайдурмиз. Яъни, масалан, бир нобоп одамни ишдан ҳайдадик деб фараз қиласлик. Ана шу жазо жисмоний томондан унга неча килограмм вазминликда таъсир қилиши мумкин?»

— Хатто қишлоқдаги ўртоқларининг ишимиш билан қизиқишпайтгани бизни бенаф деб атаётган баъзи ташкилотлар олдида юзимизни ёруг қиласди, — деди директоримиз. — Бу соҳада тажриба ишлари ўтказиб, хатга аниқ жавоб ёзиб юборишни шахсан сизга топшираман.

Бир ойлик изланишлардан сўнг, ниҳоят қатъий хulosага келиб, колхозга жавоб хати ёздим: «Ишдан ҳайдаш кипига ўрта ҳисобда 75 килограмм юк кўтартириш билан баробардир. Лекин, шуни эслатиб ўтиш лозимки, юк миқдори ўша шахснинг ёши, жисмоний тузилиши, асабининг бўш ёки қаттиқлигига қараб кўпроқ ёйинки озроқ томонга ўзгариши мумкин».

16 сентябрь куни колхоздан яна хат келди: «43 ёшга кирган, ўта сурбет, бўйи бир метр 67 сантиметр, оғирлиги 80 килограммлик одамга «ҳайфсан» берсак, унга қанча юк босган бўламиш?»

Ўтказилган тажрибалар шуни кўрсатдики, оддий

«хайфсан» юқорида тасвирлаб берилган нусхадаги кишиларни 30—35 килограмм оғирликта эзаркан. Колхозга шу мазмунда хат жүнатдим.

Колхоздан келган навбатдаги мактуб конвертта 2 октябрь куни солинган бўлиб, унда «оғоҳлантириш»нинг аввалги сафар қайд этиб ўтилган шахсга нисбатан жисмоний таъсири ҳақида маълумот беришимиз талаб қилинган эди.

Яна тажрибалар ўтказишга тўғри келди. «Оғоҳлантириш» деган нарса кишини 15 килограмм юкни кўтариб юришга мажбур қилишини аниқладим-у, бундан ўзим ҳам ҳайратга тушдим. Чунки, ҳисоблаб кўрсам, ишга келганимга ҳали уч йил бўлмай туриб, олти марта «оғоҳлантириш» олибман. Бир ўзимга 165 килограмм жазо беришибди-я!

Колхозга янги хатни жўнатиш билан бирга, берилаётган маслаҳатлар учун муассасамизга тўланадиган пулни банкка ўз вақтида ўтказиб туриш лозимлигини ҳам эслатиб қўйдим.

Б ноябрь куни колхоз раиси шаҳарлараро телефон орқали менга қўнғироқ қилди. Салом-алиқдан сўнг мақсадга ўтиб деди:

«— Хўш, яхши йигит, қирқ уч ёшли сурбет одамга мажлисда қаттиқ пўписа қилсан, гарданига қанча юк ортган бўламан?»

«— Аниқ айтиш учун олдин тажриба ўтказиш керак, — дедим мен. — Агар тахминан оладиган бўлсак, етти-саккиз килограммдан кам чиқмас-ов».

«— Сиздағанги олимлардан ўргилиб қўйдим! — зарда аралаш пўнғиллади раис. — Бир ярамас иш кўрсатиб турса-ю, сизларга қолса унга пўписа ҳам қилмаслигимиз керак экан-да? Бунақада колхозда тартиб ўрнатиб бўларканми?!»

«— Тушунмадим», — дея гўлдирадим мен.

«— Нимасини тушунмайсан, акаси, — вагиллаган товуш келди трубкадан. — Омборчимиш колхоз арпасини тия қилмоқчи бўп турганда ҳалқ контролининг қўлига тупди. Уни, ҳеч бўлмаса, тергаб қўёлмасак, биз бу ерда нима қилиб ўтирибмиз?»

«— Арпангизни кимдир тия қилса, менга нима!» — бирдан каминанинг ҳам қони қизий бошлади.

«— Битта пўписани саккиз килога чиқариб қўйиб, яна «менга нима» дейди-я, — жириллай кетди раис ҳам. — Омборчимиш ёзда сарик касали билан оғри-

ган. Бу касалликқа қалингандарга бир йилгача түрт килодан ортиқ юк жұтартыриб бўлмайди. Тўрт килолик дўқни қаердан топаман унга? Ўргилдим ўша экспериментингдан!»

Трубкадан «дут-дут» деган товуш эпитетиди.. Колхоз билан илгор фан ўртасидаги алоқа яна узилиб қолди...

Хе, аттанг-га, аттанг-га, қишлоқдагилар бизни тўгри тушунишмади, шундай ажойиб кашфиётимизни қадрлай олишмади. Лекин, энг муҳими — кимлардир ишимиз билан қизиқиб кўришди-ку, шуниси бас. Ди-ректоримиз айтганлариdek, бу нарса бизни бенафликда айблаётган баъзи ташкилотлар олдида яхши дастак бўлади.

Тажрибаларимиз давом этмоқда.

1979

ЧАШМАДРОМ

Саратонда паноҳ иалаб, боғнинг салқин жойидаги мажруҳ курсига бориб ўтиридим. Бир тикансоқол менга синовчан боқиб, теваратимда икки-уч доира ясагач: «Хўш, акаси, бирга учамиами?» деб сўради.

Атрофга алангладим, яқин-ўртада ҳайнинчак кўринмади, фақат нарироқдаги ёғоч дўконча олдида бир гала одам уймаланиб турибди.

— Чашманавтмисан ахир? — яна савол берди у оғзидағи напиросининг думини чайнаб.

Наҳотки мени биронта фазогирга ўхшатишашётган бўлса, деб ўйлаб, ўнгайсизланганимча «Йўғ-е!» дедим.

— Унақа бўлса, чашмадромни банд қилма, — деб ўқрайди тиканаксоқол. — Шу йўлакдан тўхтамай бориб, чапга бурилсанг, лимонадфурӯшнинг олдидан чиқасан. Қани, жил.

Туриб, бошқа томонга қараб юрдим. Ёғоч дўкон ортидан ўтиб бораётсам, яшиклар қалаб ташланган жойда кишилар тўп-тўп бўлиб ўтиришибди, ўрталарида эса «Чашма» винолари. Илгарироқ бошлаганларнинг баъзилари ажриқقا чўзилиб, аллақачон учебиб ётибди.

1980

ЧАКАЛАКЗОР АФСОНАСИ

Чакалакзор султони фил зртак китобни вараклаб ўтириб, қадимги ҳукмдорлар саройида ўқтин-ўқтин мушоиралар ўтказиб турилгани, шеърхонлик баҳсидағолиб чиқсан шоирлар тақдирлаб борилгани ҳақидаги жойига беихтиёр кўзи тушиб қолди.

«Наҳотки, менга тобе бўлган жониворлар ичидашеър ёзишни уддалайдиганлар топилмаса? — дея ўзига ўзи савол берди султон. — Мабодо шоирлар бўлса-ю, мен мушоира ўтказиб турмасам, унда ҳукмдорлигим қаёқда қолди?»

Бақироқ жарчилар бутун чакалакзорни кезиб, султоннинг мушоира ўтказиш тўғрисидаги фармонини эълон қилиб келгач, орадан кўп ўтмай саройга шоир сифмай кетди. Бунча меҳмонни айёфат қилиш жуда қимматга тушишидан ташвишланган фил: «Ҳар тоифадаги ҳайвоидан биттадан энг зўр шоир қолсин-у, бошқалари кетаверсин!» деб амр қилди. Лекин «мен ўзгалардан настроқ ёзаман», дейдиган биронта шоир топилмади, ҳаммалари қимирламай туравердилар. Охири қуръа ташлашга тўғри келди. Қуръада омади чопган шоирларни ичкарига таклиф этиб, қолганларини тарқатиб юбордилар.

Қуюқ зиёфат тортилиб, ҳамма баҳоли қудрат овқатланиб, бўлгач, султон ҳар кимнинг обрўйига қараб навбат беришни дилига тугиб, ёнверига аста кўз ташлади.

— Адашмасам, сен бошқалардан анча баднафсроқсан, — деди у ниҳоят Бўрига қараб. — Мушоирани ўзинг бошлай қол!

Бўри Филга сиполик билан таъзим қилгач, тинларини иржайтириб шеър ўқишга туиди:

— Қўй жуда ҳам кўп маъраса,
Тилгинасин тийиш керак.
Тилгинасин тийиш учун
Уни шартта ейиш керак.

Теварак-атрофдагилар: «Э, қойил!», «Яхши ёзилибди!» — дея жаврай кетишиди. Бўри жойига бориб ўтиргач, навбат Айиққа берилди.

Айиқ бўкириб ўқий бошлади:

— Асалари ухлаганда, бў-бў,
Асалини ўтирлайман, бў-бў.

Асалимга бирор тегса, бў-бў,
Суробини тўгрилайман, бў-бў-ў!

«Чаккимас!», «Тузук ҳар ҳолда!», «Асалингни ким оларди!», деган товушлар эшитилди.

Уртада Сиртлон пайдо бўлди. У мўйловини қимирлатиб, бир оз чайналиб тургач, мингирилаб ўқий кетди:

— Мушионга бўлган жойда, жўралар,
Тўпланиб шеър ўқиш яхши,
Менимча.
Чакалакда ёлғиз юриб, жўралар,
Кучисизларни бўғиш яхши,
Менимча.

Сиртлоннинг шаънига ҳам пойма-пой мақтовлар айтилгач, Тулки жойидан туриб, югуриб борганича Филнинг оёғини ўпди. Кейин қўзларини юмиб олиб, ёддан ўқишга тушди:

— Баъзи аҳмоқ ҳайвонлар бор,
Кавшар кўнгли тортганини.
Мен-чи, тоқат қилиб юриб,
Ейман шоҳдан ортганини.

Филнинг мамнун жилмайиб қўйганини кўриб, атрофда ўтирганлар бир-бирларига гап бермай, Тулкини мақтай кетдилар.

Зиёфат пайтида ҳаммадан чаққонроқ ҳаракат қилиб, қорнини аллақачон қаппайтириб олган Шоқол қўзларини сузиб сultonга таъзим бажо келтирди. Сўнг унинг чийилдоқ товуши бутун хонани тутиб кетди:

— Мен Шоқолман, билиб қўйинг,
Менга ҳазил кетмайди.
Ҳазил қиласа ҳатто ошнам,
Уйиге сог етмайди,
Менга ҳазил кетмайди!

«Хе, куруқ бўлмай ўл!», «Дўқингдан ўргилдим!» деб ўзаро шивирлапиб қўйишиди атрофдагилар.

Навбат ёш Қуёнга келди. У қаерда ўтирганини унутиб қўйгандек шаҳдам одимлаганча ўртага чиқиб, ёзган шеърини баралла киришди:

— Атрофимда йиртқичлар кўп,
Гоҳ ҳавфсираб ухламайман.
Лекин, мени тинч қўйинг, деб
Йиртқичларга йигламайман.

Фил «Ҳм!», деб хартумини пешонасига тиради. Ҳамма бирдан индамай қолди.

— «Йиртқичлар» дейиш билан кимларга шама қиляпсан ўзинг? — Султонга маънодор қараб кўйиб, Қуённи сўроқقا тутди Тулки. — Янглишмасам, сен фақат Бўрини назарда тутаётган бўлмасанг керак?

— Ким қандай тушунса тушунаверсин, — дадил жавоб берди Қуён.

— Тилингни суғуриб олмайин тагин! — дея ўтирган жойидан гижиниб хитоб қилди Бўри.

Шоқолнинг кўалари совук чақнади:

— Бунақа ҳазил кетмайди бизга!

Филнинг буйруги билан ясовуллар Қуённи ушлаб, дераадан ташқарига улоқтиридилар. Уни бундан кейин ўтиказиладиган мушоираларга қатнаштирмайдиган бўлишди.

Чакалакзор султони мушоиранинг бош ҳаками сифатида энг зўр шеърни Тулки ёзган деб топди ва уни мукофотлаш тўгрисида фармон берди...

1981

ПОЙГАҚДАГИЛАР

Туфливой билан Туфлий бир хилватнишин уйпинг остонасида учрашиб қолдилар.

— Ҳалиям йўлкаларни тақиллатиб юрибсанми, пошнангдан аканг? — суқланиб гап отди Туфливой.

— Бор-е! — дея нозланиб бурнини чўччайтириди Туфлий. — Аъзойи баданингдан ачиған пайпоқнинг хиди келянти. Нарироқ тур.

— Ҳў, намунча осмонлайсан? Сен хромвачча бўлсанг, биз кўчада қолибмизми? Ҳўжайним катта бир идоранинг ишини гилдиратиб турибди.

— Ҳўжайнинг бекамнинг олдида сариқ чақа. Бизнинг идорада йўлакларгача гилам тўшалган.

— Биз ҳатто машинанинг ичидаям гилами эзиб ўтирамиз. Тупов куни десанг таги пастроқ бир Ботинка лой илаштирганича чиқиб келса бўладими? Ачитиброқ гапирай десанг...

— Э, нимасини айтасан, — пистончасини ярқирашиб сузилди Туфлий, — бунақа бефаҳмлар навалом.

Минг шукрки, уларнинг купи магазиндаёқ буришиб ўлади.

— Ҳа, биз ношукурчилик қилмасак ҳам бўлади, — деди Туфливой. — Ҳар ҳолда сал-пал обрўйимиз бор. Тунов куни хўжайин билан бир зиёфатга боришимизга тўғри кепқолди. Қайтаётганимда унинг ўринбосари мени артиб қўйди.

— Фу, шуям обрўми? Агар истаса, бекаси хўжайинингга мени ўптиради. Қолаверса, зиёфатга борди-и-к, деб мақтанишингни қара. Нима, сениям тўрга етаклаб чиқишиб, олдингга кабоб қўйиопдими?

— Энди, очигини айтсам, акаси, ҳар ким ўз ўрнини билиши керак. Икковимизнинг ҳолимиз ҳам ўзингга маълум...

Шу пайт кўча дарвоза очилиб, сўлақмондай бир йигит ҳовлига кириб келди-да, ишком остидаги сўрига тириб, виқор билан сигарет тутатди.

— Ана шофёр ҳам келди, — деб жилмайди Туфлиой.

— Буям ўаимиздан, — деди Туфливой ачинган овозда. — Бу шўрликкайм қийин...

1980

ЎШАНИНГ ЭРИМИКАН?

Анов сўлақмон неги мени четга имлайти? Аваойи бузуқ. Наҳот, бу ўшанинг эри бўлса?

Мен уни кўрмаётгандек танишим билан бемалол гаплашиб турибман. Узокроқ гаплашиб керак, токи унинг тоқати тоқ бўлиб, қайтиб кетсин.

Ана, яна имлади. Шубҳага ўрин йўқ, бу унинг эри. Кўз қирида аста чамалаб кўрдим, қуриб кетгурнинг мушти нақ бозғондек келади. Ўша исқот билан қаншаримга қараб тортса борми!..

Хуллас, вазият нозик. Ўзимни дадилроқ тутиб, сухбатни иложи борича чўзганим маъқул. Охири кутишдан зерикади-ёв.

Ё раббим, яна имлайти-ку. Энди нима қилдим? Неча марта ўзимга ўзим айтаман — хотинлар масаласида эҳтиёт бўлгин, деб. Шундай дейман-у, қулай пайт келди дегунча ўзимни тиёлмай қоламан. Мана оқибати.

Тагин имлади-я, сурбет. Уф! Бунинг нияти буауқ.

Балки, хотини панароқда тургандир. Яхшиликча бўйнимга олмасам, балки иккаламизни юзлаптирар, ёқамдан тутиб кўпчиликнинг ўртасида шарманда қиласа-я. Ё раббим!

Ана, яна имлаяпти. Ке, нима бўлса бўлар. Қилар ишни қилгандан кейин, энди тақдирга тан беришим керак.

— Мени чақиряптиларми? — орадаги масофани узоқроқ тутишга ҳаракат қилиб, тиржайганимча сўрадим ундан.

Кутилмаганда у ҳам мулойим илжайиб, аста шипшиди:

— Туроб Суробович сиадан бир нарса сўраган эканлар. Шунга келувдим.

Мен енгил нафас олиб, сиполик билан аста томоқ қирдим. Бундан ярим соатча оддин гўсхўрроққа ўхшаб кўринган бир аёлдан мўмайтина уриб қолган эдим. Бу сўлақмонни ўшанинг эримикан деб ўйлабман...

Умуман, магазинда ишлаш тобора қийинлашиб кетяпти.

1978

УСТА ГУЛМАТНИНГ ЖУМБОФИ

Шоирликдан илкис кўнглум совуб, баайни назм мушук, ман ит бўлибдурман. Мундоғ кескинлик кўрсатурга тўрт сабаб топдим.

Сабаб рақам бир: белимдан қувват, турқимдан истара чекингоч, ҳатто носқовоғимга алоҳинда қош учирив юргон аҳли нозанин дафъатан юзсизликка ўтиб, пуч савлатимни бир имога олмайдургон бўлди. Бегоналар ордона қолсун, кенжа хотунчам ҳам гоҳ соқолимни паҳмоқ, гоҳ қорнимни дўмпоқ деб қарғанадур.

Сабаб рақам икки: дўст-аҳбобдин ҳануз оқибат кутуб, хумбошлиғимча қолмакни ўзимга эп кўрмадим. Зоро ман мудом имонга әргашдим, алар эҳсонга тирмашдилар. Аларга шакар тутдим, алардин заҳар ютдим.

Сабаб рақам уч: оллои каримнинг табаррук исмини маҳфий шўъбадин чўзилғон яширин маошга пуллаб, очиқ кўрлар жамоасини милтиқбоз яўрлар думасига чандиб бергон дин пешволарини мазангламақдин ҳам

толиқдим. Жамоа күзини очмак истадим, күр бўлмағоним учун жамоа мандин ҳамдард топмади.

Сабаб рақам тўрт: ва ниҳоят салтанат ила олишмоққа барҳам еткаруб, ҳокиму арбобларга омонлиқ бердим. Фахмладимки, бир тождорни ағдарсам, таҳти иккинчи олғир фойдасиға бўшатғоним қолур.

Алқисса, шоирлик ила орони очиқ қилгоч, хаёл уммонига гаввос ўлуб, маҳоватимга лойиқ насл қидирдим. Уммон тубига етиб билдимки, банда учун энг қуттуғ саодат — ҳар нимарсадин сир-асрор ахтариб, оламни равшан англамоқ эркан. Шу асно ўзимни илмға урдим.

Алломаликка илк қадамни Беруний сумалак тошини чақиб кўрмакдин, ибн Сино қоврилғон бўйракни идроклаб чайнамақдин, Мирзо Улуғбек Ашратхона шифтиндаги жинчироқларниң жойлапув тартибини жадвалга туширмакдин бошлиғон бўлса, ажаб эрмас. Буюк аждодларимдин фарқим — фақирнинг илк назари қабоқарига тушуб, кўнглумда ул маҳлуқни болари ила чогиштирмоқ ҳаваси уйғонди. Авомга маълум ва мақбулким, болари бош суққон туйнукнинг хотимаси текин асал йиғиндисига бориб тақалгай. Вале ман қабоқарилар масканига жиддий ҳужум уюштириб, ҳужрамнинг ён деворини вайронлаб кўрсан-да, гувалалар оросиндан лоақал чириқ турпак топмадим. Бул заҳматли чогиштирув ниҳоясинда дилимда башораттаб бир сўроғ зоҳир ўлуб: «Боларига нисбат айласак, қабоқарининг боши уч чандон, кети беп чандон катта бўлғони ҳолда, нечук бизга етадурғон даромад ҳечдур?» дедим. Сўғин оллодин ваҳий келиб, каромат ёғдирдим: «Жонзот нечоғлик бесўнақайдур — наф шунча камдур», деб. Эмди Юсуф Ҳожибек жумбоқдин ечим, ечимдин фалсафа излаб, қатъий хулоса қилдим ва ёшларга мундог насиҳат битдим: «Танлагон ёринг қанчаки хипча эрса, рўзиғорга шунча барака киритгай. Хотуннинг қўполи бунинг аксидур».

Шу йўсин, бу чалкаш дунёда шоир бўлмакдин чойхона чойнагини ўғирлаб кун кўрмак мақбул деб, ўзни батамом илмға кишанладим. Авалиёлик ҳислатимдин яралғон нодир фикрларни абадийлаштирув йўлинда қирқ дафтарни нобуд этиб, рисолалар ёзмоқдин ҳануз тийилмағонимга не ҳайрат? Чунончи, олам жумбоқла-ри бисёр эркан, мутафаккир таажжуви ҳам бениҳоядир.

Узоқ кетмай, куни кеча рўй берган галат ишдин

келай. Күрсам, бир мусоғир дала йўлини қазиб, дўппи кўмаётир. Сўрдим: «Бу не аҳмоқлик?» Ул безот деди: «Тұғма сәхрардурман, битта дўппи эксам, бир ракаат номозни туширгүнимга довур түртта сувсар қалиоқ униб чиқадур». Ҳосилни тенг тақсимлаш юзасиндан дархол шартнома тузилиб, беқасам чапонлар етиштирмак умидида ман яктагимни экдим. Мусоғир одобини намойишлаб айтдики: «Ёшингиа улуғ эркан, имом бўлинг», деб. Қиблани меҳроб этиб, олдинга ўтдим. Номозни битирғоч, ортга ўгурулиб «ассалому алайкум», десам, мусоғир гижонда? Аллақачон ҳосилни ўриб, қочиб қолибдур. Жумбоқдин ечим, ечимдан фалсафа излаб, қатъий хулоса қилдим ва ёшларға мундоғ насиҳат битдим: «Шерикчиликка ҳатто калиш экма — фойдани келгинди кўрадур».

Бу кун пешинда янги бир чагалнинг гувоҳи ўлиб, тағин яқо ушладим. Тўйдан қайтаётиб қарасам, гузарда оломон тирбанд. Айноқ жинни кўчани тўсиб олиб, «буёққа фақат жиннилар юрсин», деб турибдур. Бирор ўзини телбаликка солиб «қумғонда арслон қовуриб едим», деса бошқаси «айрипилонга әшак қўшиб, тўгри Қашғарга учдим», деди, лек афсус, бирон-бир фойда чиқмади. Бир кимарса эса унга тўқнош бориб, чўнтагидин танга олиб кўрсатди ва нимадир деб шивирлагон бўлди. Шунда Айноқ жинни бехос қаҳ-қаҳ отиб, қутилмагонда унга йўл бўшатди. Данакдек қулогим супра бўлгунча яшаб, бу янглиғ улкан жумбоқни кўрмаган эрдимки, ондин на ечим, на фалсафа, на хулоса, на ибрат топа билдим.

Балким айтгандур:

— Кеча энг яхши дўстни мана мунақа темирчаларга алмашладим.

Ёки:

— Мани, шу нарса мани жинни қилди.

Ёки:

— Ма, окоси. Бу сабилга хоҳласанг сабзини сотиб олурсан, хоҳласанг қозини.

Агар кимда олимликка даъво бордур, ушбу чигални ўринилатиб ечсун, биз томошо қилайлук.

1988

М Е Р О С Х Ў Р

Гапингиздан ҳалиям хурсандчиликнинг иси кеп турибди. Билсам-бильмасам, эски йилни паловхўрлик билан кузатиб, янгисини мушакбозлиқ билан кутиб олган кўринасиз. Мен бўлсан...

Кечада қариндош-уруглар бизницида жамланиб, эндинга дастурхоннинг расаматини келтириб турган эдикки, бирдан эшик тақиллаб қолди.

— Қорбобо келди! — дея чапак урди ўғлим.

Мен ўрнимдан қўзгалмоқчи бўлиб турувдим, эшик очилиб, пальтосига тўрт хил тугма қадаган, телпагининг бир қулогини настга осилтирган бақалоқ йигит тентираклаганича хонага кириб келди.

— Ҳадемай киради... ўша... янги йил, — деб алжирашни боплади у. — Табриклайман ёппасига... Урре-ей!

Бу ҳайқириқни ҳеч ким қўллаб-қувватламаган бўлса-да, бақалоқ сирам хижолат чекмай сўзини давом эттириди:

— Ким бу ерда... ҳалиги... шоир?

Ҳамма тенгдан менга қаради. Ўрнимдан туриб, мастига яқинроқ бордим.

— Ҳўш, хизмат, оғайни?

У аламзада қиёфада менга бошдан-оёқ разм солди.

— Ишни чалкаштириб юрган ўzlари экан-да? — деди у кўзлари сузилиб. — Уста Гулмат масаласида келувдим.

— Қанақа масалада?

— Гапни чўзмайлик, — сизларният тирикликтан қолдириб ўтирумай, дегандек меҳмонларга узрона боқиб қўйиб, яна менга юзланди бақалоқ. — Шеърнинг ҳар қаторига қанчадан тўлашпади ўзи?

— Бир-икки сўм атрофида, — дедим энсам қотиб. — Нимайди?

— Бор-е, кетса мендан кетибди-да! — тантилик билан қўл силтаб қўйди у. — Ўртacha бир яrim сўмдан десам, нима мени отам урармиди?

У остона бўсағасидаги шолчага чордона қуриб ўтириди-да, чўнтағидан ғижимланган газеталарни чиқариб, ўртага ёйди, кейин «Уста Гулмат ижодидан» номли сарлавҳа остида берилган газаллар сатрини са-нашга киришди.

— Ҳозиргача роппа-роса олтмиш қатор босиниб-

ди, — деди у. — Хў-ў-ш... Бир сўмдан — олтмиш сўм, яна ярим сўмдан — ўттиа сўм. Жами тўқсон сўлкавой. Тўғрими?

— Яхшиликча жўна! — дедим ниҳоят тоқатим тоқ бўлиб, — Бўлмаса, милиция чақираман.

— Чақир ўша милициянгни, аниқлаб берсин ким ҳақлигини, — у ўрнидан туриб, қўлидаги газеталарни силкитганича менга пеш қилди. — Мана, далиллар панжамда турибди!

Лўқиллай бошлиган пешанамни силаб туриб, аста сўрадим:

— Ўзи сенга нима керак?

— Бер бувамнинг пулини! — хириллади у.

— Қанақа пул?

Бақалоқ қўлидаги газеталардан бирини ёйиб, ундағи ғазалларга суқ билан тикилди.

— Уста Қулмат деган бир бувамиз ўтган экан. Дадам унинг анча-мунча саводи борлигини тасдиқлади. Энди билсан, бувам раҳматли шеърлар ёзаркан.

— «Ёзаркан» дегин? — истеҳзоли кулиб қўйдим мен.

— Хўш, «ёаган» десам, қўлингдан нима келади? — сурбетлик билан гапини ўнглаб олди у. — Ҳуллас, Қулмат деган номни Гулматга айлантириб, бувамга тегадиган қалампулини битта ўзинг ўмаряпсан. Неварасигаям бер-да, ноинсоф.

Қариндошларим бир-бирлари билан маънодор кўз уриштириб олишгач, менга шубҳа аралаш қараб туришганини сеашиб, беихтиёр қизариб кетдим.

— Калланг ишлайдими ўзи? — қизиша бошладим мен. — Ахир у ғазаллар меники. Гулмат деган номни ўзим тўқиганман.

— Тўқиганинг тўғри, чунки Қулмат деб ёсанг, сиринг шартта очилиб кетарди, — тиржайганича гапни давом эттириди у. — Бер бувамнинг пулини!

— Берақолинг, дадаси, — ҳақиқатанам шеърларни ўзим ёзишимга азалдан ишонқирамай юрадиган хотиним бу ғалвадан тезроқ қутилиш, қолаверса, имкон туғилганда, бир йўла «айбимни» бўйнимга қўйишига ошиқди. — Нима, шунданам баттармисиз?

Хотинимни эндинигина бўраламоқчи бўлиб турганимда, амаким гап қистириб қолди.

— Майли, бервор пулини. Бошқа жойлардаям гапириб юрмасин.

— Ҳалиям инсоф билан ярмини сўраяпти, — ўртага суқилди холам.

— Ҳой, нима деяпсизлар ўзи? — қариндошларимга куюниб илтижо қилдим. — Ахир мен...

— Бер бувамнинг пулини! — сўзимни бўлди бақалоқ.

Туйқус унинг ёқасидан олдим.

— Йўқол деяпман сенга! Агар кетмасанг...

— Бер бувамнинг пулини! — ўжарлик билан тақорлади у.

— Ҳали шунақами? Ундаи бўлса...

— Ҳай-ҳай-ҳай! — доимо ўзини босиқ тутадиган, баҳс ва можароларга энг сўнгги дақиқалардагина аралашишини ёқтирадиган тоғам ниҳоят тилга кирди. У ўрнидан туриб келиб, бақалоқни чангалимдан ажратиб оларкан: «Ҳаммасига ақлим етиб турибди, жиян», деб менга маънодор боқиб қўйди, сўнг: «Юравер, ўзимиз келишимиз», деб бақалоқни ташқарига етаклади.

Енгил тин олдим. «Ҳайрият-еїй, биргина тоғам мени тўғри тушунди», дея ўйладим ўзимча.

Бир оз ўтгач тоғам ичкарига ёлғиз қайтиб кирди, менга таскин берган бўлиб елкамга оҳиста қўл ташлади.

— Биламан, сенгаям кийин — жўжабирдай жонсан, — деди у. Сўнг қулогумга шивирлади. — Ташвиш тортма, жиян, йигитни ўаим рози қилвордим. Қўлингга пул тушганда ҳисоблашармиз.

Бир неча дақиқа анграйганимча туриб қолдим. Сўнг эс-ҳушумни йигволдиму, тез бориб деразани очдим.

— Ҳўю, шошма, — гандираклаб бораётган бақалоқни чақирдим мен. — Пулни ташлаб кет дейман!

Бақалоқ хиёл ўгирилиб, бошмалдогини бармоқлари орасидан кўрсатди-да, аум ўтмай тун қаърига сингиб кетди. Бу менга шунақаям алам қилдики, дераза токчасидаги «қорқиз»нинг белидан қаттиқ чангаллаб туриб, жазава аралаш қичқириб юбордим:

— Бер тоғамнинг пулини!!!

ҚУВИШ

Донахон түгри гузар тарафга қочди. Балки, мен ўзим уни гузарга қараб қувлагандирман. Лекин, муҳими бу эмас...

У автобус паркининг қўшқанотли дарвозасидан зўрга сигиб ўтиб кетди. Мен равотнинг темир устунлари орасига қисилиб қолдим. Наҳот автобусдан каттароқ бўлсам, деган фикр ўша пайтда калламга келмабди.

Бир пайт қарасам, қиз тушмагур бошқарманинг томида турибди. Бир қанот қоқишида мен ҳам томга қўндим. Шунда у сакраб мўрининг устига чиқди-ю, қудукқа ташланган пақирдек лип этиб кўздан ғойиб бўлди. Ортидан мўрига кирдим. Печканинг кул олинадиган пастки эшигидан чиқаётган пайтимда, наҳот сичқондек митти бўлсам, деб ўйламабман ҳам.

Ана мўъжизаю, ана ҳангома. Қарангки, бошқарманинг мўрисидан кириб, ажойибхона директорининг печкасидан чиқибман. Директор икки бошли илон билан сұхбатлашиб ўтирган экан, мени кўриб музранг бўпқолди.

— Печкадаң чиққан қиз қани? — сўрадим улардан.

— Нималар деб алжираяпсан? — дўриллади директор.

Илон тўрттала кўзини бақрайтирганича менга еб қўйгудек тикилди.

— Нусхангдан ўргилдим сени!

— Йўқол бу ердан! — бирин-кетин шанғиллади унинг иккала боши.

Ташқарига чиқиб, ўзимни ўлкашунослик музейида кўрдим. Гарантисиб турган пайтимда кимdir аста ҳиринглагандек бўлди. Ўгрилиб қарасам, шаддод севгилим аквариумда сузиб юрибди.

— Энди қўлдан чиқариб бўпман! — қичқирдим севиниб ва ўзимни дадил тутиб, аквариумга калла ташладим...

Уни тутиб олардим-у, радионинг овози каллаи саҳарда уйготиб юборди.

1978

МАҚОЛАСИЗ САРЛАВХА

Үқувчилигимда мактабимиздаги «Қалампир» деворий газетасига редакторлик қилардим. Бу сатирик газетадаги сергалва фаолиятим даврида тоғ имзосиз, тоғ сарлавхасиз мақолаларни күп учраттганман. Баъзилар шошқалоқлик туфайли сарлавҳа қўйишни эсдан чиқаришар, баъзилар ўлари ачитқироқ сарлавҳа топомай, бу юмушни редакторнинг зиммасига юклаб қўя қолишарди. Балки бошқа редакторлар ҳам сарлавхасиз мақолаларга дуч келишгандир. Лекин, мендан бошқа хеч кимга мақоласиз сарлавҳани кўриш ҳали насиб этмаган бўлса керак.

Бир куни редколлегия аъзолари маслаҳатни бир жойга қўйиб, мактабимида озодалик бўйича рейд ўтказдик. Синфлар ва фан кабинетларидаги аҳвол билан бирма-бир танишиб чиқдик. Фактлар жамлаб бўлингач, мақола ёзишини редколлегия аъзолари менга топширишиди.

Мактаб кутубхонасига кириб олиб, столга ўтиришим биланоқ сарлавҳа ҳам лои этиб каллага кела қолди. Олдимдаги қогоznинг юқори қисмига йирик-йирик ҳарфлар билан «Кирлик — сурлик» деб ёзиб қўйдим.

Шундан кейин шахсан ўзим кўрган ва редколлегия аъзолари ёзиб берган фактларни калламда ҳижжалаб олдим-да, оғзимда қалампирнинг таъмини ҳис қилганимча афтиҳни тириштириб, мақола ёзишга киришдим. Иккинчи бетга ўтганимда навбат 7-«в»га келди-ю, бирдан жазавам тутди:

«Айниқса, 7-«в»нинг аҳволи хароб. Анавини кўриб қўйингки, ҳатто навбатчи тайинланмабди. Навбатчи ким, деб сўрасам, Али Валини, Вали Аҳмадни, Аҳмад Раҳматни, Раҳмат Нигорни, Нигор деворни кўрсатди. Шу туфайли кимdir доскага чизиб кетган чўчқанинг суратини математика ўқитувчиси ўртоқ Ҳисобиддинов шахсан ўлари учирашга мажбур бўлдилар. Агар зоология дарси бўлса, балки бу расмни доскада қолдириш ўринли бўларди. Аммо чўчқанинг математикага хеч қанақа алоқаси йўқлигини биз яхши биламиа.

Бундан ташқари деразадаги тувакларга сув қуйилмаган, гулларни эса чанг босган...»

Мақолани тугатишм билан оғзимдаги таҳир таъм ҳам ўз-ӯайдан йўқолди-қолди. Енгил нафас олиб, стол-

ни эндигина чирманда қилиб черта бошлаган эдим, хонага ўзбек тили ўқитувчимиз Салай ака кириб келди.

— Ассалому алайкум! — ўрнимдан туриб салом бердим мен.

— Ўтиравер, ўтиравер, — дея жилмайди Салай ака. Сўнг ёнимга келиб, «ҳм-м» дея пича каловланиб турди, столдаги қоғозга зидан кўз ташлади, мен худди беихтиёр қилгандек мақоланинг устига қўлимни кўйиб олдим.

— Бу нима? — сўради у ёнимдаги столга ўтираётib.

— Рейд қилувдик, — дедим мен. — Юқори синфлардаги тозаликни кўрдик.

— Ҳм-м, — дея яна бир оз пайсалланиб турди Салай ака. — Хўш, саккизинчи «б»да ишлар қалай экан?

Салай ака 8-«б»нинг синф раҳбари. Табиийки, шамол турса, ҳамма биринчи галда ўзининг дўпписини ўйлади.

— Ишлар чатоқ, — дедим мен яшириб ўтирмай. Сўнг камчиликларни бирма-бир санаб бердим.

— Ҳм-м, умуман рейд ўтказиб, жуда тўғри қилиб-сизлар, — елкамга уриб қўйди Салай ака. — Лекин... Биласанми, бу синфнинг раҳбарлигини олганимга бир ҳафтача бўлди. Ҳақиқатан ҳам интизом жуда бўшашиб кетган экан. Мана, тузатяпмиз. Аввалгидан анча дуруст ҳозир. Иш яхши томонга қараб кетаётган бир пайтда сен бирдан «Қалампир»да уриб турсанг... Менимча бундан кейин яна синфнинг руҳи тушиб кетади. Хуллас, пича шошмай турсак демоқчи эдим. Тағин, ўзинг биласан.

Ҳамма ҳурмат қиладиган Салай аканинг менга бир иши тушибди-ю, йўқ дейманми? Унинг кўзи олдида 8-«б» ҳақидаги жумлалар устига шартта чизиқ тортдим.

Бир оздан сўнг хонада физика ўқитувчиси Жалил Жамилович пайдо бўлиб, ўзи раҳбар бўлган синф рейд аъзоларида қандай таассурот қолдирганини суриштирди. Аччиқ бўлса ҳам ҳақиқатни ганиришга тўғри келди.

— Жуда тиришқоқсан-да, — мени кутилмаганда мақтай кетди Жалил Жамилович. — Ҳамма нарсага улгурасан, бир ёқда деворий газета, бир ёқди дарслар. Агар янайм қаттиқроқ ҳаракат қилсанг, физикадан чорагингга «беш» чиқиши ҳам мумкин. Ҳа, сенга ёрдам берамиз.

— Раҳмат, Жалил Жамилович, — дедим севиниб.

Шу пайт эшик очилиб, ёш тарих ўқитувчиси

Деҳқонов хона ичига мўралади-да, бандлигимни кўриб, яна аста этикани ёпиб қўйди.

Жалил Жамилович ташқарига чиқиб кетаётуб, гўё бир нарса қўққисдан ёдига тушгандек тўхтади-да, «Балки, бу сафарча синфимиизни авф этарсан? Сал бепарво қолибмиз шекилли, бугуноқ ҳаммасини ўнглаймиз», дега кўзимга тикилди. Яна битта чизиқ тортдим.

Аҳвол шу тарзда давом этди. Бир пайт қарасам, мақолага бошдан оёқ чизиқ тортиб чиққанимни ўзим ҳам сезмай қолибман. Фақат қоғознинг энг тепасидаги жимжимадор сатрларгина ҳеч бир зиён-заҳматсиз яққол кўзга ташланиб турарди: «Кирлик — сурлик».

Ана сиага мақоласиз сарлавҳа!

...Ҳақиқий газета-журналларда ишлайдиган жабрдийдаларга битта саволим бор: сизлардаям шунаقا машмашалар бўптурадими?

1975

ЕШ АДАБИЁТШУНОСНИНГ МИРЗАҚАНД НАЙНОВ БИЛАН СУҲБАТИ

— Кечирасиз, Мирзақанд ака, охирги марта қачон мутолаа қилгансиз?

— Ҳеч кимга ҳеч нарса қилмаганман. Бўйнимга кўёлмайсан!

— Ҳаяжонланманг. Айтмоқчиманки, нега китоб қўлтиқлаб юрибсиз?

— Битта «Чашма» опкел деб ўғлимни дўконга юборсам, шуни кўтариб кепти. Бу исқотниям номи «Чашма» экан. Ўғлимиз сал анқовороқ чиқди, икки карра икки — беш, дейди. Одам бўлиши қийин.

— Ҳа, бу китоблар кўпчиликка таниш. Сизга яна нималар ёқади?

— «Ўзбекистон», «Олмазор...»

— «Ўзбекистон» яхши қасида. Лекин «Олмазор»... Менимча «Олчазор» демоқчисиа. Чехов. Тўғрими?

— Тўғри, чехларни пивосиниям отганмиз. Айниқса, саратонда силлиқ кетади.

— «Саратон»дан бошқа яна қайси китобларни ўқигансиз? Масалан... «Ёшлиқ девони», «Диёнат»....

— Дивон дегин? Дивонга унча хушим йўқ, одамга

үхшаб ерда ўтириб ичган яхши. Диёнат масаласига келсак, авваламбор милисаларда диёнат қолмади, ука. Биронни божа, биронни почча деб зўрга пул тўплаб кайф қиласан, улар пириллатиб обориб бошингдан сув куйишади. Баъзи вақтда киногаям олишади.

— Ў-ў-ў! Демак роль ҳам ўйнагансиз? Ўзингиз кино кўриб турасизми? Мана бугун клубда «Лимонадний Джо» кетяпти.

— Лимонад? Болаларни киноси-ку. Бизга ўхшаганларга «Калина красная» тузук. Бунақасини зўр ёзувчиликлар ёзади.

— Номдор адибларни озми-кўп ўрганганингиз сезилиб турибди. Ёшлардан кимларни биласиа?

— Биттасиниям танимайман, улар алоҳида ичишади.

— Умрингизда бирон-бир ёзувчи билан учрашганимисиз?

— Учрашганиман. Битта шоир бола билан тегишли жойда икки соатча бирга ётганмиз. Кечирасиз, англешимовчилик бўпти, деб уни тезда қўйворииди. Ўшанда ундан «доно бўлсанг, айт-чи, шамолнинг ранги қанақа», деб сўрасам, у барайиб туриб «ҳар ҳолда бурни қизил бўлмаса керак», деганиди.

— Китоб савдосидаги чалканликлар туфайли кўпгина асарлар магазинларда туриб қоляпти. Бу хақда нима дейсиз?

— Буни йўли осон. Битта китобга битта оқидан ёки иккита қизилидан қўшиб сотилса, магазин қуришга ҳожат қолмайди. Ҳар қанча китоб бўлса, кўчанинг ўзида таламон қилворамиз.

— Театр репертуарларициям кузатиб турарсиа?

— Тратуар кузатилмайди, ука... тратуарда ётилади.

— Ҳеч бўлмаса, «Келинлар қўзғолони»ни кўргандирсиз?

— Ҳозирча хотинни қўзғолони етиб турибди. Гоҳида синглисиям кўсов ушлаб ёнига кирволади. Қарабсанки, ўртада фронт чизиги, бу томонда мен, у томонда ола-сингиллар.

— «Опа-сингиллар»нинг нимаси кўпроқ эсингида қолган?

— Эсимда қолгани ўшуки, буниси чап биқиндан, униси ўнг биқиндан жизиллатади. Елвизакни ўзи!

— Дарвоқе, «Елвизак»нинг муаллифиям эллик ёшга тўлди. Яқин-орада юбилей тўйи бўлса керак.

— Тўйга ўаинг боравур, ука. Ёзувчи халқини яхши биламан, бир-бирига йўқ оқибатни менга қилишармиди? Жуда борса, қўлимга китоб уплатиб, закускага газета узатишади... Бас энди, мени тирикчиликдан қолдирма, ука.

1987

ЭХ, ЛАЪНАТИ ОМБОР...

Хаҳ, ҳў-ӯ-ӯ... Э, жиянларим-а, урушни биз кўрдик, сенлар кўрмагин.

Тўгри, шахсан мен урушга боролмадим. Анави Болта пучук ўшанда колхозимиага раис эди, шу йўлимни тўсди-да. Воянкоматга бориб, сента аскар зарур бўлса, менга омборчи керак, деб турволди.

Бо-о, мендан жуда зўр аскар чиққан бўларди, жијалар. Мисол керак бўлса, айтайин: уруш бошлангандан кейин, воянкоматдагилар бизни йигволиб, Ёзёвонни чўлида роса машқ қилдиришди. Бир куни тарафматараф туриб, ёлғондан «уруш-уруш» ўйнадик. Ҳошим даллол томондагилар бизга бостириб келадиган бўлишиди. Бешотарга пахтавонни босдим-у, кафтимга туфлаб, акўпда пайт пойлаб ётавердим — мўлтони Ҳошим даллол билан эскитдан озгина ҳисоб-китобим бор эди.

Бир пайт қиёмат бошланди-қўйди: осмондан бўмба ёғилиб, «порс-пурс» портлаб берди. Тўрттала болам кўзимни олдига келиб қатор турволди, денглар. Командиримиз «қўрқманглар, оғайнилар, бу бўмбаларнинг зарари йўқ», деганини биламан, биттаси менга яқинроқ жойга тушиб, варанглаб ёрилиб берса бўладими. Бошимни хотимга тиқиб, «бува-а-а» деб чунонам бақирдимки, атрофимдагилар бирданига «ур-а-а» деганларича акўидан кўтарилишди. Эс-хушимни йиғиб олиб, уларга әргашдим.

Охири икки тарафдагилар аралашиб кетиб, бўлди тўполон, бўлди тўполон! Қана энди бу олатасирда Ҳошим даллолни топиб бўлса.

Ёлғондакам уруш баъзар тўхтатилиб, гижимланган ёқаларни эндиғина тартибга солиб турувдикки, бизни томондаги командур «биринчи бўлиб бақирган ким», деб сўраб қолди. Шерикларим мени кўрсатишиди. Бошлиқ илжайганича олдимга келиб, «маладес, Каримшер,

урушдаям мана шунақа боявой бўлсанг, камида епрейтүр бўлиб қайтасан», деди.

Энди ўша кунлар эсимга тушса, аттанг қиласман: агар Болта пучук ўртага тушмагандা, пашистни роса жигини эзиб, аллақачон епрейтур бўп кетмасмидим? Ана, Соли мисгардек одам ҳам гердайиб юрибида орденларини жаранглатиб. Биронта мажлис бўлса, биздан баландроққа чиқиб ўтиради. Урушда зенитчи бўлганман, деб мактаб болаларга кўпириб гапирганичи? Колхозга ёрдамга келган тўртқанот самолётлар дўкончаси устидан пастрлаброқ ўтиб қолса, қўлидаги печканинг карнайини дўлайиб, осмонга еб қўйгудек тикилади. Буям мақтанишнинг бир тури бўлса керак.

Нима деяпсан, жиян? Рапиқ сартарошми? Тўғри, уям урушга борган, локигин ўша ёқдаям сартарошлиқ қилган. Ишонмасанг, Муса мўйловдан сўра. Бир куни у соқолини қирдираётган экан, замбаракнинг ўқи тепасидан шангиллаганича ўтиб қолибди. Кейин мундоқ қараса, ёнида сартарош ҳам йўқмиш, мўйловининг бир томони ҳам. Бориб, командургага ара қилса, «бурнинг омон қолганига суюнмайсанми, ношукур», деб Мусавойнинг ўзини сўкиб берибди.

Пасткўчадаги Олим полвон лашпашанглик қилиб, ҳатто асирикдаям бўлган. Пашист қоровулни ўлдириб қочганини инобатга олишиб, кейинчалик медаль беришган. «Ўзи қанақасига қўлга тушувдинг, э бандай ғофил», деб сўрасам, «ўқим тугаб қолувди», дейди. Ана зиқналиктининг оқибати. Ўқинг тугаган экан, ёнингдаги шеригингга учта сўм қистириб, «шунга озгина патрон бер», десанг бўлмасмиди?

Хе, аттанг-а, урушга ўзим боролмадим. Болта пучук омборни пеш қилиб турволди... Менсиз иш битиролмасди-да... Энди мажлисларнинг тўриси Рапиқ сартарошларники бўп кетди. Ҳали байрам келса, бир қучоқдан мукофот ҳам олишади...

Э, жиянларим-а, урушиям қуриб кетсин, ўша... омбориям. Шу лаънати омборни деб тенгдошларим орасида анча яккаланиб қолгандекман-а.

КҮРГАЗМАЛИ ТАШВИҚОТ

— Ҳой дадаси, Ғани қирчанғи хотинига атлас олиб келибди. Сиз мени ўйламайсиз ҳам.

— Вой хотин-ей, Ғани қирчангинг извошли, мен бир оддий аравакаш бўлсан.

— Нима қипти? Тилла ковуш сўраётганим йўқ-ку. Битта атласга мардикорнинг ҳам кучи етади ҳозир.

— Бундан уч ойгина олдин атлас кўйлак тиктирдинг-ку...

— У тўрттепки эди. Шу кунларда унақасини чўрилар ҳам киймай қўйишиди. Ҳамманинг эгнида саккизтепки. Нима, мен силқидиманми?

— Ундан ҳам баттарсан!

— Ҳали шунақами? Хўш, ўзингиз кимсиз? Сиз ўша Мели ямоқчининг...

Шу ерга келганда лента узилиб кетди.

— Ҳа, ўтмишда аёлларимиз шунақа қолоқ ва молпараст бўлишган, — деди хотин-қизлар совети раисаси магнитофон тугмасини босиб. — Улар оғир меҳнатда эзилган эрларни баттар қийноқда солишарди.

Залда ўтирган аёллар ўнғайсиzlаниб, баравар бош эгипди. Шу боис раисанинг ўзи ҳам қизариб кетганини кўришмади.

1978

ТЎГОН ТАКАЕВНИНГ ҚОШИҚБОЗИ

Гражданин судъя! Ҳурматли суд ҳайъати! Ақалар! Бўйнимга оламан, ўзимдаям сал-пал айб бор: баъзан кўнгли бўшлиқ қилдим, баъзан нафсим андак ҳакалак отди. Аммо айбнинг энг каттаси — мени қаллобга чиқариб, уялмай-нетмай даъвогарлик қип турган мана шу одамларнинг ўзида. Ҳозирги расво аҳволга тушиб қолишимга мени мана шу ярамаслар мажбур қилишди.

Негадир мен бу ерда асосий гуноҳкорни кўрмаяпман. Илтимос қиласман, гражданин судъя, ҳақиқат қарор топishi учун телестудия режиссёри Сувонқоравни ҳам ёнимга ўтқазиб қўйишингиза керак бўлади. Ҳамма маш-машаларнинг асосий сабабчиси ана ўша.

Сомсафурушилик қилиб, тинчгина яшаб юрувдим.

Бир куни тандирни барвақт қоқлаб, шефдан ўз тегишимни олдим-у, кайфият важанг бўлиб уйга жўнадим. Одатдагидек телестудиянинг ёнидан ўтиб бораётсан, занжинусха бир одам ичкаридан холпиллаганича чиқиб келиб, шартта йўлимни тўёди, «бўшмисан, окаси», деб сўради ҳансирааб. «Мақсад?» дедим. «Арзиматан хизмат бор, соққаси нақд», деди у, кейин жавобимни кутиб ўтирмай, шартта қўлимдан ушлаб, ичкарига судради.

Гап нимада эканлигини ичкарига киргач тушундим. Режиссёр Сувонқораев машҳур хонанда Тўғон Такаев хақида «Тилла тишли булбул» деган фильм-концертни суратга олаётган экан. Ҳамма нарса тахт бўлганда, музикачилардан биттаси — қошиқбоз дегани пиллапоядан сирғалиб кетиб, қўли қаттиқ лат ебди. У бугун-эрта қўлини қимиirlата олмаслиги маълум бўлгандан кейин, режиссёр бирдан потирлаб қолиб, мени топиб келган жойи экан.

— Тайёр пулни олишга қорним оғримайди-ю, лекин тўғрисини айтишим керак, ака, — дедим мен Сувонқораевга. — Ошпазлик қилган пайтларимда қўлимдан юзталаб қошиқ ўтган бўлсаям, уларни умримда бир-бирига уриб кўрмаганман.

Шунда Сувонқораев менга куюниб уқтиришга тушди:

— Э-а, бирор сенга қошиқни ўхшатиб шақиллатасан деяптими? Ҳамма ашулани аллақачон лентага ёзиб олганмиз. Суратга олиш вақтида музикачилар шунчаки асбобларни чалгандек бўлиб туришади. Хонанда ҳам оғанини хўжа кўрсинга қимиirlатади, холос, — деди.

Кейин у елкамга қоқиб, «дадил бўл, қошиқларни завқ-шавқ билан қимиirlатиб турсанг бас», деб далда берди.

Хуллас, мени пардоҳонага опкиришиб, бетимга бир балоларни суртишди, яп-янги кийим кийдиришиб, бўйнимга галстук ўрашди...

Во-о, гражданин судья, телевизорда ўша концерт кўрсатилгандан кейин уйимда нималар бўлганини кўрганингизда эди. Даастлаб маҳалла-кўйга ош бердим, қариндош-уруғларни кутиш бир ҳафтага чўзилди. Ишхонадагиларга алоҳида зиёфат уюштирдим. Районимиз обшепитининг бошлиғи шахсан ўзи келиб, мени табриклаб кетди. Илгарилари бизга ўшаганларга бурун учидан қараб, сенлаб гапирадиган хўжайин бу сафар бўйнимдан қучиб туриб, «санъат ҳам ёғлиқцина соҳа,

лекин сиз ўзимизга күпроқ кераксиз», деб маънодор кўз қисиб қўйди. Орадан кўп ўтмай, дурустгина ошхонага шеф бўп қолдим.

Туппа-тузук одамлар атайлаб ўзлари келиб, мени тўйларига олиб кетадиган бўлишди. «Тантанали кечамизни очиш учун сўз ҳаммангизга яхши таниш бўлган ёш санъаткор Қосим-қошиққа берилади», дейилиши билан қийқириқлар бутун маҳаллани ларзага солишини айтмайсизми. Бора-бора гап деганига дўппи кийдириб қўядиган бўп кетдик.

Кетворган-кетворган қизлар кўча-кўйда мени кўриб қолишиса, «ана, Тўғон Такаевнинг қошиқбози келяти» деб шивирлашганича бир-бирларини қитиқлаб қўйишидаи, денг. Хўш, бунақада хотинни қўйвормай бўладими? Ҳалиям бутунлай инсофдан чиқиб кетмай, уч мартагина уйландим, холос. Алиментларни вақтида тўлаб келяпман.

Обрўйим ошгани сайин илтимос қилувчилар ҳам кўпайиб кетди. Ҳудди ана шу пайтлардан бошлаб, юқорида айтиб ўтганимдек, нафсим тобора ҳакалак отиб, оғзимга сифмайдиган луқмларгаям панжа уришни ўргандим. Бирор ўглимни ўқишига киргизиб қўй, деса, бошқаси навбатсиз машина тўғрилаб бер, дейди. Қвартирага зориққанларнинг-ку сон-саноги йўқ. Аввалига сал-пал иймангандек бўлсам ҳам, кейинчалик шароитга анча мослашиб, берган «чўтал»ларини сираям иккиланмасдан олавердим, акалар.

Ахир мен шўрлик нима қиласай, олмаганим билан бу зўравонлар бари бир мажбурлаб чўнтағимга солишаведиди. Узоққа бориб ўтирамай, мендан уч минг сўлкавойни даъво қилаётган анави универмаг омборчисини олайлик. Бу полвон ургудек бўлиб пулни чўнтағимга тикидики, фалон министр билан гаплашиб, институтни битирган ўғлимни ўша ерга ишга жойлайсан, деб. Ўзинг ўшанча пулни қаердан олгансан, деб ундан сўраб-суринширадиганлар ҳам топилиб қолар ҳали?

Хуллас, енгил-елпи гуноҳларимни, майли, ўғилблачасига бўйнимга олай. Аммо-лекин, асосий айборд четда қолиб кетмасин-да. Еш эканлигимдан фойдаланиб, мендек содда бир сомсапазни эгри йўлга бошлаган режиссер Сувонқораев тегишли жазосини тортиши керак, гражданин судья.

Охирги илтимосим шуки, акалар, хукм чиқараётганда ҳаётда гўрлигимни, бирорнинг ҳожатини чиқараман

деб ўаим билмаган ҳолда нотүғри йўлга кириб қолганимни ҳисобга олинглар...

Аҳ, пишмаган калла, телевизорда қошиқни шақиллатгунча, сомсаҳонада чўмични тақиллатиб юраверсам ўлармидим!

1984

АШУР БИЛАН МАДИЁР

Уларни умримда бир мартагина кўрганман, қиёфалари эса қизил ярим ой жамиятининг жаҳонга машҳур тамғасидек хотирамга жиппа муҳрланиб қолган...

Ўшанда завод дарвозасидан кириб борибоқ Мадиёр билан бурунма-бурун тўқнашдик.

— Э-э, келсинлар энди. Ман Мардиёрман, — дея гердайиб қўл узатди у. — Ҳа, хўш, хизмат?

— Ҳовлига артиzon туширмоқчи эдим, пайвандчи керак бўпқолди.

— Суворками? — гарчи ғўдайиб боқса-да, унинг муомаласидан алланечук илиқлик уфурди. — Энг меровий суворкачи — мани ошнам Ашур. Қани, юрсинлар энди, уни бир таништирай.

Индамай унга эргашдим.

— Кўрқмай зовутга ишга кирган бир-ринчи лўли — ман ўзим, — йўл-йўлакай бармоғини кўксига тираб димоғланди у. — Мардиёр қаро десалар энди мани олам танийдур. Ўзимни расо-о мақтаб, патографияни газетга урдилар. Ишонмасангиз, буни Ашурдан сўрайсиз.

...Ашур деганиям қувноқликда Мадиёрдан қолиш мас экан. Ҳовлига бориб, артиzonни ишга тушириб бўлгач, дастурхон устида икковлон анча чақчақлашиб ўтиридик. У ўзининг лўли ошнаси ҳақида шунақсанги ҳангомаларни айтиб бердики, менимча бунақа тапларни маза қилиб эшлиш мумкин-у, ўхшатиб ёзиш қийин. Қолаверса, уларнинг кўпи ҳалигиндай... Майли, қуюшқонга сигадиганлардан баъзиларини Ашурнинг тилидан ҳикоя килишга уриниб кўрай.

1. ҚАССОБГА АЛОҚАДОР ҲАШАРОТ

Бир куни Мадиёр негадир ишга чиқмади. Уни заводга мен бошлаб келганиман, оталигиям ўзимда. Хавотирланиб уйига борсам, мени тунд қиёфада қарши олди, жағи гумбара бўлиб шишиб кетибди. Нима бўлганини суриштиридим.

— Анабу... бор-ку баттол... ана ўша тишладу мани, — дея чучмал жавоб қилди у. — Э, Мардиёрнинг пешонаси қурсин!

— Нима тишлади?

— Ҳа энди, анабу-чи... деворнинг ковагига бўладу... Илонми?

— Не-е! — куюниб эътироаз билдириди у. — Илон дема, Ашур, илон дема!

— Калтакесакми?

— Не-е-е! — баттардан жаҳлланди Мадиёр. — Калдиркессакдан бошқасе! Думига бигизи бор!

Бирдан капалагим учди.

— Чаёнми?

— Не, дедимми — не! — афтини буриштириб қўл силтади у. — Чаён қачон учидурки, буни олам билмай, битта сен кўрибсан?!

— Суф сенга! Бузоқбоши демайсанми?

— Нари тур, аҳмоқ! Санда калла енгил. Бўзоқвон одамни тишламайдилар.

— Ҳа, бўлмаса нима ўзи? — сўрадим хитланиб.

Мадиёрнинг бундан буткул хуноби ошди. Сен хумбошга қандай тушунтирсам экан дегандек асабийлашиб панжа ўйнатди, охири йигламсирагудек аҳволда кўзимга тикилиб: «Ўз-зи дириллаб учадур. Қассобга алоқаси бор», деди.

— Қовоғарими?

Мадиёрнинг кўзлари туйқус чақнаб кетди, оғир дарддан фориг бўлгандек бирдан енгил тортиб, бўйнимга осилди: «Ўргулай сандан, ошнажон. Ҳудди ўша айтганингний ўзгинасе!» деб сенина-севина мени ўпишга тутинди.

2. ЖОНКУЯР «СЕКУНДАНТ»

Тушликда бирор билан шахмат ўйнаб қолсам Мадиёр менга тортиб, алмак-жалмак йўл-йўриқлар кўрсатишга тушади.

Бир куни ахволим танглашиб, бўғилиб турганимда, Мадиёр аста шивирлаб қолди:

— Ҳангине олиб чиқ, ҳангине.

— Э, бор-е!

— Мардиёр айтса, хўп де, Ашур. Санга бошқа дўст йўқ.

— Жим тургин. Кўрмаяпсанми, отни олиб чиқсан, тўра билан уради.

Шунда Мадиёр «офицер» имга бармоқ теккизиб, менга уқтиради:

— Аввал урсин, кейин сен уни сержонт билан сол!

— Бу-чи? — дедим рақиб фараини кўрсатиб.

Мадиёрганинг туйқус шашти пасайиб, хомуш минғирлади:

— Э-э, гап буёққа экан-ку. Обдастаси пойлаб турибди демайсанме, ношуд.

Мен қаҳ-қаҳ отиб юбордим-у, ютқизиқният эсдан чиқардим.

3. МОТОРИ ЙЎҚОЛГАН САМОЛЁТ

Бир зарурат билан Тошкентга учадиган бўлдим. Мадиёр эргашиб қолди, йўқ дейёлмадим.

Эрта азонда Фарғонадан «Ан-12» самолётига ўтиридик. Қанотга яқин ердан жой теккан экан, Мадиёр моторнинг бир текисда гуриллаб ишилашига завқ билан анча тикилиб борди, сўнг хўрсиниб қўйиб менга юзланди:

— Хидонинг қудратига «ҳай-ҳай» де, Ашур. Бир паррак шунча темирни Мардиёр-пардиёрга қўшиб осмонга кўтарса!

Тошкентдан қайтишда «Як-40» самолётига чиқдик. Пича учганимиздан кейин Мадиёр пардани суриб, ойнакдан ташқарига мўралади. Мўралади-ю, бехос чўчиб тушди. Сўнг кўзлари ола-кула бўлганича ўрнидан туриб, чапак уриб ҳайқира бошлади:

— Ва-ҳей! Мотор кетде, мотор! Э турмайсанме, аҳмоқ халойиқ! Қанотга мотор йўқ! Ва-ҳей!

Йўловчилар орасида ғала-ғовур кўтарилиб, тўполон бошланди. «Як» типидаги самолётларда паррак бўлмаслиги, турбина эса салон биқинига жипслаб ўрнатилганини шу тобда бу овсарга ким тушунтира оларди.

Ичкаридан чиқиб келган учувчи: «Нималар деб алжираяпсиз?» дея Мадиёрнинг қўлидан тутди. Мадиёр янада тутоқиб: «Саволни ман берай. Қанотга паррак қане?» деб ундан баланд келди.

— Ўпкангизни босинг! Бу самолёт турбинали!

— Манга турба-мурбани гапирма! — деб ўшқирди Мадиёр. — Йўлкирага патта дединг, тўладем, жонинг истираҳўпка дединг, тўладем. Энди сан моторни яхшиликча жойига қўй, аперис!

4. ОҚИБАТЛИ ДЎСТ

Мадиёр ўғил кўрди. Билсам, отини Ашур қўйибди.

— Локигин токи сен тириксан, уни «ўв, бачо» деб чақирамеа, — дея чимрилиб боқди у.

— Мактабга борганда, ўртоқлари бари бир Ашур дейишаверади.

Мадиёр бу гапимни эшлитиб, меҳрибонлик билан елкамдан қучди:

— Мен айтдим — гап тамом! Қачонки сан ўласан, кейин ўғлим Ашур бўлиб мактабга бораду.

5. БАЛКИ ҲАЗИЛДИР...

— Пулни неча ёшда танигансан? — деб сўрадим бир куни Мадиёрдан.

— Жуддо-о мурғаклигимда, — дея қовоқ уйиб жавоб қилди у. — Ман туғилдим, онам бандачилик бўлде. Сўгин кўрсанг, ҳар хел хотинга ўн беш тийиндан тўлаб амиб юрдем...

1983

КЕМАГА ТУШГАННИНГ ЖОНИ БИР

- Кетишигга бир тепаман, ачангнинг уйига бориб тушасан.
- Сиага нима ёмонлик қилдим, амаки?
- Оғзингдан сут ҳиди кеп турибди-ю, прокурорлардек сипоҳлигингга куяйми.
- Нима қил дейсиз?
- Тўпалон кўтар. Ҳеч бўлмаса, хуштак чал.
- Чалардим-у, кеча тишим тушган-да.
- Бўлмаса, бақир!
- Нима деб бақираман?
- Ҳў ўртада ўралашиб юрган қора кийимли ишбузукини кўряпсанми? Ана ўша хумпарнинг шанига куракда турмайдиган бир-иккита гап айт. Яхиси, ма-на бундай дегин. Қани, қулогингни тут-чи...
- Вой, ву-у-уй, бунаقا дейиш уят бўлади-ку!
- Ланж бола экансан! Қўлингдан ҳеч нарса келмас экан, нима қиласан орамизга суқилиб? Ҳозир кетингга бир тепаман...
- Намунча ёпишиб олдингиз, амаки? Нима, «Пахтакор» ютқазаётган бўлса, айб мендами?!

1978

ҲАЛОКАТДАН АСРОВЧИЛАР

(Бир мажлис ҳужжатидан)

Тўққиз аймоқ мақбараси ўт ола бошлагани муносабати билан бугун тунда атроф-муҳит ва ёдгорликларни муҳофаза этиш бўйича тузилган Суперштабнинг шошилинч йиғилиши чақирилди.

Йиғилишини Суперштаб раиси Мўмин Итоатович очиб, мўътабар идоранинг масъул ходими сифатида ҳалқ ҳўякалигининг барча соҳаларида катта юксалишларга эришилаётгани, жумладан, шу йилнинг ўтган кварталида мажбуриятини бажармаган биронта тармоқ қолмагани ҳақида бафуржга тўхталиб ўтди. Сўнг айрим шахсларнинг лоқайдлиги натижасида баъзан хато ҳам учраб туришидан афсусланиб, бунга мисол тариқасида кўхна Тўққиз аймоқ мақбарасида ёнгин

чиққани, айни дақиқаларда аланга тобора авжланиб бораётганини илова қилди.

Тарих фанлари номзоди ўртоқ Ўсархўжаев ўз сўзида Тўққиз аймоқ мақбараси жаҳондаги энг қадимий ёдгорликлардан эканини билдириб, уни Миср, Рим ва Доруссаломдаги афсонавий иншоотларга таққослади. Унинг айтишича, эрамиздан анча аввал тикланган бу мақбара Ўрта Осиёдаги бир қанча вайронгарчилик урушларида эл-юрт меҳри туфайли омон қолган. Искандар Зулқарнайнинг (ёш олим ўз нутқи давомида Искандарни қандайдир Александр билан бот-бот адаштириб турди) босқинчилик юришлари чогида халқ дарёдан канал қазиб келиб, пастқам жойга қурилган мақбарани сувга бостириб юборган. Маакур усул кейинчалик араблар истилоси даврида ҳам қўл келди.

Орадан кўп йиллар ўтиб, икки марта сувдан қуруқ чиққан Тўққиз аймоқ бошида янги хавф пайдо бўлди — энди ёвуз Чингизхон талончилари ёпирилиб кела бошлади. Душман кент жангчиларини ҳолдан тойдириш мақсадида дарёни бўғиб қўйгани сабабли, вазият қалтислигига қарамай бўлак чора ўйлаб топилиб, мақбара ҳашар йўли билан ташиб келтирилган қумга кўмиб ташланди.

— Бу билан шуни айтмоқчиманки, — деди нотик сўзининг охирида, — сара гранитдан қурилган мустаҳкам мақбара сувда ивиб кетмагани, қум остида уқаланиб тушмагани каби ўтда ҳам куйиб кул бўлмайди. Бинобарин, ваҳима кўтаришимиз учун ҳеч қандай асос йўқ.

Шундан кейин академик Буруновский сўз олди. Ўртоқ Буруновский ёш олимнинг охирги гапларини тўлиқ қўллаб-қувнатлаб, бу борадаги шахсий фикрини рад этиб бўлмайдиган далиллар билан исботлаб берди.

— Ҳар қандай топи ўзининг физик хусусиятига кўра ўтга бекиёс даражада бардошлидир, — деб уқтириди ўртоқ Буруновский, — зеро бу туркумдаги жисмлар таркибида ёнувчи модданинг ўзи йўқ. Айниқса гранит ўта чидамли бўлиб, ҳатто пўлат қуюв қозонида ҳам эrimайди.

Таниқли профессор Мансабалиев, археология соҳасидаги йирик мутахассис Эгилман, машхур архитектор Хўпбўларов, «Ҳаромҳаришстрой» трестининг қурувчи инженери Пултопаров, шахар ижроия комитети раисининг ўринбосари Сансалоров ўртоқлар ўз на-

батида академик Буруновскийнинг илмий асосдаги муроҳазаларига қўшилиб, ортиқча безовталанишга ҳожат йўқ деган холосага келдилар. Чунончи тарихда тошдан қурилган турли қаср, ибодатхона ва мадрасаларда ёнгин содир бўлиш ҳоллари кузатилган, солномачилар бу обьектлар айтарли зарар кўрмаганини ёзиб колдиришган.

Физика фанлари доктори ўртоқ Отбошев академик Буруновскийга ҳамфир бўлиш билан бирга, қизиб турган тошнинг сув сепилишдан парчаланиб кетиши мумкинлигини, шу боис ёнгинни ўчиришда ишқорли кўпикдан фойдаланиш мақсадга мувофиқлигини алоҳида таъкидлади.

Йигилишда ёш журналист Биркесаров сўз сўради. У ўз нутқида бир қадар пессимиликка берилиб, мақбаранинг марказий гумбази ичидаги бетакрор нақшлар кучли ҳарорат таъсирида чатнаб тушиб, зарҳал битикларнинг бутунлай эриб кетиш хавфи борлигини ташвишланиб гапирди.

— Мабодо булар нобуд бўлса, яна асл ҳолига келтиришимиз амримаҳол, — деди у. — Ваҳоланки, Шермат қўрбоши билан «тўртинчилар» ўртасида бўлган жангда қаттиқ шикастланган қунгирадор сўнини ҳануза қайта тиклай олмаяпмиа.

— Буларни гапиришдан эди фойда йўқ, — деди ўт ўчирувчилар раҳбари ўртоқ Нарвонов. — Нақплар тақдирини мақбарада туристларга хизмат кўрсатувчи ёғоч дўкончалар растаси қурилмасдан илгари ўйлаш керак эди. Ҳали бунисиям ҳолва, мақбара остидаги ертўлага қўшни автокорхонанинг ёнилги омбори жойлаштирилгани бошимизни кўпроқ қотиряпти.

Ўртоқ Нарвонов сўзининг якунида ўт ўчирувчилар им боплаши учун Суперштаб аъзолари тезроқ бирон қарорга келишлари лозимлигини эслатиб, улардан аниқ кўрсатма талаб қилди.

Шундан сўнг музокара қизиб кетди. Эрталабга яқин кутилмаганда баҳсни тўхтатишга тўғри келди — алаинга ертўладаги ёнилғиларга етиб бориб, Тўққиз аймоқнинг кули кўкка совурилгани ҳақида телефонограмма олинди.

Бир неча минут давом этган нонуштали танаффусдан кейин Суперштабнинг эътиборли аъзолари яна думалоқ стол атрофига тўпланишди. Улар кун тартибидаги иккинчи масала — қуриб-қақшаб бораётган Орол

денгизини асраб қолиш муаммосини мұхокама этишга киришдилар...

1987

СҮЛИМ ХИЁБОНДА

Хиёбондаги скамейкада ёлғиз ўзи ўтирибди. Күриб турибман, сўлим гулларга термилиб баҳра олаёттгани йўқ. Хаёли бошқа нарсада.

Сигаретни четга отдим-да, бориб унинг ёнига ялпайдим. У кўаларини жовдиратиб менга бир қараб қўйди. Сеездимки, фирт ўшандақалардан.

Ростини айтсам, унга қараб туриб, негадир ачиниб кетдим, ҳали ёшгина экан.

Енига келиб ўтиришга ўтирдим-у, биринчи бўлиб гап отишга юрагим бетламай, каловланиб туриб қолдим. Диққатим ошиб, яна сигарет тутатдим. Шунда у мен томонга мойилон бўлиб, кўзларимга синчковлик билан тикилди. Сўнг, чиройли жилмайиб, шаъмадор бир сўя қотди:

— Пешма-пеш чекиб қолдингиз... Янгишмасам, бирон нарсага хумор бўляпсиз, шекилли?

Ёш бўлсанг ҳам кўп ишни кўрганга ўхшайсан, деб қўйдим ичимда. Айни пайтда, тузогимга ўзи боштиққандан кўнглім ёришиб кетди.

— Хумор бўлганда қандоқ! — дедим бир оз суюлиб. — Биргалашиб хумор ёзадигани тополмай додгамиз холос.

Шунда у мен томонга яқинроқ сурилди-да, кутилмаганда гапни дангалидан бошлади:

— Биз иккитамиз, — нарити скамейкада ўтирган шеригини кўса қирида кўрсатди у. — Балки сиз ҳам бирорта дўстингизни....

— Умримда ҳеч кимга дўст бўлмаганман, — дея очиғини айтиб қўяқолдим мен. — Лекин, мени икки киши деб ҳисоблашларинг мумкин.

— Йўғ-e! — ишонқирамай, менга бошдан-оёқ назар солди у. — Сизни қийнаб қўймайлик тагин?

— Зарари йўқ, — дея қўл силтадим ўзимни салобатлироқ тутишга ҳаракат қилиб ва ёнимдан бир сўм чиқариб, йигитчанинг қўлига тутқаздим. — «Су-

хой» нинг катта шишилигидан ол. Келгунингча, биз шеригинг билан стакан топиб турамиз.

1978

«ХЕММА МАЛИНА»

Шахматуллонинг вос-вос касали кучайиб борди, гоҳ Ёқутой отиннинг, гоҳ Сирож махсимиning ёқасига осилиб, «қачон хотин оберасанлар», дея кунига беи маҳалдан етти маҳалгача тиқилинч қиласиган одат чиқарди.

Яқингинада уч гувоҳу бир мулла иштирокида никоҳ ўқитиб, эр-хотин бўлиб олган бу икки ҳаваскор диндорнинг совчиликка бормаган эшиги, қарғиш эшитиб қайтмаган хонадони қолмади.

— Хе, хотинсирамай талогинг кесилтур, — деб қарғанарди Сирож махсим. — Қунақа ёшда бия эшак қувалашдан бошқани билмасдик.

— Үзимниям бошим қотди, — дея уф тортиб қўярди Ёқутой отин. — Ҳатто, Қатон лўлиям сақичдек қизимни ўша исфиронкасиз жиннига бераманми деб, мени мазахлади.

— Қариндош бўлиб олсак, эскичадан саводни сал мустаҳкамларидик деб Фойиб қорига қизидан гап очсан, «Қачондан бери махсим бўпқолдинг, Сирож штана? Динни дўконга айлантириб, шариатни бебурд қилганинг учун ҳали бу дунёдаям, у дунёдаям азоб тортасан. Ёқут буауқнинг невараси Шахмат дувонани авлиёга йўйиб мол орттиргунча тезак есанг бўлмайдими!» деди. Ҳасад қилялти баччагар...

Кутилмагандага келин ўз оёғи билан келди. Олдинги хотинини талоқ қилгандан кейин уйидан лоақал битта рўмолча ололмай чиқкан Сирож махсим сўрида отсиз қўқон арава янглиғ дўнқайиб ётар, кампир тандир кавлаётгандай ортига ўтиб олиб, унинг чоки сўқилган яккаю-ягона иштонини йўрмай билан банд эди. Шу пайт ўн икки чўнтақли шимга докануска кўйлак кийган рангпар қиз найча товонини «шиқир-шиқир» қилганича ҳовлида пайдо бўлди. Сирож махсим беихтиёр ўрнидан қўзғалмоқчи бўлганида кетига игна санчилиб, «думбани единг-ку, мочагар», дея инграб юборди. Ёқутой отин шоша-пиша эринингчотига бош тиқиб, тишида ипни узди.

— Э, айгирни ҳидлайтурган байталга ўхшамай ўл, — деб пўнгиллаб қўйди аламзада эр.

— Вой! — қизга синчиклаброқ боқиб, бир сапчиб тушди Ёқутой отин. — Нима қилиб юриди анави?

Бу орада қиз сўрига яқинлашиб, бир қўлини елка-сидаги сумка богичига чирмаб, иккинчисини биқинига тираганича таманноланиб тўхтади.

— Менга кўз тегди. Ўзимни кўрсатмоқчиман. Қаёқда... ҳалиги авлиё?

— Шахматулло ниримни айтапсизми? — дабдабали оҳангда сўради Ёқутой отин. — У киши...

Қаердалигини пирнинг ўзи маълум қилиб қўяқолди. Ҳужрадан унинг: «Гар-шў-ў-к! Гаршўк деяпман!!!» деган ҳангиллоқ товуши эштилди.

Кампир тура солиб сўри остидаги тувакни олди, пизиллаганча пирнинг қошига йўналди. Зум ўтмай ичкаридан шовуллоқ овоз кела бошлади.

Ёқутой отин устидан ҳовур кўтарилиб турган тувакни кўтарганича қайтиб чиқаркан, қизга кираверинг дегандек имо қилди. Кейин тувакни чайқаб келтириб яна сўри остига қўйди-да, эрига сирли кўз қадади.

— Танидингизми? Бултур қамоқقا тушган порахўр прокурорнинг қизи шу. Шаҳарда бузилиб кетиб, ўқишдан ҳайдалганмисан?

Қиз остонаядан ўтибоқ лолу ҳайрон тўхтаб қолди. Жагини лайлакчасига кўтариб, қўлларини кўкрагига чоғиштириб олган Шахматулло пардаси туширилган деразага тикилганича хона ўртасида мачитнинг устунидек қотиб турарди. Ҳатто эшик ёпилгандан кейин ҳам киприк қоқиб қўймади.

— Муҳаммад янглишди. Охирги пайғамбарман деб... Баайни ярим кечада офтоб чиққандек мен тугилдим.

— Браво! — илжайганича чапак урди қиз. — Изумително!

— Ўзбекча гапир, ифлос! — ҳамон нилий пардага тикилганича сокин, аммо қатъий оҳангда дўриллади пир. — Қимсан? Исиминг нима?

— Ҳемма Малина, — ҳиндча карашмаланди қиз.

— Хотин сўраб, фалакка туну кун сажда қилдим, алқазо илтижойим мустажо бўлди. Ким юборди сени?

— Аниви-да... ҳаҳ...

- Мусоми, Исоми?
— Э-э, нима фарқи бор?
— Бор! — ўша шаклу шамойилда туриб зардаланди пир. — Гарчи энди улар билан унвоним тенг бўлсаям, ҳар ҳолда билиб қўйишим керак.
— Исо! — дея гижинглади, ўйлаб қўйган режаси ўз-ўзидан амалга ошабошлаганини сезиб қувонган Малина. — Хўш, келин ёқдими?
— «Хўши» демасдан гапир, мегажин! — ҳануз унга боқмасдан дагдага қилди пир. — Олдингда янги пайгамбар турибди! Шахматулло алайхуссалом! Оёғими ни ўпмоқчи бўлсанг, эмаклаб кел.
«Ўвв!» деб қўйди ўзича Малина. Сўнг эшикнинг занжирини солиб, елкасидаги сумкани четга отди, бурнини масхараомуз жийирганича эмаклаб бориб Шахматуллонинг попукдор боғичли иштони яқинида тўхтади.
— Оёқ ювилганми ўзи? Қаеридан ўпай?
— Ўпавер! — деди пир. — Ҳамма жойим Қуддуси шарифдек табаррук.

Малина унинг тиззасига аста лаб босди, сонидан кучоқлади...

Бир дақиқадан сўнг ҳужрадан пирнинг «Ҳайҳот!» деган ҳайқириғи эшитилди. Ёқутой отин мушукдек писиб бориб, деразадан қулоқ солди. Эшикни итариб кўриб, ичкаридан занжир илинганини пайқагач, «Воидод, мусулмонлар!» деб бошини чангллади.

— Туринг, маҳаллани чақиринг! — дея сўрига яқинлаша бошлади у. — Боламни бузяпти анави қанжиқ.

Сирож махсим уни жеркиб ташлади:

— Хап! Оғзингни юм! Ўзинг-ку ана шу молфаҳмга хотин тополмай кўчама-кўча рамазон айтиб юрувдинг. Олло карам кўрсатиб, бир кажравни жўнатган экан, девонаи Баҳоваддинга етти танга кўтармайсанми!

Ўша «Ҳайҳот!» деган ҳайқириқдан сўнг кечки пайт ҳам, ярим тунда ҳам, эртаси эрталаб ҳам ҳужрадан тиқ этган овоз эшитилмади. Фақат тушликна яқин Шахматулло ярадор одамдек эшик кесакисига тирмашиб баёўр ташқарига чиқди. Чиқди-ю, қалтираётган тиззалари баттар букилиб, деворга сунганича ўтириб қолди.

Туни билан мижжа қоқмай чиққан чол-кампир уни икки қўлтиғидан тираб келиб, сўрига ётқизишди.

— Кўзингни оч, қорижоним, сенга нима бўлди? — дея Ёқутой отин кўзига ёш олди.

— Хе... боринг! — жаҳл қилиб ингиллади Шахматулло.

Ёқутой отин рўмолининг учидаги кўзини артиб, секин ўрнидан қўзгалди.

— Ҳозир... Тухум пишириб келаман, қорижоним.

Кампир кетгач, Сирож махсум «бемор»га биқин солиб шивирлади:

— Ўзимиз қолдик, пирам. Эркакча гапираверсинлар.

— Кирибоқ оёгимга тирмашди, — ҳансираф гап бошлади Шахматулло, — пайғамбарсиз деди. Тўғри топди мегажин!.. Болдиримни ялади, тиззамдан, сонимдан ўпди... Кейин... уф... билибми-бilmайми иштонбогимга осилган эди... уф-ф...

— Ие, иштонбогнинг попуги қани?

— Ўша иблисда... уф... чиройли экан, деб қирқиб олди. Ана, кириб кўринг, кўйлагининг бурмасига тақиб ўтирибди.

— Ё раббано.

— Бугуноқ чиллаёсун қилинг. Аҳволим оғир.

Сирож махсум ўгай неварасининг иягига енгил шапалатиб әркалатган бўлди:

— «Хотин, хотин», деб Рустами достондек наъра тортдингиз. Ҳолингиз шу экан-у. Ҳалиям ўзимизга балли десак бўларкан.

Шахматулло тилини сангиллатиб беҳолгина йўталгач, пеппанасида тер йилтиллаб, сўзга оғиз жуфтлади:

— Шайтони лайнин экан... уф... Сигирниям меъёрида согадурлар. Жонимгача сугуриб олди. Кофирича килиқлар қилди...

Бир чойнак чой, мис косада жазиллаб турган қовурдоқ кўтариб Ёқутой отин келди. Дастурхон тузалгунга қадар Шахматулло инқиллаганича ҳовли этагига бориб, таҳорат ушатиб қайтди. Сўнг ёнбошлаб олиб, тамаддиланишга тутинди. Чол-кампир кечаси гапни пишитиб олишган эди. Сирож махсум мўйлобини қимирлатиб имо қилгач, Ёқутой отин қироат билан гап бошлади:

— Энди-и жамоат жамлигига тўйни маслаҳатлашадиган бўлсан...

Шахматуллонинг кекиртагида нимадир «ҳик» этди, чайнаган луқмаси томогига тирадиб қолди. Шошилинч равишда чой хўплаб, луқманни ютиб олгач, бувисига ўқрайиб: «Қанақа тўй?» деб сўради.

— Бир банданинг покдамон қизини ҳидлаб қўйдинга, пири, — кесатди Сирож махсим.

— Покдамонмиз! — Шахматуллонинг зардаси қайнади. — Гирт жинни-ку! Тасбеҳимни маржон қилиб бўйнига илди. Шифтга осилган сумакни олиб, ичига тамаки тиқиб чекди. Бунисиям майли... ўғил туғиб бераман, дейди. Отини Мешка қўярмиш. Бекорларни айтибсан, Рабрабидин аршиаълохон тўра қўямиз, дедим. Йўқ, Мешка, дейди. Йўқотинглар буни. Бўлмаса факру фанога чекиниб, саҳрони ҳуббул-ватан қиласман.

— Бошни қонун сиртмогига тиқмасинлар, ҳов, — танбех берди Сирож махсим. — Устингиздан милисага арз қилиб борса... Кейин тергов-қистов деганларидай...

Буни эшитиб Шахматулло ніча сукут сақлаб қолди. Сўнг танасида аста-секин қалтироқ бошланиб, кўзи гилдирашга тушди. Охири гердайганича чордона қуриб, қўлларини яна кўкрагига чоғиштириди, жунунлиги бошқатдан қўзиди.

— Милиса дегани оллонинг назаридан қолган оддий ҳувштақбоздир. Терговчининг Мункар-Накир эмаслигини қўлида қирқ ботмонли турзи йўқлигидан ҳам билмоқ мумкин. Мен-чи? Мен Шахматулло алайҳуссаломман! Қани, оёғимга қараб эмакла!

Ёқутой отин дарҳол алюмин қошиқни олиб қовурдоқдан бўшаган мис косага жон-жаҳди билан уришга тутинди. Даранг-дурунг овоз асабига акс таъсир кўрсатиб, Шахматулло бирдан ўзига келди, қайтадан ёнбошламоқчи бўлиб турганда, ичкаридан келиннинг гижжакдек товуши янгради. «Шахма-а-тчик! Шахма-а-тчик! Те-е-эда буёққа киринг, соғиниб қолдим».

— Ҳа, белингдан аканг! — беихтиёр чапанилаб жавоб қилди Шахматулло. Кейин чол-камнирга боқиб илжайди. — Қоронғи хонада қўрқяпти қизалоқ. Юракдан бор-да.

Шундай дея, энди салмоқланиб одимлаганича хужрага қараб юрди.

Тўй ҳам тўрт киши тарвуз сўйиб егандек имижимида ўтди. Шундан кейин келиннинг қилиғи кундан-кун совуқлашиб борди. Гоҳ магнитофон қўйиб, эрини салла-чопонда «танца» туширса, тоҳ замонавий кийинтириб кинога етаклайди. Шахматулло пири бўйнида саланглаган галстук, бошида кўндаланг шляпа билан алламаҳалда маст-аласт қайтиб келади. Эртасига боши оғриб, мижозларга айнаб-алжирашга тушади.

Буларният четга суреб турайлик, икки ҳафталик келинга туғилган кунини нишонлаш эп бўлтими? Пойгакдаги кенг уй ёш-ялангга тўлиб, байрамдаги морўжнахонага ўхшаб қолди. Пирнинг уч ойлик даромади қулоғини ушлаб кетди.

Сирож маҳсимният эски пивохўрлиги қўзиб, қимизга қўшилган айрондек ёшларга аралашиб олганини айтмайсизми. Охири кайфи ошиб, карнайгулларнинг орасига юмалаб қолган экан, Шахматулло коронгуда тентираклаб келиб, қиблага типпа-тиқ юзлаганича устига чоптириб юборибди.

Бир куни чол-кампир сўрида шуларни заслаб, ҳасратлашиб ўтирган эди, келин ичкаридан чақчайганича чиқиб келиб, Ёқутой отинга заҳрини сочди:

— Ҳў, пистак кампир, яна фисқу фасодми?

Бундан жаҳли чиққан Сирож маҳсим гижинганича: «Менга қара, вей, Ҳемма!..» дея ўдагайлашни бошлаган эдик, келин: «Соқолингни тишла-е!» деб бурнини жийирди.

— Ношукурлар! — дея қўлларини биқинига тиради сўнг. — Шахматчикни ғажиб ётибсанлар. Индамасам, мениям ямлайсанлар. Мана! Шимилдириқ сенларга! Даромадни бундан буёғига ўзим ҳисоб-китоб қиламан.

— Бекоргинани айтибсан! — ўрнидан туриб кетди Ёқутой отин. — Боламга тувак тутган жойинг борми?

Сирож маҳсим ҳам сўридан тушиб, қарчиғайдек кўкрак керди.

— Уни илму ирфонга мен судраганман. Қолаверса, бувисига уйландим.

— Қўрқманглар, — бепарво жавоб қилди Малина, — сизларгаям чой-чақа тегиб туради.

— Нима?! — Сирож маҳсимнинг кўзлари олайди. Кейин кампирининг тирсагидан тутиб, хужра тарафга судради. — Юр, хотин. Бу анжирфурӯшдан яхшилик чиқмайди. Ўзингга айт, вақтида талоқ қилсан.

Улар хужрага киришлари биланоқ ичкарида ғала-ғовур бошланди. Даставвал Ёқутой отиннинг ноласи янгради:

— Пешонант қурсин, болам. Келиб-келиб, кунинг шу карвонсаройга қолдими?

— Тезда жавобини беринг, пирим, — энди Сирож маҳсим куюнинига тушди. — Биз уни келин десак, касирликка ўрнашиб олган шпиён экан.

- Бунга сенмас, пулинг керак. Бор шудингдан айрилиб, охири хароб бўласан.
- Ҳеч бўлмаса, арра қилайлик демайди. Ноинсоф!
- Ваҳималар тўхтатилсан, — босиқ оҳангда овоз қилди Шахматулло. — Биз келишиб қўйганмиа. Пул тўплаб, жингули деган мөшин оламиа. Уни хотиним ҳайдайди, мен ёнига ўтириб жума намоага бораман.

- Ақлингни еб қўйибсан!
- Калла жойидами, пирим?
- Бас!!! — бирдан айюҳаннос тортди Шахматулло. — Жим бўлинглар!

«Яна қўзиди, — дея чимирилганича ўйлаб қўйди Малина, — ҳозир эски дийдиёсини бошлиди».

Дарҳақиқат шундай бўлди. Шахматуллонинг товуши дабдабали тус олиб, энди жаранглаб эшитилди:

— Калла жойидами деган ким? Тилингга қуидирги чиқмасдан бурун жавоб бер. Қаршингда янги пайғамбар турибди — Шахматулло алайҳуссалом! Тиз чўк! Калима келтир! Анқайма иккаланг! Эмаклаб келиб оёқни яла! Иштонобоқقا осилмасдан яла!

Ҳемма Малина сўрига чалқанча ағанади. Оёқларини велосипед ҳайдайтгандек ҳавода ўйнатиб, қийқириб-қийқириб кула бошлади.

1987

БАҚАЛАРНИНГ НИЯТИ БУЗУҚ

— Уйинг қуйгур ҳашаротлар деҳқоннинг ризқини ёмонам қийиб келяпти-да, раис ака. Биз уларга импортний заҳар беряпмиз, у ношукурлар емайди денг. Айниқса, қўсак қурти...

— Тўгри. Бу масала шахсан мени ҳар йили қаттиқ ташвишга солади.

— Агар қушлар бўлмаса, ташвишингиз янам ортиб кетарди. Олимларнинг гапи рост бўлса, битта қуш юзлаб ҳашаротни асфаласопилинга жўнатаркан.

— Биламан, азамат паррандалар бизга катта ёрдам беришади.

— Ҳе, аттанг, яқин орада шу ёрдамдан ҳам айрилиб қоламиз шекилли.

— Сабаб?

— Сабаби шуки, қишлоғимиизда паррандалар учун

тирикчилик қилиш оғирлашиб кетяпти. Үзингиздан қолар гап йўқ, қўшилар асосан қишлоқдаги увоқ-ушоқлар билан кун кўришади. Баъзан кўнгил очгани далаларга чиқишиб, йўл-йўлакай ҳалиги ҳашаротлардан ҳам тотиб кўришади. Афсуски, кейинги пайтларда уларнинг кўпчилиги бошқа қишлоқларга кўчиб кетишиб, ўша жойлардаги колхозларга ёрдам беришяпти. Ҳа, қушларимиз жудаям камайиб кетди!

— Нега камаяркан?

— Менимча, бу... бақаларнинг тобора кўпайиб бораётганидан бўлса керак. Бақалар шундай мараз махлуқки, улар қишлоқдаги сарқитларга қушларни тенг шерик ҳам қилишмайди. Қишлоқдан овқатланишини билишади, лекин уларнинг далага чиқиб ҳашарот овлаганини ҳали ҳеч ким кўрмаган.

— Текинхўрлар! Уларнинг тухумини қуритиш керак!

— Тўғри гапирияпсиз, раис ака. Мен ўша муттаҳамларнинг тухуми қаердалигини яхши биламан. Маҳалладаги эски ҳовуз бақалар инкубаториясига айланиб қолган.

— Буни яхши айтдинг, Шодивой. Бир ҳашар қиласиз-у, эртагаёқ ўша ҳовузни кўмиб ташлаймиз.

...Эзмалана-эзмалана охири ниятига етган Шодивой, мамнунлик билан томоқ қириб қўйди. Маҳалладаги ўша эски ҳовуза у яшайдиган уйнинг орқа пойдеворини жудаям захлатиб юборганди.

1977

РОБИНЗОН КРУЗО ҚИМ?

Илгарилари мен ҳам худди сизга ўхшаб машҳур сайёҳ Робинзон Крузо ҳақидаги саргузаштлар фақат одамлар ўртасидагина «миш-миш»ларга айланиб кетган деб юрадим. Қунлардан бир куни сой бўйида гурунглашиб ўтирган жонзорларнинг сухбатини тасодифан ашитиб қолдим-у, бу фикримдан қайтишга мажбур бўлдим.

Мен жингала бўлиб ўсган қарчинлар ортидан улар томон аста яқинлашиб борган пайтимда калтадум бир Олапар даврадагиларни ўз оғзига қаратволиб, тинмай ириллаётган эди.

— Елканли ёғоч кема довул пайтида баҳайбат харсангга урилиб, тош теккан итялоқдек чил-парчин бўлиб кетибди, — дея ваҳимали қиёфада сўзлар эди Олапар. — Шунда ҳалиги Рафинаён деган лайча ўзини шартта сувга отибди-да, узоқдаги оролдан ис олиб, жонжаҳди билан ўша томонга қараб моҳлай бошлабди.

— Шошма, шошма, — Олапарга кўзини лўқ қилиб тикилди Қурбақа, — сен мабодо бизнинг жасур саёҳатчимиш Ралинаон Қур-р-рузо ҳақида гапирмаяпсанми? Агар сен ўша ҳақида акиллаётган бўлсанг, билиб қўйишинг керакки, у лайча эмас, мард ва довюрак баҳа эди. Ёлғон гапираёттанингни исботлашим ҳам мумкин. Денгизда довул бўлаётган вақ... вақ... вақтда ит узоқдаги оролдан ис олган тақдирда ҳам у ёққа сузиб бора олиши ақлга сигмайдиган нарса. Бу иш фақат бақаларнинг қўлидан келади.

— Виш-ш-ш! Юм оғзингни! — кўкрак кериб вақиллаётган Қурбақага жаҳл билан бўйин чўади Гурза илон. — Нега сен Раббинзон Грузамизни бақаларга обориб тақаяпсан? Агар ўша сайёҳ ҳақиқатанам баҳа бўлганда, қирғоққа чиқиши биланок оролдаги биринчи дуч келган маҳлуққа яхшигина нонушта бўларди. Чакалакда ёлғиз яшашдан фақат биз илонларгина кўрқмаймиз.

— Кўнглингга олмагин-у, лекин сен ҳам опқочияпсан, — Гурза илонга қараб масхараомуз тиржайди Каламуш. — Тишинг тошдан бўлгур ўша азамат Рамазон Кирза деган кема каламуши эканлигини ҳамма яхши билади. У денгизчиларнинг кирза ботинкаларини ғажиб юргани учун унга шунақа лақаб қўйишган. Хўш, агар у каламуш бўлмаса, оролга ўрнашиб олгандан кейин, ерни кавлаб ўзига ин қуармиди? Каллани ишлатиб кўр-чи, Гурза.

Шунда соҳилдаги жингалак устида турган Тўтиқуш бир сакраб пастки шохга қўнди.

— Йўқ нарсани талашиб нима қиласизлар, — дея қиқирлади у, — ҳали ҳозир бақалардан ҳам, илонлардан ҳам ҳеч қанақа номдор сайёҳ чиққан эмас. Сизлар тилга олаётган — ақлли Тўтиқуш эди. Шунинг учун ҳамма уни Робинзон Мирзо деб чақирган. У одамлардек гапиришни билгани ва хат-саводли бўлгани учун кейинчалик ўзи ҳақида зўр китоб ёзган. Ўйлаб кўринглар-а, биродарлар, ит ёки каламуш ҳеч маҳал китоб

ёза оладими? Мабодо ёзганда ҳам уни фақат ит ва каламушларгина ўқиши мумкин...

Жонзотларниң баҳсини тинглаб туриб, беихтиёр кулгим қистади. Аслида, бунинг ҳеч қанақа кулгили жойи йўқ. Кўпчилик учун севимли бўлган қаҳрамонлар ҳақида баҳс кетганда, ҳатто сиз билан биз — капкагатта одамлар ҳам иложи борича уларни ўзимизга яқин олиб гапиришга харакат қиласми.

1976

ХИЗМАТЧИЛИК-ДА, ХИЗМАТЧИЛИК

1. ИШТАҲАНГИЗ КАРНАЙ БЎЛСИН

- Кечирасиа, бу котлетми, ё...
- Бифштекс.
- Тушунарли. Нима, у тухумсизми?
- Тухум бор эди. Уни ҳозиргина...
- Тушунарли. Гарнири нўхатдан денг?
- Ярми макарон эди. Униям ҳозиргина...
- Тушунарли. Нўхатни емабсиз, тузи пастми дейман?
- Нўхатни мана энди еймиз... Менимча, тузи жойида.
- Қиймачалпак-чи? Хўш, нега уни санчқига илмаяпсиз? Биламан, биламан, у гирт чандир.
- Менга қаранг, сизга нима керак ўзи?
- Кечирасиз, мен...
- Етар-е! Қанақа ёғда қовурилганини билмоқчи бўлсангиз, ана қолганини ўзингиз еб кўрақолинг.
- Ҳой, шошманг. Шошмасангиз-чи, мен... овқатнинг сифатини билмоқчиман, холос. Халқ контролиданман!

2. ФАВҚУЛОДДА МАЖЛИС

- Ўртоқлар, бугунги йигилишимизга шахсан ҳурматли Али-ҳуштакнинг ўзлари ташриф буюрганлар. Сўз қадрдонимиз Али-ҳуштак!
- Биродарлар! ТАСС ахборотчилари Яқин Шарқ

ва Африка мугузидаги воқеаларни кенг шарҳлаб туришибди. Халқаро бозордаги вазият анча жиддий.

Ўзимиздаги ишларга келсак, вазият янаям қалтисроқ. Мундок қараганда, ҳаммангиз ўз ўрнингизда аввалгидек фаоллик кўрсатиб турибсиз. Лекин, тушум тобора камайиб кетяпти. Бу ҳол айрим ўртоқларнинг гирромчилик қилаётганидан далолат беради. Сизларни бу ерда тўплашдан мақсад, ўз нафсидан бошқани ўйламай қўйган айрим ўртоқларни огоҳлантириб қўйишидир. Мен ҳозир «бор, барака» қилиб, уларнинг номини тилга олиб ўтирумайман. Кимлар ҳақида гап кетаётганини ўзларинг фаҳмлаб турган бўлишларинг керак...

Бозорком раиси шундай дея ўтирганларга зимдан маънодор кўз югуртириб қўйди. Чайқовчилар тенгдан чўнтак кавлай бошладилар.

1976

ЭҲ, ШЎРЛИК ЭРҚАКЛАР!

1. ТАЪҚИБ ҚИЛИШ

Сезяпман, у менга ҳамон ўғринча тикилиб турибди. Ростини айтганда, аёлнинг нигоҳини етти қават деворнинг ортидан ҳис қила оладиганларнинг биттаси — мен. Автобус келадиган томонга қараб-қараб қўяман-у, у турган тарафга юзланишдан ўзимни тияман. Бироқ, аниқ ҳис қиласяпманки, у менинг ўнг тарафимдагиларнинг саккизинчиси. Жигарранг костюмли тепакал кишининг елкаси оша ҳануза менга термилиб турибди. Улама киприкларини елпугичдек тебратиб, сурмага ботирилган қошлиарини чимириб қўяётганини худди телевизорда кўраётгандек аниқ тасаввур қилмаётган бўлсам, нон урсин. Шунаقا таъқиблардан бирам безиб кетдимки...

Хайрият, лип этиб такси келиб қолди. Тўхтатдим. Ақлим этиб турибди, у ҳам ҳайнаҳой шу тарафга интиляпти. «Хайда, молодеж!» деб бақирдим шофёрга. Машина тойчоқдек олдинга сапчиди. Мана энди «кафе»га кирволиб, ҳамма одамлардек ўзимни эркин ҳис қилишим, босиб-босиб муадек пиво симиришим мумкин. Ахир, бугун маош олганман.

У қанчалар писмиқлик билан ортимдан тушган бўлмасин, мен бари бир хотинимни боплаб чалғитиб кетдим.

2. БИР ХОНАЛИҚ УЙДА

- Бўлди энди, хотинжон, чироқни ўчириб ётинг.
- Озгина сабр қилинг, дадаси.
- Бунча қайсарсан? Ет дегандан кейин...
- Яна беш минутгина...
- Ахир, ярим кеча бўп қолди. Ётсанг-чи.
- Ҳозир деяпман-ку. Пича сабр қип туринг.
- Ўчир чироқни! Ҳе, дардисар!
- Нима?!
- Ҳа, дардисарсан! Ялмогизсан!!!

Кунда шу аҳвол. Хотинимга конспект ёзиш зарур, менга эса — сурат чиқариш. Фотографлик ҳам қуриб кетсин.

1976

АНТИҚА АРИЗАЛАР

1. ГАУБИЦА

«Қани, ёз!» дея буйруқ берди раис. Котиб қоғоз устига энгалиб, қулогини динг қилди.

— Район қишлоқ хўжалик ишлаб чиқариш бошқармасининг бошлиғига «Пахтакор» колхози правлениесидан ариза. Давлат планларини мўмайроқ қилиб бажарип, одамларнинг вақти-чоғлигини янайм яхшилаш учун хўжалигимизга тубандагиларни тезроқ етказиб беришингизни сўраймиз: биринчи — ўтизта шихмола, иккинчи — 25 тонна селитра, учинчи — сочма ўқ отадиган бешта замбарак...

— Қанақа замбараклигини аниқ кўрсатиб ўтсакмикан? — ёзишдан тўхталиб раисга ўгирилди котиб.

Раис манглайдаги чандиқни сийпалаб, бироз ўйланиб қолди. Сўнг қўлини қоғозга бигиз қилиб деди:

— «Гаубица» деб ёа.

— Замбарак-ку яхши нарса-ку-я, — яна эзмаланди котиб, — лекин, у дажжолни судраб юриш... Далалардаги йўллар жуда тор-да.

— Тузукроқ маслаҳат бермоқчимисан?
— Менимча, уч-түртта махсум пулемёт беришса, етиб ортар дейман. Ҳам қулай, ҳам аразон, уни сиз билан биз ҳам отаверамиша.

— Қисқа ўйлайпсан, — ўз фикрини қайсарлик билан ҳимоя қилди раис. — Пулемётда бештасини отасан, ўнтасини отасан, бошқалари қочиб қолишади. Қарабсанки, бирпасдан кейин қайтиб келишиб, яна ўша машмашани бошлашади. Замбарак бу бошқа гап. Түпнига қаратиб туриб, ёппасига залповой оғон, десанг, масалани ҳал қиласы-құяди.

Раис үчун баҳор жуда серташвиш келди. Айниңса, дончиликтеги ақнол оғир эди. Майдонларга сепилған ариа уругларини чумчуқлар галаси шип-шийден қилиб кетаётгани бу очофатларга қарши юқорида айтиб ўтилған даражада кескин чоралар құллашни талаб қилаётганди.

2. ҚҰЛИ ОЧИҚ ОДАМ

Аризамнинг мазмуни шундан иборатки, магазинта кириб, туркман гиламларига суқланғанимча анграйиб қолибман. Бир пайт қорин соган бир чүтири одағындағы келиб, мени турткылаб қолди. «Пулинг борми?» деб сүради у дабдурустдан. «Бор», дедим. «Қани, бу ёққа чўз-чи», деди у құлларини бир-бирига ишқалаб. «Нима оламиә?» деб сүрадим мен. «Ха мугомбир-ей, бу ерга нима үчун кирганимни билмайди деб ўйлайсан-да, а?» деди ялтоғланди у. «Хўш, баҳоси қанча... экан?» деб сүрадим мен сирни бой бермай. «Қирқ түққия франк», деди у. Құли очиқ одамман, унга нақ әллик сүм санаб берип, «қайтими ўзингга», дедим. У «шу ерда қимирламай тургин», деб иккинчи қаватга чиқиб кетди.

Орадан ҳеч қанча вақт ўтмай, қўққисдан яна ёнимда пайдо бўлди. Чамаси, нариги томондаги зинадан тушган бўлса керак. Нималигини билмайману, ўша нарса сотилаётганди жойда оломон тирбанд эмиш.

«Сотувчининг ёрдамчиси билан тил биритириш керак», деди у пешонасини тириштириб. Сўнг «яна беш франк қўшмасанг бўлмайди», деб хираги қилди.

У мендан беш сўмни олиб яна тепага чиқиб кетди. Ярим соат кутдим — йўқ, бир соат кутдим — йўқ, охиди тоқатим тоқ бўлиб, тепага чиқдим, аммо уни то-

полмадим. Бунинг устига иккинчи қаватда на дуруст-
роқ мол бор, на тирбанд оломон...

Умрим бино бўлиб бунақа устамон қаллобни бирин-
чи марта кўришим, ўртоқ милиционер.

1978

«ШОВВОЗ СПОРТЧИ»ЛАР ҲАЁТИДАН

1. АВТОБУСДА

Боксчиман. Бир урсам шайтонлаб қоласиа. Лекин урмайман. Бизда қўпол муомалали гражданларни уриб эмас, тушунтириш йўли билан тарбиялашади. Қолаверса, ўзидан ожизларга «бурамақанд» бериш спортчининг обрўйини пастлатади, холос. Менинг эса ҳозирча обрўйим баланд.

Бойқораевни биларсиз? «Меҳнат резервлари» чемпиони бўлди. Телевизорда кўрдингизми ўйинини? Зўр, а?

Мен ўша зўравонни бир пайтлар шунақаям савалаганманки... Боёқиши кайтиб рингга чиқмаса керак деб ўйловдим. Йўқ, боланинг асаби метин экан.

Ундан кейин Зуфаровни дўйпосладим. Шамаевни эса биринчи раунддаёқ... Хех-хе-хе.

Энди кимлигимни билиб олгандирсиз? Ҳа, мен ўша машху-у-ур... Умуман, кейин таниб оларсиз.

Хуллас, яхши иш бўлмади. Беш тийинни деб мендек одамни кўпчилик ўртасида хижолат қилиб ўтирибсиз-а, контролёр ака.

2. ХАЛОСКОР

Кўлиқуббоннинг суви уйимиз пойдеворини ялаб турарди. Болалигимда юришдан олдин сузишни ўрганганиман.

Армияда ҳам денгиз десантига тушиб қолдим дент. Елкамда автомат бўлишига қарамай, кемадан сувга шартта калла ташлардим-у, қирғоққа қайиқдагилардан олдинроқ етиб борардим.

Институтимизда битта бассейн йўқ-да. Бассейн бўлса, мен физкультурадан «уч» олармидим. Аксинча,

ўша мақтанчоқ Ашир самбистга спорт нималигини күрсатиб қўярдим.

Нега ўзича валдираб қолди деб ҳайрон бўлманг. Гапнинг тагида гап бор. Фараз қилайликки, сиз... сувга чўкиб кетяпсиз. Турган гап, бундай пайтда жон холатда қичқириласиз: «Ёрдам берингла-а-ар!!!» Бир ўйлаб кўринг-чи, ким ёрдам бериши мумкин сизга? Штангачи Боқи-бульдозерми? Бе-е-е. Фил бошқа нарса, балиқ бошқа нарса. Сизга биргина ўзим асқотаман, ўзим! Сиз эса...

Бунча қийнайсиз мени, Лолахон?

3. ШАХСИЙ МАНФААТ

Маҳалламиз футбол командасининг аввалги дарвазабони ўтакетган латтачайнар эди. Кунора мени икки сўлкавойга туширади. Охири уни ҳайдатиб юбориб, ўрнини ўзим эгалладим.

Нега куласиз? Тўғри, ҳар холда бош бухгалтер деган номим бор. Қўни-қўшнилар менга биринчи бўлиб салом беришади.

Лекин, нима бўлгандаям, бирордан уяладиган жоим йўқ. Мана, иккинчи йил кетяптики, дарвозамдан тўп ўтказиб юборганимни эслолмайман. Йўқ, кечира сиз, ўтган йили битта гол уришувди менга.

Зўрлигимга ишонмаяпсиз, а? Келинг, яххиси гаров ўйнаймиз. Ўн бир метрдан беш марта, борингки, олти марта тўп тепинг. Лоақал битта гол урсангиз, марра сизники. Уриб бўпсиз!

...Очиғини айтганда, тепилган тўпларнинг ҳаммасини ушлаб қолишга мажбурман. Чунки, дарвозамизга ҳанузгача тўр топа олганимиз йўқ. Дарвозанинг ортида эса, мен яшайдиган уйнинг деразаси бор.

1977

АЁЛЛАР ВА ХАЁЛЛАР

1. ЭХТИРОС КАМРОҚ БҮЛСИН

- Бунча хилват экан бу ер?
- Ҳа! Бундай хилват жойлар савоб иш учун яратылмаган!
- Вой, нима қиляпсиз? Қўлингизни олинг. Эрим билиб қолса...
- Тупурдим ўша эзингизга. Ошқовоқ нима-ю, у нима.
- Ҳамма эркаклар ҳам ошқовоқ. Фақат, пўсти ҳар хил.
- Баҳомни ошириб юбордингиз. Раҳмат! Мен аҳмоқ сизни тушларимда кўриб юрибман. Кечак тушимда ҳатто ўпиб олдим. Мана бундай қилиб...
- Бўлди! Бас! — столни шапиллатиб қичқирди режиссер.— Репетиция тамом!

У гримхона сари бораётган артист йигитнинг ортидан хўмрайиб қараб қўйгач, «енгилтак аёл» ролидаги ўйнаётган актрисага ўгрилиб, дўнгиллади:

- Бугун сал кечиксам керак. Қизчамизни боғчадан олиб, тўғри уйга жўна.

2. КЎНИКИБ ҲАМ КЕТАРСИЗ

- Ўзи нима гап? Нега йиглаяпсиз, синглим?
- Анави уятсиз чол...
- Хўш, хўш?
- Одамларнинг кўзи олдида...
- Хўш?
- Манави еримни...
- Хуллас... туф! — оғзидағи носни пуркаб, бамайлихотир тап бошлади чол,— ойимтилланинг ўша жойини сийпалаб кўрдим. Сийпалашга ҳаққим бор.
- Ҳм-м, биласизми... Сирасини айтганда, биада шунақангни ишлар бўптуради, синглим. Анави аёллар ҳам дастлабки пайтларда сизга ўхшаб қимтиниб юришарди. Мана энди кўриб турибсиаки... Қисқаси, шароитга тезроқ кўнишишга ҳаракат қилинг.

Директорнинг бу гапидан кейин гўшт комбинатининг қоровули тантанавор қиёфада соқол силаб кўйди.

1978

Арабік Стиль



КООПЕРАТИВ ШЕЪР

Қадрли ўртоқлар! Кооперативни ўйлаб топганинг отасига минг раҳмат. Мана энди ҳар бир киши — эркакми, аёлми — хоҳлаган нарсасини хоҳлаган жойда bemalol очиб сотиши мумкин. Харидорларни ихтиёри ўзида — хоҳ чамалаб олсин, хоҳ ўлчаб кўрсин.

Кооперативчиларнинг куни туғди-ю, менгаям худо берди. Илгарилари ёзган шеърларим район газетасида хор-зор бўлиб, жафокаш халққа юздан бир қисми зўрга етиб борарди. Ойига 80—90 тийин гонорар ишлардим. Район чойхонасида кооператив шеърхона ташкил қилдим тангаларим сўмга айланаб, чойни қарзга ичмайдиган бўлдим.

Ишни чойхонадаги «Қизил бурчак» ка шапалоқдек эълон ёпиштиришдан бошладим: «Тўйларга шеърий таклифнома ёзиш корхонаси» деб. Дастрабки ойларда даромадим сомсаҳўрликка базўр етиб турди, кейинчалик кооператив ошхонада овқатланишга ўтдим. Бу ошхонага гоҳ ҳавас қиласман, гоҳ ҳасад. Мижоз доим тирбанд. Кўнглинг тусаган нарса зумда муҳайё. Агар «опекел ўша хумпарни» деворсанг, дўпосламоқчи бўлган одамингни патнисда келтириб бериплади. Аста-секин коопертив шеърхонамиям довруги ошиб, Қизил бурчак ариуя бўлди-қолди. Баъзан икки сменада шеър ёзишга тўғри келди. Жуда қийналиб кетдим, ўртоқлар. Қийини шундаки, таклифномадаги кооператив шеър мувашشاҳ усулида яратилади, яъни қофозга келин-куёвнинг исми вертикал битилиб, боп ҳарфлар ортидан горизонтал шеър тўқилади. Бу лаънати усул аввал дераза ўрнатиб, сўнг уйни шунга мослаб қуришдек гап. Мисол тариқасида охирги таклифномани бир кўздан кечирайлик. Келиннинг исми Орзу, куёвники Азиз. Аввал Орзухонга басталанган мувашшаҳни ўқиб берайин:

Отам мени қаёқларга ҳайдади?
Рўмолчамда кўз ёшларим майдадир.
Зулмлардан тўлар охир паймонам
Уидоқ-бундоқ деяверса қайнонам.

Энди Азизвойга аталганини эшитинг:

Аҳмок әдим, дүстлар, уйланмай юрдим,
«Зорро» деган кинони юа марта күрдим.
И тушундим — эсим қаёқда экан?
Зүр кино аслида бу ёқда экан.

Кўриб турибсизаки, кооператив шеър битиш кооперативчи шоирдан алоҳида истеъдод талаб қилади. Майли, ҳозирча буни шартли равишда кооператив талант деб атайлик.

Кунлар ўтаверди. Бора-бора кооператив шеърларга аҳолининг талаби кучайиб, кооператив шеърхонада янгидан-янги кооператив йўналишлар пайдо бўлди. Ни-коҳ тўйидан ташқари фотиҳа тўйи, суннат тўйи, бешик тўйи, ҳовли тўйи, кумуш тўй, олтин тўй, бриллиант тўй, сумалакбазм, ҳашар, куёвчақириқ, келинкўрди, мавлуд, мушкулкушод, чилёсингларгаям шеърий таклифномалар битила бошланди. Колхоздагилар трактор паркининг деворий газетасига шеър заказ қилишса, матлуботчилар Савдо ходимлари кунини шарафлаб бериппимни сўрашади. Яқинда ҳатто райисполкомдан ҳам буюртма тушди. Қандайдир ҳайкал очилиши муносабати билан йигин бўлармиш. Фурсатдан фойдаланиб, кооператив шеърхона учун алоҳида дўконча ундириб олдим. Лекин кооператив шеър ҳам бу сафар текинга кетди. Шеърим ўша тантанада ўқилдими-йўқми билмайман-у, ҳарқалай замонавий қилиб ёзувдим:

Қурийверсин Орол, булғансин Байкал,
Биз учун зарури — мажлис ва ҳайкал!

Ҳеч қачон ўзимни буюк шоир демаганман, аммо бир нарсага имоним комилки, ҳайкални Байкалга қофия қилиш шу пайтгача Эркин Воҳидовният, Абдулла Ориповният калласига келмаган. Ҳатто Миразиз Аъзамдек одам додга қолди.

Азиз биродарлар! Оташин сўза шайдолари! Ижод оламидаги янги йўналиш — кооператив шеърининг алоҳида эътиборга лойиқ томонлари кўп. Бирон-бир адабиётшунос олим буни кенг миқёсда тадқиқ этишга киришса (балки бу билан кооператив танқидга асос солинар), биз кафилмизки, фақат савобга ботади. Чунончи, кооператив шеър назм ихлосмандларини назм ҳаридорларига айлантириб, беушон қаламкашни ко-

перативчи қаламбоз даражасига күтариади. Айни пайтда конкрет шеърга нисбатан даллолсиз күтара савдо йўлга қўйилиб, сатрга қараб тўланадиган давлат ставкалари муомаладан сиқиб чиқарилади.

Ҳа, давлат ставкалари ҳеч қачон кооператив нарх билан рақобат қилолмайди, чунки кооперативда ҳар бир харидорнинг талабига қараб иш кўрилади, яъни Сулаймон теракнинг олдига пиёда боради. Лекин, биз кооперативчилар ҳам анои эмасмиз, харидор ўзининг дидини пеш қиласи, биз ўша дидга манфаатимизни мослаймиз. Масалан, харидор шеърнинг сатрига тўлайман деса, бўгинни майдалаб, мисранни синдириворамиз. Килолаб оламан деса қалин қоғоз ишлатамиз. Мабодо метрлаб оламан деса, машинканинг интервалини кенгроқ қўямиз.

Шоир ва шоиршунос ўртоқлар! Кооператив шеърнинг яна бир катта афзаллиги бор. Бундай шеърлар турмушнинг энг тор туйнукларига ҳам суқулиб кириб, имкон топилса, хотин-халажларнинг ички ишига аралашишгача бориб етади. Бундай оммабоп шеърларга худонинг биронта бандаси бефарқ қаролмайди. Сўзимга далил тариқасида айтишим мумкинки, бир куни ҳатто Хайрихўжа деган таникли мулла ҳузуримга келиб, Салим исмли бебош йигитни масҳаралатиб шеър ёзди. Ўша шофёр бола маҳаллада куппа-кундузи шапка кийиб юргани етмагандек, фитр рўза беришдан ҳам бош тортган экан. Боплаб битта шеър тўқиб бердим:

Афти шайтон, ўзи шонир,
Чарм шапка Салим копир.

Нархини ўн сўм қўйдим, туллак Хайрихўжа савдо ни бир сўмдан бошлади. Қўп тортишганимиздан кейин охири қўлимга уч сўм тутқазиб, етти сўлкавойлик дуо қилди. Кооперативнинг мана шунисига борманда. Молга истаган нархингни қўйиб, кетганига сотасан. Гонорар олиш учун почтагаям ҳалпиллаб бориб юрмайсан: биада шеър, сизда пул; пул сиздан, шеър биадан. Шуни ўйлаганимда, куни газетаю нашриётларга қолган тошкентлик шоирларга ачиниб кетаман.

Мен бир-икки марта Тошкентдаям бўлганман, ўртоқлар. Шоир демагани тиқилиб ётибди. Ҳаммаси амирнинг сарбозидек кеккайиб юради. Гоҳида қизлоқилиқ қилиб Машрабдан гап очасап-у, шу кўйи НА-

манғонда қопкетасан. Улар Фолкнер, Драйзер, Маркес, Шиллер деганларича бирпасда океандан үтиб кетишиади. Сен Машраб факирга эргашиб жуда нари борсанг Балх-гача борасан.

Лекин, Тошкентдаги шоирларнинг ҳамма бойлиги оғзида, чўнтағида ҳеч вақо йўқ. Трамвайга чиқсанг, ярми шоир. Трамвай царкларининг кепгайишига қараб шоирлар ҳам кўпайиб боряпти, аммо уларга бериладиган қалам ҳақининг баҳоси эски михга ўхшаб қоқилган жойида ҳалиям қоқилганича турибди. Шу боисданам шоирлардан ахвол сўрасанг, тумтайиб туриб «михдек», дейди.

Бироқ, инсоф билан айтганда, шоирларнинг ўзларидаям айб кўп. Улар ёзган баъзи шеърларни ўқиб кўриб қалампули бериш ўёқда турсин, ўзларига жарима солгинг кепқолади. Масалан Мухаммад Солиҳнинг «Учэтган қўзичоқ» деган шеърини ўқиганмисиз? Бир оз шубҳали, бир оз баҳсли шеър:

Учар у подадан анча нарида,
Булутларга яқин учар қўзичоқ...

Шоир укамизга андак таъналарим бор. Биринчидан, бехудадан-бехуда куюнавермаслик лозим, ҳайвонлар бари бир шеърни тушунмайди. Уларда нозик туйғу йўқ, уларда дағал нафс бор. Агар устига озгина кепак сепиб берилса, нафақат шеърни, ҳатто, шоирниям ямлаб ташлашади. Иккинчидан, ҳайвонларни йўлдан оздиришга уриниш шеърий ташвиқотнинг вазифасига кирмайди. Бир вақтлар бунақа нарсалар диверсия ҳисобланарди. Ахир тасаввур қилиб кўринг-га, ўртоқлар, мўминтой ҳайвонлар тасодифан бу шеърни тушуниб қолгудек бўлса, халқ хўжалигининг ахволи нима кечади? Мен-ку, хонадонимдаги бўрдоқи қўйларни боғлаб қўйишга улгуарман, колхоз-совхоздаги подалар-чи? Подалар шоирнинг интизомсиз қўзичогидан ўринак олиб, ўрдакпадар бўп кетиши бир муаммо. Янада қалтироқ муаммо шуки, энди уларга фазогир подачи керак. Ўзбекка бўлса, етмишта мукофот ваъда қилганингдаям томорқасини ташлаб осмонга чиқмайди.

Аммо бунисиям ҳолва, энг катта чигаллик ҳали буёқда турибди. Яъни хонаки ҳайвонлар учгудек бўлса, табиийки ёввойилари қараб туришмайди. Бир пайт кўрибсизки, қўлтиғингиздаги гўшти мўлжаллаганича

тепадан тулкивой учиб келяпти. Боққа кирсанг, дарахт шохларида гүж-гүж бегемот. Ўйга борсанг, томинг тўла тўнғиа...

Йўқ, ўртоқлар, бунақа бузгуничиликка бефарқ қараб бўлмайди. Агарда Муҳаммад Солиҳ чорвачиликни тинч қўймаса, ундаги бошқа нуқсонларни ҳам очворишига мажбур бўламиш. Ҳамма биладики, бир вақтлар у феодалликни улуғлашга астойдил киришиб, «Шайбонийнома»ни ёған. Зарурат туғилса, буни албатта бўйнига қўямиз. Бу соҳада тажрибамиз катта.

Яна биттаси бор. Шавкат Раҳмон. У бир шеърида «Гўё сен ширакайф турк сultonидай» деб ёзибди. Шеър реалликдан батамом узоқ, чамаси уйда кефир ичиб ўтириб тўқилган. Ҳозирги кунда нима кўп, дружиначи кўп. Шавкат Раҳмон мард бўлса, районимизга келиб кўчага бир ширакайф чиқиб кўрсинг-чи. Турк сultonининг аҳволини ўшанда томоша қиласиз.

Шоирларнинг чалкашлиги бир нав, аммо ноширларга нима бўлди? Масалан, Мирао Кенжанинг китоби муқовасига «Лирик шеърлар» деб ёзилган. Ичини очиб ўқисанг, ҳаммаёқ сатира. Мана, география ўқитувчиси ҳақидаги шеъридан бир парча:

Муаллимнинг боши тақир, биалар қув ва шўх,
«Бу саҳрои Кабир» дердик унинг бошини...

Энди, рухсатингиз билан, Хуршид Давронга ўтсак. Болакайда талай камчиликлар сезилса-да, ютуқлариям йўқ эмас. Бу ютуқ айниқса асл мақсадни усталик билан ниқоблай олишида яққолроқ кўринади. У бир шеърида шундай дейди:

Рауф Парфи деган бир дарё —
Ялтирайди — усти нақ шиша...

Биз зукко шеърхонлар дарҳол пайқаб оламизки, Рауф Парфи ҳам, ялтироқ дарё ҳам бу ерда шунчаки эпизодик тарзда берилган. Ўқувчини эса, шоир кутганидек, асосан шиша қизиқтиради.

Ҳа, Тошкентда шеър сероб, шоир кўп. Буларнинг ичida шахсан танийдиганим Усмон Азим. Бир куни қараб турсам, сартарошхонага бахшинамо қиёфада кириб кетди-ю, бирпастда причёскасини Маяковскийча қилиб қайтиб чиқди. У билан сухбатлашиб қолсанг,

гаини кўпинча тил масаласига буради — у тил унақа, бу тил бунақа... Шуям наҳима бўптими? Бола пақир билмайдики, бўёқда ҳал бўлмаётган катта-катта муаммолар турибди. Мисол учун олсак, хоҳ ишонинг, хоҳ ишонманг, бозорда нос йўқ. Ваҳоланки, Усмон Азим айтаётган ўша тилга мен таъкидлаётган носнинг бевосита алоқаси бор, нос тилнинг тагига ташланади. Бундан ташқари, қандайдир нохуш бир тилда жавраётган одамдан қутилиш учун унга андак нос чектириб қўйиш кифоя. Кейин хоҳлаган тилида ғўлдирайверсин.

Ўртоқлар! Кейинги пайтда бир-бирига тескари гаплар кўпайиб кетяпти. Шоирлар газетадан туриб «болани кўпайтир», деса, улардан каттароқлар «йўқ, камайтири», дейди. Камайтирай десанг, маҳаллада эркакдек бош кўтариб юролмайсан. Тезроқ кўпайтирай десанг, бу газета ўқиб туриб битирадиган ишмас.

Буёғи бир гап бўлар, яхшиси ўзимизнинг кооператив масаласига қайтайлик. Эришган ютуқларимни эшишиб, келгуси режаларимга қизиқаётган бўлсангиз ажабмас. Режаларим катта, ўртоқлар. Жумладан, яқин келажакда яна битта бўлим очиб, кооператив шеърий анонимка ёзиши йўлга қўймоқчиман. Бош омон бўлса, дўконим қасрга, корхонам фирмага айланади. Тўрни ўргимчакдек чўзиб, кооператив шеърларим билан қабристонларгача кириб бораман. Ҳатто симёғочдан йиқилаётган монтёр шеърий усуулда додлайдиган бўлади.

Азизларим! Сўзимнинг охирида пойтахтдаги катта-кичик шоирларга мурожаат қилиб айтаманки, келинг, майда-чуйда даромадларга чек қўйиб, жиддий тирикчиликка киришайлик. Шунда мақсадимиз ҳам, шиоримиз ҳам битта бўлади — ҳаммаёқни кооператив шеърларга тўлдириб, кооператив шляпаларни касодга учратамиз!

1988

КООПЕРАТИВ ШЕЪРХОНАНИНГ КИРИМ-ЧИҚИМ ДАФТАРИДАН

ҚОРА ҚҰЧҚОР, ҚОРА ҚҰЧҚОР!

Ҳалпиллаганича Сано қассоб келди. Омманы қассобхонага сафарбар этувчи жанговар шеър түқиб, катта матоҳга ёзиб беришимни сўради. Унинг сирпанчиқ пулларини «кирим»га ўтиказиб, ўн икки қатор калимани «чиқим»га битдим.

Адолатнинг белгисидир пичоқ ва болта,
Емталаб қўй тили, ана, тийилди шартта.
Энди, дўстлар, шим олгунча пулни совуриб,
Мижик чайнанг, кавшанг жигар-бўйрак қовуриб.
Чии ўртоққа муносаби биқин ва сондир,
Ғанимларни итдек қийнанг едириб чандир.
Дориликка ютса кунда ўн қарич ичак,
Пораҳўрлар томогига чиқмагай пучак.
Сутга ўпка солиб урса ёшлар атайин,
Қорин қўйиб, бирон жойга бўлар хўжайин...
Хуллас гўшт-ёғ, пўстдумбасиз ҳаёт йўқ ҳисоб,
Оламнинг тўрт устуни бор, биттаси — қассоб.

ЎТДИЮ КЕТДИ

Нажим магазинчи совун сотиб турганида пардози ҳай-ҳай, нози бай-бай паризот унга ярқ этиб қараб ўтибди. Шўрлик шу юрак чангллаганича қирқ кун касалхонада ётиб чиққач, каминага илҳомҳақи тўлаб, хуморбостига бир шеър ёадирди.

Ярмаркадан ўтди бир жонон,
Гард қўнимаган қиами, навжувон?
Англомадим — ноз не балолик —
Метрлики ёки килолик?
Тафтиш қилсанг чиқмас камомат:
Чизмами ё тугмами қомат?
Ҳақиқийми, қуймами оёқ?
Кўйлаги чин атласми, бўёқ?
Шарфи сунъий ипми, соф пахта?
Балдоги пок олтинми, сохта?
Миллатин ҳам чўтламоқ ноаик,
Гирт ўзбекми, уйгурми, тохик?

МУВАШШАҲ

Таниқли аёл Санталат-читтак ўзининг никоҳ тўйига таклифнома буюрди. Адашмасам, бешинчи марта эрга тегяпти. Мувавишаҳни феълига мослаб ясадим.

Секундда бир севиш мумкин,
Аксинча ё совуш мумкин.
Неужели зарур — ола-а —
Турмуш-пурмуш, бола-мола?
Анқайса сал, қиласар тентак
Любой қизни любой эркак.
Аммо менинг эсим баланд —
Тўрт мактабни кўрган талант!

МУЛОЙИМ АЖДАР

Катта қистовлар билан оближроқўмдан пенсияга йўқотилган Писмиқ Оларовнинг хайрлашув кечасига пинҳона буюртма тушди. Буюртмачининг сўкинишиларини қисқартириб ва маданийлаштириб беришга муваффақ бўлдим.

Рахбарларнинг бармогидан бурилмадинг,
О, баччагар, урилмадинг-сурилмадинг.
Босганингни кўрсичқондек еб ётасан,
Хали кўпни гижгижлайсан ва сотасан.

ОМАДСИЗЛАР

Футбол лотереяларини стадионга сочиб чиққан Порсо мантифуруш «Пахтакор» командаси шаънига икки сўмлик гап-сўя ёздириди.

На «Шинник»ни ютдинг сен,
На «Жигули» ютдим мен...

СЕҲРЛИ ҚАЛПОҚ

Шляпалар магазинининг директори билан мўмай шартнома туздим. Тўқиб берган таърифи шеърим энди каттакон бир магазин ойнасини безаб турибди.

Жун шляпа, патдор шляпа,

Ет тамғали затдор шляна.
Еғиси бор, куагисидан бор,
Гүрков кийса — турки амалдор.
Топилса бас каллата лойик,
Ақл унча шартмас, халойик.
Ол!
Кий!
Ғұдай!
Сайра беармон!
Бир-бірингга беравер фармон!

НОТАНИШ ДАХО

Қандайдир Улқан Хамак деган қаламчининг
Москвада катта китоби босилибди. Шу баҳонада берила-
диган зиёфатга мен орқали таклифнома уюштирилди.

Зиёфатга марҳабо,
Танқидчи дүстлар.
Нарзингизга тушмасдан
Түрт бўлди кўалар.
Москвадан чиқди-я
Мен ёғатан тўплам!
...Энди зора танилсан
Районимда ҳам.

ДАВР ОВОЗИ

Шеърхона ҳисобидан 78 тийинлик лағмон, 5 тийин-
лик қулча, 12 тийинлик компотни текин истеъмол қил-
дим. Бунинг эвазига Нортой-ваҳиманинг ошхонаси де-
ворида ачитқи шиор-фельетон пайдо бўлди.

Ошкоралик даврида бир
Айттай гапнинг тўғрисин:
Қайта қуриш душманидир
Пасткаш қошиқ ўғриси.

БАХТИЁРЛИК АЛЁРИ

Ғулом отарчи шеърхонамга кириб келиб, дўппимга
бехос бештакилик қистирди. Щодиёна руҳда радиобон
қўшиқ ёзиб берасиз, деб тиралиб олди. Қўшиқни эзиз
қўйдим.

Қўсак қуртиң захар пурқаб қирсак баҳтиёр,
Теримда мард пионерлар бўлсалар дастёр,

Қишига омон чиқиб олсак, түйга мен тайёр,
Биз ғолиблар авлодимиш, күркма, Мастонгул.
Давру даврон сурайлик бу эркин колхозда,
Саёдатга борсак план юз бўлган қеада,
Сайр этардик Орол бўйин қоплаган тузда,
Биз ғолиблар авлодимиш, күркма, Мастонгул.

МИРЗАҚАНДНИНГ ДҮППИСИ

Бир ҳафтадирки, Мирзақанд пиён тозидек исказниб, дўпписини ахтаради. Хотини «топмагунингча қорангни кўрмайин», деб уни уйдан қувибди. Девонага раҳмим келиб, симёғочларга ёпишириш учун кредитга юз нусха эълон ёзиб бердим.

Бордир Чуст ва Қўқон дўппи,
Бухори, Марғилон дўппи.
Топган киши қайтиб берсин,
Меники бемакон дўппи.
Бор йирқироқ ипак дўппи,
Саёа ёки тувак дўппи.
Меникининг астари йўқ,
Таппагу бежияк дўппи.
Бор нозикдор мислик дўппи,
Хушибўй, товус тусли дўппи.
Меникининг гули ўчган,
«Баянширей» исли дўппи.
Бордир сатин, бахмал дўппи,
Шолча дўппи, сандал дўппи.
Меники гоҳ қозонювгич,
Гоҳ йўқолиб жанжал дўппи.

ЕППА ҚАРМОҚ ТАШЛАЙЛИК!

Борлиқ заҳарли дори ва тутунлардан булганиб, ерда қуён, осмонда ўрдак, сувда балиқ танқисланди. Даромадсиз қолган балиқчилар жамияти ёшларни ўз сафига қизиқтирувчи «агитка» заказ қилди.

Балиқчилик — бўйдоқлар иши!..
Сув парисин
тутволса ногоҳ,
Қила олмас қонуний никоҳ
Уйланган киши.

ХАҚ ЙҮЛ

Сулай-суюқ ниҳоят рўзгор қуриб, яқинда фарзанд ҳам кўрибди. Ўғилчасининг бешик тўйига атаб ёзиб берган нарсам бў туур:

Сўйдим, куйдим, куйдирдим
Турли қаламқошларни.
Қўрдим сохта кулги-ю.
Қалбаки кўзёшларни.
Сўнг билдимки,
кўп нарса —
Ўткинчи, бир дақиқий...
Фақатгина хотиним
Туқсан ўғил хақиқий.

ИШҚДАГИ ИТЛИК

Машҳур бичиқчи Жанна хонимнинг урғочи бульдоғи оғир ётган эмиш. У суюкли итининг ички изтиробларини ифодаловчи шеъримни олиб, қўлимга эркаклар ички кийимини тутқазиб кетди.

Вов, вов,
Эрим бедаво!
Мени ташлаб бевафо.
Лайча билан юрганмиш,
Суяқ олиб берганиши...
Ув-в-в!!!

ШИЛҚИМ ШОФЁР СЕВГИСИ

Ғопир шопир гирвонлик бир қизни суйиб қолибди. Ўпкаси тўлиб ёзиб келган «Мұхаббатнома»сининг ўёқ-буёғини сал тўғрилаб бериб, янги томорқамга уч машина шағал тўқдириб олдим.

Қалб туркирар, ололмас ҳеч тин.
Тушундингми кўзлар сигналин?
Бензин каби қонлар жо-бажо,
Моторнинг ҳам ишлаши бежо.
Ёқиб кўнгил чироқларини
Доим хаёл сени излайди.
Чарчоқ сеамай, катта теаликда
Бу камипанг тунлар бўзлади.
Ион, жоним, ичган онтимга,
Отказ қилма, синааб кўр аввал.
Содик қолмас бўлсам аҳдимда,
Бошим ёрсии шу карданний ввл.

Подшибникдан түкилиб қолгаң
Соққалардек күзим ёшлама.
Менгә қалбинг капотин ёпиб,
Эски дардни қайта бошлама.

Ичишнім ташлайман сен деб,
Радиатор зангласин майли.
Шиддаттимдан топсанғ гар нұқсон,
«Волга» билан құвлашып, лайли.

Гар ранжитсам сени ногаңон,
Бүйним рулдек ашилсін, дилбар.
Бағрим олдымдаги ойнаждек
Тош отилиб тенилсін, дилбар.

Доим сенинг уйнингга етгач,
Ишдан чиқар коробка передач.
Адо бүлдім, сұнды кайфият,
Кетолмасман бермасаң заряд.

Поршин каби үйнатма мени,
Рахм айла, эй баҳтим юлдузи.
Күп сүйласам ранжима, чунки
Ишдан чиқсанғ оғиз тормози.

Савол берма менга, жонгинам,
Нече қызға ичғансиз деб онт.
Түйдан кейин қалбимни ўзинг
Қылволарсан капитал ремонт.

ОТАҰФИЛ

Жанжалгузардаги Зойир қоранинг ўғли Үтбосар
әркін кураш бүйіча район ўқувчиларини ютиб, катта-
лар терма командағы аъзо бўлибди. «Ёш куч» жамия-
ти закази билан шу табрикномани битдим.

«Посёлка»лик ё гўл, ё кўса,
«Коммуна»лик кўрқок, ё рашикчи.
Жанжалгузар ахлининг зса
Ярми ошхўр, ярми курашчи.
Маҳаллаптга тортдинг, Үтбосар,
Балки сенинг омадинг шунда.
Олмасаң ҳам аттестат агар,
Жойивг тайин дорилфунунда.
Хайдашмайди пахтага зўрлаб,
Сақлар сени терма команда.
Қолаверсин «беш»чики тўплаб
Колхоздаги ферма-команда.

БАТТАР БЎЛ, ОЛОМОН!

Чайқовчиларнинг махфий президенти Исо ис-
риқфурӯш фош этилгач, унинг суддаги охирги сўзини
«талабларга биноан» назмга солдим.

Бозордаги оломон
Тутиндию муштлашга,
Охир мени мелиса
Мажбур бўлди ушлашга.
Ношукур, ғўр бандалар,
Ачинаман мен сизага.
Қолар энди кунингия
Облпотребсоюзга.

ОЗОДЛИҚ МУБОРАК!

Райкомнинг қоровули, боғбони ва завхози Эшвой югурданнинг жаназасига багишланган насиya маҳсулот.

Бир умрга эрталаб
Жудо бўлди, ҳушидан.
Биринчи бор кетмоқда
Жавоб олмай ишидан.

СҮЛИМ БУҒДОЙЗОРДА

«Клара Цеткина» колхозидан келган Мўсо аравакаш бир ҳаяжонли воқеани гапириб бериб, ўзига саккиз манотлик дуо ёэдириб кетди.

Бўлиқ буғдой — дарпарда.
Ой мўрию, осмон том.
Ошиқлар шу «кулба»да
Шивирлашар вақти шом.
Йигит телба ҳисоби...
Юз тутар қиза бўсага...
Тегсин бунинг савоби
Бүгдой эккан Мўсага.

АНҚОВ ШИМ ҲАҚИДА ДОСТОН

Ҳаким-илвирс сой бўйида Абил шилқимнинг шими ётганини кўрибди. Жигига тегиш учун менга шеър буюрди.

Соҳилда, қумлок жойда
Кўрдим ёйик турганий.
Билмас — эгаси қайда,
Нима қилиб юрганин.

ТАНИШТИРУВ

Абил шилқим мард экан. Кирдикорларини айтиб, ўзини фош әтүвчи шеър ёздирди. Тавба қилмоқчими зангар?

Виждан судин эшиги очиқ,
Таниширай ўзимни расман:
Дабдабали унвоним — «Ошиқ»,
Лавозимим — бор-йўги «Жазман».

РЎЗФОРЧИЛИК

Хотиннинг ғалваларидан жигари тўкилган Мирзақанд кредитга яна бир машқ қоралатди.

Ўзинг бут қил,
Э, худо,
Эркакларнинг камини...
Эркак сўнг қўйиб бер
Хотинларнинг гамини.

«Гулдир-гуп» совхозида дон тайёрлаш илани бажарилиши шарафига беш қоп сомонга алмаштириб олинган шеър мана бундоқ:

Бемаҳал қичқирма,
Шаллақи хўроҳ.
Ижара бериб тур
Жимликни бир оз.

Мақтайин, бўйнига
Миниб илҳомни —
Менга нон, сенга дон
Берган дехқонни!

ОГОҲЛАНТИРИШ!

Ғийбатчи ва «ков-ков» чи Ака-Ахлатнинг дастидан куйган бир банда нихоят тоқати тоқ бўлганини унга билдириб қўйишни сўради. Андипалироқ қилиб шуни ёздим.

Қасд қилгунча ёт бошга
Деб «Ушлайман думингни»;
Хушёр бўл ўз дўппингга,
Пок сакла ўз шимингни...

МАЛОМАТ

Собиқ севгилимни мастиликда эслаб, ўз хисобимдан зардалироқ сатрлар түқидим.

Нашриётлар залида
Тентиб юрибман энди.
Бўлмокчи эдим ахир
Молиянинг агенти.

Балки раҳбар бўлардим,
Нафсим эди жа ўткир...
Шоир қилдинг куйдириб,
Эрга тегмай ер юттур!

Мудир ва буғолтириш: ПОЛОСОНИЙ.

Бүгдийн Засагийн Хувьцасын



ОЛТИАРИҚ ҲАНГОМАЛАРИ

* * *

Фарғона вилоятида тилга тушган тўртта асосий нуқта бор: Қўқон кўхна маданиятию обидалари билан, Марғилон «гонконгча» бозору савдогарлари билан, Шоҳимардон ўхшашсиз сувувлиги-ю, аҳолисининг ярми қассоблиги билан, Олтиариқ эса ўта хушёр қўриқланадиган маҳсус депаралардаги посбонларини ҳам гафлатда қолдириб, беҳудуд мамлакатимизнинг энг кутилмаган нуқталарида пайдо бўлувчи бодринг ва турплари билан эътибор қозонгай.

Мен Олтиариқда тугилганман. Умримнинг кўп қисми ана шу бесаранжом нуқтада кечган бўлса-да, жойдошларимга ҳануз тўлиқ тушуниб етолмайман — синчилаб тикилган киши уларнинг юзидан биратўла олти хил маъно уқиши мумкин. Шулардан энг яққол кўзга чалинадиган мунг ва қувноқлик қоришмасидир.

Хуллас, ўзим кўриб-билганларим ва эшигандарим ҳақида баҳоли қудрат баён қиласверай, мунг қаерда, қувонч қаерда — зеҳн солиб ажратиб олаверинг.

* * *

Гурунгимизнинг бошидаёқ фахр билан айтиб қўймогим керакки, Олтиариғимизда ажабтовур хулқ-авторли кишилари билан машхур бўлган иккита қишлоқ бор. Буларни шу қадар севиб, шу қадар эъзозлаймиз — ўз номлари четда қолиб, бирини Шакарқишлоққа, иккинчисини Ширинқишлоққа айлантириб юборганимиз.

Ўз навбатида ҳар икки эркатой қишлоқ бир-бирига шунчалар бояганиб кетганки, Ширинқишлоқ тоғуғининг тухумлаши учун Шакарқишлоқдаги ҳўрознинг юракдан чиқариб қичқириши кифоя. Агар Шакарқишлоқдаги банди ўзича ўйин туша бошласа, демак Ширинқишлоқдаги сартарош устарасини оҳангга солиб қайраяпти...

* * *

Шакарқишлоқ чегарасини кесиб ўтувчи сершагал йўлнинг четига: «СТОП! ОЕҚ АРТИБ КИРИЛСИН!» деб ёзиб қўйилган.

* * *

Ширинқишлоқдаги колхоз молхонаси ичига «КОМ-МУНИЗМНИ ШУ ЕРДА ҚУРАМИЗ!» деган шиор осилган.

* * *

Ойнаи жаҳон янги русум бўлган чоғларда шақарқишлоқликлар антеннани уй ичига ўрнатиб, телевизорни томдаги баланд ёғочга осиб қўйишган экан.

* * *

Ҳатто оташкуракни қизининг сепига асрарни ёқтирадиган ширинқишлоқликлар сандиққа сигмайди деб яқингачаям енгил автомашина олишмас эди.

* * *

Шакарқишлоқлик янги келинчак қайсиdir тунда албатта томга чиқиб, ювган рўмолини ойнинг илмогига ёйиб қуритишга уриниб кўради.

* * *

Ширинқишлоқлик янги куёв келинга совға харид қилгани кетиб, тиқинда сабзи ололмаганидан нолиганича дўпписини йўқотиб қайтади.

* * *

Очиғини айтганда, бу икки жонажон қишлоқнинг ўртаси ёки атрофида яшовчилар ҳам жуда «фаришта» бўпкетганлари йўқ. Олтиариқдаги истаган маҳаллага кириб боринг, бирон ҳангомага пешонани урмасдан чиқиб бўпсиз.

Масалан, Полосондаги энг номдор йигитлардан бири бўлган Назар-пиён (ёш вафот этиб кетди, унинг дали-гулилигини жуда ёқтирадим) кечаси район марказида маст тентираబ юриб, универмагнинг ёнига келиб қолибди. Аёллар кийимини намойиш қилиш учун улкан дераза ортига қўйилган «сопол қиз» ни кўриб: «Хў,

акаси жонидан, поччамиз командировкадами дейман?» деб шилқимлик қила бошлабди.

Ногаҳон эшитилган қадам товушидан сал ҳүшёр тортиб ортга ўғирилса, милтиқ таққан бир оқсоқол тўғри унга қараб келаётганиши. Бу магазин қоронули эканини хаёлига ҳам келтирмаган Назар-пийён илжайганича унга луқма ташлабди:

— Ов қалай бўлди, бобой? Үрдакни закуска қилвотибдилар да?

* * *

Фарғонада бизнинг Олтиариқдан ташқари Учариқ, Бешариқ, Қумариқ, Оқариқ, Сойариқ, Жинариқ, Белариқ сингари жойлар кўп. Шу боис олтиариқликлар бирон мусофири кўришса: «Келинг, акахон, марғилонликмилар?» деб сўрашади. «Йўқ», деган жавобни эшитишса, бирдан ҳафсалалари пир булиб: «Унда қайси ариқдансиз?» дейишади.

* * *

Инқилобнинг дастлабки йилларида Мозортагидаги мачитни мактабга айлантиришибди. Райондан кўзойнакли масъул бир ходим келиб, йиғилиш ўтказибди.

— Фақат ўзимиз савод чиқариб қолмай, аёлларимизни ҳам ўқитишимиз керак,— дебди у.— Қани, хотинини ўқитаман деганлар қўл кўтарсан-чи.

Жамоа раиси-ю, пастда ўтирганлардан яна бир киши қўл кўтарибди.

— Биттагина ана бу ўртоқ замон талабини тўғри тушуняпти,— дея қўл кўтарган киши, яъни Шервой дувонани мақтай кетибди масъул ходим.— Ҳамма шу марксист ўртоқдан ўрниак олсин.

Шунда Шервой дувона ўрнидан туриб, талтайганича дебди:

— Ўғилболанинг гапи битта, хўжайин ака. Шўро менга хотин олиб берса, уни ўқишга юбормаган номард.

* * *

Араб қиморвоз қўшни вилоятда бўлган катта бир «йигин»да қўли келиб қолиб, уч кечада ҳаммани қоқлаб чиқибди. Шунда ўша ерлик қиморвозларнинг учари «стуғунингдаги пулга синглимни тикаман», деб юборибди. Бунаقا пайтда «йўқ» дейиш ғурурсизликка

йүйилар экан. Яна ошиқ отиш бошланиб, бу гал ҳам меҳмоннинг қўли баланд келибди.

Эрталаб Араб қиморвоз ютқазганинг уйига бориб синглисими кўрса, ёши анча ўтиб қолган, юзи бужур, бехад ҳунук қари қиз эмиш. Кўнгли зил кетибди. «Бунингни пишириб ейманми», деса, заифанинг дили жароҳатланади. Охири чора ўйлаб топиб, қари қизга: «Менга тегишга сени ким мажбур қилди?», деб сўраса, у, «ўзим хоҳладим», дебди. Буни эпитган Араб қиморвоз: «Одам қуриб кетгандек келиб-келиб худо урган ароқхўр, хотинбоз бир аблахни танладингми? Бор-е, сендеқ нодон хотинни уч талоқ қўйдим!» деб жўнаб қолибди.

* * *

Абжал қийшиқ деган кипи бўларкан. Ўта жирраки бу одам лақабини айтиб чақирғанлар билан гиштнинг устида етти йил ёқалашар экан. Эшикни қийшиқроқ қуриб қўйибсан, дегани учун ҳатто колхоз раисининг қўзига нос тупуриб урган дейишади.

Бир куни бемаҳалда толкӯчадан ўтаётуб, рўпарасидан иқиб қолган эшакни ажина деб ўйлабди-ю, орқага пойга қўйибди. Бориб, биринчи дуч келган дарвозани тақиллатибди. Ичкаридан: «Ким у?» деган овоя эшитилибди.

— Оч эшикни! — дея жон-жаҳди билан қичқирибди у. — Абжалман!

Ўй эгаси уйқусираб яна пўнгиллабди:

— Қанақа Абжал?

Юраги така-пука бўлиб турган Абжал: «Қўрқма, шу ерликман! Абжал қийшиқман!» деб нидо қилибди.

* * *

Ҳоким отани 30-йилларда партияга қабул қилмоқчи бўлишибди. Колхозга райкомдан вакил бўлиб келган киши синаш учун: «Қани айт-чи, тавариш Сталиндан олдин ҳукуматимизни ким бошқарган?» деб савол берибди. Ёш сувчи эса тиржайиб туриб: «Шуниям билмай ўлибманми, тавариш Мадаминбек бошқарган-да», дебди.

* * *

Кийинчилик йиллари Соли қүрқоқ: «Войдод, одам бўлсанг келавер», деб ярим тунда уй ичидан овоз қила бошлабди. Ҳовлида уйланган акаси ва ота-онаси бирга туришар экан, ҳаммаси ёприлиб «кенжатой» нинг ҳужрасига киришибди. Воқеани суриштириса, Соли қўрқоқ кўрпадан чиқмай тушунтира кетибди:

— Мўридан «туп» этиб бир ажина тушди. «Жим турмасант, оғзингни маймоқ қиласман», деди. Кейин зарур нарсани олиб, эшикдан чиқиб кетди.

— Ҳе, ўпка! — деб жеркиб берибди акаси. — Ажина билан ўгрининг фарқини билмайсанми?

— Нега билмас эканман, — дебди Соли қўрқоқ. — Қарасам, салла ўраб, яктақ кийган бўлсаям, иштонсиз турибди. Ажина бўлмай нима?

— Ҳеч бўлмаса, ташқарига чиқиб, бизни вақтида уйғотсанг ўлармидинг? — дея отаси ҳам тергашга тушибди.

Соли қўрқоқнинг эса баттардан хуноби ошибди:

— Қайси аҳволда ташқига чиқаман, ота? Ўша ажина шартта иштонимни ечдириб, ўзи кийиб кетди-ку!

* * *

Оренбургга бодринг олиб борган бир қўшним русчани билмагани учун бозорда довдираб турса, маҳалладоши Теша Қурбон шапкани бостириб ёнидан ўтиб қолибди. Севиниб кетиб шартта унга ёпишибди, аҳволни тушунтирибди.

Теша Қурбон ҳволанганича келиб, харидорларга аввал битта бармогини кўрсатиб, «бир кило», дебди, сўнг учта бармогини кўрсатиб «уч рўбиль» дебди. Харидорлар гап мазмунини фаҳмлаб олгач, бозор қизиб кетибди.

— Ҳе, қишлоқи, — дея шапкасининг айвонини босиб юртдошига танбех берибди Теша Қурбон. — Ўрисчани ўрганмай туриб, Оренбургга келаверасанми?

* * *

Мактаб ёпилиб, пахта териб юрган пайтимизда бир куни Ҳомит деган синфдошим билан даладан қочдик. Бир этакдан қовунни ҳам олганмиз.

Күшни бригада ерига етиб бориб қарасак, йўл берк, зовур тозалаётган экскаватор хода-кўприччани ҳам олиб ташлабди. Экскаваторчига биттадан қовун ваъда қилганимиздан сўнг у бизни «темир ковуш»га ўтиргизб ўзи томонга олиб ўтди.

Синф раҳбаримиз бизни изма-из қувиб келаётган экан, зовурга йўлиқиб, тўхталиб қолди.

— Ўт буёққа икковинг! — деб дағдага қилди у. Қочишга шайланганимизни кўргандан кейин экскаваторчига бақирди:

— Мениям ўша ёққа ўтказиб қўй, педагогман мен.

— Япон императори бўлганингда нима! — деб қайсарланди экскаваторчи. — Худди менга қовун бериб қўйгандек дўқ қиласан-а.

Синф раҳбаримиз бир қизариб, бир бўзариб, экскаваторчига еб қўйгудек тикилди. Унинг бепарво турганидан қаттиқ ранжиб, бизга қичқирди:

— Мени хижолат қилманлар, болалар. Шу пасткашга қовунларингдан битта беринглар, зовурдан ўтиб олай.

* * *

Ўчакишгандек, Шойим бақироқнинг эшаги ҳам кўп ҳанграйдиган хилидан чиқди. Хотини «шуни қачон йўқотасиа» деб кунора жанжал қилавергач, охири безор бўлибди. Бозор куни саҳар мардонга ўрнидан туриб, мол бозорига жўнабди. Эшак жонивор айрилиқни хис қилганми ёки бирон шарнадан қаттиқ чўчиғанми, эгасини устидан отиб, ортга қочибди. Таниш ҳовлини топиб келиб, дарвозани тумшуғида тинмай итара кетибди.

Ток устидаги сўрида ҳалиям ухлаб ётган хотин дарвозани кимdir «ғижир-ғижир» итараётганидан уйғониб, ўрнидан турибди. Уйқусираганича келиб, занжирни сийпалаб ахтараркан, дебди:

— Овозинг ўчгурни йўқотиб келдингизами ишқилиб? Мана энди икковимиз жанжаллашмасдан ти-и-нч яшаймиз.

* * *

Шакарқишлоқдан Ширинқишлоққа келин тушди. Юз очди куни куёвни келиннинг ёнига киритиши.

— Бувимнинг айтишича, иззатимни жойига қўйишингия керак, — деди келин. — Максимни ўзингия ечиб қўяркансиэ.

— Жон деб ечардим-у, иложим йўқ-да, — деб сүзилди куёв. — Дадам хотин зотига сирингни берма деганлар.

* * *

Коллективлаштириш эндинга бошланган давр. Постолонликлардан бир гурухи умумхўжаликка аъзо бўлгани келишган.

Холовий: Калхўэга киртсанларнинг хотини ўртада бўлармишми?

Раис: Йўқ! Бу — правакассия!

Холовий: Унақа бўлса, бизниям ёзинг.

Мамазокир: Менга қаранг, раис ака, умумхўжаликда хотин масаласидаям сеники-меники йўқлиги тўғрими?

Раис: Нотўгри!

Мамазокир: Ҳа, бўпти, аъзо бўламан.

Дарвиш-бурун: Бизниям дафтарга михлаб қўй, ука. Майли, қариганимида ёш-яланга аралашиб, бир сulton яшаш қилайлик... Ҳа, айтгандай, калхўздагиларнинг заифасиям халқни бўларкан-да, а?

Раис: Қап-катта одам шу бемаъни гапга ишониб юрибсизми?

Дарвиш-бурун: Э, шунақами? Унда... унда номимизни дафтардан суғир, калхўзинг бизга тўғри келмади.

* * *

Бир қария Қоравой қўрбошидан: «Ўрислар билан нимага урушаверасан, болам?» деб сўраса, у араб тулпорини гижинглатиб жавоб қилибди:

— Шўро давлати аштлик мардикордан ҳам камбағал. Олтиариқни алоҳида мамлакат қилволсак, турпни тўғридан-тўғри Амриқога сотоверамиз.

— Бу амриқолик олифталаринг турп ейишармикин ўзи? — дея яна тихирланибди қария.

Қоравой қўрбоши бу кутилмаган саволдан хиёл асанкираб тургач, тўсатдан қиличининг сопини чангальлаб, тантанавор оҳангда сўз қотибди:

— Яхшиликча ейишмаса, зўрлаб едираман, отахон!

* * *

Бир ўтиришда пашшалар гужгон ўйнаб, меҳмонларни безовта қила бошлади. Уй соҳиби Абдубанноб ака қўлига сочиқ олиб елпий бошлаган эди, чирмандачи Рўзимат ака унга танбех берган бўлди:

— Оштовоқда тинчгина тирикчилик қилаётган пашшаларни қувлаб нима қиласиз, энди оғзишимиздаги овқатга ёпишишсинми?

* * *

Ўша Рўзимат акадан: «Акангиж бўйдор, нега сиз паканасиз?» деб сўрасам, у: «Ҳамма айб отамда, бизга бўйни тўғри тақсимламаган», дея жавоб қилганди.

* * *

Эллигинчи йиллар...

— Эскича китобларимни кофирлар ёқиб кетишди, қори бува. Бу туришда эрта-индин ўзимниям...

— Булар ўртоқ Исталиннинг арабийда босилган китоблари демабсида-да, махсум.

— Ие, қори бува, ўзимишининг Жалол сўфи инкивидининг¹ шапкасида кептурса, алдаб бўларканми?

* * *

Шакарқишлоқликлардан бирори кўчага чиқиб турса, эшагини йўрттирганича ширинқишлоқлик ўтиб қолибди.

— Хў, ширин одам,— дея қаҳ-қаҳ уруб гап отибди «шакар одам», — эгарни эшакка тескари босисбсан-ку!

Йўловчи эса пинагини бузмасдан, «эгар ҳам шиппакка ўхшаган нарса-да, ошна», деб ўтиб кетибди.

Шакарқишлоқлик қараса, шиппагини пойма-пой кийиб олган экан.

* * *

Ҳокимназар тоға жуда кенгбагир одам бўлса-да, тенгдошлари гоҳо ҳазилни унинг жигига тегадиган дарражада ошириб юборишарди...

Бир куни қандайдир киши уни уйидан чақириб, йўл четида турган эшакарава томонга ишора қилди:

— Сизга тандир олиб келдим, мулла ака.

Ҳокимназар тоға безовталаниб, аввал кўччанинг у тарафига, кейин бу тарафига аланглади. «Менга керак

эмас... бунақа нарса», деб шартта орқасига бурилди.

— Тўй қилмоқчи экансиз, мулла ака, кечагина тандир қидириб юрган экансиз,— дея унинг енгидан ушлаб тўхтатди тандирфурӯш.— Танишларингиз айтишувди... у кишига анча-мунча нарса ёқмайди деб. Кўриниши ғадир-будурроқ бўлсаям, тандиримнинг лойи жуда пишиқ.

— Менга бунақа нарса керакмас дедим-ку.

— Ҳа энди молни бир кўринг.

— Аравангни тезроқ жилдирсанг-чи?

— Янгамни чақиринг. Тандирнинг қадрига хотинлар етади.

— Э, бу ердан йўқот... анави нарсани. Ҳе, ўша сенга гап ўргатганни...

Дараҳт панасида биқиниб турган дўстлар шунда хоҳолаб кулгунларича йўлга чиқиб келишди. Ҳокимназар тоганинг лақаби тандир эди.

* * *

Граммофон янги чиққан маҳалда Қаюм бува биттасини сотиб олиб, Нажим бувага «Ушшоқ»ни қўйиб берибди. Нажим бува бир лаппакнинг айланишига тикилиб, бир карнайшинг ичига бўйланиб, дўстига дебди:

— Шуям одамгарчиликми? Ашула айттиришдан олдин Мулла Тўйчини буёққа чақириб чой-пой қуйиб берсанг, хотининг талоқ бўладими?!

* * *

Мадиёр лўли ташқида чой шопириб ўтиреа, ўғлини бир ўқитувчи етаклаб келиб қолибди.

— Мадиёр ака, — деб гап бошлибди у. — биламиз, анча тартибли одамсиз. Ўглингиз сизга ўҳшамабди.

Бир пайт уйдан бека чиқиб, газабини соча кетибди:

— Бошингда жунинг бўлса, ўзингга, ҳой! Сан гапирганда оғаингга қара. Ман иккита эрга тегмаганман.

— Ҳап бўл! — дея хотинини жеркибди Мадиёр ака, сўнг ўқитувчига мулоиймланиб дебди. — Бу болачоқни манабу холанг икковимиз ясад бердик. Бир қарагин, домулло, бурни худди мандан бўлган, локигин жиннилиги мандан бўлмади.

Ўқитувчининг тоқати тоқланиб: «Гапни майдала-манг, болани нима қиласиз, болани?» деб сўраса, Ма-

диёр ака: «Ха, энди ўқитасан-да, домулло. Бурни мандан бўйганини бўйнимга олдим-ку», дебди.

* * *

Мактаб бола здик. Мухторали исмли биздан тикроқ ўспирин қўлбола тўппонча ясади: бир томони эгиб букланиб, ёғоч қўндоққа маҳкамланган пўлат трубача; трубачанинг тубига қўрғошин қуиилиб, темир аррачада дум томонидан тешик очилган.

Қуролни синамоқ бўлдик. Топшўлга яқин жойдаги зовурда уч-тўртта олмабош сузив юрган экан, эмаклаб яқин бордик. Мухторали дўнг ортига ёнбошлаб трубачага порох солиб, устидан қоғоз ниқтади, кейин сочма тўкиб, яна қоғоз билан маҳкамлади. Ниҳоят қурол нишонга тўғрилангач, мерганинг ишораси билан болалардан бири трубачадаги тешикка сигарет теккиади.

Даҳшатли варанглашга чинқириқ ҳам қўшилиб кетди, атрофимизни тутун қоплади. Ҳушимиzioni йигиб қарасак, тўппончанинг трубаси ёрилиб кетибди. Мерганимиз куйган юзига панжа босганича, ғужанак бўлиб ётибди.

Иттифоқо, тошйўлдан «тез ёрдам» машинаси ўтиб қолди, «хай-хай»лаб югуриб, уни тўхтатдик. Мухторалини замбилга солиб, машинага тиқишаётганда, унинг: «Болалар, гапимни эшитинглар!» деган хитоби янгради. Васият айтмоқчи бўляпти деб сесканиб кетдик. У ҳануз юзини чанглаб ётаркан: «Ўқим олмабопга теккан бўлса, уни пишириб, мени кўргани боринглар», деди.

* * *

Мирзараҳмат ака айтади:

— Бегамгина оғайнимиз бор, кичикроқ идорага бошлиқ бўлди-ю, шу кўйи семираверди. Семиргани сайин баттар ялқовланиб, охири беш оғиз гап айтгунича орадан тўрт марта хуррак отиб оладиган даражага етди.

Тунов куни марказий чорраҳадан ўтиб бораётсам, йўлнинг бир тарафида машина тирбанд, сингалбозлик, олдинда ҳалиги оғайнимизнинг «Жигули»си. Кейин билсан, светофорнинг қизил чирогида машинасини тўхтатибди-ю, то яшили ёнгунича ухлаб қолибди.

* * *

Машариғ қўкнори йўл ёқасидаги майсаорда куз офтобига исиниб ётган экан, пилоткани қошга қўндириб, бир аскар йигит ўтиб қолибди.

Хаёлида юз марта пошто бўлиб, юз марта тахтдан ағдарилган, мунтазам қайф оғушида ётиб, фашизмга қарши урушнинг қачон бошланиб, қачон тугаганидан ҳам бехабар қолган бу ажиб банда: «Ҳў, укам, чучварадўппини кийволиб, қаёқдан келяптилар энди?» деб сўраса, аскар: «Гитлерга гўр ковлаб, лаҳадга тиқиб келяпман», дея жавоб қайтарибди.

Буни эшишиб, кекса қўкнори бирдан тувақиб кетибди:

— Абдурахмон гўрковдек одам турганда, сен гўдак нега ўлик кўмишга аралашиб юрибсан?

* * *

Тасмахон деган жувон тўртинчи марта эрга тегаётуб, тўсатдан «келинлиги» қўзибди-ю, дадасининг бўйнига осилиб: «Вой дод, мени кимларга бериб юборяпсия? Мени қаёқларга опкетишяпти?» дея хўнграган бўлибди.

— Кўп қуюнма, қизим, — дебди дадаси, — уйини топиб келолмайдиган гўсўрлардан эмассан-ку.

* * *

Бир неча йил «Совет Ўзбекистони» газетасининг Фарғона бўйича муҳбири бўлиб ишлаган Анвар Эшонов бир даврада гапдан-гап чиқиб, «Олтиариқ Ўзбекистоннинг Грузияси» деди (эҳтимол олтиариқликларни мамлакатнинг энг чекка бозорларида ҳам учратиш мумкинлигини назарда тутгандир).

Орадан анча вақт ўтиб, буни устозим Эркин Воҳидовга айтганимда, у киши жилмайганларича дарров қўшимча қилдилар:

— Бундан чиқди, Грузия СССРнинг Олтиариғи экан-да?

* * *

Араб қиморвоз бандалик қилгач, шериклари гўрига ҳайкал ўрнатмоқчи бўлишибди. Ҳайкалтарошга пул

тўплаб беришиб: «Жуда машҳур зот даврадан кечди, энди ҳайкалини ясаб берсангиз», дейишибди. «Катта шоир ёки артист бўлса керак-да?» — деб сўрабди ҳайкалтарош.

Шунда қиморвоалардан бири фахрли қиёфа, мунгли овозда шундай жавоб қилибди:

— Улардан ҳам аўрроқ эди раҳматли. Шоирниям миқ этмай ютарди, артистниям...

* * *

Кўпчиликка маълумки, кўкнор ичувчилар совуқ сувга бармоқ теккизишдан ҳам ўлгудай қўрқишиади.

Бир куни Машариф кўкноридан «дунёдаги энг ботир одам ким», деб сўрашса, «шунча яшаб, Фузаил қоридек довюракни кўрмаганман, кунига беш маҳал жонини тикиб, анҳорда таҳорат қиласи», дебди.

* * *

Шакарқишлоқлик бир қариндошимиз японларнинг тараққиётда эришган ютуқлари хақидаги «маъруза» мени бўлиб, аътиroz билдириди:

— Қўй, газеталарга ишониб, ёпонларингни ишираверма. Дунёда бундан ночорроқ мамлакат бўлмаса керак — қўшним ўша ёққа саёҳатга боргандан беданақовоқ айтиб юборсам, шуниям тополмай келди.

* * *

Ширинқишлоқлик Ҳоким бувадан сўрашибди:

— Э, гўсхўр бўлмай кетинг, нега хачирингизни эшакка алмаштиридингиз?

— Аросат ёмон нарса, — дебди Ҳоким бува, — одам дегани ҳолига қараб ё отда юриши керак, ё эшакда.

* * *

Шодивой ака Арманистонга кетаётган қўшнисига битта телпак айтиб юборса, у паришонхотирлик қилиб, ичи юнгли, таши ҳам тивитдор, қўнжи кенг очиладиган қиплик туфли олиб келибди.

— Ё мардони ғойиб! — дея ҳайратланганича, Шодивой совғанинг уёқ-буёғини айлантириб кўра бошлаб-

ди. — Қаранглар-а, арманиларнинг телпаги худди ботинкага ўхшаркан.

* * *

Буни Шафоат аммамдан эшигтганман.

Тегирмончи буванинг Наманғондан тушган келини кўчага сувга чиқса, узоқда атлас чорсига нарса туғиб олган тоғаси келаётганмиш. Ҳовлига пирпиракдек кириб, қайноасини огоҳлантирибди:

— Мехмон келутти! Вой, меҳмон келутти!

Келин кўрпа-тўшак солиш учун шошиб ичкарига кириб кетгач, нарироқда ивирсиб юрган тегирмончи бува кампиридан: «Келининг бунча ҳакиллайди? Нималар деяпти ўзи?» деб сўрабди.

— Кўчага сувга чиқувди, — дея чолига «тушунтира бошлабди» кампир. — Анави бужур ошнангиза Меҳмон кал олабўжилаб қараганми, «Меҳмон кал ўтди», деб қочиб келди. Боёқиши хунук одамдан қўрқади шекилли.

* * *

Олтиариқликдан сўрашибди:

— Энг фаросатли ҳайвон нима?

— Ит.

— Нега?

— Бодрингга тегмайди.

Олтиариқликдан яна сўрашибди:

— Энг фаросатсиз ҳайвон нима?

— Ит.

— Нега?

— Бодринг емайди.

* * *

Тўхта қўрбоши қирқ-эллик йигитини зргаштириб Полосонга кириб келаётган экан, Нор банди хира кўзалини пилпиллатганича йўлга кўндаланг чиқиб: «Хў, аканг айлангурулар, кимга тараффорсизлар — қизилларгами, мастиравойларгами, саветларгами?» деб алжирабди. Тўхта қўрбоши ёнидагиларга кўз қисиб қўйиб: «Мен «тўртингчи» ман», дебди.

— Ҳе, аттанг, камчилик экансизлар, — дея афуснамо бош чайқабди Нор банди. — Ёшроқ бўлсам, сизлар минан... бешинчи бўлиб кетворардим.

* * *

Синфдошимиз Абдулла бир куни қүшни синфдаги бола билан жанжаллашиб қолиб, уни роса дүппослади.

Күп ўтмай калтакланган бола отасини етаклаб, синфимизга кириб келди. У киши дурадгор эди, «яна ўғлимни урадиган бўлсанг, қулогингни чопиб ташлайман», деб белбоғидаги тешани олиб, «аўравон «нинг боши устида ўйнатди. Абдулла эса бопини олиб қочиш ўрнига, қунишганича шоша-пиша дўпписини ечди.

Дўпписи яп-янги эди-да...

* * *

Харсанг ота кампиридан кейин ўн йилча тул юргач, ўғилларига ҳархаша қила-қила, охири қирчиллаганроқ бева хотинга уйланибди. Орадан бир ой ҳам ўтмай, хотини тугун-бўғинни йигишириб, йўлга отланибди.

— Мен энди нима қиласман? — дея зорланибди чол.

Шунда аёл Харсанг отанинг қўлига пул тутқазиб: «Ташвиш тортманг, мана шу пулга битта кир ювиш машинаси олсангиз, ўрним бўшагани билинмай қолади», дебди.

* * *

Иброй шапкўр зарурат туфайли ярим кечада ташқарига чиқибди-ю, остона яқинида чўэилиб ётган итга қоқиниб кетибди. Ит «инг...» деб қўйиб, яна жим ётаверибди.

— Кечаги гаплар кор қилмаганими? — дея хафагарчилик изҳор этибди Иброй шапкўр. — Бирор кун ичмай келсанг ўласанми, ўғлим?!

* * *

Тожи буқоқ қари қирчангисида сайр қиптуришни яхши кўраркан. Сайр ниҳоясида жиловни одатдагидек сой томонга буар, дагал ҳуштак чалиб, қирчангисини сув ичишга даъват этар, настга қарашга бўйнидаги буқоғи халақит бергани боис эгарда кеккайганича бетоқат ўтирас, ўткинчилардан: «Хов, биродар, отим сувдан бошини кўтардими?» деб сўраб қўяркан.

* * *

Абдубанноб ака бир ошнасининг уйига борса, у қовоқ-тумшуғи осилиб ўтирганиши. Сабабини суриштирибди.

— Уришқоқ дакан хўрозим бехосдан ўлиб қолди, — дебди ошнаси мунгланиб.

Абдубанноб ака «ҳозир келаман», дея чиқиб кетибди-ю, бирпасдан кейин йигирматача одамни эргаштириб қайтибди.

Уй эгасининг энсаси қотиб, «булар ким», деб сўраса, Абдубанноб ака «биттаси ювгич, биттаси гўрков, биттаси мулла, қолгани жанозачилар», дермиш.

* * *

Бозорвой бува ёшлигида икки гапга уч сўкишни кўшиб ишлатадиган хилидан бўлгани учун «қандоғиз» деган лақаб орттирган экан. Ҳозир қариб, тили ширинлашиб қолган эса-да, ҳануз довюрак, шиддаткор, серғайрат...

Колхозда табелчилик қилган давримда, у бригадамида ишлар, кўп ҳангомаларни, жумладан қуйидаги воқеани ҳамунинг ўзи оғзидан эшитганман.

Ота-онаси бир қизга «оқ кийиб», фотиха тўйига ҳозирлик кўришаётган вақтда бўлажак келининг қариндоши Бозорвойни йўлда тўхтатиб, насиҳат қилибди:

— Эшитиш имча, оғзингиз пешароқ эмиш, укам. Энди сал эпақага келинг, тили ёмон эркакка хотин чидамайди.

Шунда Бозорвой зўр бериб ўзини оқлашга тушибди:

— Тўғри, бўш қўйилса, бу онангни эмгур тил одамини пашшанинг чтидан ўтказиб, бурганинг липпасидан чиқаради, лекин бизда бунақа хунаса одат йўқ. Ўзи мени сизга қайси энагар ёмонлади?

* * *

Бешинчи синфда ўқир эдик...

Қишлоғимиздаги бир «танти бойвачча» нинг тўйида ичимлик ёғилиб кетди. Тўпалонда бизнинг қўлимизга ҳам битта «Баянширеј» тушиб қолди. Қоронғида ярим ютумдан тегдими-тегмадими, йигирматача бола «чуғур-

чугур» билан шуни «арра» қилдик.

Бир вақт синфдошимиз Аҳмад гандираклаб келиб, кимгадир шапалоқ тортиб юборди, «бўғиб ташлайман ҳаммангни, мактабингга ўт қўяман», деб бақиришга тушди. Мас бўлибмиз шекилли, деб мен ҳам тентираклаб бориб Аҳмаднинг елкасидан қучдим, яна бирор нариги қўлтиғига кирди, алдаб-сулдаб, уни уйига судраб кетдик.

Ўйига етай деганимизда йўл четида гаплашиб ўтирган кишилардан бири ўрнидан туриб, ўўлимиини тўсди. Қарасак, Аҳмаднинг отаси.

— Аҳмад, бу сенмисан? — деб сўради у қўлларини биқинига тираб. — Қани, буёққа кел-чи, хумпар!

Шу пайтгача ўлигини бизга ташлаб келаётган Аҳмад отасининг товушини эшитиши билан қўлимидан чиқиб, ариқдан кийикдек сакраб ўтди-ю, девордан ошиб, кўздан гойиб бўлди.

Эсизгина «қайф»!

* * *

Пахта мустақиллиги учун кураш бошланган даврларда Назар тогани Пилодаги колхозга раис қилишибди. Ўша йил серёгин келиб, пахталарни ўт босибди. Райондан юборилган вакил аҳвол билан танишиб чиққач, мажлис чакириб, узоқ ваъзхонликдан сўнг куюниб бундай дебди:

— Ҳаммаёқни ўт босиб кетган, ғўзалар тамом бўпти. Бунинг учун раисни ишдан ҳайдаш керак эди, лекин ҳукумат олдидаги хизматларини ҳисобга олиб, унга виговор берамиш, ўртоқлар.

— Назар тога бир оз анграйиб тургач, ёнидаги омборчидан сўрабди:

— Виговор нима, билмайсанми?

— Агар адашмасам, — деб дудуқланибди омборчи, — виговор бу... ёввойи ўтни қуритадиган янги дорининг номи бўлса керак.

* * *

Фопир караганда¹ урушдан қайтиб келган дастлабки пайтларда ўзбекча гапни камдан-кам ишлатаркан.

¹ Караганда — бу сўз Олтиариқда кўпроқ олифта маъносини англатади.

Бир куни Файзиободда турдиган холаси уни кўргани келиб, салом-аликдан сўнг кўзи ёшланиб дебди:

— Ўтган йили поччангни ҳам эгасига топширдик.

Фопир каранда «чепуха» дея қўл силтаган экан, бу русчада «худо раҳмат қилсин»ни англатса керак деб ўйлаган кампир унинг гапини тсдиқлаб аста бош қимирлатибди:

— Ҳа, бошқа нима иложимиз бор, болам, биз ҳам «чепуха», деб ўтирибмиз.

* * *

Эллигинчи йилларда Урайим новча колхоз тракторчилари ўртасидаги мусобақада голиб чиқиб, «ИЖ—49» мотоциклли билан мукофотланибди. Бундан руҳланиб кетганми, келгуси йилда ҳам унга тенг келадитан касбдоши топилмабди. Голибни тақдирлапшига яна мотоцикл қўйилган экан, «биринчи ўринни олдимми — буниям менга берасизлар», деб жанжал кўтарибди.

— Тушунсанг-чи, ука,— дебди раис,— ҳукуматимизда қонун бор. Битта одамнинг номига биттадан ортиқ транспортни расмийлаштириб бўлмайди.

Шунда Урайим новча шаштидан тушиб дебди:

— Оббо, буям кўпхотинликка киаркан-да?

* * *

Хотини ясан-тусан билан уйдан чиқаётганини кўрган Эназар: «Ўзларига йўл бўлсин?» деб сўраса, хотини: «Клубимизга «Эгриси»¹ кепти, овсиним иккаламиз кўргани кетяпмиз», дея жавоб берибди.

Буни эпитетиб, Эназарнинг зардаси қайнабди.

— Тўғриси тургандা, эгрисини кўриб нима қиласан, хумбон! — дебди.

* * *

Ҳокимназар тоға тўйда «етилиб» ўтирганда, ёнидаги киши луқма ташлабди:

— Суткасига қанчага оборяпсиз?

— Бир литрча кетиб турибди. Ўзларидан сўрасак?

— Яримтага етай деганда, аганаб қоляпман-да.

Ҳокимназар тоғанинг бирдан қовоғи уйилибди, шеригига писандсиа боқиб дўриллабди:

— Унақа бўлса, бор, тенгинг билан гаплаш!

¹ «Эгриси» — Грузиядаги эстрада ансамбларидан бирининг номи.

* * *

— Олтиаригимиизда қанча қишлоқ бўлса экан-а? — деб сўрабди ширинқишлоқлик.

— Жуда кўп,— дебди шакарқишлоқлик.— Мана, биттаси бизнинг Шакарқишлоқ. Бундан ташқари, Ширинқишлоқка ўхшаган талай майдадурийдадар бор.

* * *

Полосондаги бир тўйга шакарқишлоқлик пиёда, ширинқишлоқлик велосипедда келибди. Дастурхон ёзилиб, маимат бошланибди. Тўрда қўр тўкиб ўтирган шакарқишлоқлик ичимликни қўлга олаётуб, «пастдагиларга ҳам беринглар», дея ширинқишлоқликка гап юмалатибди. Ширинқишлоқлик эса узатилган пиёлани олмай, тўрсайганича дебди:

— Ароқни пиёда келганлар ичсин, биз рулдамиз.

* * *

Детектив китобларни қидириб ўқийдиган бир синфдошимиз жамиятшуносликдан кирадиган ўқитувчидан сўради:

— Мамлакатимизни ҳар томонлама жуда кучли демиз. Рост бўлса, нега бизда Америкадагига ўхшаган катта ўғрилар йўқ?

— Ҳамма юртнинг ўзига хос томонини билиш керак,— деди ўқитувчимиз.— Америкада катта ўғрилар бўлсаням, жуда озчилик. Бизда ҳад-ҳисобсиз майда ўғрилар бор. Масалан, синф дафтарига қараб йўқлама қилиб чиққунимча, доска токчасида турган бўр гойиб бўлибди.

* * *

Эшвой полвон Эргаш понсаднинг афв этилган йигитларидан эди.

Олтмишинчи йилларда Бувайдадаги Понсад деган қивілоқдан отлиқ йўлга чиққан савдогар киши Олтиарикка бемаҳалда кириб келиб, тунаб ўтмоқчи бўлибди. Бориб, таваккалдан бир эшикни қоқибди. Бу Эшвой полвоннинг ҳовлиси экан. Табиатан қўпол бўлган полвон эшикни очиб: «Кимсан ўзинг? Қаёқдан кепқолдинг?» деб дўрилласа, мусоғир: «Мен... Понсадданман», дея дудмалланибди.

Эшвай полвон атрофга олазарак қараб олгач, паст товушда дебди:

— Понсадга бориб айт, мени тинч қўйсин. Энди аввалги қувватим қолмаган.

* * *

Яқинларда ҳам қишлоғимиздаги тўйларда майдоннинг ўртасига тўнкалар қаланиб, гулхан ёқилар, одамлар атрофда давра қуришиб, базм қилишарди. Гулханга мой қуйиб турувчи киши олдиндан тайинлаб қўйиларди. Ана шу вазифани кўпинча Эрмат ака бажарар эди.

Бир тўйда давра четидаги сўрига беш-олтита пулдор тўпланиб олиб, ўзларини кўэ-кўэз қила бошлишди. Эрмат аканинг ёши улардан улуғ бўлишига қарамай, гулхан сусайиброқ қолган паллада: «Ёғдан қуй, кал», деб қичқиришар ва қийиқириб қулишарди. Бир гал қадаҳларни уриштиришиб, «Ёғдан қуй, кал», дея бақиришганда, Эрмат ака косани керосинга тўлдириб бориб, уларнинг қўлидаги ароқнинг устига оа-оадан қуйиб чиқди.

— Тўлдириброқ қуяйми, ё шуёғиям етадими? — деди у.

* * *

Тўртинчи синфдалигимда ўнинчидаги ўқийдиган бир қизни ёқтириб қолдим. Бир куни қоғозга: «Кечқурун кўчада учрашсак бўладими? Гапим бор», деб ёзиб, танаффусда секин қўлига қистирдим.

Кейинги танаффусда у ҳам дўмбоқ қилиб буқланган қоғозни зарда билан чўнтағимга тиқиб кетди. Ҳаяжонланганимча панага ўтиб ўқиб кўрсам: «Нима, синглимга хат ташийдиган малайнингманми?» деб ёзибди.

Суриштириб билсан, «севгилим»нинг биринчи «Б»да ўқийдиган синглиси бор экан.

* * *

Олтиариқликлардан: «Раҳбарнинг яхши-ёмонини қандай фарқлаш мумкин?» деб сўрашса, «бодринга бўлган муносабатидан», деб айтишади.

* * *

Олтиариқда Бешогайни деган миришкор узумчилар маҳалласи бор. Ўша ерлик йигит Тошкентда узум сотиб турса, харидорлардан бири: «Буни қаердан опкелдинг?» деб сўрабди.

— Бешогайнидан.

— Ўв, бола, мен узум қаерда етиширилганини сўраяпман,— дебди харидор.— Кимлардан олганинг билан ишим нима?

* * *

Болта фолчи жуда қувноқ одам. Бир куни у ўтлоқдаги ола бузогини қайтариб келишга шайланиб турса, лаловроқ йигит ҳовлига кириб келиб: «Қўчкорим йўқолиб қолди, фол очиб топиб беринг», дебди.

Болта ака сўрига ўтириб, кўзини юмганича нималарнидир пичирлабди, пиёладаги сувга кичик увада ташлаб, суазини диққат билан кузатибди, сўнг йигитга юзланиб уқдирибди:

— Ҳозир таҳорат қилволиб, тўғри каналнинг бўйидаги ўтлоққа бор, у ерда бир ола бузоқ учрайди. шуни олдингга солиб ҳайдаб кел. Бузоқни сеҳрлаб сўроқ қиласман, қўчкорингни кўрган бўлса — айтади, кўрмаган бўлса — айтмайди!

* * *

Серфайз гузаримизни Наби қассоб билан Ғулом-қартанинг ғалваларисиз тасаввур қилиш қийин. Иккаласининг қуйнида ҳам қишин-ёсин эллик иккитали қарта, кунига бир тўқнашишмаса, уйқуда босриқиб чиқишаркан.

Гоҳ Наби қассоб йўлдан ўтаётган ўқувчи болаларни йигиб, матбуза бошлайди:

— Ғулом акаларингни бугун беш марта қўлини кўтаргиздим. Охирги қўлда қаторасига бешу нолданга ютиб, ортиқча шарманда қилвордим. Бу янгиликни бошқа синфдаги ўртоқларингга ҳам айтиб қўйинглар, хўпми?

Гоҳ Ғулом-қарта гўшт олишга келиб, қассобни тополмай турган харидорларга мотамсаро қиёфада сўзлашга тушади:

— Қассобни пойлаб ўтирмай, бугунча ошга тухум

босиб еяверинглар. Асли, айб менда, қартада уни жуда хунук қолдирувдим. Шўрлик энди қайси юз билан кўчага чиқади?

* * *

Машариф кўкнори газетага бурун юргизиб чиққач, ёнбошлаб кайф гаштини суратган шерикларига ахборот берибди:

— Америкаликлар ойга қўнишибди. Шунча овора-гарчилик билан чиқиб, тезда қайтвонишгани қизиқ.

Шунда Наим-камалак ётган жойидан овоз қилибди:

— Кўкнор ўсмайдиган жойда бирор узоқ турармиди, калласи пишмаган.

* * *

Янги тузилган колхозга ёэилган Зокир полвоннинг хўқизини олишаётуб, унга уқтиришибди:

— Шу хўқизингда ер ҳайдаймиз, пахта сотиб, пулига трактор оламиз. Тракторда ер ҳайдаймиз, пахта сотиб, пулига ўнта трактор оламиа... Тушунарлимий?

— Тушундим, — дебди Зокир полвон. — Колхоз тузиш... товуққа тухум бостиришнинг ўзгинаси экан.

* . * *

Олтиариқдаги қишлоқлардан бирида Қўрқоқмаҳалла деган жой бўлган экан. Ҳозирда инқилоб намоёндаларидан бирининг номи билан аталади.

Бир куни маҳалла аҳли юқорига хат ёзиб, Парангботир деган кишига қаҳрамонлик унвони берилишини талаб қилишибди. Хатда жумладан шундай дейилган экан: «Бўрон пайтида радионинг сими узилиб тушди. Шунда маҳалламида яшовчи Парангботир (аввалги исми Паранг-агитчи) райондан монтёр келишини кутиб ўтирмай, уч метрлик симёғочга тап-тортмасдан чиқиб, симни улаб ташлади!»

* * *

Бу ҳангома қирқинчи йиллардан ёдгорлик.

Замона зайли билан молбоқар Хўжаматнинг укаси райкомга масъул ишга ўтибди-ю, колхознинг ўта чаласавод (демак, ўта лаганбардор) раиси уни бирдан ферма мудирлигига кўтарибди.

Шудгор мавсумида оближроқўм вакили келиб, Хўжаматга одатдаги ўткинчи пўписалардан қилибди:

— Фермадаги гўнгларни бригадаларга тақсимлаб беринг, ҳайдовдан олдин ерга солишсин. Назорат қилиб туришни шахсан сизга топшираман. Қайси бригадир бирор грамм, қайтариб айтаман — бирор грамм гўнгни исроф қилса, менга маълумот юбориб туринг. Мабодо бунақа ҳалқ душманларини яширсангиа, ўзингизни жазолаймиз.

Шундан кейин Хўжаматга худо берибди. Отда далама-дала кезиб, қайси бригада ўрамидаги йўл ёки уватда ярим ҳовуч гўнг тўклиб қолган бўлса ҳам, эгар қошидаги хуржундан осматарозини олиб, мисқоллаб тортиб кўраркан ҳамда ҳалқ душмани бўлган фалончининг бригадасида 1215 грамм, бузғунчи зааркундалар сафдоши писмадончининг бригадасида 153 грамм сара гўнг шудгордан ташқарида сочилиб ётибди, деб акт тузишга киришаркан...

Мана шу боис «Аҳмоқ аҳмоққа амал беради, кейин эл граммлаб гўнг теради», деган мақол биргина Олтиариқда ишлатилади, уни фақат олтиариҳлик тушучади.

* * *

Теша Қурбон одамохун, беозор киши бўлиб, улфатчиликка ортиқча ружу қўйганлардан эди. Ҳовли-ҳарамга мутлақо қарамасди... Умрининг охирларида «инсофга келиб» эккан кўчatlари ҳозир белига қулоч етмайдиган бўлиб қолди. Болалигимиизда эса каттакон томорқаси даштдек тап-тақир турар, қитмирилкда тенгсиз қўшнилар писандани бехад қойиллатиб, унга «Мичурин» деган дабдабали лақаб қўйишганди...

* * *

Турдали бува колхозга раислигида кекса бир аравакаш бўлар экан. Унинг ҳаддан зиёд юнгдор одамлигини ҳалқ оғзаки лофига мослаган ҳолда шучдай таърифлар эди.

— Кўкрагига мардикор солсанг, жунини бир ҳафта ўради. Мўйлови — паравознинг тутуни. Соқолини сўрасант — ўлишини пайпоқчи кампирлар пойлаб ётган...

* * *

— Бу ерни нега Олтиариқ дейишади?

— Биласиз, меҳмон, катта Фарғона канали қирқ беш кунда кавланган. Бизнинг райондагилар эса ўзларига ажратилган бўлакни ўттиз тўққиз кунда битиришиб, қолган олти кунда, яна олтита ариқ қазиб ташлашган!

— Ундан олдинги номи-чи? Нима эди?

— Қадимги номиям — Олтиариқ. Шуниси қизиқ-па, меҳмон, шунисига ҳайронмиз-да.

* * *

Ўз-ўзини танқид Олтиариқда анча яхши йўлга қўйилган. Мана, битта мисол...

Биз томонда шундай русум бор — куёв ўз қаллиғига никоҳ уауги тақиши учун уларни баланд ўриндиққа ётқизишиб, устидан кўрпа ёпишади. Ўзук тақиш «можароси» қизиган чогда аёллардан бир-иккитаси кўрпанинг бош тарафини хиёл кўтариб, «буёқقا қаранглар», дейишади-да, ичкаридагиларга ойнак тутишади.

Содик бужур уйланганда, кўрпа ичидаги терлаб-пизишиб келинга эндиғина узук таққан чогда «буёқقا қаранглар», деган товушни эшишиб, ташқарига мўралабди. Мўралабди-ю, «Ие! Ё товба!» дея яна тезда бурканиб олибди. Келин: «Ха, нима гап?» дея аста сўраса, Содик бужур: «Қарасам, уёқдаям бизга бошмабош бўлиб иккитаси ётибди. Келинчакни нишолдага булаб егинг келади, аммо лекин куёвнинг турхати — нақ ажинанинг ўзи», дебди.

* * *

Мамат тоға Москвадан Берлингача бориб, урушдан тирик қайтган. Чамаси, жўнашда вокзалдаёқ «нафаси кетиб қолган» бўлса керак...

Станция ғала-ғовурга тўлган. Хотини вагон яқинидаги Мамат тоғанинг елкасига бош қўйиб: «Урушда ўлиб кетсангиз, нима қиласман? Боллар нима бўлади?» деб йиғлай бошлабди.

— Жўудаям соддасан-да, хотин — дея хотиржам қиёфада файласуфона қош керибди эр. — Ҳукуматда +
калла бор, хитоб-китоб бор. Ўлишга кетаётган одамга

қайси гўсхўр мана бунаقا яп-янги шим, пишиқ этик беради?

* * *

Шодивой акага тўйда тузуккина ичкизгач, бир учиға тўмтоқ супурги боғланган узун канопни белбоғига аста чирмаштиришиб, кўчага кузатишди. Қишлоқ кўчалари қоронги, Шодивой aka пича юргач, каноп таранглашиб, супурги унинг кетидан эргашди. Шилдир-шилдир овоаздан сесканди шекилли, нарироқда тўхталиб, оёгини «тап» этказиб ерга урди ва «чиپ, хароми!» деб қичқирди.

— Орқамдан ит келяпти деб ўйлаяпти,— дея ҳиринглаб қўйди кимдир.

Анча вакт атайлаб қулоқ солиб турдик. Шодивой аканинг оёқ тапиллатиши, «чиپ, хароми» деб қичқириши ҳар яrim минутда узоқ-узоқлардан ҳам эшитилиб турди.

* * *

Анча йил шаҳарда яшаб қайтган олтиариқлик йигит эсига қаттиқ ўрнашиб қолган оддий бир воқеани айтиб берган эди...

— Шаҳарда етти йилча қавак-кандинда кун кўриб юрганимдан кейин охири катакдан каттароқ квартира беришди. Меҳмонга келган дадам кечаси балконнинг ойнасидан икки осмонўпар бино оралиғига тикилиб ётиб: «Ана, юлдуз учди!» деб қичқириб юборди.

Юқори қаватдан кимдир сигарет улоқтирганини чол шўрлик қаёқдан билсин!

* * *

Совхоз бош агрономи Маматожи акадан:

«Қишлоқдаги стадионни қачон битказасизлар?» деб сўрасам, у: «Пахтанинг нархи шундай турса, қишлоқда тўп тепишга қурби етадиган одам қолармикан?» деган эди.

* * *

Олтинчи синфда ўқир эдик...

Тарихдан дарс берувчи синф раҳбаримизнинг эски велосипеди бўлиб, олдинги ғилдираги отарчи раққосадек «жилпиллаб» юарди. Синфдошимиз Абдураҳим унга: «Чорагимга «тўрт» чиқарсангиз, уйимизда янги

ғилдирак бор, шуни сизга бервараман», деди. Ўқитувчимиз: «Э, битта «тўрт» сендан айлансин», деб кулиб қўйди.

Бир-икки кундан сўнг чоракка баҳо чиқариш бошлианди. Абдураҳимга навбат келганда, ҳар сафаргидек тўлдираб тураверди. Ўқитувчимиз: «Хулқинг тузуклигини назарда тутиб ҳозирча «уч» қўямиз, «тўрт» ни келаси чоракда оларсан», деса, Абдураҳим қовоқ уйиб пўнгиллади:

— Унга довур ғилдиракни дадам бирортасига бервorsa-чи?

* * *

Буни ўғлим Баҳодир ҳикоя қилиб берган эди.

Уларнинг синф раҳбари табелга бирйўла иккита чоракка баҳо тўлдириб, ота-оналарга қўл қўйдириб келишлари учун ўқувчиларга тарқатибди. Сувонов фамилияли бола эртаси куни мактабга келаётib, табелини ариқчага тушириб юборибди. Уни кўргач, ёзувлар шуваланиб кетганидан ранжий бошлаган ўқитувчи бирдан кулимсирабди-да, «Ие, ўзи буёғиям «сув-сув» эканку», дебди.

Сувоновнинг отаси ўз фамилиясини қисқартириб, табелга «Сув», «Сув», деб имзо чеккан экан.

* * *

Шакарқишлоққа сел келибди. Милиция машиналари «ув-в, ув-в» қилиб юриб одамларни қўяғабди, йигилганларни принципи тракторларда пешма-пешадирга жўнатишаверибди.

Кишилар қишлоққа эртаси кечки пайт қайтишибди. Эндиғина қозон-товоққа қўл уришаётганда тоғ тарафда яна чақмоқ чақиб, момақалдироқ бошланибди. Бу орада қаердандир «ув-в, хаув-в», деган овоз кетмакет янграб қолибди. Тағин сирена товуши тараляпти деб ўйлаган оломон озиқ-овқатини тугиб, гузарга йиғилаверибди...

Кейин билишса, магазин қоровулининг занжирдаги ити оч қолиб кетиб увиллаётган экан.

* * *

Ширинқишлоқлик киши бўрдоқи новвосини сотмокчи бўлибди. Бозордан бир кун олдин юқ машинаси минадиган қўшниси билан келишиб қўйибди.

Иккови эртаси саҳарда йўлга чиқишибди. Қўқондаги молбозорига етиб боришгач, кабинадан тушишибди-ю, тўсатдан бир-бири билан ёқалашиб кетишибди.

Шошилинч йўлга чиқаётуб, новвосни машинага юклашни унтишган экан.

* * *

Ширинқишлоқлик анатомия ўқитувчисига: «Нега одамнинг оёғи иккита?» деб савол беришибди.

— Табиат уни шимга мослаб ясаган, — дебди ўқитувчи.

* * *

Жулдурчопон Норбанги бир куни Қоравой қўрбонини тергаган бўлибди.

— Йигитларингда эс-пес борми ўзи? Отига тақа қоқтирволиб, ҳаммаёқни шарақа-шуруққа тўлдиргани етмагандек, бекордан-бекорга милтиқ отворишади. Кайфим учса, неча сўлкавой зарар кўришимни билсанми, ҳов?!?

— Худога шукр қилсангиз-чи, — деб кулибди Қоравой қўрбоши, — замбарак отишса нима қиласдингиз?

Энди Норбангининг жазаваси тутибди:

— Э, нафасинг Сибирияда қотур! Айтиб қўяй, замбарак ишлатадиган бўлсанг, кейин бангилардан ўпкалаб юрма. Эркакча гап шу — Олтиариқда ё замбарак туради, ё чилим!

* * *

Сайдхўжанинг мушуги жўжа ўгирлайдиган одат чиқаргандан сўнгҳ қўшниларнинг қарғишидан безиган дадаси биага қароқчини тез гумдон қилишини топшириди. Мушукни адаштириб келиш ниятида қопчага солиб, йўлга тушдик.

Нефтчилар шаҳарчасидан ўтиб бораётганимизда йўл четида гурунглашиб ўтирган рус кампирлардан бири юкимиз билан қизиқиб қолди. Биз тўғрисини айтдик. Ўзбекчани жуда яхши биладиган бу кампирлар кутил-

маганда «менга бер, менга бер», дейишиб, мушукни та-лашиб қолиши. Охири биттаси устун келиб, биәдан сотиб олди.

Шундан сүнг Сайдхўжа теа-тез дарсдан қоладиган «касалликка» чалинди. У мактабга келмаган куни маҳаллада албатта битта мушук йўқолар эди.

* * *

— Ховлига, уриниб-суриниб, мўрча қурдингиз, — дедим Маҳмуджонга, — энди пул харжлаб ҳаммомга келишга бало борми?

Маҳмуджон бош қашлаб деди:

— Мўрчани-ку битирволдим, лекин ёнига чойхона билан сартарошхона қуриш эсдан чиқибида.

* * *

Маҳалладагилар уни Зингир бува дейипарди. Болалар ундан «нега исмингиз бунақа», деб сўрашса, «қишлоқда биринчи бўлиб «Зингир» деган тикув машинаси олиб келганман, ўшандан буён отам қўйган исм четда қолиб, Зингир бувага айланганман», дерди.

— Машина ҳалиям борми?

— Ўғирлатганман. Кейин билсан, бошқа жойлик Марайим деган киши уриб кетган экан. Э, у даврларда тикув машинасини иккита ҳўқизга алмаштираса бўларди.

— Ўша одамни қўрганда, ҳалиям гажиб қўйгингиз келар? — дея яна саволга тутарди болалар.

— Йўқ, қайтага раҳмим келади унга, — деб жавоб қиласарди Зингир бува. — Туппа-тузук одам «Марайим ўғри» деган ном ортириди, бари бир «Зингир» бўлолмади.

* * *

Турсунбой тоға тошқўрғонлик бир ошиасини шундай таърифлаган эди:

— Ҳаддан ташқари зийрак одам эди раҳматли. Мен прокурорликка кўтарилиган давримда у қайсиdir ташкилотда қоровул эди. Бир куни ўғрилар у қўриқлаётган омборни шип-шийдон қилишиб бўлиб, соқчи ўлики-ми-тирикми, шунча ишни бажаргунимизча миқ этмади, дейишиб секин қоровулхонага киришса, хурракда «Баёт бешинчи»нинг авжини олаётганмиш. Ўғрилар унинг эгнидаги янги пўстинни, оёғидаги хиром этикни,

пахтали шимини ечиб олишибди. Охири тагидаги биққи күрпани секин суғиришаётганда, уйғотиб кетибди.

— Кейин-чи, кейин нима бўпти?

— Кейин ўғрилардан биттаси «ғинг десанг, жанозасиз кетасан», деб оғзига шартта пайтава тикқан экан, туш ҳам шунаقا бемаъни бўладими, деб ўйлабди-ю, яна ухлаб қолибди...

* * *

Фарғона радиосида ишлаб юрганимда чорвачиликдан репортаж уюптириш учун эрталаб Олтиариқдаги колхозлардан бирига бордим. Бахтимга ферма мудири колхоз идорасида партком секретари билан гаплашиб ўтирган экан. Учрашибоқ, мақсадни айтдим.

— Сал ноқулай вақтда келибсиз, — деди партком, — кечқурунги селда юзтacha қўйимиз оқиб кетди.

— Ҳаммасига ўринбосарим ўртоқ Такатулин айбдор, — дея негадир бепарво илжайиб сўз қотди мудир. — Қўйларни сой томонга бошлаган ўша. Аҳмоқлиги ўзиниям бошига етди.

— Унга... нима қипти? — хаяжонланиб сўрадим мен.

— Ўртоқ Такатуллинни айтяпсизми? — яна мийигида кулди мудир. — Ким билади дейсиз. Ўлигиям, тиригиям топилмади.

Унинг марҳумга нисбатан ҳурматсизлигидан ижирғаниб кетдим. Сўнг билсан, гап подани етакловчи қари тана ҳақида бораётган экан.

* * *

Гражданлар уруши даври экан. Мозортагидаги хужрага тўпланиб олган шайхфеъл кўкнорилар кайф устида қўшиқни важанг қилишибди:

Белига ўқдон боғлаволиб,
Хиром этигини ёглаволиб,
Тогдан тушади Шермамат.

Сўйганини қучоқлашга,
Сўймаганини пичоқлашга
Тогдан тушади Шермамат.

Нон топмаса, оч ухлашга,
Жон топмаса, көн йиглашга
Тогдан тушади Шерматамат...

Ёшроқ — табиийки, нисбатан ботирроқ «Почта» кўкнори қўшиқни бўлиб: «Эш, шуям ашула бўлди-ю, қўй ўша Кўршерматингни!» дея эндигина чирана бошлаган экан, ҳужранинг эшиги гийқиллаб очилиб, бир кўзига қора тасма тортган қалпокли киши ичкарига олайиб мўралабди. «Почта» кўкнори «Вой дод!» деб ўзини орқага ташлаган пайтда, шериклари хам «оҳ-воҳ» билан беҳуш ийқилишибди.

Сал ўтгач, олдинма-кетин ўзларига келиб, бир-бirlаридан ҳол-аҳвол сўрай боплабдилар:

— Тирикмисан? Соғ қолганингга бир пуд майиз опкелиб, ис чиқарасан энди.

- Наганини кўрдингми, наганини?
- Ие, менга тўғрилайди-ю, кўрмайманми?
- Қиличининг сопи кўэни қамаштириди-я!
- Тиллодан-да!
- Анави чиранчоқнинг жаддига ўлиб кетардиг-а!

Хов, «Почта», бу сафардан кейин оғзингта қараб та-
пиргин. Ҳаммамизни пилмитга қўйдирмади — Шерма-
матга раҳмат де...

Шу чоқ эшик яна гийқиллаб очилиб, «ҳа-пуф, ҳа-пуф»лаб нафас олганича ҳужрага Бўрдоқвой лақабли кўкнори кириб келибди. Ҳамма бирин-сирин ёқасига туфлаб олгач: «Вей, Бўрдоқвой, ташқарида Шерматбек кўринмадими, кетибдими?» деб шоша-пиша сўрабди гурунгбоши.

- Ҳа-пуф... Қанақа Шерматбек?
- Шерматбек қўрбоши-да, молфаҳм!
- Уни кўрмадим, — деб жавоб қилибди Бўрдоқвой қўлидаги тугунчани дастурхонга қўяркан. — Лейкигин Аширкўр подачини кўрдим. Мозорбувага кўтариб қўйган чалпакни опкелсам, шерикларингиз ғалати қилиқ қилиб мени қўрқитворишиди, деди-ю, шу тунчани қўлимга бериб кетди.

* * *

Эллик ёшга бормай тул қолган Мадамин ака гу-
зардаги чойхонада «наяки»ни тутатганича хаёл сурib
ўтирган экан, «юринг, шаҳарга олиб бориб, футбол
кўрсатиб келаман», дедим.

— Бе, хўрор уруштириш бўлса, бошқа гап эди, —
дэя лоқайд қўл силтади у.

Уни қизиқтироқчи бўлиб: «Стадионда лотерея
ўйналади, уч-тўртта олсангиз, машина чиқиб қолса
ажабмас», десам: «Ўша эси пастлар ютуқча хотин
қўйса, ҳамма лотериясини ўзим сотовлардим», деди.

* * *

Биз тарафда «Юмалоқ полвоннинг қудратини
дастурхонда кўринг» деган мутойиба юради.

Умарали ака бу янги номга эга бўлиш арафасида
уч-тўрт улфати билан Ўшга саёҳатга борибди. Сайл
қилиб юриб, қуаш қизиб турган жойдан чиқиб қоли-
шибди. Ҳазилкап жўралардан бири — Олим ака деган
омборчи киши бош ҳакамни четга имлаб: «Олтиариқдан
Юмалоқ полвонни олиб келганмиз, умрида кураги ер
искамаган, шунга тараф топинг», дебди. Бош ҳакам:
«Сизлар bemalol дам олиб туринглар, тараф топилса,
радиўлдан айтамиш!» деб уларни яқингинадаги чойхо-
нага кузатиб қўйибди.

Улфатлар чанқоқ бостириб туришганда симёғочда-
ги каттакон оқ карнайдан: «Ўртоқлар, бўндан кейинги
беллашувда ҳамишаҳаримиз Назарқул дўмбоқ олтиариқ-
лик ҳали енгилмаган қуашчи Юмалоқ полвон билан
куч синашади», деган тантанавор эълон янграбди.

Одатдаги ёввойи иштаҳа билан гўшкүйдини тўпича
тушириб ўтирган Умарали ака гап нимадалигини анг-
лаб улгуролмай, шериклари уни қўлтиқлаб майдонга
олиб киришибди. Тушунгач, даврадан қочиб чиқмоқчи
бўлибди-ю, кейин номус кучи типни тишга босибди.
Тиззага саланглаган қорни устидан чорси боғлашибди.
Назарқул дўмбоқ унинг ёнига келиб, ҳадиксираб ти-
килган кўйи қуюқ кўришибди.

Ниҳоят, беллашув бошланибди. Рақиб билан белбоғ
эшишаётган дамдаёқ қовургалари қирсиллаётганини
ҳис этган Умарали ака жонҳолатда бир силтаниб на-
фасини сал бўшатиб олибди-да, аста шивирлабди:

— Ҳў, акаси, жигар тўқадиган одатим бор, ёшлиқда
ғўр кетмагин. Улфатларимни қўшиб уч кун меҳмон
қилсанг, майли, шаҳрингда юаингни бир ёруғ қиласай.

Чинакам полвонга шон турганда жон бир пул, «уч
кунмас, бир ҳафта боқаман, ака», деб пицирлабди На-
зарқул дўмбоқ ҳам...

Юмалоқ полвонни бир ҳафта соядан сояга юмалатиб

юриб боқишибди ҳамки, бўқдим демасмиш. Охири «қудратингизга тан бердик», дейишиб, меабонлар унга астойдил ихлос қўйишибди.

* * *

Рўзимат чирмандачи бир тўйда маҳаллани базмга чорлаш учун томга чиқиб чирманда чалди. Бироздан сўнг пастга тушмоқчи бўлганида кимdir шотини олиб қўйганини кўриб, тўхталиб қолди. Сўнг ўйланиб ўтирамасдан, уй биқинига жипслаб қурилган тўйтандирнинг устига сакради. Тандир ўприлиб тушди. Зувалахонадан нириллаб чиқсан новвой ахволни кўриб, уни бўралашга тутинди.

— Ўзингда фаросат борми, ошна,— деб кутилмаганда Рўзимат чирмандачи ҳам дағдаға қилди.— Тандирни келиб-келиб йўлимга қурасанми?!

* * *

Шакарқишлоқдаги колхоз инженери ширинқишлоқлик касбдошига дебди:

— Бир нарсага ҳайрон юрибман, ошнавой. Нимагадир ҳамма тракторимизнинг олдинги ғилдираги орқадагига қараганда анча тез айланади-да.

— Бу нуқсон бизнинг тракторлардаям бор, — деб бош қашибди ширинқишлоқлик инженер.— Шуни айтиб заводга хат ёёсак, олдинги ғилдираклар орқадагидан кичик, деган мужмал жавоб келди.

* * *

Уруш вақтида ширинқишлоқлик билан шакарқишлоқлик окопда ёндош туриб қолишибди.

— Душман қаёқдан келаркан ўзи, эшитмадингми? — деб сўрабди ширинқишлоқлик. — Агар ўнгдан келса, ўзинг олишасан, мен чапақайман.

— Ишқилиб орқадан келмаса бўлди, — дебди шакарқишлоқлик.— Милтиқни елкадан ошириб отишни билмайман.

* * *

Бутун синфимиэ билан дала шийпонида ётиб пахта терардик. Бир куни тунда бирон полиздан тарвуз ўғирлаб келишнинг маслаҳатини қиптурган эдик, шийпон қоровули: «Хў, болачоқлар, қийтиқ ернинг этагидаги хашак ғарамини кўрганмисизлар? Ўшанинг ичига

қирқмалар босиб ташланган, барини ташиб келиб, қовун сайли қилмаймизми?» деб қолди. Очиги, номоазхон чолдан бунаقا гапни қутмаган эдик. Лекин ҳайронлигимизни билдириб ўтиrmай унга эргашдик.

Қовунхўрлар лашкари зимиstonда шарпасиз ҳаракат қилиб, ҳамма аскар шийпонга бир этакдан ўлжа кўтариб қайтди. Аммо кўкракни шира, қоринини дўмбира қилиш ҳеч кимга наасб этмади. Қоровул чол далага ғарамлаб қўйган ошқовоқларини шийпонга қандай ташитиб олишни билмай юрган экан.

* * *

Шафоат аммамнинг «хўжайини»ни (Қосимжон тоғани) биз опоғдада деб чақирадик. У ниҳоятда одамоҳун, қувноқ, бироқ астойдил жаҳлланса то ўзи шаштидан тушмагунча бирор бас кела олмайдиган киши эди. Хулқим «талабга жавоб бермагани» учун қишлоқдаги мактабдан мени кузатиб қўйишгач, 9-синфда Фарғона шаҳрида ўқиб, уларникида яшаганиман.

Бир куни ўртанча опам мени йўқлаб келиб қолди. қўлида эндиғина чилласи чиққан чақалоги ҳам бор. Чাқалоқ ҳаддан зиёд митқи, шунга қарамай ўта йиелоқи, товуши ўткир эди. Опам бундан хижолат бўлиб, «бешикда ётишга ўрганиб қолган, йўргакка кўниколмай йиғлаяпти», деб баҳона қилди. Шунда опоғдадам сўқимдек келадиган тўнғич ўғлининг қирқ бешинчи қолипли туфлисига ишора қилиб: «Ана, Машраббойнинг ботинкасига белаб тебратавер», деди.

* * *

Усмон девона деган тоғамиз бўларди, жинни дейишга кишининг тили бормасди — ўзини имкон қадар поқиза тутар, рўзгор ишларини қойиллатиб уддалар, даврада ўтириб меъёрида овқатланар, қиттақ эрмак қилганингизни фаҳмлаб қолса, анча вақт қаттиқ аразлаб юради. Девона аталашининг боиси — пул деган нарсанинг нималигини билмас, аёл зотига бутунлай бефарқ, уни уйлаш ҳақида гапиришса, бирдан безиллаб жанжал кўтарар, телба куч билан бир кўл урса, ер чопиш, ўтин ёришда дам олмасдан тўрт кишининг ишини қилиб ташларди.

Шу тоғам Риштондаги Махбуба холамникига бориб, уч-тўрт кун меҳмон бўлибди. Қайтаётганда холам

йўлкирага пул берса, «аллақачон тўлаб қўйганман», деб олмабди.

— Кимга тўлагансиз? — деб таажжубланибди холам,

— Олтиариқдан чиқаётганимда Обиджон битта катта пул берувди, — дебди тоғам. — Риштонгача ағдармада¹ да келиб, пулни берсам, ўрис шопир бир нарса деб гужирлаб битта кичкина пул узатди. Мен ўзингда тура-турсин, қайтишимда бепул онкетарсан, деб тушиб кетаверганман.

* * *

Аҳмад қассоб қўйни эндинга сўйиб-саранжомлаб турганда, бир ўғри мушук пойлаб келиб, буйракни олиб қочибди.

— Ҳе, лодон-а, — дея мушукка ачиниб қолибди қассоб, — ўғирлаганинг билан бари бир кабоб қилиб ейишни эпломайсан.

* * *

Уруш бошланган дастлабки ҳафтадаёқ Мозортагидаги кўқнорилар маслаҳатини бир жойга қўйишиб, Наим-камалакни аскарликка жўнатадиган бўлишибди.

— Пошис деганини ўша ёқнинг ўзида иаига қайтар, Наим полвон, — деб уқтиришибди улар. — У баттоллар танкаси билан маҳалламизга кепқолса, кўқнори-пояларни пайхон қилворади-я.

* * *

Қишлоқда Қапчугай қирига сув омбори қурилармиш деган миси-миш тарқалди. Мўътабар хола буни эҳитиб, ўзига ўзи гапираётгандек жавранди:

— Омбор этишмасдан колхознинг буғдойлари яланга ётибди. Сув ер ютгурни қулфлаб сақлашга бало борми?!

* * *

Қишлоғимиз ижроқўмининг Эминжон тоға деган раисини кўпчилик ҳозир ҳам содда, бегидир киши сифатида эслайди.

Мактабни эндинга битирган кунларимда у билан кўчада тўқнашиб қолдим — моторли велосипеди бузилиб, тутоқиб турган экан. Тұзатиб берган эдим, «уста

¹ Самосвал.

экансан, бундан кейин ҳам керак бўласан», деб қишлоқ совети қошидаги кутубхонага мени ишга олди. Фель-шерлик пункити кутубхонага биқиндош бўлиб, мудири Холмат ака билан тушликда бирга ҳордик чиқариб, бирга овқатланар эдик.

Бир куни Эминжон тоғанинг «сири шкафи»га калит топиб, буни тантанали тарзда Холмат акага айтдим. Тўй бошлишга раисдан рухсат олгани келувчилар келтирган ноа-неъматлар шу шкафда сақланарди. Раиснинг йўқлигида пайт пойлаб Холмат ака иккаламиз шкафни беаёв талон қилдик — яхна гўшт дейсизми, писта-бодом дейсизми, мева-чева дейсизми, бари пайдон бўлди.

Тушлик маҳали раис моторни тариллатганича дала тарафдан келиб қолди, орқа эшикдан ташқарига чиқиб, қия очик дераазадан ичкарини кузата бошладик. Эминжон тоға хонада ўзини сал совутиб олгач, шкафга қараб юрди. Ахволни кўргач, лоҳасланганича жойига келиб ўтирди, пича ўйланиб турди, сўнг бор товушда, қичқириди:

— Еқуб! Еқуб деяпман!!!

Ижроқўмнинг ҳарбий ҳисобот бўлимида ишловчи, кўпинча идорада нималарнидир ёзиб-чизиб ўтирадиган босиққина Еқуб ака хонага шошилмасдан кириб келди.

— Лаббай...

— Ҳе, лаббайнингдан ўргилдим. Қилар ишни қипқўйиб... Ҳе нафсингга ўт тушгур!

— Ие, нима қипман?

— Билиб туриб сўрайсан-а,— дея столни муштлади раис.— Нафсингни қара-ю!

Еқуб аканинг ҳам зардаси қайнади:

— Бунча нафсимга ёпишасиз? Нафсимга нима бўпти?

— Нафсингга емадингми... давлатнинг ойлигини? Единг, лекин солиқ тўплашга чиқмаяпсан, ёрдам бермаяпсан. Нима, сени шу идорада анави шкафга ўхшаб туришга олганмизми? Шкафмисан? Ҳе, нафсингдан ўргилдим. Бундан кейин сен ўзингнинг ишингни қил, шкаф ўзининг жойида турсин. Гапнинг маганин чақдингми?

...Холмат ака иккаламиз тўйдан келадиган зиёфатни ийлашни қўймадик, раис Еқуб акани тергашдан тийилмади ва охири уни ишдан ҳайдаб юборди.

* * *

Орадан кўп йиллар ўтиб кетди, аммо «Бурунбой ака» нинг хонадонига кириб қолсан, ҳалиям уер-буерда чўян обдасталар ағаваб ётганига кўзим тушади...

«Бурунбой ака» ўғлини уйлантирмоқда эди. Бир пайт у ичкаридан шарикайф чиқиб келиб, қозон атрофига ўралашиб юрган биз ўспириналарга бир тутам пул тутқазди: «Тезда магазинга бориб икки яшик обдаста опкелинглар, беришмаса менинг номимни айтинглар». деди. Кўп ўтмай қопқоғи жисслаб михланган икки яшик чўян обдастани судраб-итариб тўйхонага кириб келдик. Буни кўриб, «Бурунбой ака» нинг бирдан ранги ўчди, оғиздан боди кириб, шоди чиқа бошлади...

Ўшанда анча ёш эдик, ичувчилар салкам бир лягтрандик новча винони «обдаста» деб аташларини биз қаёқдан билибмиз.

* * *

Шакарқишлоқликлар билан ширинқишлоқликлар футболда беллашмоқчи бўлишибди. Рақибларнинг кучи ҳақида аниқ маълумот йўқлиги учун иккала томон тренери ҳам кучайтирилган ҳимоя вариантини танлаб, командаларни иккитадан ҳимоячи, тўққиатадан дарвазабон билан майдонга туширишибди.

...Айтишларича, судъя ўрнатиб кетган тўп ҳалиям майдон марказида турган эмиш.

* * *

Ширинқишлоқлик bemор шакарқишлоқлик табибдан сўрабди:

— Кейинги пайтда соқолимнинг учи зирқираб огрийдиган бўпқолди. Давоси борми?

— Бор,— деди табиб.— Соқолни қирдириб косага соласиз-да, бир кеча намакобга бўктирасиз. Шундайм оғриса, куритиб ўт қўйинг, дард кўрмагандек бўпкетадилар.

* * *

Шакарқишлоқликлар «қулоғини шунча бурасак ҳам «Америка овози»ни олмаяпти», деб оддий радиокарнайни устахонага кўтариб келишади.

* * *

Ширинқишлоқдаги колхоз товуқхонаси деворий газетасида «Правда», «Известия» каби марказий нашрларнинг камчиликлари тез-тез «уреб» турилади.

* * *

Турсунали аканинг кенжек қизи жуда эркатой бўлиб, ота-онаси папалаб юпатишига хуморланиб, сабаб топилса-топилмаса йиғлашга тутиаркан.

Бир куни у: «Қурчогим қани? Қурчогимни топиб беринглар», деб йиғлашни бошлиган экан, Турсунали ака: «Ана, қурчоғинг орқангда турибди, олиб ўйнайвер», дебди. Қизи қурчоққа бир қараб қўйибди-ю, кейин типирчилиб йиғлашда давом этибди:

— Унда... унда... пайпогим йўқ. Пайпогимни топиб беринглар!

* * *

Ҳали мактабга бориб-бормаган етти-саккиз бола Саримсоқ буванинг полизига ўғирлика кирдик. Биттадан ҳандалакни олиб, човра туйнугидан қайтиб чиқабошлиганимизда: «Хе шамолга тескари қилай сенларни! Тўхта!» деган ҳайқириқ эшитилди. Чекинишни янада тезлатдик. Туйнукдан энг охирида эмаклаб ўтаётган Юрсинбой «Вой бувижон!» деб қичқирди-ю, кетини чангллаганича ҳаммадан олдинга ўтиб, тўғри уйига қараб қочди. Қолганлар мачит ҳовлисига кириб ҳандалакхўрлик қилдик. Кимдир қўзичоғига илиниб, уруғ ва пўчоқларни йиғишириб олиб кетди.

Ажриққа ёнбошлишиб пича қорни силаб ётгач, энди ҳовузда чўмилсакми-чўмилмасакми, деб турганимизда одатдагидек жилд янги сўкишларни ишлатганича ҳовли эшигидан Саримсоқ бува кириб келди.

— Биттанг ҳам жойингдан қимиirlама, энаси тегирмонда айланганлар,— дея бизга тошотар камонини дўлайди у.

Бу камонда беданани миқ этказмай уради, биз нима бўпмиз. Ҳаммамиш шалвираганча туриб қолдик. Аммо пўчоқлар қўзичоққа жўнатилиб, ашёвий далиллар нақтида йўқ қилингани туфайли ҳандалак ўғирлаганимизни бўйинга олмадик.

— Мени алдаб бўпсанлар,— деди Саримсоқ бува,—

Камондан отган тошим биттангнинг думбангга теккан, уни бари бир топаман.

Буйруқقا биноан ҳаммамиз иштонни тиззага туширдик, текширув бошланди. Охирги болага келганда: «Құлға түшінг-ку, мұзда туғилған!» дея унинг этагидан тутган эди, құрқиб кетган ошнамиз: «Думбамга илгари пучак чиққан, үшанинг ўрни бу», деб йиғлаб юборди.

— Құзим яхши ўтмаяпти,— деб «белги» га синчиклаб тикилди Саримсоқ бува.— Ростданам шу пучак хунасанинг ўрними, қаранглар-чи.

Энди күпчилик бўлиб, бир кишининг кетини томоша қила бошладик.

* * *

Қирғизистондаги руда конида ишлаб юрган вақтимда эски синфдошларимдан бири мени йўқлаб келди. Ахвол сўраган эди, «иш оғир, төғ жуда совук, яшаш шароитимиз чатоқ», деб тўғрисини айтиб қўяқолдим.

— Келган экансан, энди чида, ҳаммаси ўтиб кетади,— деди ошнам.

Ҳасратлашишдан фойда йўқлигини сезиб гапни бошқа ёққа бурдим:

— Бодринг олиб келмабсан-да, жуда соғиниб кетдим.

— Ие,— деди ошнам,— ҳали бу ерда бодринг экишмайдими? Унақа бўлса, тезда ишни йиғишири, шуям ҳаётми?

* * *

Комиз хўроабоз билан Шомил хўроабоз эскитдан ашаддий рақиблар.

Бир куни гузарда навбатдаги «чўқиширув» га ҳозирланишибди, маҳалла томошага чиқибди.

— Қаватими, чавати? — деб сўрабди Шомил хўроабоз.

«Қавати»да ютқазганинг катагидаги борлиқ парранда ғолибники бўлади, «чавати»да эса мағлуб хўроэ шўрва бўлиш учун рақибнинг қўлига ўтади.

— Қавати,— дебди Комил хўроэбоз.

Бу сафар Шомил хўроабознинг омади чопибди. Комилвойнинг катаги доимо паррандага жиқ тўла бўлишини кўриб юрган ғолиб бир неча ўспиринни әргаштириб унинг хонадонига кирибди. Қараса, катакда битта-

тина хашаки товуқ шумшайиб ўтирган эмиш, парлари тулаган, на думи бор, на қанот патлари. Бунинг устига чап оёги чўлоқ, ўнг кўзи кўр экан.

Ранги бўзариб кетган Шомил хўроизбоз синчилаб қараса, товуқнинг бўйнига туморга ўхшатиб буқланган қоғоз боғланганмиш. Уни жаҳл билан юлиб олиб ўқиб кўрса, «Пешонаси шўр товуқ бўлмасам, келиб-келиб куним Шомил сўтакка қолармиди», деб ёзилган экан.

* * *

Назар ака ичимликлар оламининг билимдони эди. Гоҳ катта пиёлага лим қўйилган ароқни бир кўтаришда гўлқ этказмай ютишдан гаров ўйнаса, гоҳ шишанинг муҳрли қопқоғини бузмасдан очиб, заводдагидек қилиб қайта беркитиб қўйишдан шарт бойлашарди. Баъзан эса ичимлиги ҳозиргина қадаҳларга қоқлаб қўйилган шишани олиб, косакулга дўқ уради:

— Охиригача қўймай нега исроф қиласяпсан, ўттиз томчи арақ арақмасми?

— Ўттиз томчи? — дея ҳайратланарди косағул.— Агар шундай ўн томчи томизиб берсангиз ҳам «яримта» қарадорман.

Энг силкиб қўйилган шишадин ҳам Назар ака ўттизтадан ошириб албатта томизиб берарди.

Унинг яна бир қўабўямачилиги бор эди. Бир шиша ичимликни уч кишига бўлиш керак бўлса, стаканларни орқасига териб, ҳаммасига теппа-тенг тақсимлай оларди. Кейинчалик бу сирини ошкор этиб, шундай деган эди:

— Арифметикани Назар-пиёнчалик ҳам билмайсанми, пайпоқбоплар. Яримталик шишада йигирма еттига «билқ-билқ» бўлади. Учта етаканга тўққизтадан билқиллатсанг, теппа-тенг бўлишади-қолади.

* * *

Назар акага ножӯяроқ ҳазил қилсангиз, бирдан тумтайиб, дашном берган бўларди:

— Менга бунақа оғир гапирма. Биласан-ку, кечасию кундузи кўнглим «яримта»...

Паульс армияси қуршовга олиниб, қизил аскарлар «оғиз-бурун ўпишиб» юрган кунлар экан. Рота командири фашистлар ташлаб қочган окоп оралаб бораёт-

са, бир блиндаждан нотаниш овоада гурунг таралаётганмиш. Кириб, ротадаги ўзбек аскарлардан тўртбенитаси темир бочкадан суюқлик қўйиб ичишаётганини кўриди.

— Нима бу? — деб сўрабди командир.

Русчани тузукроқ биладиган Мирзаакбар aka: «Спирт, ўртоқ командир», дебди лола-лола бўлиб.

— Қаердан ўмардинглар?! — деб дўқ урибди командир.

Шунда Мирзаакбар aka: «Бу немисники, ўртоқ командир. Келиб, ўа ихтиёри билан асир тушди», дея ўзи на шерикларини оқлашга тиришибди.

* * *

Бўтавой aka колхозга ёзилмоқчи бўлиб борган экан, райижроқўмдан келган вакил унга диққат билан тикилиб туриб: «Босмачиликда қатнашганмисан?» деб сўрабди. «Босмачилик қилганимиз, хўжайин, ўзим таслим бўлганим учун кечириб юборишган», дебди Бўтавой aka. Шунда вакил: «Йўқол, сотқин! Сенга ўхшаганларни отвории қерак эди», деб ҳайдаб солибди.

Ташқарига чиққач, шериклари: «Э, каллаварам, босмачи бўлмаганман деворсанг ўлармидинг», дейишиша, Бўтавой aka: «Ие, олдинги қўрбошимизнинг ўзи сўраб турса, қандай алдайман?» дермиш.

* * *

Тўравой бува ҳалол, хақиқатгўй, айни пайтда чўрткесар, муомаласи терс киши эди. Болалик хотирамда энг мустаҳкам сақланиб қолган хислати шуки, у камдан-кам одамни сизлар эди.

Бошқалардан эшитишимча, бригадирлик, вақтида у колхозчилар ишилаётган жойга бориб, «ҳорманглар» десам сиалаганга ўтади деб хавфсираб: «Ҳорма ҳамманг!» дер экан.

* * *

Сарвинисо бувим айтар эдилар:

— Одам ёшлигиде қандай бўлса, қараганиданм ўзгармас экан. Мана, Файзибай акам хозиргача меҳнатдан қочмайди, укам Қодирвой ҳалиям пўримликни ёқтиради.

Улар ўспиринлик вақтида Дўстмат бува бирон иш бошласаёқ, Қодирвой «хозир намоз ўқиб олай», деркану шу кўйи бутун оғирлик Файзибайнинг гарданига тушаркан.

Бир куни отаси ўн марта иш буюрса ҳам, Қодирвой ҳар гал намозни пеш қиласверибди. Бундан Дўстмат буванинг жаҳли чиқиб: «Намоз дегани кунига неча маҳал ўқилади ўзи?» деб сўраса, Қодирвой: «Бекорчилик бўлса, беш марта холос», дебди.

* * *

Турғунбой ака Марғилонга бодринг олиб борса, ғўдайган бир киши келиб: «Килолаб олишни ёмон кўраман, доналаб сот», дебди.

— Мен килобай сотай,— дебди Турғунбой ака,— сиз санаб опкетаверасиз.

* * *

Буни совхоз директори Хабибулло акадан эшитганман.

Маҳаллага газ тушаётганда, ашё танқислик қипқолиб Қоровул тоғаникига инкичкароқ қувур тортиб киришибди. Бундан ранжиган Қоровул тоға қишлоқ совети раиси Мамадали акага арз қилибди. Раис ундоқ деса — бўлмабди, бундоқ деса — бўлмабди, «бизгам йўғон трубани тортишсин», деб туриб олибди. Охири лўнда қилиб уқдиришга тўгри келибди:

— Тушунсангиз-чи, ахир! Игнанинг тешигидек жойдан,— дебди Мамадали ака ва мушт тугилган билагини биланглатиб кўрсатибди,— нақ мана бунча газ ўтади!

* * *

Сайёр киномеханикка шогирд тушиб юрган давримда (ўзим ҳали мактабда ўқир эдим) лўлилар маҳалласига биринчи марта кино олиб бордик. Ҳаммаси аппаратга юзланиб ўтириб олишган, томоша бу тарафда бўлади. деб экранни кўрсатдик.

— Ишонманглар, ўзбак алдаб қочаде,— дея маҳал-ладошларига мурожаат қилди бир лўли.— Шаҳарга борганда ман кўрган, ана бу дурбинга қараб ўтирасан, «чирқ» этаду, қандай турганингни қағозга ўшандай қотириб бераду...

* * *

Иш тополмай қийналган шаҳарлик бир йигит, Олти-ариққа келиб колхоздан ижарага ер олибди. Тарвуз эккан экан, ёзга чиқиб қарасаки, ҳаммаёқни ошқовоқ босиб ётганмиш.

— Сен билан тарвузга шартнома тузганмиз,— дебди агроном.— Ошқовогингни пишириб е.

— Менга ўргатманг,— деб гердайибди шаҳарлик йигит,— қайси аҳмоқ хомича ейди!

* * *

Армияда бир воқеани грузин дўстларимга айтиб берганимда, қотиб-қотиб қулишган эди.

Тўққизинчи синфда кечки мактабда ўқиганман. Бир куни бизга адабиётдан янги ўқитувчи кириб, «фамилиям Нодирадзе, миллатим озарбайжон», деди. Бизга фамилияси эриш туюлганини сезиб, «аслида Нодировман, лекин Грузияда туғилганим учун Нодираде бўпқолганман», деб изоҳ берди.

Шунда бир ўқувчи: «Шимпанзе ҳам «метрика»ни Грузияда олган эан-да, деб луқма ташлади.

* * *

Жўрак тарафда яшайдиган Раҳматулло деган йигит эрталабдаёқ «четушка»ни очиб, эндигина бир пиёла отиб турган экан, кўча эшикдан тоғаси кириб келаверибди. У шоша-пиша шишанинг оғзиға пўк тиқиб, костюмининг ички чўнтағига яширибди.

Пича уёқ-буёқдан гаплашиб ўтиришгач, тоғаси шолчага белбогини ёйиб, намоз ўқишига ҳозирланибди.

— Нима, ичитни ташладингизми? — деб сўрабди Раҳматулло.

— Шаробнинг ўзи эмас, кайфи харом,— дея жавоб қилибди тоғаси.— Худога вақтида ибодат қиптурсак, майда-чуйда гуноҳ ювилиб кетаверади. Қани, ёнимга кел-чи, жиян, намоз ўқишини билмаган одам билганинг ёнида эгилиб-чўккалаб турсамя, ярим савобни оларкан.

Раҳматулло тоғасининг юзидан ўтолмай ёнига бо-

риб, нима қилса, шуни тақрорлаб тураверибди. Бир галги эгилишда қўйнидаги шиша «дўп» этиб шолчага тушибди. Худди шу паллада тоғаси унга юз буриб, «Ассаламу алайкум во раҳматулло-о», деб қолибди.

Раҳматулло арақли идишни қайтадан қўйнига тиқаркан, тоғасига қараб: «Тўғрисини айтсам, менга қирқ марта салом берганингиздаям, ярим шиша «четушка» бари бир иккаламизга етмайди», дебди.

* * *

Дунёда бирор булбулнинг, бирор какликнинг, яна бошиқаси бедананинг сайрашига ишқибоз. Полосонлик Норбанги эса итнинг вовуллашини ҳаддан зиёд хуш кўраркан. Қарияларнинг эслалича, у каттакон кўппакни темир қафасга солиб, баланд тол шохига арқонда тортиб иларкан-да, кўрққанидан тинмай вовуллаётган итнинг товушига маҳлиё бўлиб: «Оҳ-оҳ-оҳ, ҳа, овозингдан аканг!» дея сояда ҳузурланиб ётаркан.

* * *

Болаликдаги ошналаримдан бири ҳофиз фермада ассеминатор.

Бир куни райондан келишиб, фермада аттестация ўтказишибди. Имтиҳондан йиқилгач, ишдан ҳайдаб юборишларидан чўчиб, тўғри менинг олдимга чопибди.

— Ўзи қанақа савол беришди сенга? — деб сўрадим ундан.

— Институтни битирганларниям қийнаб қўядиган оғир савол беришди,— дея пешонасини тириштирди ошнам.— Эстон сигирлари қайси республикада етиширилади, деб сўрашди-я!

* * *

Шакарқишлоқнинг ўқувчилари география ўқитувчисидан: «Нега қишлоғимизда биттаям денгиз йўқ?» деб сўрашибди.

— Чунки биздан кема қурадиган усталар етишиб чиқмаган,— дебди ўқитувчи.

* * *

Ширинқишлоқдаги мактабда эса шундай савол-жавоб бўлиб ўтган экан:

— Домла. Америкадан қишлоғимиизга сим тортил-

ган бўлса-ю, унга хўт¹ берилса, бизга қанчада етиб келади?

— Бу хўтнинг сортига боғлиқ.

* * *

Шакарқишлоқнинг магазинида якшанба кунлари қўй-эчки ҳам сотилар эмиш.

* * *

Ширинқишлоқдаги муҳташам бино пештоқига «Ўз-ўзига хизмат қилиш медпункти» деб ёзиб қўйилган дейишади.

* * *

Ўнинчи синфда район марказидаги кечки мактабга қатнаб ўқиб, кундузи пахта заводида трактор минар эдим. Олим мўйлов деган неварали киши эса ҳам тракторчи, ҳам иккала тракторга механик ҳисобланиб, бари бир мен билан тенг маош оларди.

Бир куни Қобил бойваччанинг чойхонасида тушлик қилиб ўтирсам, Олим ака қуюкканича ёнимга келди.

— Пахталар чириб кетяпти, ҳов, — деди у қўлини шоп қилиб. — Қуритиш цехига ташиб улгурмаяпман. Сен икки соатдан бери йўқсан.

— Тракторим бузилиб ётибди, — дедим.

— Нима бўлди?

— Қаёқдан билай, бирданига ўчиб қолди.

— Ие, нега билмайсан? — деб ўшқирди у. — Праванг борми ўзи?

Мен унинг кўаига пича тикилиб туриб: «Правам бўлса, механиклик амалини сизга бериб қўярмидим», десам, у дафъатан шаштидан тушиб: «Қаерда ўзи тракторинг, уни механик аканг тузатади-да», деб ҳаволанганича енг шимарди.

* * *

Кўшни шаҳардаги қайсиdir ресторонда, талабгор жуда кўп бўлган учун, фақат бир ярим соатгача ўтиришга рухсат берилар экан.

Буни эшитган Назар-пиён: «Агар истасам, официантка ўзи илтимос қилиб, мени икки соат олиб ўтиради», деса, «шаҳарнинг ҳокими бўлсанг ҳам, бир ярим соатдан бир минут ўтказмай ковушингни тўғрилаша-

¹ Ток

ди», деб қулишибди. Назар-пиён улгуржироқ нарсага гаров ўйнагач, эртаси тўрт киши бўлиб шаҳарга отла-нишибди.

Айтилган ресторонга кириб, улфатчиликни роса ўринлатишибди. Бир ярим соат бўлишига икки-уч минут қолганда официант аёл келиб, ҳисоб-китобни бошлабди, 78 сўм 70 тийинлик чўт қоқибди. Шунда Назар-пиён қўйинидан каттакон халта чиқариб, «хаққингизни санаб олинг», дебди. Халтада ҳаммаси бир тийинлик тангадан иборат юз сўм пул бор экан. Аввалиги официант бунаقا пулни олмайман, деб анча тихирлик қилибди, директор келиб аралашгач, можаро хўранданинг фойдасига ҳал бўлибди.

— Тезорқ, опохон, бизнинг зарур ишимиз бор,— деб тиқилинчни кучайтирашиб Назар-пиён.

— Санаб бўлганимча пича шоппай туринг энди,— деб илтимос қиласмиш официант.

Ниҳоят керакли пулни олиб, саноқни тугатибди. Энди Назар-пиён қайтими тўғри-нотўғрилигини билиш учун қолган тангаларни биттадан ҳисоблашга киришибди...

Шундай қилиб, уларнинг ресторондаги ўтиришлари икки соат тўрт минутга чўзилибди.

* * *

Колхозда граждан мудофааси штабининг бошлиғи эдим. Бир куни сиёсий сабоқقا йигилдик. Эзма маъру-зачининг сафсаталари жонга тегиб, баъзилар ўзаро ғужирлашиб ўтиришганда, муаллим кексароқ табелчи-га: «Нега гаплашиб ўтирибсиз, олим бўпкетдингиами?» деб қолди. «Ҳеч бўлмаса айтинг-чи, әзилувчи синф деганда, нимани тушунасиз?» дей гап қўшиди яна.

— Эзилувчими?! — деб жағ сийпалаб қўйди табелчи.— Эзилувчи синф деганда... хотинларни тушунамиз.

* * *

Қапчугайлик киши бозорда полосонликнинг устидан ара қилди:

— Ҳў, мелиса йигит. Қаранг, манави қирриқ мени бошқа тилда сўқди.

— Нима деб сўқди?

— Жуда ёмон сўқди... менимча.

— Нима деди, ахир?!

— Фижиниб туриб, «Абдубоймат» деганга ўхшаш гапни ишлатди.

* * *

Шу тахлитдаги яна бир воқеани бригадирим Мўсо ака айтиб берувди...

Бир куни унинг бригадасига райондаги хўжайинлардан биттаси келиб, анча пайкал кезибди. Четки бўлакдаги гўзалар сувсизликдан қонжираб ётганини кўргач, фонени ошиб, сувчига: «Гўзаларни нима қипқўйдинг?» деб бақирибди. Сувчи индамай туравериди. Бундан хўжайиш баттар жаҳлланиб: «Сволоч!» дебди-ю, жўнаб қолибди.

Сал ўтмай колхоз раиси етиб келиб, хўжайнин ималар деганини суриштирибди.

— Гўзаларни ортиқча чанқатиб қўйганимиздан жуда хафа бўлди, — дебди сувчи.

— Кейин-чи? — деб тоқатсизланибди раис.

— Кейин... ортиқча уришмади, — дея жавоб қилибди сувчи. — Сув олиб ич, деб маслаҳат бериб кетди холос.

* * *

Одамзотнинг феъли қизиқ. У ёки бу янги нарсага узоқ вақт безиллаб қараб юради, кейин кўнига бошлиди, охири мазахўрак бўлади.

Эллигинчи йиллар охирлаб бораётган пайтлар эди чамаси. Дадам мени район марказига бошлаб бориб, туфли олиб берди, кейин йўл-йўлакай қандайдир идорада (райижроком бўлса керак) ишлайдиган амалдор ошнасининг олдига кирди. Оқ кителли бу киши дадам ва мен билан қуюқ кўришгач, ҳузурида ўтирган пўримроқ чол билан сұхбатни давом эттирди.

— Йўқ, болам, — деди чол, — ўғлимни тинч қўйинглар, кейин унга бирор қизини бермай қўяди.

— Буёғидан ташвиш тортманг, — деб далда берди оқ кителли киши, — хотинниям ўзимиз топиб берамиш.

— Ўғлимни ўйламасанглар, мени ўйланглар. Маҳаллада қандай бош кўтариб юраман?

— Халқни деб, давлатни деб колхоз тузишда ярадор бўлганингиз эсдан чиқибди-да? Қорин тўйиб, энди ҳукумат керак бўлмай қолдими? Шу гап келиб-келиб сиздан чиқяптими?

Чол: «Ҳукуматимизга шунчалик керак бўлса, ни-

маям дердик», деб ўрнидан турди, чиқиб кетаётіб пешонасини тириштирганича қўшиб қўйди: «Бари бир обрўйим расво бўлди-да».

Раҳбар унга таскин бериб: «Райондаги энг таниқли кишиларнинг ўғилларини ҳам шу ишга жалб қилдик. Так что, битта сизнинг обрўйингиз расво бўлгани йўқ», деди.

Кейин дадам сўраб-суроштиргач, маълум бўлдики, гап район милициясини ёп кадрлар ҳисобига мустаҳкамлаш ҳақида бораётган экан.

* * *

Шакарқишлоқлик адабиёт ўқитувчisi ўқувчиларга фахрланиб уқтиради:

— Ўзбек тилидан бошқа тилларга жуда кўп сўзлар ўтган. Кечаша шаҳарга борсам, янги ҳаммом ишга тушибди. Номи — «Сауна». Дарров пайқадимки, бу ўзимизнинг «совунли» деган гапдан келиб чиқсан...

* * *

Бўри инига яқин жойдаги чорвага зиён еткизмаганидек, ўғрилар ҳам ўзи яшаб турган ўрамда ҳеч нарсага кўз олайтиришмайди.

«Чўлоқ» ўғри умрида бирон марта қишлоғимиздаги чўпгаям тегмаган. Аммо унинг битта камчилиги бор эди, яъни қайси хонадонда тўй бўлса, тўёнага келган қўйлардан бирини томорқа тарафдан ўмариди чиқиб, эпик томондан гердайганича ҳайдаб келарди:

— Ҳў, камбағал, совғамизни онқўй!

Бу энди иззатталаблик, холос.

* * *

Файзиобод тарафда бир-бирига ҳамсоя икки дурагор яшар, бирори дадамнинг оғайниси эди.

Бир куни дадам унинг борса, дастаррасини куйиб-нишиб эговлаб ўтирганимиш. — Намунча ярқиратвормасангиз? — деб сўрабди дадам.

— Анави уста қўшним кўп жиғимга тегяпти, — деб жавоб қилибди оғайниси, — шуни ўлдиրмасам бўлмайди.

Дадам: «Ие, одам ўлдирадиган киши пичоқ қолиб аррани ўткирлайдими?» деса, оғайниси: «Буни қўшнимга бир кун ишлатгани бериб турсам бас, ҳасаддан ўзи ўлиб кетади», дермиш.

* * *

Назар ака билан Мирақанд ака Қўқонда кайф қилиб тентираб юришиб, қаерданdir келган саёhatчи-ларга аралашганича Худоёрхон қасрига кириб қолишибди. Назар ака Худоёрхон тахти қайси томондалиги-ни экспуроводдан сўраб олгач, икки улфат ўша ёқса бурилишибди.

— Э, жуда бало бўлганда, бу Худоёрхони, — дебди Мирақанд ака хонага кираётib. — Мана ман деган қизларни йигволиб, роса давр сурган-е.

— Шунаقا шилқимни ким подишо қилган ўзи? Үргилдим ўша Худоёрхонингдан!

Назар ака яна нимадир демоқчи бўлган экан, хонани гулдиратгудек: «Нима дединг, тилинг кесилгур?!» деган товушдан сесканиб, тарашадек қотиб қолишибди. Қарашса, тахтда зийнатдор кийимларга бурканиб олган хон ўтирганимиш.

— Нега мени шилқим деб ҳақорат қиляпсанлар? Ҳозир иккалангниям дорга тортаман! — деб дўқ урибди у.

Биринчи бўлиб Мирақанд аканинг кайфи ёзилиби-ди. Таъзим қилганича тиз чўкиб: «Биз итларни кечи-ринг! Қолаверса, сизни сўккан мен эмас, анови чаласа-вод», дея шеригини кўреатибди. Назар ака ҳам ўаига келиб, эмаклаб борганича хоннинг этагини ўпибди: «Бу пиёнистанинг гапига ишонманг, биринчи бўлиб сизни ўзи кавлади», деб йиглаб юборибди.

Шу пайт хонага қора кўзойнак таққан шапкали киши кириб келиб, хонга ўшқирибди:

— Бу ерда нима қилиб ўтирибсиз? Бир соатдан бери ахтараман сизни. Эрталаб айтувдим-ку, бугун съёмка ҳовлида бўлади деб...

* * *

Район газетасида ишлаб юрганимда, редакциямиз яқинидаги ҳовлилардан бирида ўта сулув келинчак пайдо бўлди. Пардалироқ қилиб айтганда, ҳаммамиэ унга ҳавас билан қарадик.

Бир куни тушликка бораётсак, ўша келинчак ҳовли-дан чиқиб қолди — ёноги шилинган, юз-кўзлари мома-талоқ...

Келинчак орқароқда қолгач, Абдумалик ака дегани-миз афсусланиб бош тебратди.

— Оббо бесаводлар-ей, жуда бузиб таҳрир қилишибди!

ପୁରୁଷୀହାତ୍ମକ ପ୍ରକାଶ



СОТТИ САТАНГ ҲАЕТИДАН ЧОЙХОНАДА

Буёқقا ўтири, гражданин Абдукарим. Пажалиста. нондан ол. Ие, сеники қаймоқли патирми дейман? Иссикқина дейсанми? Нү, нү! Қани, ўшани ушатгинчи бўлмаса.

Хў-ў-ш, ҳалиям далаларни гуллатиб юрибсанми? Тракторинг қалай, тракторинг? Фильтрни тез-тез янгилаб турсанг бас, мотор эшакдай ишлайверади. Вот, асосий масала қаерда!

Техникани сувдек биламан: ўттизиинчи йилларда МТСга директор бўлганман. У пайтларда колхозларга трактор берсак, оёғимизни тагига тую сўйишарди. Биз тияни еб тамомлардикки, тошбақанамо тракторлар десанг битта картани шудгордан чиқаролмай хуноб қиласарди.

Даже қирқинчи йиллардаги тракторларниям ҳафсаласи сустроқ эди. Ўзи техниканинг аҳволи нима-ю, улардан тўғри фойдаланмагансан деб мендек одамни ишдан уришди. Шуми собиқ кавалерисга оқибат дедим-у, юқорига қаратиб хат юмалантирдим. Анчайин урдисурдидан кейин колхозга раис бўлволдик.

Ақлли одамнинг душмани кўп бўлади: эллигинчи йилларда пайт пойлаб туриб яна тагимга сув қўйиши. Бош табелчиликка тушдим. Аммо шуниям кўришолмади, ичасан деб бўйнимга айб қўйиши-я. Энг прастўй баҳона, тўғрими? Агар ичмаганимда, чекасан ёки бошқа нарса қиласан деб ковушимни тўгрилашарди бари бир.

Хўп, харашў, айбимиз ҳам бор деяйлик. Хўш, мен билан сени тергайдиганлар ўзлари ичишмайди деб ўйлайсанми? Ҳхў-ў-ў, ўзлари бундан баттар ишларниям қилишади. Масъул постларда ишлаганман, ҳаммаси тирноғимни устида. Ҳамма гап шундаки, ўша қалбаки покизаларни палахмонга солиб иргитиш учун ҳозирча етарли фактимиз йўқ.

Агар заметка қилиб юрган бўлсанг, кейинги пайтда

ўзимизга ўхшаган ватапарварлар четда қолиб, замон шоирники бўп кетибди — сатрига қараб пул ишляяпти. Тунов куни почтага кирсам, қўшнимнинг тўққизинчида ўқийдиган муштдеккина қизи битта капитансиюнга узатди-ю, давлатнинг бир неча сум маблагини ўзлаштириб кетди. Суришириб кўрсам, бу зумраша ўнинчидаги ўқийдиган ўспириналрга атаб шеър ёзиб тураркан. Ана сенга тараққиёт!

Почтадан чиқдиму тўғри магазинга кириб учта қалам, ўнта дафтар олдим. Ҳеч шеър ёзиб кўрганимисан, гражданин Абдукарим? Ёзиш-ку чепуха, энг қийини уни публикация қилиш. Газетачилардан таниш орттирмасанг, ўлсаям босишмайди, вассалом. Вот, асосий масала қаерда.

Район газетасига кечанинг ўзида тўртта газал олиб кирдим. Бирини ўпоқ, бирини сўпоқ қилишди. Қани энди шунақада поччанг газетада ишласа-ю, ёзганларингни оланг орқали узатиб тураверсанг.

Бошингни ортиқча кампасир қилмай, яхшиси газалларимдан биттасини сенга ўқиб бераколай. Алангламай, буёққа қулоқ сол:

Қора қопинг бурнингда туташибди-ку,вой дод,
Причўсанг ўзингга ярашибди-ку,вой дод.

Осмондаги турналар жойида таққа тўхтаб,
Сув тагидан бақалар қарашибди-ку,вой дод.

Сотти Сагатович Суннатовни адо қилма,
Бошқа ошиқлар бирлашибди-ку,вой дод.

Ўзи лўнда, мазмуни жудаем чуқур, тўғрими? Газетадаги буйракратга шуям ёқмади. Янгишмасам, кейинги пайтларда у мени вапше кўролмай боряпти. Чунки ўзи бундан ўткашиб ёзолмайди-да.

Шунақа ноҳақлик қилишаверса, бир кунмас-бир куни ёзишни шартта тўхтатиб қўйишим мумкин. Ҳўш, унда нима бўлади? Газетачиларингга қолса-ку, битта шоирнинг камайгани фойда. Лекин одамлар-чи? Шўринг қурғур оддий одамларга мендек газалхонни ким топиб беради? Вот, асосий масала қаерда.

Нега бунақа бетоқат бўляпсан? Газалнинг мағзини чавқолмадинг шекилли, гражданин Абдукарим? Хижолат тортмай қўяқол, сен-ку тракторчисан, бунақанги

маңнодор ғазални ҳатто биринчи класс шофёрларингам дарровда тушунавермайды.

Ха, айтгандай, ўзинг ҳам шофёр бўл кетмасайдинг. Машинада кўп пахта териб, мукофотга «Жигули» олганмишсан? Маладес, эшитиб хурсанд бўлдим. Биз отда чопиб юриб шундақа ажойиб замонни қуриб қўйдик, сенлар даврни суравер энди.

Машинанг шу атрофдами ўзи? Оёгини қўриб қўйсак қалай бўларкин? Ғир этиб пивохонага борамизу, бир-иккитадан крушкани бўшпатиб, баҳонада машинаниям ювган бўламиз. Рулдаман десанг, майли, сени улишингниям ўзим оламан. Энг муҳими — пиво тугаб қолмаган бўлса бас. Вот, асосий масала қаерда.

КЎЧАДА

Ўв, гражданин! Граж... Фассолвоймисан? Мўйлов муборак. Зўрга танидим. Хиёл қори дастлаб соқол қўйганида, ити таниёлмай илгидан олганди.

Ваше, менам сени ёшингда мўйлов қўйганман. МТСга директор эдим ўшанда. Ҳалиям қора экинга сувчидирсан? Ничево, ука, ҳаммасидан муҳими — танисиҳатлик. Вот, асосий масала қаерда.

Қўлингдаги сўмкадан хулоса чиқариш мумкинки, магазинга қараб кетяпсан. Танлаган йўлинг тўғри, кутубхонаю дўконларга тез-тез бориб, халқаро аҳвол билан ички савдони кузатиб туриш керак. Мен дунёни кўпроқ телевизур орқали пайпаслаб бораман. Яқинда бир аперис... то ест, атейис бола чиқиб, баъзи таниқли авлиёлар ҳам тўрттадан хотин олган, дейди. Значит, улар анча ошириб юборишган. Мана, биз ҳатто колхозга раис бўлиб, икки марта чимилдиққа киришга зўрга ҳаддимиз сигди. Учинчисига оғиз очганимизни биламиз, фирқалик билетимиз «пир-р» этганича марказга учди. Анча-мунча дон сепиб кўрдик, қайтиб келмади.

Ўшанда кимга киннам кирганини топ-чи. Ўтган йили буғдойингни қайси чумоли ўғирлаганини топсанг топасанки, бу ипнинг учиға етолмайсан.

Бўпти, ўзим айтақолай: ҳозир тепангда бармоқ сараклатиб турган Зайтун Фирдавсовна у маҳалларда орқамдан пизиллаб юрарди. Илжайма. Бугунги аҳволимга қарайсан-да? Ошиқлигимдаги туришимни кўрсанг — хиром этикдек тарсиллайман. Гиламга оёқ

артиб, қопдан ҳамён осган даврларим. Зайтун опангни сўрасанг, маданият уйида биринчи нўмирли ўйинчи. Айниқса «Танавор»га йўргалаганда, поездни релсидан чиқарворарди.

Холадим та етдим деганимда, севгим хаzon бўлди. Пешнамага шу таннознинг портрети чизилмаган экан, ука.

Ўша фожиага аatab бир шеър қоралаганман. Мен ўқиб берай, сен қўлингга рўмолча олиб эшишиб тур.

Кулоқ сол, эй Зайтун отли санам-мў-ў, санам,
Кўпни куйдирдинг, ёндим менам-мў-ў, менам.

Бу оламда ўзим лойиқ эдим-ку васлингта,
Заказнўйдек менбоп эдинг сенам-мў-ў, сенам.

Сотти Сагатович Суннатовга знадек табаррук здинг,
Бизни айрдилар... Вой, знам-мў-ў, знам!

Маладес, гражданин Ғассол, дийданг қаттиқ экан, ийғламадинг. Юрагинг гиппа ушлаб қолишидан қўрқиб турувдим. Чунки, буни хотинимга ўқиб берганимда, қориб турган хамирига боши санчилганича кимирламай қолувди.

Тақдир экан, Сотти аканг Мажнуиликка ярамагандан кейин Зайтун опанг ҳам Лайлиликни йиғишириб, депутат бўлпкетди. Баттол раҳбарлар шундай нарсани ишлатиб қаритишиди. Менга текканда, уйда бўрсиқдек бўлиб кашта тикиб ўтиради. Вот, асосий масала қаерда.

Сени нега тўхтатдим ўзи?

Ҳа, айтгандай, агар магазинга кетаётган бўлсанг, кичик бир хизмат бор. Қоғоз тугаб қолиб, эрталабдан буён ўзимни қаерга осишни билмай юрибман. Ке энди, дардимни олгин, ука. Ортган майда пулингга тўрттагина дафтар опкелиб берсанг, шеърхонлар келгусида сенга завўтнинг мўрисидек ҳайкал қўйишади. Қўрқма, ҳақингни еб кетмайман. Биронта ғазалим босилса, гонорардан узилиш бўлпкетармиз...

Нима дединг? Медпўнкта кетяпман? Нозикроқ жойингга чиққон чиққандир-да? Ие, баданингга эшакем тошган бўлса, медпўнкта бало борми? Кечаси оғилхонага кириб, этагингда эшакка ем берсанг, тошмала-

1 Фарғонада ЗАГСни холадим (хохладим) ҳам дейишади.

ринг уч кунда қайтади. Мабодо эшак топилмаса, майли унда дүхтирга бор.

Междурочим, Хиёл қорига учрашсанг ҳам бўлади. Дами ниҳоятда ўткир — «куф» деса кални тузатади, «суф» деса СПИДни.

Хой, шошмай тургин...

Э, бор-е, билганингдан қолма-е! Аслида-ку сенга ўшаганларга нутқимни хор қилмаслигим керак. Лекин анқов гражданларни кўрганда, «Э, хўп!» деб қўйиш шоир халқининг бурчи. Вот, асосий масала қаерда.

РЎЗФОРДА

Шундоқ қилиб, хотингинам, паловниям урвондик. Байрамингта путур етмасин деб тузи пастлигини айтиб ўтирамидим.

Қанақа байрам деганинг нимаси? Биласан-ку, ҳар пайшанба-боаор уйимизда шеър базми...

Қаёққа, ҳов? Ҳе, тезда рангинг ўчмай ўлгур! Қимирлама деялман! Нима, битта ўзимга керакми ижодим? Сен паразитлар маърифатли бўлгин деб, кечаси билан қиличнинг тигида юриб чиқаман. Дорбоздан фарқим шуки, у оёқдан тойиши мумкин, мен тилдан. Ўтири яхшиликча! Қани, эшитмай кўр-чи!

...Ҳа, гап мундоқ бўпти, гражданин хотин. Майли, хоҳласанг парқувга ёнбошла. Аммо пинакка кетсанг, хафа қиламан. Қапгир қозондаю, шоир муҳлислар орасида истарали. Вот, асосий масала қаерда.

Бурноқ куни нега қорним гижимланди, биласанми? ӽашанда Бўстон чўлоқ бир арбузни «ёр-ёр» билан кўтариб кепқолди. Гузарда бўғиэлаб едик. Кечаси азобини тортгандан кейин билдимки, пўчогидан уруғигача гиртдори экан. Мана сенга электропикация плюс химизация!

Ана шундан тажангланиб, передавўй гражданский руҳда ўткир нарса ёдим. Чойни хўриллатмасдан, қулоқни динкайтири.

Магааинга келибди арбуза, э маладес,
Сотибди уни Назар кўк кўз, э маладес.

Битта арбуза олиб сўйсанк, гиж-гиж селитра,
Қўрқмай едик қип-қизил туз, э маладес.

Сотти Сагатович Суннатовга иситма чиқди,
Келақол, дүмбоқ дүхтир қыз, э малвдес.

Эснама! Эснама деяпман! Ҳа, әсизгина шеър. Сенларга «Сўнгги ахборот» ҳам ҳайф. Энди билдимки, тўртта хотин олганлар тўғри қилган экан. Охири биттаси эслироқ чиқади-да.

Ҳалиям кечмас, мени шунаقا хўрлайверсанг, бошига китоб қўйиб ухлайдиганини ахтариб шартта уйдан жилвораман. Кичкина шу қишлоқда янги Амирийни етиштирган худо, водий бўйича бирорта Нодираниям яратгандир.

Воҳ, пешонам қурсин! Адабиётни-ку эчки қарамни билганчалик биласан, ҳеч бўлмаганда девонимни оққа кўчиришни эпласанг экан. Ўзингга маълум, почерким анча белардоз. Адабиёт газетасига шеър юборсам, уёқдан хат келди: «Чизиб жўнатган расмингизга тушиунмадик», деб. Бошқа газетадагилар бўлса: «Бизга атаган нарсаларингизни рус алфавитидаги ёзинг», дейишибди. Худди оламда ўзбек алфавитиям бордек гапиришади. Охири битта машқимни Бўхалчанинг неварасига диктўпка қилиб, «Еш куч»га қаратиб ҳайдадим. Кўп ўтмай: «Шеърингизни олдик, лекин ёшлилар ҳақида бўлмагани учун қолдирилди», деган жавоб келди. Хатни ўқиб, суюниб кетдим — юборган нарсам шеър эканлигини ниҳоят тан олишибди. Шеърим борлиги исботландими, демак шоирман. Вот, асосий масала қаерда.

Мана талабларингга биноан деб, ўша жўрнолга мос газал битиб қўйдим. Бунисиниям яйраб эшишт.

Бир камсамўлкани севдим, сукланиб турсам турай,
Уйланиб, яхши йўлга шу қизни бурсам бурай.

Оҳ дедим, сўнг воҳ дедим, фортичкадан бир боқ дедим,
Мактабнинг деразаларига мўралаб юрсам юрай.

Ишқ йўлида таваккал қил, Сотти Сагатович Суннатов,
Шартта этикни чўткаласа камсамўлга кирсам кирай.

Ву, паразит! Ву, паразит! Хуррак отяпсан-ку! Тумов-пучқоқлигинги пеш қилма. Нима, оддий бурун тортишни хурракдан ажратолмай қолдимми? Ижодкорлар айн моментда любой нарсани пайқайди. Ҳе, бамаза чопончангдан ўргилдим!

Бизга жуда увол. Шоир зоти борки, шүрликни сенга ўхшаган зимиstonлар гумдон қилади — гоҳ юракни кемирасан, гоҳ асабни. Мен дастингдан ҳалок бўламан, сен ажали билан кетди деб дезинформация тарқатасан. Ўлимдан-ку қўрқмайман, аммо келиб-келиб сен пошишакка қурбон бўлганим алам қилади. Ҳаром ўлганга яраша, Амирий ошатган ошдан тиқилиб ўлсанг. Вот, асосий масала қаерда.

РЕДАКЦИЯДА

Ҳа, бетгачопар, ҳалиям абадий ходим бўлиб ўтирибсанми? Номни жуда топиб қўйишган-да, мингта шоир газетангда шеърини чиқаролмай ўлиб кетади, сен юз йил шундай тураверасан.

Сенда инсоф борми ўзи? Душанба куни ташлаб кетган шеърларимни сепанбадаёқ конвертга тиқиб уйимга жўнатибсан-а. Жигифлодонни ўйласам, олдингга келиб ўтирмасдим, шеърхон гражданларга куйиндим. Чунки санъат — ҳалқники. Вот, асосий масала қаерда.

Мана, ёзган хатингни қара, хўроziқанд ўрашга арзимайди. Яна «Ўртоқ» деб бошлабсан. Сендақаларга ўртоқ бўлиш ўёқда турсин, аталахудойигаям бирга бормайман.

Гапни чўзмайлик, менга чесний айт, давлатимизга дўстмисан, ё ички контурмисан? Қайта қуриш ҳақидағи шеъримни мажақлаш учун осмондан парашўтсиз ташлабсан-ку. Буни бошқатдан бир эшитиб кўргин, актуваллик бундан ортиқ бўладими?

Нокулайдир тўполонда молга ўхшаб четда туриш,
Турғунликка қарши бирдан эълон қилсан керак уруш.

Афсус, ҳалиям вёлларда ошкоралик етишмайди,
Мазмуни тўқ савол берсак, яхши эмас гапни буриш.

Бордир Сотти Сагатович Суннатовнинг бир орауси,
Уям бўлса, товуғининг катагини қайта қуриш.

Шундай пролетарский наэм турганда қандайдир Рангин Ғамгии деган боланинг таъзияга ўхшаган шеърини босиб юрибсан. Ўша шоиринг топган ваҳима шуки, бир содда деҳқон бутефоснинг таъқиқланганидан суюниб, япондан келтирилган бошқа заҳарнинг идиши-

ни ногора қилиб чалаётганмиш. Шу хайрон қоладиган гапми? Ҳаммага маълум-ку — нима, капиталистлар бизга заҳар жўнатмай, асал жўнатармиди?

Э, ўчир попирисингни, олдингда одам ўтирибди. Ўзинг пўстакдан сал каттароқ районнинг рўмолчадек газетасида ишлайсан, бурнинг намунича булутда? Агар областда ишлаб қолсанг, отанг пропускасини кўрсатиб гаплашаркан-да?

Ўчдими попирисинг? Энди ҳушиングни жамла, сенга ёқмаган манави ғазалнинг магазини ўзим чақиб берай.

Самалўтлар учиринди турганда тайёр лайлак, э-вон!
Бозорда картишка кам, подприлавкадир чойнак, э-вон!

Коронулдан министргача ҳалқ мулкини талаб ётар.
Охири аспал кўчаларниям ташиб кетишса керак, э-вон!

Яна зўр гапларни айтардим, ажойиб жувон ўтиб қолди,
Сотти Сагатович Суннатовга бериңг кўзойнак, э-вон!

Бир қарашда — кичкина асар, лекин қамровнинг кенглигини қара: бўлар-бўлмас ихтиrolар қилаётган олимларга кесатиқ, сабзавотчиликнинг бугунги аҳволи, савдодаги найрангларни чўчитмай фош этиш, ҳукумат раҳбарларини ташмочиликдек катта хавф мавжудлигидан огоҳлантириш ва ниҳоят гражданча пок севги таронаси.

Шундай нарсани тушунмай, «бу шеърни ўз-ӯаига танқид руҳида қайта кўриб чиқишингиз керак», дебсан. Лоақал «илтимос қиламан» десанг, тилингга чечак чиқармиди? Бўйинга галстук таққандан кейин юмшоқсўз бўлишгаям чидагин-да. Мана, бизда галстук йўқ, хоҳласак айниб сўкинамиз, хоҳласак шапалоқ тортвoramиз.

Ха, бўпти, ўша ўз-ӯзини танқидингдан келиб чиқиб, баъзи шеърларда битта-яримта камчилик ҳам бор дейлик. Аммо айни қаҳратон арафасида пелетон-газалимни брак қилишга қандай қўлинг борди?

Қиши кепқолди, фермаларни тузатиш керак, анқовлар.
Том билан ром бор-йўқлигини кузатиш керак, анқовлар.

«Ватандан сутни аямант, ўртоқ сигирлар!» дебон
Бузуқ деворни шиор билан беатиш керак, анқовлар.

Сотти Сагатович Суннатов дер: гарёғ кутар шаҳарлик,
Ўзинг ема, уларга узатиш керак, анқовлар.

Яна афtingни тириштирасан-а. Ҳов, нега биронтанг Сотти Сагатовични тушунолмайсан? Айбим ўзимга хослигими? Диндан путур кетишига сабаб шуки — Исадан бошқалар Исо, Мухаммаддан бошқалар Мұҳаммад бүлолмади. Агар индамасдан юраверсам, сенлар ҳам охири адабиётни касодга учратасан. Вот, асосий масала қаерда.

ТҮЙДА

Саломимиз совға бўлсин мана шу тўйга,
Ўхшатинглар қариндошдан келган қўйга.

Икки дунёда камлик кўрмайин деганлар, бу шеърга гулдиратиб қарсак урсин.

Раҳмат, гражданлар! Сизлардан илҳом олиб, шу маҳаллада шоирликка кўтарилидим, ҳаммага севимли бўлдим. Албатта бундан хурсандман. Янаям грандийўзний ютуқларга эришишим мумкин эди, «нў» дейиш керакки, редакциялардаги «бўм-бўм»лар адабиётга сизчалик ақли етмайди. Вот, асосий масала қаерда.

Вақтнинг пириллаб ўтишини қаранг. МТСга директорлигимда Тўхтавой тушмагур кетмонсопидан йўғонроқ ўспирин эди. Колхозга раислик қилган давримда уни отбоқарлика олиб, меҳнатда тарбияладим, бosh табелчигимда иш ҳақини қонуний ёзив турдим. Натижада бола-чақали бўлди. Мана, дўнни бир айлангунча, бугун ўртанча ўғлига хотин олиб беряпти.

Тўхтагой бир хивич эди, хода бўлди.
Ёнига ва бўйига ўсиб, ота бўлди.

Фарзандлари кўпайиб борди, қиёс қилсак —
Бир қўчқору бир совлиқдан пода бўлди.

Қишлоққа маданият келиб, тўйда шеър ўкиш
Сотти Сагатович Суннатовга мода бўлди.

Бунисигаям қарсак чалган гражданлар муродига етсин.

Келинг, дўстлар, куёвбола билан келинчакни яхшилаб томоша қилайлик. Ана, иккаласиям баҳтиёр. Чунки ҳозир далада айни бригадирларнинг кетини кана чаққан давр бўлишига қарамай, бу икки ёш тўй

баҳонасида кетмөн чопиғидан қутулиб, камида уч күн чимилдиңда жон сақлаб ётади. Буям бўлса замоннинг бағри кенглигидан, ўртоқлар.

Бу ёшларга айниқса мен жуда ҳавас қиласман. Бинобарин, ўзим рўшнолик кўрмай ўсдим, одамга ўхшаб културнийроқ рўзғор қуролмадим. Икки марта севиши масдан уйланганимни кўпчилик яхши билади. Учинчи сига чин муҳаббат қўйганимда, қўйнимдан ёримни, чўнтағимдан билетимни суғуриб кетишиди. Энди билсан, бу шахсан Сталин бошлаган иғво экан, хозир ҳамма газета уни уриб ётибди.

Қора чакмонда келиб, тинчимни юлди правакация,
Ишимниям, ишқимниям расво қилди правакация.

Фабрикалар бўз, чит ўрнига гийбат тўқиб,
Растаю пештахталарга тўлди правакация.

Сотти Сагатович Суннатов хозирча саломатдур,
Хозирча сал гумдон бўлди правакация.

Қарсак чалган гражданлар ўлгунча омон бўлсин.

Э, раҳмат. Энди билдимки, ичиб ёзилган шеърни ичиб эшитган яхши. Ўзи назмни чапани хўроздарга чиқарган, саҳардан бомдодгача тирикликика тирмашганинг бети қурсин.

Мана, Аспан атторни олсак, сакичу кўзмунчоқдан бошқани танимай дунёдан ўтди. Оғир ётган вақтида рўмолчага тўртта беҳи туғиб кўргани кирсам, кўзи осмонда, қўли картмонда. Ахвол сўраганим сайин картмонни маҳкамроқ чанглайди денг. Зора гап қовушса деб шеърхонликка ўтдим. Ўша газални эшитинг.

Гўр жудаям совуқдир, кафандар юпқадир,
Гўёки қишида кийилган ёаги юбкадир.

Тупроқда кўмилиб ётасан ўзинг қалтираб,
Мункару Накир келар кўзлари ялтираб.

Оёғингдан дўзах томон судрашгани дам,
Сотти Сагатович Суннатовдан кутмагин ёрдам.

Шўрлик Аспан аттор картмонга илҳақ бўлиб, шундай касалбоп шеърни охиригача эшитолмай кетди...

Бас, болалар, бироринг ўлгани айтилганда қарсак чалинмайди. Бу — бир. Иккинчидан, тўйнинг

кечқурунги қисмiga аралашиб юришларинг унчалик шарт эмас. Агар мени деб келган бўлсанглар, майли, болаларга ёзганимдан битта ўқиб берай, кейин яхшиликча тарқалинглар.

Казбек тогининг чўққисида
Арчалар бор, арчалар.
Кенг ва озода боғчамиза
Дарчалар бор, дарчалар.

«Ура!» деб қичқирган боланинг иштончаси кўпаяверсин.

Баракала, азаматлар! Илойим, мана шу куёв билан келингаям сиздақа чуғурчуқлардан бир галаси насиб қилсин. Ҳаммаси соғ-саломат улғайиб, бири МТСга директор, бошқаси раис ёки бош табелчи бўлиб етишин. Балки биронтасидан ҳатто шоир чиқар. Аммо муҳими бу эмас. Пажалуй, ишнинг катта-кичиги йўқ. Ишқилиб, ҳар ким касбини мендек севсин, мендек уддаласин. Вот, асосий масала қаерда.

АХЛАТХОНАДА

Салом бердик, қадрли гадой тўралар. «Район ахлатхонасига хуш келибсиз!» демоқчи эмасман, мақсадим — яхшиликча келишиб олиш, кўп эмас, кунига бир ярим сўм атрофидаги расходларимни кўтариб туришларингга тўғри келади. Вот, асосий масала қаерда.

Ха, пиёнистаман! Бир маҳаллар МТСга директор бўлган одам шу аҳволга тушиб қолдим. Аммо минг афсуски, гадойчилик қилиш ҳозирги касбимга тўғри келмайди — шоирман.

У томонга, бу томонга қаранг-қаранг,
Янги йилнинг соатлари даранг-даранг.

Ёш-яланглар бағгиларни чўчитишб,
Осмонга мушак отишар варанг-варанг.

Сотти Сагатович Суннатовга улфат топинг.
Стаканни уриштиреин жаранг-жаранг.

Буни Янги йил куни шахсан ўзим ёзганман. Ҳойнаҳой Мирзақандни танирсизлар? Ана ўша безделник бунга тувоҳ.

Мени түгри тушуунинглар, гадой тўралар! Ҳар қандай даромаддан солиқ олинади, сизлар ҳам умумдавлат қонунидан чиқиб кетманглар дейман. Нима? Солиқни участкавойга чўзиб турибмиз, дейсизми? Нў-ў? Бу солиқ эмас, жаноблар, бу — чистый пора. Бу қонунпарварлик эмас, қонунбузарлик. Участкавойга орқа қилиб, мендан қутулмоқчи бўлганлар қаттиқ адашади — қўлимда қаламим бор, ҳаммангиэни беспошадний фош қиласан! Билмасам экан, сизлар на урушда инвалид бўлгансиш, на меҳнатда. Бирингиз мастиликда поезд билан тўқнашиб, оёқдан ажрагансиз; иккинчингиз киссавурлика оломонтепкига қолиб, букри бўлгансиш; бошқангиз пивохонада қаншарга шиша еб, кўздан ажрагансиз. Категорический огоҳлантириб қўйай, мен ёзган пельтонни редактордан қайтариб олишга бир ярим сўм пора ниҳоятда камлик қиласан! Вот, асосий масала қаерда! Фаросатни ишлатиш керак, гадой тўралар!

Аё дўстлар, тополмадим серфаросат одамни,
Токи менга қуллуқ қилса кўрганда шляпами.

Мендан кулар эркак-хотин маданиятни килишиб хор,
Ваҳоланки китељ кийдим, бўйнимда галстук бор.

Безор бўлиб маҳалладан олиб кетсан агарда бош,
Сотти Сагатович Суннавтонни зслаб йигла, эй қаламқон.

Бунисиниям шахсан ўзим тўқиганман, жаноблар. Текин эшишишга уялмайсизларми, шу шеърнинг ўзи бир ярим сўмга араимайдими? Қолаверса, бештасизлар, бир ярим сўм ҳар биттангизга бор-йўги ўттиз тийиндан тушади. Шуям пулми, гадой жаноблар! Так что, пастлик қилиб ўтируманглар.

Агар кейинги съездни матбуотдан қуатган бўлсангиз, юртимиздаги ҳар қайси граждан бошқаларга ғамхўр, ҳамма билан аҳил, муҳтожларга кўмакдош бўлиши зарурлиги уқдирилди. Бизга ўхшаган эски кавалерисларни қадрлаш кераклиги алоҳида таъкидланди.

Эй ветеран, нега бунча қовогинг солингандир?
Балки инсоний ҳукукинг тўсатдан тортиб олингандир?

Паноқ кийиб қон кечдинг, ҳамма оғирликларга чидаб,
Алам қилар, ўша ботир нега бугун ялингандир?

Съездда янграган қарсаклар ҳукумат шаънига эрмас,
Сотти Сагатович Суннатовнинг сабрига қойил чалингандир!

Аҳвол шунаقا, гадой тўралар! Бош оғриб, яна эллиқта отгим келяпти. Бундан чиқдики, тирикман. Бесфардонний дўхтирлар бўлса, эндиам ичсанг окончательний ўласан, деб бундан беш йил олдин мени қўрқитишга уринишган. Йўқ, биз ўлмаймиз, наоборот биз ҳали кўпнинг бошига етишимиз мумкин. Яна биронта Берия топилса бас! Вот, асосий масала қаерда!

1980—1988

МИРЗАҚАНД НАЙНОВНИНГ ҲАСРАТЛАРИ

ГЎЛАХЛИКДА

Хотинга ёлчимадим, ошна. Биласан, устимга шолча ёпинсам беқасамдек ярашадиган суқсурпўрма. Йигитлардан эдим. Пандавоқилигимни қараки, келиб-келиб ана шу пучданакка илашибман. У билан ўнта кўрпа йиртиб, биттаям бола кўрмадим. Ҳеч бўлмаса, қиз-пиз туғиб бергандаям, сен гарибларга атаб каттакон бир ош дамлардимки, уни товоқقا боссак, устидан ит сакраб ўтолмасди.

Буниси етмаганидек, у падари қусурнинг жаҳли ўттиз қопу, нози қирқ лаган дегин. Ўтган пайшанбада итфеъллиги охири бошига етиб, эрим деса оғзи тўладиган мендек шоввоздан айрилиб қолди. Энди дардини дуторга айтиб ўтиргандир.

Ҳамма ғалва Эсон-эчкининг тўйидан бошланди. Арақ-винони шампаннинг устидан аралаш тортиб, пивани газак қилган эканман, бир пайт товонимдан иситма бошланиб, бошимдан ҳовур кўтарилди. Гандираклаб бориб, каллани биринчи учраган пақирга суқибман. Унга ортиб қолган қовурманинг сувини ағдаришган экан, бурнимга ёғ тиқилиб мўйловим қулоққа ёпишиб қолди. Пақирдан бошни суғирганимни биламан, атрофдаги болалар додлаганларича тўрт тарафга тирқираб кетишиди. Шунда селсаветнинг котиби ёнимга келиб, «маҳаллий ҳукумат номидан буюраман, тўйдан дарров

қорангни ўчир», деди. Тўйда ҳукумат нима қиласди, деб унинг ёқасидан олган эдим, бир-иккита бўйни йўғон ҳай-ҳайлаб орага суқилди. Бўлмаса, ўттиз икки тиши-ни рўмолчасига тушиб берардим.

Ўйга азонталаш етиб борибман. Равотга суюнволиб хотинни бўралаб чақираман дегин, қани энди у хумпарвачча товуш берса. Шайтоним қўзиб, оёқдаги керзай билан дарвозани футбол қилвордим. Агар гўрни шунаقا тепаласанг, минг йиллик ўлик мозорни ташлаб қочади.

Хотиним шангиллаганича келиб дарвозани очди-ю, афти-ангорми кўриб, ўсма чапланган қоши велосипеднинг рулига ўхшаб қолди. Товушимдан таниб ўзига келгандан кейин ачитиб бир гап айтган эди, мен саситиб сўкингга тушдим. Шунда у аламига чидолмай, етти пуштимни безовта қиладиган шилтароқ бир қочириқ қистирди. Ана энди аккаш енг шимарайин-у, сен томопса қил. Обжувознинг шоли янчишини кўрганмисан?

Ўша тўлалондаёқ хотинни тўққиз талоқ қилиб, шартта уйдан чиқиб кетдим. Шу-шу яримхаластўйман. Бахтимизга ота-бувамииздан қолган чойхоналар бор экан, номардга муҳтож бўлмай, буқадек лорсиллаб юрибмиз.

Қани, менга айт-чи, бошлиғингдан юқорироқдаги хўжайниларга ҳам буйруқ берворадиган каттаконинг бир кунда неча маҳал палов ейди? Пичогим гаровдаки, ўшанинг ҳам кунига икки маҳалдан опиролмайди. Чойхонада қайнаган қозон борки, ундан бир коса чўтал оламиз. Менга ўхшаган экстракласс кочегарлар магазинда «елка»лигу, бозорда таламон.

Яшаш деган мана бунаقا бўпти, ошна. Сенам юрибсан-да хотинга калиш ахтариб. Ҳў, қўзингни оч, галварс, беш кунлик дунёда ойликка ишлаб нима қиласан? Сен нотавонгаям районда биронта чойхона топилиб қолар. Қўйворсанг-чи, ўша бедаво хотинни.

ХАII, САНИМИ, СИЧҚОН!

Илонпадар хотин билан орани очиқ қилганимдан кейин Мўсақўзининг чойхонасида кочегарликка ўрнашволиб, туппа-тузук яшаб юрувдим. Санстанция деган ножинс идоранинг инспектури ишнинг белига

тепди. Дурустроқ ювишмагансан, деб мени бехос ишдан уриб ташлади-я.

Таъбимга түғри келадиган бир-иккита жойдан иш суриштириб кўрдим. Сабзавот базасига борсам, ошқовоқ омборининг қоровуллиги бор, дейишди. Унақа жойда ишлаш итимга ор, мушугимга номус.

Охири, райисполкомдаги бир танишимнинг олдига бориб аҳволни тушунтиридим. Танишинт ким, дейсанми? Ўртоқ Хожиматов деган одам бор райисполкомда... Ие, уни биласанми ҳали? Гапинг түғри, ҳозирча қоровуллик қиласпти.

Хуллас, бориб аҳволни тушунтиридим. У пиёладаги чойни хўриллатиб ўтириб, райондаги ҳар хил идораларга бирма-бир телефон қилишга тушди. Мен десанг унга қараб «олифтачилигингдан ўргилдим, гапингни икки пулга оладиган аҳмоқ ҳам бормикан», деб ичимдан тугиниб ўтирибман. Бир пайт у трубкани «шақ» этказиб жойига қўйди-ю, «қўл остилиздагилардан биттаси сени ишга оладиган бўлди», деб қолди.

— Эски ўзбек ҳаммомнинг бир бўллагида сичқонларга қарши курашадиган идора очилган, — деди у, — түғри ўша жойга бориб, бошлиғига учрашасан.

Ҳаммомга бориб, сичқон ўлдирадиганларнинг бошлиғини суриштиридим. Тепасига «хотинлар учун» деб ёзиб қўйилган эшикни кўрсатишиди. Оёғим тортиб-тортмай ичкарига кирсам, башанг кийинган истарасиз одам тамакини бурқситганича телевизор кўриб ўтирибди. Салом берган эдим, у худди ўртамиизда божачилик бордек менга ўқрайиб туриб: «Мирзақандмисан?» деб сўради. «Ҳа Мирзақандман», дедим. «Сен ариза ёз, мен қўл қўяман», деб қоғоз-қалам узатди.

Отамизнинг дуосини олган эканмиә, мана, бир юмаланиб масъул ходим бўлиб қолдик. Бунақа илжайма, давлатнинг ишига аралашган одам борки, ҳаммаси масъул. Қиладиган ишим — у идорага бориб полнинг тешигидан дори юмалатаман, бу колхозга бориб омбордаги кандикларни маргумушга тўлдираман, ишқилиб, қўлимдаги қоғоага печать уриб беришса бўлди.

Бундан ташқари, баъзан райондаги газета ёки радио орқали ташвиқот юргизиб, одамларни сичқонларга қарши қайраб турдим. Тунов кун «Халқ мулкини текин еб ётган кемириувчиларга ёппа қирон келтирайлик!» деган шиор ёзиб, марказий кўчага илиб қўйган эдик, хўжайнилар уни дарров олдириб ташлашибди.

Уни қўй-буни қўй, қайси омборда нечта кандик борлигини ҳисоб-китоб қиласидиган ревизорнинг йўқлигига суюнаман. Тўққизта тешикка дори уриб, қоғозга тўқсonta деб ёзганингдаям сен ҳақсан. Ҳар куни биринки пақир маргумушни орттириб қоламан. Иккита хонадонга кириб, тўртта кавакка дори юмалатиб қўйсам, энг пасткаши қўлимга бештакиликни тутқазади.

Үйингда сичқон-пичқон йўқми, ишқилиб? Ҳай-ҳай-ҳай, капирдан бошқасини гажиб бўлишди дегин? Тилингга куйдирги чиққанми, хумбоп, шуни менга олдинроқ айтсанг ўлармидинг? Агар ҳамёнингда шамол ўйнамаётган бўлса, магазиндан дарров битта «Зубровка» опчиқ-чи. Кейин сичқонларни менга қўйиб берасан.

ИСТЕЪФО

Аҳвол сўраб нима қиласан? Қўриб турибсан-ку аҳволни. Икки ҳафтадан бери аранани қуруққа чоптириб юрибман. Сичқон ўлдириш обрўйимга тўғри келмаслигини тушуниб, ўзим истеъфо бердим.

Гапимга ишонмаяисан, шекилли? Сабаби бўлмаса, тентак теракдан тушмайди, демоқчисан-да? Ростини айтсан, бир нарсадан фалва чиқиб қолди-ю, шуни баҳона қилиб, шартта ишни йигиштиридим.

Билсанг керак, пиллахонанинг орқасидаги кунгирадор уйда гўринг гуллагур Парпи партизанинг беваси туради. Садди хоним дейишади уни. Ўгли илмлироқ хотинга илашиб, шаҳарда қоп кетган.

Сичқонларга қарши курашадиган идорага ишга кирганимдан бир-икки ҳафта кейин ана ўша бева мени туйқус кўчада тўсиб, ичкарига имлади. Ўёқ-буёққа қараб қўйиб, орқасидан ҳовлига кирдим. Дардини суриштирсам, бечоранинг ертўласини сичқонлар чайқонбозор қилворишибди, дегин. Аямай, беп-ён сўмлик маргумушни уриб ташладим.

Шу-шу, бир оғим ўша хонадондан узилмай қолди. Мен маргумуш уришни қўймайман, у ўғриваччаларинг жовон гажишдан тийилмайди. Қандингни ур, деб қўяман сичқонларга қараб. Садди хонимдан бели синмаган червонларни шилиб турганингдан кейин иш то-пилганига шукур қиласан-да.

Шунақа экан, ўша хоним битта мушук боқса асакаси кетадими, дейишиңг мумкин. Ишонмасаңг ишиб ўларсан, беванинг, ҳафсаласи келса қўчқорни оладиган мушуги бор. Лекин, бўйнига лентир тасма бойлаб, кумуш ликончадан сут ичадиган ўша бароқ, сичқон тутиш у ёқда турсин, сен билан менга ўхшаганларни оёғида кўрсатади.

Бир куни ишдан келаётсам, Садди хонимнинг равоти ёнида дўхтир-мошина турибди. Хавотир олиб ичкарига кирдим. Кирсан, хонзодадан тараган ҳалиги мушук каравотда сулайиб ётиби. Анави оқтепалик дўхтиринг матомда-ю, Садди хоним хун-бийрон. Кипригимга тупук ёпишириб, уларга секин биқин солдим.

— Мушук маргумушдан ўлган сичқонни ёб заҳарланибди, — деди дўхтир.

Садди хоним менга ёвқарааш қилган пайтда гапнинг пайнави лойқаланишидан қўрқиб, ростакамига йиглаб юбордим.

Дўхтир кетганидан кейин, кайф устида муллачасига чўкка уриб, мушукка кинна ёйишга тушдим. Мен киннани тугатдиму, бароқваччаям асфаласопилинга жўнади. Ўзинг ўйлаб кўргин-а, ўлик мушукка пуржинали каравотда ётишни ким қўйибди? У ҳаромининг думидан ушлаб туриб, деразадан паррак қилдим. Шунда Садди хоним «мургумушдан ўлдирганинг етмай, шўрликни энди ахлатга иргитасанми», деб акангни бўғизлагудек бўлди.

Мен шилдирбош десанг бевага таскин бермоқчи бўпману, «ёлғиз қолдим деб куюнмасинлар, Садди бону, мана, бизам сўққабошмиз», деб юборибман. Ана энди сурнайбозликни кўр. «Сен саёқвачча нимага шама қиляпсан», деб нақ башарамга сачрайди дегин. Хайриятки, билагидан ушлаганим йўқ. Бунақалар бир-пассда бўйнингга истатия илиб ташлайди.

Эртаси ишга борсам, хўжайиннинг турқи туман. Садди хоним унга қўнгироқ қилиб, эринмай астар-аврамни ағдарибди. Иззатнинг борида аризани ёзиб, тўнни елкага ташладим. Энди ўт ўчирадиганларга ишга кирсамми, деб юрибман. Ухлаганингга қараб мояна тўлашади азаматлар.

Айтгандай, ўзинг қалайсан? Чўлга кетган камсамўл ўғлингдан мўмайроқ нул келгандирки, бурунни бир қарич кўтарибсан. Бунақа нарсани ювмаган номард. Манави тангага бир сўлкавой қўшсанг, «Норт-

вейн»нинг онаси ўпмаганидан беришади. Сурлик қилмай борақол энди. Ўзим кирай десам, магазинчидан уч литр қарзим бор.

РЎЗФОРНИ ҚЎМСАШ

Э, бормисан, ошна? Паққос гузарга чиқмай қўйдинг-ку. Билсам-бilmасам, ё уйда ичишига ўргангансан, ё чапаки даромадинг касод.

«Хосилот»га тобинг қалай? Олифталикни қўйиб тур, важоҳатингдан сезяпманки, юз элликта босгинг бор. Ма, ич! Текинники тешиб чиқармиди? Ёнбошлишвониб, бир дардимизни дўмбира қилайлик энди.

...Ишдан гапирмасанг-чи. Бош омон бўлса, иш то-пиш дўппи алмаштиришга ўхшаган бир нарса. Америкамидики, иш деб ўн йил очередда ётсанг.

Ҳамма гап дидингга тўғри келадиган ишни топишда. Тунов куни десанг бир ишни кўндаланг қилишди. Молбозорнинг ёнидаги омборни биларсан? Ўшанга юк-пук ташиб турадиган одам керак бўп қопти. Эшитибоқ, тарвузим қўлтиғимдан тушди, бунақа ишлар учун, ана, эшак деган алоҳида маҳлук яратиб қўйилибди.

Кечанинг ўзида бирданига иккита иш рўпара келди. Аввалиги Убай қассоб йўлимни тўсиб, «менга ўринбосар бўлмайсанми», деб қолди. Унамадим. Биласан, у хумпарвачча ўзиям ичмайди, бироргаям қўймайди. Кейин Тўхта новвой учраб, «менга кўмир-пўмир ташиб турсанг-чи», дейди. Унга мўр-малаҳ бўлгандан кўра, эшакаравада ҳуштак чуриллатиб, болачоғлардан шиша тўплаганим дурустмасми?

Айтгандай, биронта арава топсанг-чи, валаки саланг. Мана, хўтиқ биздан, даромад — арра. Мадиёрмазанг ана шу шишаларнинг орқасидан от сўйиб тўй қилди-я.

АЗбаройи ишлаганингга яраша кундалик носпулинг чиқиб турса... Лаббай? Масалан, сичқон ўлдириб юрган пайтларимда кафтим қичишмай туриб, қўлимга пул қистиришарди. Шунақа жойда беш-үн йил босиб ишласанг, пул билан одамнинг оғзини ёрадиган бўласан.

Белим энди қўшбелбоғ қўрганда, Сади хониминг пайтавамга қурт тушириб ўтириби-ку. Ожиза халқи ёппасига инсофсиз бўлишини билардиму, бунақангি жодугар етти ухлаб, тушимга кирмаганди.

Мундоқ ўйлаб қарапса, қайтам ўзимизнинг маржалар кирчимол экан. Қўйворган хотиним десанг калтаклаган сарим семирарди. Тилидан кетмаса, ўшандай нарсани талоқ қиласмидим. Мўйловга оқ оралаганди, мўрчада яктақ ювиш менга ҳавас бўптими?

Ҳў, хумпарвачча, шунча оғзингни пойладимки, хотининг билан яраштириб қўяй ҳам демайсан. Кўнгил учун бир ўртага тушсанг, қисилиб ўлармидинг? «Хосилот» ни майдаласам, лиққа-лиққа ютишга устасан-у, жонимга қуйгапингни кўрмадим. Ҳе, ўша сендақанги прахадной ошнадан ўргилиб қўйдим.

МУХОКАМАДА — ШЎРВА МАСАЛАСИ

Ҳай-ҳай, соқолни қирдириб, ит ялаган мистовоқдек яркираб кетибсан-ку. Бўйнингни бўйинтуруқдек қилиб, ҳалиям хотиндан носга пул сўраб юргандирсан? Қани, мундоқ биқинга келиб, эшигнларингни кўрганга ўхшатиб лофла-чи.

Мунча кўзинг гилдирайди? Елкага парнаша бекасам ташлаб, оёққа ағдарма кийганимдан хафсирама. Ўгирлаган бўлсам, нон урсин. Телбанинг ишини худо ўнглабди деганлар. Бизникиям шунақа бўлди.

Ўзинг биласан, бир томондан қиш, бир томондан ётоқнинг тайини йўқ — қўлни қўйинда иситиб, бурунни булдуруққа тоблаб юрувдик. Бир куни болалардан колхозга бепул кино келганини эшитиб, қулупга қараб бораётсам, идоранинг олдида раис рўпара кеп қолди. Аҳволимни суриштириб, товуқхонага пойлоқчилик қилмайсанми, деб сўради. Майли, дедим. Раис тоғанг гапи ерда қолмаганидан хурсанд бўп кетиб, «кечқурун бианикига кир, сарупони сал эпақага келтирайлик», деди. Мана, ясан-тусанин кўриб турибсан.

Хуллас, товуқхонадаман. Мен қоровул, Зайнаб кампир товуқбоқар, Саттор бужур иккаламиага бошлиқ.

Кўп жойда ишладим-у, бундақанги хира хўжайини биринчи учратишими. Ўзимиз бор-йўги уч кишимиз. Шунга қарамай, кунора мажлис чақиради.

Душанба куни йигилиш қилиб, товуқхонада «Хурмат тахтаси» ташкил этсак, деб қолди. Биз маъқулладик. Саттор бужур десанг ўша куниёқ деворга сарлавҳадор тахта қоқиб, унга ўзининг портрейтини кашаклаб қўйди. Хўш, деган савол тугилади — ҳамма

ишин у киши қиптилару. Зайнаб кампир иккаламиз түйимизга рўмолча тўқибмиз-да?

Кеча яна мажлис бўлди. Зайнаб кампир тумов бўлиб, ишга келмагани учун пастда битта ўзим ўтиредим. «Ўртоқлар!» деб гап бошлиди Саттор бужур. Сўппайганимча унинг кўзига тикилдим. «Бугунги йигилишда ортиқча штатларни қисқартириш масаласини кўрамиз», деди у. Буни эшитиб, пўканимга пўкиллоқ кирди. Биламанки, Зайнаб кампирни ишдан олишмайди, куёви колхозда омборчи. Ўзи инсоф билан ишдан кетган бошлиқни ҳали ҳеч ким кўрмаган. «Уйинг куйибди-ку, Мирзақанд!» деб қўйдим ўзимча. Кейин билсан, хайрият, гап бошқа ёқда экан.

— Ҳисоб-китоб қилиб кўрсак, беш юзта товуғимизга беш юз элликта хўроz тўғри келяпти, — деб гапнинг пайнавини очди Саттор бужур. — Дои-дуналарни исроф қилмаслик учун хўроzларнинг штатини аямай қисқартириш керак деган таклифим бор.

Мен алмак-жалмак чапак урганча: «Орамизда тенинхўрларга ўрин йўқ!» деб бағирдим.

Ўзинг айтгин-а, шу арзимаган нарса учун мажлис чақириб, одамни ишдан қолдириш яхшими? Гапни айлантириб ўтирмай, бекорчиликда шўрва-пўрва ичиб турайлик деб қўяверса, бизда жигилдан йўқмидики, дамини қайирсан.

Мана, бугунам битта бабоқни оёгини осмондан қилиб қозонга чўқтиридик. Шунақаям эзилиб нишибди жонивор, суягини итга бергани қизганасан.

Қўлинг бўшаганда шўрвахўрликка бориб турсангчи, хумларвачча. Сенга айтиб қўяйин, Саттор бужур сурункасига оқидан ичади. Тағин пастлигинг қўзиб, вино қўлтиқлаб бормагин, хўжайиннинг олдида мени ҳижолатга қўясан-а. Ҳозирги одамлар кимлигини ул-фатларингга қараб баҳолайдиган бўп кетишган.

ТЎРТ СЎМЛИК ТУЗОҚ

Ие, тирикмисан, ошна? Тез-тез гузарга чиқиб турсанг, молия солиқ солармиди сенга?

Кеча «Чашма»ни майдалаб ўтириб сени ўйловдим — ҳозир ёнимда бўлса, виномдан отволиб, етти пуштимни авлиёга йўярди деб. Ризқинг қўшилмаган экан, ўзим поклаб қўйдим.

Ҳалиям тонтиғлигинг қолмабди-я. Аввал саломатликни сұрасанг-чи. Дүч келди дегунча, участкавойга үхшаб ишни суриштирасан-а.

Сенга айтуvdим шекилли, уч киши түпланволиб колхознинг товуқхонасини гуллатиб юрувдик — мен пойлоқчи, Зайнаб кампир товуқбоқар. Саттор бужур иккаламизга бошлиқ...

Қараки, худойим шу амалниям күп күрди менга. Бозор куни товуқхонада битта ўзим қолиб, хўжаҳордик қилиб ётсам, бир сўтак тухум сўраб кеп қолди. Тухум аммангнинг катагида бўлади, демоқчи бўлувдимки, у туллаквачча бир сўмликка учтакиликни мингаштириб, секин қўлимга қистирди. Ҳимматингдан аканг, дедиму, халтасини тухумга тўлатиб бердим. Пайти келса, пақирлаб пуллагапмиа, шундаям колхознинг пойдевори шўрламаган.

Тухумхўрлар десанг бири яримтага узатади, бошқаси кўпроққа. Бозор кўрганлари бизни овора қилиб ўтиrmай, ўша нарсани бир йўла ўзлари опкелишиб, ишни силлиққина битириб кетишади.

Ҳай, энди аввалги гапга қайтайлик. Ҳалиги қилиги совуқ қўлимдан тухумни олиб, «охири тузоққа илиндинг-ку, харомхўр», деса бўладими. «Хўш, ўзинг кимсан, зоти паст, десам, «халқ кантрўлига қарашлиман», дейди. Кўрдимки иш пачава. «Тухумни қаердан ўғирладинг, хунаса, деб шартта ёқасини ғижимладим. Шунда у «муттаҳамликни йиғишиштир, гувоҳ тепада турибди», деди. Бу хумпарвачча парвардигорга шама қиляпти-ёв, деб мундоқ юқорига қарасам, дарвоза ёнидаги қайрагочнинг устида бир чалатуғма ҳўрпайиб ўтирибди. Қўлидаги дурбинли асбоб билан акангни шақирашукур расмга оляпти.

Эртаси куни Саттор бужур мажлис чақириб, ишимни олатасир муҳокама қилди. «Мирзақанд ишдан кетсин дегучилар менга қўшилсин», деб шартта қўл кўтарди. Зайнаб кампир бетараф турди, мен қарши чиқдим. Учаламиз жанжаллашиб кетдик. Охири Саттор бужурнинг қулоқ тубига қаратиб тортишга тўғри кеп қолди. Уям мени бир-икки юмдалаган бўлди.

Ўзинг ўйлаб кўр-чи, хўжайиннинг қашқасини чиқариб қўйиб, яна қанақасига у билан бирга ишлайсан? Бари бир йўқ нарсадан баҳона топиб, учирма қилворади. Бир жуфт жўжахўрозни қўйнимга урдиму, ишдан кетвордим.

Яратганга шукр, эсон-омон баҳорга чиқволдик. Бундан бу ёғиги битта тўнинг бўлса — ариқнинг бўйи мусофирихона, толнинг таги карвонсарой.

Ўзинг дурустмисан? Кўзинг тўнглаб қолганидан билсак бўладики, бошинг оғриб турибди. Ғиз этиб Нишон буқоқниги кириб чиқмайсанми, ошна? Эшишимча, куёви тоғдан қимиз опкелганмиш. Тўгри кириб бориб, Каримбердининг тўйида Мирзақанд сенга ўзининг олдидаги винодан қуйиб узатган экан, ўшанинг ҳақига пича қимиз бераркансан, дегин. Бермаса, ўзини бу ёққа бошлаб чиқ. Қорнидан нақ ўша винони суғириб оламан-а.

ХОТАМТОЙЛИК

Кўзингга игнаучук чиққанми дейман, куппа-кундузи мендай ошнангни кўрмай ўтиб кетяпсан? Ё картмонингга пул тушиб, босар-тусарингни билмай қолдингми?

Яна бир-икки ҳафтадан кейин Мирзақандга салом берадиган бўпқоласан ҳамманг. Тўлан гўрков қариб, ишга ярамай қолганмиш. Маҳалла шу лавозимга мени кўтарадиганга ўхшаб турибди. Ишга ўрнашволсам, манаман деганинг ҳам бир кунмас бир кун муғайганингча қўлимдан ўтасан. Қимга кенг гўр керак бўлса, пажалиска, ҳозирдан кўнглимни овласин.

Анави Сотти сатанг мени кўрса, бурини жийириб ўтади дегин. Биқинига битта қозиқмихлаш қилсанг, ўн кун шопирма атала ичиб ётадиган ҳоли бор. Шапка-сига қувонади-да. Ана ўшаларинг қазоси етиб, қўлимга тушиб қолса, охирати куйди деявер. Оёғи андаккина қиблага мойилон қилинса, қиёматгача жаҳаннамдан чиқмайди.

Расамати билан гапирганда, бу одамларинг гўрков у ёқда турсин, худоданам қўрқмайдиган бўпкетишиди. Бизга ўхшаганларга хайр-садага қиптуриш ўрнига, ўзимизни шилишяпти. Ҳатто, қарзини тўламайди-я, бу хумпарваччалар.

Масалан, Жамил тунгонини олайлик. Бир ойдан бери қарзини узмай мени хуноб қилади. Ҳар куни турумини тепалайман, у падари қусур уйида йўқ-да.

Бир куни у билан шаҳардан бирга келувдик. Мoshинкирага майдам йўқ, деб акангни қирқ тийинга

туширди. Умрида бутун пулни кўрганми кан ўзи? Ўғлимдан бервораман деганича, ўша-ўша қорасини кўрсатмайди. Нима, пул заводим бормидики, учраган тунгонига патта олиб бераверсам.

Ҳозирал ўшаникidan келяпман. Уйига етгунча ўйлаб бордим — қирқ тийиннинг бир қисмини пивога харжлаб, бир қисмига қурут шимиийман, деб. Дарвозани муштласам, тўққизинчи калишни судраб яна хотини чиқди. Ўзинг биласан, хотин зотидан пул сўрашдан кўра кўпракдан суяқ тилаган яхши. Мўйловни шалвиратиб, секин орқага қайтдим.

Биз-ку хотамтойлик қилиб ҳаммага қара бериб юрибмиз. Хўш, бизга ким одамгарчилик қипти?

Кечак гузарга чиқсан, Шоди билан Мўсо битта обдастаниони танаворга ўйнатишяпти. Ассалому алайкум, биродарлар, десам, ўзларини карликка солишиди. Сўрашмай ўтсан ҳафа бўлишмасин деб, уларга қараб юрдим. Бурилганимни кўриб, Шоди нокас шишанинг тагидагини шартта пиёлага ағдарди-ю, бир кўтаришда илонютди қилди. Ҳали сенлардан аҳвол сўрамоқчи бўлдимми, деб иккаласиниям ўсал қилганимча изимга қайтвордин. Қалай, тузлабманми?

Ие, намунча томоғинг ғижирлайди? Ёғланмаган замбаргалтакка ўхшайсан-а. Давосини айтайми? Саримсоқни қўй ёғига қовуриб туриб, оқидан икки пиёла тортволсанг, тозаланган мўридай бўпқоласан.

Уйингда думба ёги бордир? Ундей бўлса, зиқналик қилмай тезда магазинга кириб чиқ. Саримсоқ, майли биаздан бўлсин. Энг олдин саломатликни ўйлагин, ошна.

ЯРАШИШ ОШИ

Ёнимда ҳемириям йўқ дегин? Хотинга зарбинг бўлмагандан кейин, аҳвол шу-да. У қаргадан тараганлар тез-тез талқонтуйди қиптуриса, азбаройи калтакдан қутилиш учун эрга пиво пули бериб, гузарга қувадиган бўлишади. Йўли бор-да, ошна.

Турмуш қуриб эркакликнинг даврини мана биз сурдик. Бурнимизга пашша қўнса хотинга буюрадик, ҳайда буни, деб.

Сен-ку бир чуваринди нарсасан. Арманица конъякни тилла тишнинг орасидан сузадиган тўраваччаларинггам + пайти келса хўжайкасига ўсма сиқишиади.

Хачирга арава тиркаб керосинбурушик қилган давримда бир бошлигимиз бўларди. Савлатига қарасант, йўталиши етмиш сўм туради дейсан. Шуям хонзодасини кўрди дегунча сурнайга ўйнаган илондек эшилишга тушарди. Давлат одамгарчилик қилиб тагингга лўккавой бериб қўйгандан кейин, ёги етган жойгача қочмайсанми бунақа хотиндан, деб куюнардим ўзимча.

Ҳамма айбни аркакка ағдарамизу, мундоқ қаралса, ҳозирги йигитларгаям қийин бўн кетди. Бу мактаб кўрган қизларинг астарликка яраса ўлай агар.

Тунов кун автобусда бир қашқарбалдоқ таққанинг ёнига ўтириб қолдим. Қулоғидаги ўша тилла ҳисобга олинмаса, ўзини чалпакка ўраб берсанг ит емайди. Шуям районга етгунча эрининг гўрига гишт ташиди. «Бу золимнинг дастидан адо бўлдим — ўзим кир ювиб, ўзим нон ёпаман», дейди. Буларга қўйиб берсанг, бир кунмас бир кун... Қулоғингни яқинроқ тутсанг-чи... Ҳа, деявер, шунақаям қилишади, хех-хех-хе..

Мана, бизнинг бошлиқни олайлик. Ўзи хотин кишию, ўнта эркакни тўқим солмай минади.

Қаерда ишляйсан, дейсанми? Айтганим йўқмиди сенга? Эшитгандирсан, районда қизларни ҳамшира қилиб чиқарадиган мактабхона очилган. Ана ўша жойга бобон бўл қолдим. Ҳайит паранг раҳматлининг тўнгич қизи — директоримиз. Бир пайтлар отаси билан қошиқ олишганман. Шуниям юз қилмай, кеча акангни кўпчиликнинг ичидаги димламага босди.

Гулларга сув қуийб юриб, оч қоринга битта «юмалоқ»ни уриб қўйибман. Оёқдан олди, хумпарвачча. Кирпидек гужанак бўлиб, ажриққа юмалаб қолдим. Боғнинг этагидан бир ҳужра беришган менга. Шунга қараб эмаклашгаям ҳафсалам келмади.

Бир пайт, йигитлар кўрса: «Отаси қанча сўраркин?» деб қоладиган иккита ҳамшира замбил кўтарганича мен тарафга келаверди. Қарасам, замбилда сигирдай бир қиз ёнбошлаб боряпти. Ёу қанақа ўйин, товуқчалар, деб сўраган эдим, лат еганларни касалхонага ташишни ўрганаяпмиз, дейишди. Ҳоли хароблар бу ёқда қолиб, замбилини бекорчилар банд қипти-ку, дедим. Ҳуллас, бир қучоқдан гул узволарсизлар, деб уларни ҳужрагача кира қилдим.

Ҳужрада битта уйқуни уриб, бошни сал эпақага келтириб турувдимки, директор чақирипти деб қолишди. Борсам, «мактабнинг гули нега талон-тарож бўлар-

кан», деб пўписани пахса бўйи қилди. Битта «ҳайфсан» билан зўрга қутилиб чиқдим.

Машойихларнинг гали тўгри, хотин зотидан яхшилик чиқмайди. Ўзимникини вақтида талоқ қўйиб, бир донишмандлик қилганман-да.

Айтгандай, эрталаб Мадал бангি учраб «кампиринг билан гаплашсам, кўнгли борга ўхшайди, битта ярашиш оши қилгину, Ҳафиз қорини опкелиб никоҳлаб қўйяйин», деб қолди. Авраб-авраб, охири йўлга солдида мени. Қўрамиз, ярашса ярапди, нозини оширса унга патхалимчилик қиладиган гўсхўр йўқ...

Э, таяба, ўзи-ку мени деб ўлиб юрибди, яна шарт қўйганига куяйми. Ярашадиган бўлса, аввал ичишини ташласин деганимиш.

...Шу десанг, ошна, бошим бўш истаконга ўхшаб қолди — бир ёқда хотин, бир ёқда шиша, бири биридан чиройли. Нима дейсан, унисини ўпсамми, бунисини?

1978

АСПАН АТТОРНИНГ АРИЗАЛАРИ ҚОП КИЙГАН ЎҚУВЧИ ЁКИ БИРИНЧИ АРИЗА

Девонаи Машраб номига қўйилган средновоий мактаб тириктурига сабиқ қашшоғ Аспан-барабандан

АРИЙЗАНОМА

Ит эгасини, мушук божасини танимайдургон, ожизалар наган отиб, эркаклар бола йўргаклай бошлаган ур-тўпалон замонлар эди. Бўғоз эшак юрса қорни шилинадургон торгина кўчамиздан икки гала отлиқ қийчув билан бир-бирини тирақайлатиб ўтар, Раҳим қоровулнинг кароматига қараганда, улардан бирори шўро-чилар, бошқаси контурлар бўлиши керак эди. Томлардаги болакайларга қўшилволиб отлиқларни ҳай-ҳайлаб тургучи Саттор жинни эса «ваҳ-ваҳ, иккаласиям ўзимизниклар», деб чапак уради.

Бир куни Идрис қори сўфиликдан урилиб, маҳалладаги мачит янгича мактабга айланганини айтишгач,

ахийри Шўронинг қўли баланд келганини фаҳмладик. Ҳаш-паш дегунча ҳаммаёқни кашшоф босиб кетди. Раҳматли дадам маниям мактабга судраб бориб, гилай одамга рўпара қилди. Муаллим шу киши эканлар. У бир кўзида булутга, бир кўзида манга қараб туриб, устимда иштондан бўлак ҳеч вақо йўқлигидан анчайин ичикиб кетди. Ана ундан кейин, ҳукумат вакилининг хузурига ёш авлодни шу кепатада етаклаб келасанми, деб дадамта кўп даваралар қилди. Лотинча ёки ўрисча аралаштирган бўлса керак, ўшанда унинг баъзи гапларига тушунмадим.

Дадам жаҳл билан мани яна уйга судради. Тағси-лотни эшитгач, жойинг жаннатда бўлгур волидамиз сабзидан бўшаган линча қопнинг таги ва икки четидан туйнукчалар очиб, дарҳол ичига киришимни буюрди. Этаги ер супуриши, енги йўқлигини ҳисобга олмаганда, янги кўйлак жуссамга қолипдек ёпиниб, бағоят очилиб кетдим.

Ўқишига-ку йиги-сиги билан кириб олдим, аммо кашшофликка ўтишим анчайин мушкул кўчди. Қоравой қўрбоши деганинг қулоқ қилинган акаси қўйворган бир хотин тоғамнинг келинига хола бўларкан. Келиб-келиб, шу нарса таржимаи ҳолимга қоракуя туширди. Лоақал ўша келинпошшанинг нусхасини кўриб, биронта попукли рўмолчасига бурун артган бўлсайдим, бунчалик алам қилмасди.

Бир тасодиф боис, хайриятки, ишларим юришиб кетди. Биринчи Мой байрами куни кашшофлар сафга тизилиб, байроқ кўтарганича маҳаллани айланиб чиқадурган бўлишди. Домламизнинг мўлжалига кўра кашшофлардан биттаси саф бошида барабан уриб бориши керак эди. Қарангки, шу ишни эплайдургон бола топилмади.

Мани тоғам номдор карнайчи. Кўпинча тўй-тўйчиқларда унга эш-қўш бўлиб ногора чалиб юрардим. Ҳунарим шу тобда асқотди-ю, барабанни шартта бўйнимга илиб «қайроқи»га ура кетдим: ттра-трак, трака-трак... Мундоғ қарасам, домламизнинг оғзи қулогида. Завқим келиб, оғангни «қашқарча»га бурвордин. Қани энди манга пул қистирадургон мард топилса.

Хуллас, шу жойнинг ўзида оқланиб, шу жойнинг ўзида кашшофликка қабул қилиндим. Ўша-ўша мани ҳамма Аспан-барабан деб чақирадургон бўлди...

Ҳайтовур, гапни чўзмай, мақсадга ўта қолайин: равотнинг шундоққина ёнига битта ҳужрача қуришини кўпдан ният қилиб қўйган бўлсақ ҳам, пойдеворга босадургон ашёмиз йўқлигидан хижолат чекиб, бу ишга қўл урмай юрган эдик. Сиз раҳбар бўлган мактабга ўнта гурзавойда куйдирилган гишт келтирилганини кеча ўз кўзим билан қўриб, бағоят хурсанд бўлдим. Агар малол қелмаса, қишлоқдан чиқсан дастлабки ўтиорак капшофлардан эканимни ҳисобга олиб, ўша ғипитлардан мингтагиасини совға тараизда ҳовлимга ташитиб қўйсангиз. Баҳонада ҳашарчи пиянерлар билан ўртоқлик учрашуви ўтказиб, илм эгаллашдаги катта тажрибаларим ҳақида уларга эринмай сўалаб берган бўлардим.

Сиздан ёрдам кутиб: собиқ қашибоғ
Аспан-барабан.

24 март.

ДАСТЛАБКИ ШАПКАЛИЛАР ЕКИ ИККИНЧИ АРИЗА

*«Қизил кетмон» қалхўзининг камсамўллари
ва ўспиринлари котиби Жумавоӣ укамизга
собиқ ёш актип Аспан-шапқадан*

АРИЙЗАНОМА

Тўлан-ташвиқотнинг гапига қараганда, қалхўзимиз бублатепкасида камсамўллар музегини очиб, дастлабки ёш актиплар иши тўғрасидаги сурату ҳужжатларни ойнадор жавончаларга териб ташлаган эмишсан. Айниқса, қишлоғимизнинг биринчи камсамўли Урайимзакўннинг каттакон портрейти хонанинг тўрисига илиб қўйилганини эшитиб, бағоят хурсанд бўлдим. Чунки гўринг обод бўлгур ўша азамат манга жонажон қўшни, товоқдош улфат эди. Қишлоқда биринчи бўлиб у, иккинчи бўлиб ман шапка кийганман.

Ўшанда оёқда чориқ, устимда ямоқ тўн, бошда ола шапка билан кўрқмасдан уйга кириб бордим. Дадам аҳволимни қўриб, чайнаб қўйган ояқатини ютолмасдан сўррайиб қолди. Волидамиз қўлига оташкурак олиб, аккашни гузаргача қувиб чиқди. Шундан сўнг аламзада Идрис қоригаям зрмак топилиб қолди, афтимни

кўрди дегунча, муллалигини паққос унутиб, чапаничасига айниб сўка бошларди.

Шу зайл неча кун уйдан қувгин бўлиб юрдим, шаънимга кўп надоматлар орттирдим, лекин культурной револутся йўлида барига чидадим. Ўша йилларда Урайим-закўндан кам жабр тортган бўлсам, мани қасам уриб, соқолим туласб тушсин.

Ман бу гапим билан суратимни Урайим-закуннинг портрейтига эш-қўшлаб осиб қўй демоқчи эмасман. Локигин ўзингдан келиб, шундоқ қилган тақдирингдам сандан бир мири кетмайди.

Воҳ! Чунонам оғир даврлар эди! Биз ёш актиплар камсамўлларга эргашиб далама-дала кезиб юрадик, кетмончиларга газет ўқиб берардик, уларни калхўзга киришга ишқардик. Калтак еган пайтларимиз кўп бўлган. Кечқурунлари ҳаммамиз ячейкага тўпланиб, аввалига «Яша, Шўро»ни хиргойи қилардик, кейин шахматни билганлар дона суришарди, қолганлар пул тикмасдан, тўғрамнон ёки мева қоқига ошиқ отардик.

Бойваччалар кўпинча бизни йўлда пойлаб туришарди, улар билан охирги тишимиз қолгунча гажишардик. Оқбиликлар ўзи йўлига, таассуфки китоб кўрмаган батракваччалар ҳам улар тарафда туриб бизга мушт отганда жиг-бийронимиз чиқарди. «Суф санларга, каллаварамлар, — деб қичқирадик уларга, — контурларга сотилганинг учун эртага ячейкага опкелиб шунақанги боплайликки, токи опаларингни очиққа чиқарадурго бўлинглар».

Ман пакана бўлсам ҳам жуда хунук уришардим. Бир куни Ёдгорбой деганинг кепжа ўғлига такапўрма қилиб калла қўйган эканман, кўзи тепага битиб, оғзидан оқ кўпик келди. Шунда Урайим-закўн елкамга уриб: «Қойилман Аспанчик, сани бемалал камсамўлга қабул қилиш мумкин», деб юборди.

Ха, мани албатта камсамўлга олишарди, иш яхши томонга юриб турган вақтда ман гўёсхўр қандайдир чайқовчига ўзим билмаган ҳолда ёрдам бериб қўйиб обрўйимни ошқовоқ қилдим. Лодон эканман, ўшанда хушёр иш кўриб, камсамўлга текис ўрнашиб олганимда, ҳозир бозорма-бозор бўғриқиб юрмай, камида «Ўзбекбирлашув» нинг биронта идорачасини тебратиб турган бўлардим...

Аптабияграпияни тўхтатиб, асл муддаога ўтайин. Шу десанг, Жумавой ука, равотнинг ёнига битта ҳуж-

рача қуришга киришиб, пойдеворига минг дона күйдирілген ғишт босиб қўйдим. Қамхаржұ өлғиақұл бўлғаним учун қурилиш шу жойга келгандан таққа тўхтаб қолди. Агар малол келмаса, қишлоқдан чиққан дастлабки актиплардан эканимни ҳисобга олиб, камсамўлча шанбалик йўли билан манга беш мингтагина гувалак ётқизиб берсанглар. Баҳонада ҳашарчи камсамўлларга марҳум Урайим-закўн ҳақидаги хотирава-римдан гапириб, уларнинг кўзини мошдек очиб қўйган бўлардим.

Сандан ёрдам кутиб: собиқ ёш актип
Аспан-шапка.

15 афrel.

ШУВИТЮЗ УЛФАТ ЕКИ УЧИНЧИ АРИЗА

Мағалламизининг обрўли оқсоқоли Сулаймон полвонга шу мағалланинг собиқ чойхоначиси Аспан-самовардан

АРИЙЗАНОМА

Гузардаги чойхона эсингдами? Беданаларни осмачи-роққа тоблаб, тонг оттирадик. Жанг кўрган «полвон-ча»ларнинг тўрқовогига садаф қадатиб, сувдонига дўдана осиб қўярдик.

Хай-ҳай-ҳай! Бедана уриштиришда санга тенг кела-дургон жирракини учратмаганман, ютсанг — ютганинг, иш чаппа кетаётганини пайқасанг, қилдан қийиқ топиб тўпалон чиқарадинг. Ертегирмондаги катта олатасирда бир номард кўзингга бигиз санчиб, истарангга путур етказганидан ҳали-ҳали ачиниб юраман. Хотининг ҳам ўшандан кейин сандан кўнгилсиз бўлиб кетиб қолувди. Бунинг устига манам учинчи хотинимни талоқ қўйиб, прастўй-халастўй юрадим. Чойхона бизга ҳам рўзгор, ҳам хотин бўп қолувди. Э, садағаси кетай, деб қўяман баъзида, ўша кунларам бир давр экан — кунда бедана-возлик, кунда ошхўрлик...

Хай дариг, кейинчалик ўртамизга ола ит оралади. Эркакласига айтадургон бўлсам, ошначиликнинг бузилишига қўироқ ўзим айборман. Сан ғарибга нафо қилмаган ўша юэсиз хотинга уйланиб нима қиласардим

мен аҳмоқ? Ўзинг биласан, бу дардисар, ҳам аввал-гиларидаш беш баттар чиқди. Ҳалиям аҳвол шу — тиши тўкилсаям, тили тийилмайди. Тўрқовоққа сопқўйсанг, манаман деган «тезотар» ингни қочиради, хумпар. Шундан зап қутулиб кетгансан-да, ошна.

Омадинг бор экан, кам бўлмадинг. Фарғона канолини кавлашда қаёқданам назарга тушиб, кўп ўтмай, калхўзга бургадур бўлкетдинг. Пilonинг тўлавурди, сан семиравурдинг — ошхўрликда ёпилмаган қовурагларинг бургадурликда ёпилди. Номингни газеталарда кўриб қолсан бағоят қувонардим, бир йўла суратнингни қўшиб ёпиширишмаганидан афсусланардим. Кейин ўйлаб кўриб, суратга тушишдан ўзинг ийманган бўлсанг керак деб тахмин қилдим. Тўғри-да, бир кўзинг ожизлигини эл-юртга ошкор қилиб жинни бўпсанми?

Одамларга аралашиб маъқул иш қилган экансан, калхўз битта сигир етаклатиб сани пенсиёга узатди. Мана, охири тўйида беш пуд гуруч дамланадургон каттакон бир маҳаллага оқсоқол бўлиб ўтирибсан. Тутун чиққан жой борки, санга атаб алоҳида тугун тугиб қўйилади. Хайрият дейиш керак, маҳалладагилар инсофли, устингдан ёзадургон одам йўқ...

Эски қайсарлигинг қўэиб, «хўш, мақсадинг нима ўзи», деб сўраб қолишинг мумкин. Мақсадимни эпди айтаман.

Шу десанг, равотнинг ёнига меҳмону мусофиirlарнинг ҳожатини чиқарадургон бир ҳужра куришни кўпдан ният қилиб юардим. Илло вақти-соати келиб, шу иншоотнинг пойдеворига минг дона куйдирилган гишт бостириб, беш мингта гувалак юмалаттириб қўйдим. Ёлғизқўллик курсин, буёғига анчайин қийналаб қолдим.

Дўстим Сулаймонжон, агар малол келмаса, уаунҳовуз атрофида бехуда савлат тўкиб турган мирзатераклардан бир нечтасини худо йўлига кестириб берсанг. Бу — биринчиси. Иккипчи ўриндаги илтимосим шуки, уста Абдуқаҳдорни савоб ишга сафарбар этиб, ҳужранинг ёғоч-чўпини тиклатгач, эски қадрдонлик хурмати девор ҳашарига ўзинг бош-қош бўлмасанг, маҳаллада мани юз қилиб ҳовлимга қадам босадургон банда йўқ. Баҳонада бу анжумандан фойдаланиб, ҳашарга келган ёш-яланларга сан забардастнинг

калхӯа түзишдаги майда-чуйда хиаматларингни бўяб-бўрттириб гапириб берган бўлардим.

Сандан ёрдам кутиб: собиқ жонажон улфатинг Аспан-самовар.

19 мой.

ШОВВОЗ ИЗВОШЧИ ЁКИ ТЎРТИНЧИ АРИЗА

Қишлоқ ижроқўмининг раисаси ўртоқ Поччавага шу маҳкаманинг собиқ ходими Аспан-извошдан

АРИЙЗАНОМА

Мугузинг қайилгур Адовлип Гитлер қизил Московга лашкар тортмасдан бурун ҳозир сан бошқариб турган ана шу маҳкамада салкам уч йил извош минганиман. Буни сан билмайсан, раҳматли отанг биларди буни. У киши ўша пайтларда идорамиз яқинидаги мисгарлик дўконида тирикчилик қиласди. Гоҳида унга извошимни ювдириб, мўмай чойчақа берардим, шунда у «санга мандан қайтмаса, болаларимдан қайтсин», деб дуо қиласди. Фаришталар омин деган экан, мана энди санга ишим тушди.

У вақтларда извош миниш ҳозир шопирлик қилишдан ўн чандон оғир, юз чандон масъулиятли эди. Энди ҳамма йўллар асфал, мосинага ёғни қўйиб, искўрисини тўғри урсанг, айтган жойингга ғувиллатиб элтиб қўяди. Ман извош миниб итнинг кунини кўрмадим, мундоғроқ бўлдим. Байталлар қари, ем-хашак танқис. Бунинг устига, Махрамбойваччадан тортиб олингандан кейин яна ўттиз ташкилотнинг дарвозасини кўрган манжалаки извош кунда бир ишқал чиқариб туради дегин. Отбоқарам, извошчиям, слейсариям ўзим.

Бир куни десанг, қизим, райондан трактўрларнинг катта хўжайини кепқолди. Мошинасидан тушди-ю, келинаянгга бор, деб шопирини изига қайтарди. Бошида тўнғизтери шапка, қўлтиғида лўлаболишдек папка, белида наганбоп тасма, оёғида кавалериска хиром. Раисимиз тииззалағудек ахволда бориб қўш қўлини узатган эди, у бурун жийирганича кўрсаткич бармоғини чўзди. Бошқалар-ку, атрофда эмаклаб юришибди.

Ана шундай мартабали одам ҳам ман рўлавой бўлган извошга чиқиб ўтириди. Ёнида раисимиз. Улардан буйруқ олиб, байталлар бошини «Байналминал» калхўзига бурдим. Ўша даврдаги йўллар яёв юрганинг ичак-чавоғини аралаштирадургон аҳволда эди. Қирчиңдаги туяўркач йўлдан лўки-лўк бораётганимизда извош хунасанинг орқа гилдираги чиқиб кетса бўладими. Ана томоша-ю, мана томоша. Аввал меҳмон ағдарилиди, кейин хўжайиним. Ҳайриятки, раисимиз ўша куни ичмаган экан, ҳушёрлик қилиб, вақтида бошлиқнинг тагига кириб олди.

Қарасам иш чатоқ. Бошимни суннчиққа уриб қонатдиму, чала-ўлик одамдай миқ этмай ётавердим. Раис ўрнидан туриб, бурнидан лой қоқди. Катта хўжайин гандираклаганича келиб, ерда ётган гилдиракни тепди, «ҳе болонингга фалоним», деб сасиб қўйди. Бир кўзимни қия очиб барини кўриб турган бўлсан ҳам, ўша сулайганича миқ этмадим. Шунаقا қилмасам бўлмасди, замон нозик эди. Бошлиқлар истаса, янгироқ дўппи кийганинг қулоқ деб сургун қилвoriшарди...

У даврдаги гапларни гапиравурсанг, жабру жафонинг поёни йўқ. Ҳартугур мақсадга ўтайлик, қизим. Қариганда бошпанага зориқиб, равотнинг шундоққина ёвига тўққиа тўсинли бир ҳужрача қурган эдим. Пойдеворига минг дона қуидирилган гишт босиб, синчига тўрт арава ёгоч, деворларига беш мингта гувалак харжладим. Елғизқўллик қурсин, томни ёпишга келганда ҳамёним бужмайиб қолди. Агар малол келмаса, оғир замонларда ижроқўм юмушларига камарбаста турганинни ҳисобга олиб, томимни истандартнўй тунука билан ёпиб берсанг. Баҳонада том ёпадургон усталарга ҳукуматимизнинг меҳнаткашларга қилаётган одамгарчиликлари ҳақида гапириб, уларни сиёсий томондан анчайин пухталаб қўйган бўлардим.

Сандан ёрдам кутиб: ижролқўмнинг собиқ
ходими Аспан-извош.
28 иййун.

ҚИЗИЛҮРДАДА ЯРАЛАНГАН АСКАР ЕКИ БЕШИНЧИ АРИЗА

*Район ваянкаматининг каттакони патпалкүм-
ник Назарипга собиқ прантовой саллот Аспан-
ярадордан*

АРИЙЗАНОМА

Издравия жилаю, таварриш камандир! Мани тани-
масалар таниб қўйсинглар — собиқ прантовой саллот,
ҳозир маҳаллада ўзига яраша обрў ортирган бир граж-
дон ўзларига хат жўнатиб турибди.

Ман десангиз уруш бошланган дастлабки кунлар-
даёқ ижроқўмдаги ишимдан тезда бўшаб олиб, қачон
армияга чақиришаркин деб жоним ҳалак кутиб юрдим.
Ҳар куни пўштачининг ёқасини гижимлайманки, ман-
га повуска борми, деб. Ахийри қаторга қўшишмагани-
дан, қаттиқ ўпкалаб, саёҳат қилмасам бўғилиб ўла-
дурган даражага етдим. Кейин билсам, уйдан чиқи-
ман-у, орқамдан повуска келиб ман гўсхўрни доғда
қолдирибди.

Саёҳат — ўз йўлига. Очдан ўлмаслик учун
йўл-йўлакай мардикорчилик қилишгаям тўгри келди.
Шу тариқа йиллар ўтганини билмай қолибман. Бир
куни мани Марғилонда тутиб олишиб, сан дизертурсан
дайишса бўладими? Ким дизертур, деб улардан баланд
сапчиган бўлдим. Сан қўлимга аптамат бер-чи, ман
ўша пашистни нима қиласкинман, дедим. Қани кўра-
миз-да, дейишиб аккашни урушга жўнатишиди.

Вагўнда кетялману бироннинг қовунпоясига капа-
тиккан душмонни ўйлаб зардам қайнайди денг. Отанг-
дан қолган ўрмонингда қўзиқоринингни йигиб юра-
вермайсанми, зоти наст, деб куюнаман. Тўгри-да, тили
бошқа юртда пошшо бўлганингдаям, бари бир силқин-
дилигингча қолаверасан.

Ман аламзада қачон пронтга бориб бўмбабоз само-
лёт минаркинман деб вагўннинг томида бетоқат бо-
ряпганимда хачирдан тараган паравўзимиз Қизилўрда-
да таққа тўхтаганича туриб қолди. Бир темирийўлчи
мастрвойдан: «Што такўй, вей?» деб сўрадим. Мастр-
вой илжайиб қўйиб, «твой уже апаздал», деб ўтиб
кетди.

Қарангки, красиўй армия биз кетаётганимииздан бе-

хабар яна қаттиқ урушга кириб, Гирмоннинг пойтахтини қўққисдан олиб қўйибди. Душмонга осмондан бўмба ташлаш ман шўрликка насиб бўлмади.

Иккинчи томондан, саллотларимиз урушда ютганидан суюндим. Қопчиқдаги ёнғоқларимни вокзалдаги мусофирларга арzonроқ тарқатворақолай деб вагуннинг томидан сакраганимни биламан, шошилишда истрелканинг устига тушиб, оёқни тарашаёриш қилдим. Ҳушимга келиб қарасам, атрофим тўла дўхтири.

Хулласи қалом, Адовлип Гитлернинг аҳмоқлиги туфайли соппа-сог оёғим уч жойидан дара кетиб, иккинчи грубий инвалит бўлиб қолдим. Аммо бекор ётгим келмай, мана неча йилдирки, бозор-учарларга жамоатчилик асосида аралашиб, совет меҳнаткашларининг ҳожатини чиқариб юрибман...

Майли, муддаога ўтайлик. Ман нотавон равотнинг шундоққина ёнига тўққиза тўсинли хужра солиб, томига истандартнўй тунука бөслан эдим. Ҳужранинг олд томони очиқ, атрофида дераза йўқлиги туфайли баанини гаражга ўхшаб қолди. Агар малол келмаса, ҳукуматнинг бус-бутунлиги йўлида чап оёғимни пачоқлаганимни ҳисобга олиб, ман ватанпарварга битта «Запарожия» деган лўқкавой мошинани раҳматнома қилиб беришингизни сўрайман. Баҳонада ана шу машина билан бошқа районлардаги бозорларгаям етиб бориб, давлатимизнинг пронтавойларга кўрсатаётган каттағамхўрликлари тўғрисида даллолу харидорларга гапириб берган бўлардим.

Сиздан ёрдам кутиб: собиқ пронтавой саллот

Аспан-ярадор.

4 авгу.

РАЙСОБЕСГА ПЎПИСА ЁКИ ОЛТИНЧИ АРИЗА

Райсабзининг бошлиғи Алайдин Салайдинип-
га ҳукумат учун катта хизматлар қипқўйган Аспан-ветерондан

АРИЙЗАНОМА

Ман ким — қишлоқда биринчи кашшоф, биринчи камсамўл бўлиб юриб, кейинчалик «Қизил чойхона»га мудирлик қилиб, ундан сўгин қишлоқ ижроқўмига

масъул ишга ўтиб, охири Гирмон уришидан фахрий чўлоқ бўлиб қайтган юртпарвар инсондурман.

Замон ўзгариб, домлалар қўлига гаврон олмайдургон бўлгандан кейин ҳам талай батракваччалар мактабга боришдан безиллаб юраверди. Шўрога зеҳни ўткир, китоб кўрган кадрлар зарурлигини қишлоқда биринчи бўлиб ман тушундим. Кўйлагим йўқлигини баҳона қилиб ўтирмай, эгнимга ўз ихтиёrim билан қоп кийиб ўқишига қатнай бошладим, кашпоф бўлдим. Ана ундан сўгин бошқа болалар мандан ўрнак олишиди.

Ман камсамўл бўлган пайтларимдаям давр бежо эди, иштонбогингни попуги қизгишроқ бўлса, сани болшибекка чиқариб уйинигга ўт қўядургонлар топиларди. Қўйнидаги носқовоқни юрак дегучилар ўаича ғўдайиб юраверсин, гапни мандан эшит, ука: мана санларга културной ревалутся дедим-у қишлоқда биринчи бўлиб шашка кийдим. Энди бошга тушган кўргилардан сўрасанг, онам оқ қилмадиу мундогроқ бўлди, Идрис қори каминангни нималар деб сўканини очиқ ёзадургон бўлсам, уятдан қогоз қизаради.

«Қизил чойхона»га мудирлик қилган вақтимда давлатга янада кўп фойдам тегди. Орқамиздан ола боқиб, пинҳон жағ силаб юрган контурлар ҳалиям топилиб туришига қарамай, ман Маркс бобойнинг журнолдан қирқилган суратини чойхонанинг тўрисига илиб қўйишдан қўрқмадим. Бундан ташқари ҳар хил газеталарни хонтахталарга ёйиб, ташвиқот ишларини олдирдим.

Кейинчалик мани қишлоқ ижроқўмига масъул ишга ўтказишиди. Ироқўм раиси иккаламиз извошга чиқиб олиб, кечани кеча, кундузни кундуз демай калхўама-калхўз изғиб юрардик. Паҳтани ўтга бостирган ялқовлар билан ўша жойнинг ўзида ёқалашиб қолардик. Чунончи, бундайларга хайфсан бериш учун мажлис чақириб ўтиришга вақтимиз йўқ эди.

Тобора обрўйим ортиб бораётган бир пайтда Гирмон пашистларининг лашқари каршай-сурнай билан усти-мизга ёпирилиб келаётганини эшитиб, уларни бағоят ёмон кўриб қолдим. Белни қирқ жойдан тугиб, ишимдан шартта жавоб олдим. Э пашист, санки ўзинг ёмонликни бошлабсан, энди мандан хафа бўлма, деб дабраволиска бўлиб урушга кетдим. Оёғим синсам юрагим бутун қолиб, енгилмасдан қайтдим.

Сан нимани кўрибсан, ука? Омадинг бор экан, яхши

замонда туғилиб, баҳмал күрпада катта бўлдинг. Мактабдаям, институтдаям сани текин ўқитиб, тагингга пуржинали курси бериб қўйган экан, давлатимизга раҳмат дегин. Ана шундай одамшинаванда давлатни куришга жонини тикканлардан биттаси ман бўламан...

Муддаога ўтадургон бўлсак, кўриб турганингдек эл юртга кўп Фидойилклар қилган рустамзодаларданман. Йўқса, манга бепилиска гараж қуришиб, бунинг устига гойибдан «Запарожиз» мошинасини бериб қўйишмасди. Сан ана шуларни ҳисобга олиб, манга бериладургон пенсиёни ошириш чорасини кўр. Ҳозирча область аҳамиятига молик деб расмийлаштиранг ҳам майли, республиканикни кейинроқ гаплашамиз.

Сандан ўн кун ичида жавоб олмасам, устингдан тепароққа ёзишга тўгри келади. Пухта ўйлаб ол, ука-

Сандан жавоб кутиб: ҳукумат учун
катта хизматлар қип қўйган Аспан-ветерон.

30 девкабур.
1977—1979.

МУНДАРИЖА

ДАРДИНГНИ СТАДИОНДА АЙТ

Маданий зўравонлик	6
Минг сўмлик пўстак	9
XX аср талончилити	12
Дардингни стадионда айт	15
Нишон буқоқ ва ритмик гимнастика	17
Ошқовоқсиз сатира	19
Ресторанда танишганлар	21
Шумқадам	22
Қайдасан, милиция?	24
Тутунфуруш	25
Унинг қувончи — менинг севинчим	27
Ола-була шарф	28
Шунисини танласаммикан?	31
Қийғиракнинг шамоли	31
Совиган кўнгил	33
Тўнни тескари кийиш	34
Касофати темиртак	36
Шубҳа	40
Импортний йигит	41
Зидботирдан бошқаси топилади	43
Менга тил ўргатмоқчи бўлишгани	43
Қишлоқи	46
Ерликлар	47
Даволаниш	49
Шомурод ҳасиб фурушнинг футболга боргани	49
Байрам интервьюси	52
ТошвойТАГ	55
Одамгарчилик	57
Пўрисанинг оғирлиги қанча	58
Чашмадром	60
Чакалакаор афсонаси	61
Пойтакдагилар	63
Ушанинг эримикан?	64
Уста Гулматпинг жумбоги	65
Мероскўр	68
Қувиш	71
Мақоласиз сарлавҳа	72
Ёш адабиётшуноснинг Мирақанд найнов билан сұхбати	74
Эз, лаънати омбор	76
Қўргазмали ташвиқот	78
Тўғон Такаевнинг қошиқбози	78
Ашур билан Мадиёр	81
Кемага тушганинг жони бир	85
Ҳалокатдан асрорчилар	85
Сўлим хиёбонда	88
«Ҳемма Малина»	89
Бақаларнинг нияти бузук	95
Робинзон Крузо ким?	96
Хиаматчиликда, хиаматчилик	98

Эх, шўрлик эркаклар!	99
Антиқа аризалар	100
«Шоввоз спортчи»лар ҳәётидан	102
Аёллар ва хаёллар	104
АДАВИЙ ШЕРКАТ	
Кооператив шеър	106
Кооператив шеърхонанинг кирим-чиқим дафтаридан Бу оламда ҳамма қизиқчи	112
Олтиарик хангомалари	122
ҚАНДИНГНИ УР, МИРЗАҚАНД!	

Сотти сатанг ҳәётидан	169
Мирақанд найновлинг ҳасратлари	182
Аспан Атторнинг аризалари	194

**Адабий-бадий нашр
Литературно-художественное издание**

На узбекском языке

Анвар Абиджан

ЗЕМЛЯНЕ

Юмористические рассказы

**Мұҳаррір АСАД ДИЛМУРОД
Мұсаввир А. ФУЛОМОВ
Техн. мұхаррір Ж. НОДИРОВА
Мұсақхұқ С САЙДАЛИМОВ**

ИБ № 2697

Босмахонага берилди 25.12.89 Босишигъ рухсат этилди 04.05.90. Р — 07760. Формати 84×108¹/ 32. 2-босма қоюға «Обыкновенная» гарнитурда оғеет босма усулида бослады. Босма л. 6,5. Шартты босма листи 10,92. Нашр листи 10,08. Шартты кр.-отт. 11,76. Тиражи 30000. Буюртма 2404. Шартнома 124—89. Бағосы 65 т.

**Ўзбекистон Марказий Комитети «Ёш гвардия» нашриёті
Гоништ., 700113, 8-маяккала, Қатортол күчеси, 80.**

**Ўзбекистон Компартияси Марказий Комитети нашриётининг Мекнат
Кизни Байрок орденли босмахонаси, Тошкент «Правда» газетаси, 41**